

LOST CHILD

WRITTEN BY

MADUBE CHISHONGO

0777026923

CHITSAUKO 1

Muzasi me rwizi Munyamato munyika ma mambo Mutasa mainzwika kacheche kaichema, kainzwika kuti hapana arikunyaradza.

Mbuya Gora vaidzisira havo materu vachienda kurwizi kunochera mvura ne chirongo chavo, ndipo pavakanzwa mwana aichema.

Vakamira ndokuti nzeve kwangwa kuda kunzwa kuti ndizvo here zvavainzwa kuti muzasi merwizi mune kasvava kaichema.

Vakashamisika kuti rungwanani runo ndiani ainge afumira kuzochera mvura nekasvava, nguva zvhinji ndivo vaiziikanwa varivo vanotanga kunochera mvura.

Vachisvika parwizi

Mbuya Gora vakatanga kudududza vachiona kamwana kainge kakarariswa mujinga me rwizi, mwana uyu ainge akaputirwa ne mucheka akawaridzirwa mashizha pasi.

Mbuya Gora: Vanhu vemudunhu rino vatotanga mashura mukati gore rino mvura inonaya, ndiani aita hutsinye kusiya kasvava kakadai"

Mbuya Gora vakambofunga kusiya kasvava kaye moyo ukarwadza.

Vakadzokera ndokukatora ndokunanga kumba kwavo vachinosiya chirongo chavo chemvura ndokubva vafunga kuenda nako kumuzinda.

Garidzo rinova jinda guru ramambo Mutasa rakachingura Mbuya Gora vachipinda mumuzinda.

Garidzo; Mbuya Gora tokubatsirai nei kwamafura kuseni kwakadai"

Mbuya Gora: Mhukahuru mamukasei zvakaoma

zvatoitirwa mumana umu, ndinokumbirawo kuona mambo ndasangana neshura iri muzasi merwizi saka ndaona handingaiti zve musoro wangu ndisina kusvitsa kuvakuru venzvimbo"

Garidzo:Zvakanaka regai ndisvitse shoko"

Garidzo akaenda pamusuwo wamambo ndokugugudza ,mambo se munhu anga achangowana umwe mukadzi vaivaraidzana havo ne svovi yavo, mukadzi wake mukuru ainge angozvara hadzi dzoga zvinova zvakamushungurudza kuti ndiani achazogara pachinzvimbo chavo.

Mambo vachinzwa mashoko agaridzo vakabva vamuka ndokuenda padare.

Mbuya Gora: Changamire wangu ndati rungwanani rwuno ndichienda kurwizi kunochera mvura ndasangana ne kasvava aka kakasiwa mujinga merwizi, zvino moyo wangu warwadza kukasiya karikoga ndakati ndiuye nako ndiratidze vakuru ve nzvimbo"

Mambo Mutasa:Zvichireva kuti mwana uyu araswa here?

Mbuya Gora: Hongu mambo wangu"

Mambo Mutasa:Ini zve mashura mudunhu mangu handide ,mwana uyu kana araswa zvoreva kuti kunyange vadzimu vamuramba dai mamusiya adyiwa ne makarwe"

Mbuya Gora: Mambo wangu sekuona kwangu mwana uyu asiiwa kuti awane rubetsero nekuti ainge akaputirwa zvakanaka kuti asapindwa ne chando ,ndoona sekuti mai vake pane chaitika chikuru chaita kuti vasamuchengeta chakakosha"

Mambo: Zvino ini zvakadai ndinouraya mudunhu mangu handidi zvinozondinetsa mangwana, kana muchikwanisa imi torai muchengete"

Mbuya Gora: Mazvita mambo wangu nekudzora moyo wenyu ndichachengeta kusvika ayaruka vadzimu vandipa rimwe zai sezvo vangu vakaperera kuhondo"

Mambo: Mwanai ?"

Mbuya Gora: Mukomana "

Mambo: zvakanaka "

Mambo vakasimuka padare vombotenderera mumuzinda vachifunga kuti ndiani aita hutsinye wekurasa mwana mukomana iye aimutsvaka achishaya.

Mambo Mutasa vainge vasina kunyanya kukura zvakanyanya ,vainge vaine vakadzi vaviri, wekutanga Manyara ainge ane vana vatatu vasikana vega, wechipiri ainge ave ne mwedzi minomwe varoorana.

Mambo Mutasa vainge vane moyo wakaoma sedombo, vaisada zvisina basa mberi kwavo, kazhinji waitonga ne demo.

Vanhu vemunharaunda make vaiziva kuti mambo wavo haazezi kukanda pfumo kana vatsamwa, aive munhu aityiwa zvekuti.

Mbuya Gora vakabva vachipembera kuti vadzimu vavarangarira nekuvapa umwe mwanakomana ,vakabva vazviudza kuti vachamuchengeta kusvikira murufu.

Mbuya Gora se chirikadzi vaigara voga, vanakomana vavo vaviri vainge vatsakatikira kuhondo vakasara vangove zinyarimwe.

Vaigaro chema nekutuka vadzimu kuti sei vakavaramwa zvakadaro ,zvino musi uyu munamato wavo wainge wapindurwa.

Se munhu aive ne mombe dzake mbiri handzi dzaive dzabereka vakabva vatokamira kazukuru kavo mukaka vachikapa, vakabva vakatumidza kuti Mandinzwa.

Kupera kwe Chitsauko 1

**\*LOST CHILD\***

**\*WRITTEN BY\***

**\*MADUBE CHISHONGO\***

0777026923

**\*CHITSAUKO 2\***

Mbuya Gora vaifara vachiona kazukuru kavo kachikura , vaiti vakakatarisa vaiona vazorodzwa pakufunga vanakomana vavo.

Mandinzwa ainge ave ne makore gumi kubva zvavakamunonga kurwizi ,iko hakuna kana kuzongoita runyerekupe rwekuti kuziikanwe ainge arasa mwana.

Mambo Mutasa vainge vachipembera kuti mukadzi wavo wepiri kuti ainge amubarira mwanakomana waaishuvira mupenyu hwake.

Mushure me mwanakomana akazozvara vamwe vasikana vaviri akasunga mbereko.

Mukadzi mukuru nekuona mukadzinyina wake azvara ne vanji akabva amera godo ndokutakura imwe nhumbu yaakabereka zvekare mwanasikana ndokumutumidza kuti Zvikoni vachibva vasungawo mbereko.

Mandinzwa chainge chatova chikomana chinotevera vamwe kunoredza hove ne kukuzva , misikanzwa yaive pamusha , mbuya vake vaingo zvisimbisa kuti kukura achachinja hake.

Vanhu vazhinji vaiuya vachipopota kuti muzukuru wavo arova vana vavo, Mandinzwa ainge atova bhuru munzvimbo vezera rake vaisati pwee paari.

Vamwe ndovaiti atorera vamwe vake hove dzese dzavaredza akavapa matatya, mbuya vake vaisazviramba nekuti bhuru rainonekwa ne mavanga, kana dziri sehove vainge vaneta nadzo.

Musi uyu vainge vakatogara pamuvhuri vachishara nzungu dzavo dzembeu, Mandinzwa ainge aenda kurwizi ne vamwe.

Mbuya Gora vakashamisika vachiona vasikana



vanofamba na mambokadzi vachisvika pamusha pavo, vachitarisa mumshure mavo vakaona hosi yamambo ichisvika vakabva vaziva kuti hakuna kumira mushe.

Mbuya Gora: Mambokadzi matitsika nhasi kutsvene hako"

Mambokadzi: Mambo vainge vareva kuti mwana wekuraswa haatenderwi kurarama, zvino ndakuzviona nhasi kuti takaresva kumuchengeta kwatakaita mudunhu redu"

Mbuya Gora: Muchirevei nhai mai venyika ino"

Mambokadzi: Mwana wako wawakanongwa akuvadza Zvikoni gotwe ra mambo zvino hameno muchairipa nei"

Mbuya Gora: Nhai vadzimu vangu mandirasireiko ,ko iye Mandinzwa asangana

kupi ne mwana wa mambo iye achigara akachengetedzwa"

Mambokadzi; Sarudzai udza mbuya iyi zvaita muzukuru wavo "

Sarudzai:Pamusoro Mhai, Zvikoni akumbira kunogezera kurwizi, mambokadzi vakatenderana nazvo, zvino ati akupedza kugeza ndokunzwa munhu apotsera dombo ,Mandinzwa abva asvika achimhanya pana Zvikoni ndokusvika ndokumupinga akadonha akarovera ne mhanza yake ikatsemuka"

Mbuya Gora: Mai vangu chimbwa iwe"

Mambokadzi: Ka zukuru kenyu katova kudare motevera"

Kana ukagara ne munhu ane moyo wakasindimara kwe nguva yakareba newewo

unobva watoitawo mweya wakaipa.  
Ndizvo zvainge zvave mambokadzi ,vainge  
vatopindwa ne mweya mambo wekutonga ne  
demo.

Mambokadzi vakabva vafuratira ndokudzokera.  
Mbuya Gora vakabva vasimuka ndokurongedza  
mbeu yavo ndokutevera kumuzinda.

Kurwizi Mandinzwa aitamba ne shamwari dzake  
vachiita mutambo wechihwande hwande.  
Mandinzwa haana kuziva kuti ainge avanda  
paduze ne paigezera mwanasikana wa mambo.  
Shamwari dzake dzakabva dzapotsera paaive  
ndokusviko denha mago aive mugwenzi raainge  
akavanda ndokurumwa nawo.  
Mwanakomana akatanga kuita mutamba mhuru  
akananga kurwizi ndokusvikowira pamusoro pe  
mwanasikana wa mambo.

Mandinzwa achizviona akabva atanga kutiza asi  
haana kure kwaakasvika ainge abatwa ne  
vasikana vaichengetedza Zvikoni.

Mandinzwa kakazvizvurudzwa achiendwa naye kumuzinda, Zviko ainge aberekwa na Sarudzai.

Mbuya Gora vakasvika padare ndokuwana muzukuru wavo achiratidza kuti ambochema.

Mambo:Mbuya Gora ndiwo mabasa amakatitsvakira mumuzinda zvino muchatii ne zvaita muzukuru wenyu"

Mbuya Gora :Ndine hurombo Samaita vana havanzwe ava ndokumbirawo tsiye nyoro ishe wangu"

Mambo: Mambokadzi hezvo njiva ndeyako tonga tinzwe"

Mambokadzi: Mandinzwa achacherera mwanasikana wangu mvura yekugeza kurwizi kusvikira abve zera akubuda munusha uno

achinoroorwa ndiwo mubairo wake anochera kaviri pazuva kuseneni ne zuvarovira"

Mambo: Mazvinzwa Mbuya Gora, modzidzisa muzukuru wenyu kugara zvakakanaka, munhu wekunhongwa haafaniri kukunetsai ,makatoita tsiye nyoro dai makarega akadyiwa ne makarwe."

Mbuya Gora vakarwadziwa ne mubairo wakapiwa muzukuru wavo, Zvikoni wacho ainge achiri mwana ane makore matanhatu zvichireva pane makore akawanda achicherera mwana wa mambo mvura yekushamba.

Mandinzwa kubva achikura ainge asina kuudzwa kuti ainge ari munongwa.

Mbuya vake vainge vamuudza kuti vabereki vake vakashaika.

Mandinzwa achibva kumuzinda ainge adzamisa pfungwa nekuda kwemashoko a mambo.

Mandinzwa akabva azviudza kuti haachafanire kuita misikanzwa, akazviudza kuti achamira na mbuya vake vakamuchengeta ne kumunhonga. Rudo rwake kuna Mbuya vake rwakabva rwawedzera.

Mandinzwa: Mbuya ndokutendai nekundinhonga kwamakaita, dai rusiri rudo rwenyu ndakafa ndichiri kasvava, ndichazama kukufadzai mbuya vangu pandinokakanisa mundidzore"

Mbuya Gora vakachema ne mufaro vaifunga kuti zvichavanetsa kuzoronedzera muzukuru wavo kuti ainge ari wekuraswa.

Mandinzwa:Mbuya musacheme, kubva nhasi ndave mwana kwaye, ndichazama kuita zvarehwa na mambokadzi "

Mbuya Gora:Wochirega kurovana ne vana vevanhu rimwe zuva ucharoyiwa ,se vazukuru va mbuya Garwe havarohwi unoiswa muromo padivi"

Mandinzwa: Ndazvinzwa mbuya , asi simba riri mandiri ndoda kuzoita muvhimi uye murwi mukuru"

Mbuya Gora; Ndimi vezera ra Tapiwa nevanji wamambo ukashanda ne simba kana akazoitwa mambo ndimi muchava machinda ake"

Mandinzwa: liii iniwo zvangu munongwa ndingadiwa wani"

Mandinzwa kubva zuva iri ainge achinja, nguva zhinji ainge oswera musango achiteya shiri,zvino Mbuya vake vainge vomutyira nezera rake kuti achiri mudiki zvekupinda musango.

Kumuzinda aienda ne chirongo chake kuseni ne manheru, Zviko aigeza makuseni ne manheru,

chake aingonanga pekunoisa mvura odzokera.  
Musi uyu ainge anonoka kumuka kuti aende ne  
mvura.

Akabva achimhanya kumba akananga kurwizi  
ndokuchera mvura yake ndokunanga kumuzinda.

Zviko ainge oziva nguva dzake dzekugeza,  
akabva amuka ndokuenda muchigezero  
ndokuwana musina mvura akuda kubuda ndiye  
dhuma dhuma na Mandinzwa achisvika ne  
chirongo che mvura. Akabva akotama  
ndokuwisa chiso ,ziso raipota richibiridzira  
kutarisa chiso che mwanasikana sezvo kaive  
kekutanga kunatso sangana nekutaura vese.  
Akabva asangana ne vanga raive pahuma.

Mandinzwa: Ruregerero mwanasikana wa  
mambo ndatinonokei kuuya ne mvura yenyu"

Zviko: Hazvina kuipa asi ndiwe unondiisira mvura  
yekugeza"

Mandinzwa: Ndini hangu"



Zviko:Zvakanaka simuka hako uende"

Mandinzwa haana kuzomira akabva achimhanya achipembera kuti ataura ne mwanasikana wa mambo.

Kupera kwe chitsauko 2

[05/31, 4:07 PM] +263 77 702 6923: Follow this link to join my WhatsApp group:  
<https://chat.whatsapp.com/C1SL7F42zde4ZxgFYHLNto>

Follow this link to join my WhatsApp group:  
<https://chat.whatsapp.com/GyArludV0oA4ifBXIoljAd>

**\*LOST CHILD\***

\*WRITTEN BY\*

\*MADUBE CHISHONGO 錦\*

0777026923

\*CHITSAUKO 3\*

Mbuya Gora vaiona kukura kwe muzukuru wavo  
zuva ne zuva, kusango kunovhima aisarega.  
Dzakatanga kuuya dziri shiri, tevere  
mbira,ikezvino kwainge kwouya tsuro.

Mugota make mainge mazara miseve  
yaaigadzira ega.  
Pamba pavo painge pane imbwa mbiri  
dzimhanya dzaishura, pamba pavo painge  
pasisasvikike zve mhanga mhanga.

Kucherera Zviko mvura haana kurega.  
Zviko chainge chatova chii mhandara  
chabubudza mazamo.  
Kuuya kwaiita Mandinzwa kumba kwavo ne  
mvura vakapedzisira vakuwirirana.

Mandinzwa rainge rave jaya chairo rekuti chero  
kuisa mukadzi mumba zvaisaramba, zvino  
mudunhu ravo murume wese aifanira kutanga  
anodzidziswa kurwa asati aroora, kana  
akangobudirira aibva apiwa mvuno yekuroora.

Zviko:Mandinzwa ne zvawave hazvichaite  
urambe uchindicherera mvura, tarisa pamuzinda  
pano panowanikwa mvura ndozviisira ndega"

Mandinzwa: Iii Mukunda wa mambo makuda  
kundiisa mumatambudziko ,ndinofanira kuripa  
matadzo angu"

Zviko:Wakambonyanyo tadzeiko Mandinzwa?"

Mandinzwa: Vanga riri pahuma yako ndini ndakakudonhedza kurwizi uchiri mwana mudiki, saka ndinofanira kukutekera mvura kusvikira waroorwa"

Mambokadzi:Mandinzwa kana ndakakupa basa hazvirevi kuti ndakuti uchitaura ne mwana wangu"

Zviko: Mhai hamuone kuti hazvichaite here ne zera ra Mandinzwa oramba achindicherera mvura yekugeza"

Mambokadzi:Kana wave iwe wakutonga pano chindiudza"

Mandinzwa: Ruregerero Mambokadzi ndichaziva pekugumira"

Tapiwa Nevanji wa mambo rainge ratova jaya, aive mwana ane moyo munyoro sa mai vake,

akakura achiona kushungurudzwa kwaiitwa mai vake na mai vakuru saka zvakabva zvamubaya moyo, akabva azviudza kuti paachatanga kutonga aida kuzoita moyo munyoro aisada kuzoshungurudza vanhu uye akabva avenga chinonzi barika.

Nguva yesei aiona zvaiitwa na Mandinzwa akamunzwira tsitsi.

Musi uyu akazvipira kutaura naye.

Pakabva Mandinzwa mumuzinda akawana mwanakomana wa mambo akagara panzira yaaipfuura nayo, akatsveta chirongo chake pasi ndokuwisa chiso.

Mandinzwa: Mwanakomana wa mambo munokudzwa makadii?"

Tapiwa: Mandinzwa uri mukomana akangwara,ane hunhu ,anorukudzo,ane simba uye ane shungu mwanakomana wa mambo akufarira "

Mandinzwa: Iniwo munhongwa kudiwa ne mwanakomana wa mambo ndaitei hangu?"

Tapiwa:Chiri mauri ndicho chandafarira ,ramba wakadaro"

Mandinzwa ndotenda ishe wangu"

Tapiwa:Mwedzi uno uchigara ndirikuendeswa musango kuno dzidziswa kurwa hondo ndichataura na mambo tigoenda tese"

Mandinzwa akanzwa kufara aiziva kuti paidzidziswa mukomana wa mambo zvakatosiyana ne madzidzisirwe aiitwa vamwe, mwana wa mambo aidzidziswa zvakaoma sezvo aizotonga achirwisana ne mhandu.

Mandinzwa aiita kufamba achinzunzutira kuri kumhanyira kunoudza mbuya vake shoko rinofadza raasangana nharo, Mbuya Gora mufaro wainge wogara uri mumusoro nekuda kwe mwana wavakapiwa nhamo yavo yese yainge yapera asi vanhu havana chakanaka vainge vonzwa shanje nekuchengetwa kwaiitwa

Mbuya Gora na Mandinzwa.

Mandinzwa:Mbuya mbuya murimo here?"

Mbuya Gora: wapiweiko kumuzinda kwawabva ne mufaro"

Mandinzwa: Mbuya ndiniwo ani mbuya ndarangarirwa ne mwanakomana wa mambo"

Mbuya Gora: Wanzwei ko muzukuru wangu ndanzwa ne mudongo dongo"

Mandinzwa: Kwanzi ne mwana was mambo kugara kwe mwedzi uno arikuenda kunodzidziswa kurwa saka ati anoda kuenda neni "

Mbuya Gora: Mai vangu chimbwa iwe,iwe ndiwe aniko Mandinzwa wasarudzwa na nevanji wa mambo, nemazivire andinoita mambo

havambobvume ne mavengero avakakuita ne mukadzi wake mukuru"

Mandinzwa: Ndinenge ndichiona mbuya"

Mbuya Gora havana kuzoda kutaura zvakawanda asi vaiziva kuti mambo ainge akavenga muzukuru wavo zvese ne mumvuri wake nguva zhinji vaishuvira rufu rwake.

Tapiwa zvaakasvika kumuzinda akanang padare paive na baba vake aida kuvaudza zvekuda kuenda kwake na Mandinzwa kunodzidziswa kurwa.

Tapiwa: Mambo wangu "

Mambo: Mufaro wandiinawo nanhasi wautsanangurike, ndinotenda vadzimu vakandipa mwanakomana izvezvi dai ushe wangu wotorwa ne vamwe"



Tapiwa: Vadzimu havaisiya humambo  
huchibuda mumaoko edu, asi se mwana wa  
mambo ndine chichemo"

Mambo:lvhiyeyi tinzwe Samaita"

Tapiwa: Mukutenderera mudunhu redu  
ndakaona jaya rimwe chete randingaenda naro  
kuno dzidziswa kurwa"

Mambo: Ndiani hake afarirwa ne mwanakomana  
wa mambo?"

Tapiwa: Ndinoda kuenda na Mandinzwa"

Mambo:Washaya here umwe wakuenda naye,  
unoshoresa dunhu redu nekuenda ne mwana  
akanongwa asingazive mutupo wake kunyange

dzinza rake tomudetembera tichitii,mwana akaraswa akarambwa kunyange ne vadzimu."

Tapiwa: Ndipo padiwa ne moyo wangu "

Mambo: Kana usati wawana umwe zvirinane urege kuenda uende gore rinotevera"

Mambo vakabva padare vatsamwa, vaisada kunzwa zita rekuti Mandinzwa waitoshaya kuti vainge vakamuvengerei chaiko, vaiti vakamutarisa vaidemba zuva ravakatendera kuti Mbuya Gora vamuchengete ,vakademba kuti dai vakangomupfuudza musi waanhongwa.

Nevanji wa mambo hazvina kumushamisa kuramba kwakaita baba vake kuenda na Mandinzwa nekuti aiziva kuti vakamuvenga, zvino akabva afunga zano rekuudza mai vake vagoudza mambo nekuti kubva zvavazvara Tapiwa ndivo vaive pamoyo wamambo.

Mai vake vakamuvimbisa kuzotaura na baba vake, uye vairwadziwa ne upenyu hwa Mandinzwa.

Mandinzwa haana kurega kuendesera Zvikoni mvura yekugeza, hushamwari hwavo hwakaramba huchikura ne kukura kwavaiita ,zvinova zvakapa vaviri ava mifungo isiriyo.

Musi uyu Zvikoni aitenderera zvake mumuzinda wa baba vake aisave musikana anoda kuchengetedzwa zvakanyanya uye ndiye yaive tsvarakadenga kudarika vakoma vake vese zvinova zvakaita mambo na mambokadzi vafunge kumuroodza kuna mambo wedunhu rekwa Nyati ,mambo aive ne hupfumi hunotyisa. Mukutenderera kudaro ndipo paakanzwa hurukuro yababa vake ne hanzvadzi yake.umwe moyo wakafara nekusarudzwa kwakaitwa Mandinzwa na Tapiwa asi umwe wakasuwa kuti aizomuonepi nekuti vaizatora inenge mwedzi mitatu vari musango.

Mwanasikana haana kurara dzinouya akangorara achishanyarika kusvika kwaedza.

Kuchingoedza akabuda mumuzinda zvisina akaona ndokuteedza nzira inoenda kurwizi nekuti aiziva kuti ndiyo nguva inouya Mandinzwa ne mvura.

Zviko akasvika ndokuwana Mandi akagara padombo akabata shaya yake, Zviko akanyahwaira achisvika ndokumuvhara kumeso. Mandinzwa akavhunduka ndokubata ruoko ndokuwisira Zviko pasi achibva amugara matunduru aitofunga kuti muvengi.

Zviko: Mandi wandikuvadza"

Mandi: Maiwe zvangu ndoiripa neiko futi ,ruregerero mukunda wa mambo shuwa musanondirevera"

Zviko: Aiwa haisi mhosva yako ndini ndakuvhundutsa wanga uchifungeiko kutadza kunzwa kuti urwu ruoko rwemunhu kadzi"

Mandi: Uchiona ndigere pano ndipo pandakasiwa ne mubereki wangu ndikazonhongwa na Mbuya Gora, zvinondirwadza kurarama ndisingazive mutupo kunyange dzinza rangu"

Zviko: Usazviise mumoyo itotenda musiki akakuisa mumaoko a Mbuya Gora kuti urarame"

Zviko akabetserwa kusimuka ndokuzusa mavhu ,Mandinzwa akabva aisa maziso ake pachiso che mwanasikana vachibva vatarisana, zvino mwanasikana akabva abatwa ne nyadzi ndokutarisa pasi kuri kunyara.

Mandinzwa akaona kuumbwa kwe mwanasikana akanzwa moyo wekuti dai aivawo mwana wa mambo asvitsa shoko asi zvaingove zviroto zvisina anodudzira.

Zviko achionawo Mandi aiona mwana akagwinya ane moyo wakanaka uye akaumbwa pachimiro chake asi zvaingovawo zviroto nekuti aiziva vabereki vake mavengero avaive vakaita Mandi.

Mandinzwa Ne kuramba akayeva mukunda wa mambo akazovhunduka adudza manzwi.

Mandinzwa: Zvikoni mwanasikana wa mambo

wakanaka"

Kupera kwe chitsauko 3

[05/31, 4:14 PM] +263 77 702 6923: Follow this link to join my WhatsApp group:  
<https://chat.whatsapp.com/C1SL7F42zde4ZxgFYHLNto>

Follow this link to join my WhatsApp group:  
<https://chat.whatsapp.com/GyArludV0oA4ifBXIoljAd>

Follow this link to join my WhatsApp group:  
<https://chat.whatsapp.com/CymjfadqHLG0VxHGN1HYcq>

\*LOST CHILD\*

\*WRITTEN BY\*

\*MADUBE CHISHONGO 銆\*

0777026923

\*CHITSAUKO 4\*

Mandinzwa akadamba manzwi aakabudisa kuti dai akadzokera mukati.

Aive akutya kuti mwanasikana ahabatikana ne mashoko ake, asi akazoona kuti ainge abaya chaipo pakati pe moyo nekuti musikana ainge ochera pasi ne gumbo zvigunwe zvemumaoko zvichiminyurwa zvisingapere.

Mandinzwa: Ruregerero mukunda wa mambo ndakurumbidzai zvisizvo asi chakanaka ngachirumbidzwe"

Zviko: Aiwa hazvina kuipa pane kufira mumoyo"

Mandinzwa: Hona Zviko zuva ra kubuda tichiri pano ,handidi zvinozondipinza mumatambudziko Zviko"

Zvikoni:Tisati taenda ndingabvunzewe Mandi"

Mandinzwa: Bvunzai henyu mwanasikana wa mambo"

Zviko: Mandinzwa ndokumbirawo mundidaidze ne zita rangu"



Mandinzwa: Zvakanaka , wanga uchida kubvunzei"

Zvikoni: Urikuenda kusango ne hanzvadzi yangu"

Mandinzwa achinzwa izvi akafara akaziva kuti nyaya yatekeshera kuti ndiye arikuzofamba na nevanji wa mambo.

Mandinzwa akatarisa mwanasikana waainzwira moyo ndokuti..

Mandinzwa:Kana mambo akanditendera ndoenda"

Mwanasikana akawisa chiso zvakashamisa Mandinzwa.

Zvikoni: Mwedzi mitatu uri musango ndichasuwa fani"

Mandi;Neniwo handichanzwe mushe kana ndisingakuone, asi ndiyo nzira yedu tese majaya

kuti tigowana kubuda mugota"

Zviko: Ndizvo hazvo asi nguva yakareba"

Mandinzwa na Zviko vaitonanaidzana havo kukanganwa kuti aive munyika yaasingadiwe, Mandinzwa akatanga kunzwa imbwa dzake dzichihukura mberi kwake akaziva kuti hakuna kumira mushe.

Zvikoni nekuziva kuti ainge aparira Mandinzwa akabva tevedza nzira inopinda ne musango ndiye chitsoka ndibereke.

Machinda amambo akasara osvika mwanasikana yave nzvimbo.

Tichaona:Mandinzwa mwanasikana wa mambo aripi?"

Mandinzwa: Handizive mukuru wangu"

Gurajena:Vamuona vati manga muri mese

wamuisepi?"

Mandi: dai ndanga ndiinaye mamuwana pandiri,  
ini ndine chirongo changu ne imbwa dzangu  
chete"

Tichaona: Hande naye kuna mambo  
achanotaura chokwadi apiwa munembo"

Mandi achinzwa izvi hana yakarova, mambo aive  
ne tsika yekupisa munhu pasi petsoka ne  
museve unopisa kana asingade kutaura  
chokwadi.

Gurajena raive jinda ra mambo ,asi ainzwira  
Mandi tsitsi nekutambudzwa kwake.

Gurajena: Tichaona rega timbotsvaka uyu rega  
aende ne mvura pamwe tatomusiya mumuzinda  
imomo"

Mandinzwa haana kuda kuzomirira mamwe

mashoko akanzunuzutira akananga kumuzinda.  
Achisvika akawana Zviko akakombwa nana mai  
vake ne madzikoma ake , Mandi haana kuda  
kuziva zvaitora nzvimbo akangonoisa mvura  
mekugezera ndokuenda kumba kwavo.

Zviko zvaakabva pamuzinda, mai vake vakaenda  
kunhanga kwake vachida kumuzivisa zve  
kuwanikwa kwake na mambo Nyati.

Mambo Nyati vaive ne vakadzi vatatu zvichireva  
kuti vabereki vake vaida kunomisa pe china.

Vasvika ndokuwana munhanga musina munhu  
vakadzokera havo vachiti pamwe aenda  
kunozvibatsira.

Pavakazodzokera kepiri ndipo pavakaona zvedi  
kuti aive asipo , vakadana machinda a mambo  
kuti vamutsvake , vakatenderera muzinda wese  
vakava nechokwadi chekuti haapo.

Ndipo pakanzi Tichaona na Gurajena vatevere  
kurwizi nekuti umwe wemurindi aive avaudza  
kuti abuda nenzira yekurwizi..

Zvikoni paakatiza akasangana ne tsambatsi  
musango ndokutemha oenda nadzo kumba  
kwavo, akawana iri barawamhanya kutsvakwa.

Mambo:Gotwe rangu wanga waendepi uriwega uchisiya vasikana vako"

Zvikoni: Ndainge ndamboenda musango kunotsvaka tsambatsi"

Mambo: Kutanga rini kubuda wega ,imo musango mawada mwanasikana munei?"

Zvikoni: Ruregerero mambo wangu pakanganisika handichazvipamhe"

Mambo vakagutsirira asi havana kugutsikana ne mhinduro ye mwana.

Vainge vambonzwa runyerekupe rwekuwirirana kwa Zviko na Mandi vakazadzwa ne mweya wekuda kupfuudza Mandi zvisati zvaipa.

Vakabva vafunga zano rekuti Tapiwa aende naye kusango votuma varwi vavo kuti vamuuraye vozoti akadyiwa ne zvikara nekuti sango ravaienda rairura mhuka dzinotyisa.

Mandinzwa akaenda kumba kwavo mufaro uri mumoyo aiziva kuti akakanda shoko kuna Zviko aibudirira asi aiti akazvitarisa ne nhamo yavaive nayo aisakwana pakuroora mwana wa mambo ,zvakare ainge akavengwa saka hazvaibuda kwaizongove kutambisirana nguva havo.

Mbuya Gora: Muzukuru wangu mazuvaano unoratidza mufaro asi kwave ne muzukurusikana ndifare hangu"

Mandinzwa: Hakuna mbuya kufarira kuenda kusango "

Mbuya Gora: Mambo vakazvitenda here?"

Mandi:Handisati ndaziva nekuti shoko harisati rasvika"

Mbuya Gora: Ah zvakanaka"

Mandi:Mbuya regai ndimbopinda mumasango  
nhasi hatina chekusevesa"

Mbuya Gora: Zvakanaka mudzimu yako  
ikutungamire"

Mbuya Gora kugutsikana nazvo, asi  
vakangozoti vachamirira nguva yavachaudzwa  
chokwadi ne muzukuru wavo.

Mandinzwa akadana imbwa dzake ndokutora  
miseve yake akananga kusango.

Pfungwa ne moyo zvaingove kuna Zviko asi  
aiona zviri zviroto.

Mandi akambogara padombo achifunga nhamo  
dzake dzeupenyu.

Aisvikepi asingazive verudzi rwake,Mbuya vake  
vaiti kana akaita chinovafadza vaitenda vachiti "

Ndinotenda vadzimu vakakuisa mumaoko angu"  
ko vaigotenda vachiti vasingazive mutupo wake.

Mandi akavhunduka anzwa munhu aive agara  
paduze naye.

Mandi:Mwanakomana wa mambo  
mandivhundutsa"

Tapiwa:Murume haavarairwe ari musango  
unovingwa ne muvengi wakabata shaya kudaro"

Mandi: Pane zvinenge zvichinetsa mupfungwa  
mambo wangu "

Tapiwa:Murume anoshinga achiziva chinangwa  
cheupenyu hwake, hazvirevi nesuwo hatina  
matambudziko ,ndikada kukupa rangu  
dambudziko unoti Tapiwa tora hako rako  
rakanyanya asi se murume usazviratidze dzidza  
kuzvimiririra"

Mandi: Ndotenda mambo wangu ne manzwi ane  
hungwaru"

Tapiwa: Ndakuona zvangu uchipinda musango  
ndikati ndizokuturira mashoko anofadza,



mambo vatenda kuti ndiende newe kusango  
 ,saka wogadzirira tinoenda kupera kwevhiki  
 rino mwedzi uchigara"

Mandinzwa: Maita ishe wangu" akadaro  
 achichonjomara achipa rukudzo kuna Tadiwa.

Tapiwa: Ini newe Mandi takasiyana ne mwedzi  
 mitatu iwe ndiwe mukuru kwandiri saka  
 usanyanya kundipa rukudzo rwakanyanya."

Mandi: Chero ndiri mukuru asi imi muri mambo  
 wangu"

Tapiwa: Unozviita tiri pane vanhu kwete tiri vaviri  
 ,uye ndinoda undidzidzise kuvhima"

Mandinzwa akanzwa ushingi ne mashoko a  
 Tapiwa, vakaswera vawirirana ,vakabuda  
 musango vaneta nekuvhima vainge vabata  
 mhembwe imwe ne tsuro mbiri ,Tapiwa  
 akazongotora tsuro imwe kuti aone kusvika

kumba nekuti aiziva kuti haaiwana kunechakana  
nekuswera kwake asipo uye abuda asina  
vanomuchengeta.

Kupera kwe chitsauko 4  
[05/31, 4:15 PM] +263 77 702 6923: Follow this  
link to join my WhatsApp group:  
[https://chat.whatsapp.com/C1SL7F42zde4ZxgF  
YHLNto](https://chat.whatsapp.com/C1SL7F42zde4ZxgFYHLNto)

Follow this link to join my WhatsApp group:  
[https://chat.whatsapp.com/GyArludV0oA4ifBXI  
oljAd](https://chat.whatsapp.com/GyArludV0oA4ifBXIoljAd)

Follow this link to join my WhatsApp group:  
[https://chat.whatsapp.com/CymjfadqHLG0VxH  
GN1HYcq](https://chat.whatsapp.com/CymjfadqHLG0VxHGN1HYcq)

\*LOST CHILD\*

\*WRITTEN BY\*

\*MADUBE CHISHONGO 鉞\*

0777026923

\*CHITSAUKO 5\*

Tapiwa zvaakasvika mumuzinda akawana baba vake vakagara padare vakabata shaya, akashaya kuti mukweguru uyu ainge achifungei.

Tapiwa: Maswerasei Samaita?"

Mambo: Ah titambire mbizi yangu, ndimi munongopinda mumasango muri mega, unoziva here kuti munyika mune vavegi unoda ndisare ndisina pekutarisa here?"

Tapiwa: Ndangoti ndifurwe ne mhupo ndikati se murume abuda mumusha handingadzoke ndiri maoko"

Mambo: Aiwa ndizvozvo asi ufambe ne vakomana vako munyika mune vavengi"

Tapiwa: Zvakanaka Samaita"

Mambo: Mochigadzira masarwa ne mazuva matatu kuti mupinde mumasango, muchaenda muri vana ,varwi vaviri vachakudzidzisai na Mandinzwa, ndakutotuma nhume kumba kwavo "

Tapiwa: Zvakanaka mambo wangu "

Mambo:Mangwana zuvarovira tichaenda kun'anga yedunhu rino tinobvunzira zverwendo rwenyu"

Tapiwa: Zvanzwika mambo wangu"

Tapiwa akabva padare achifara nekubvuma kwa mambo kuti aende na Mandi, akasangana ne hanzvadzi yake Zvikoni, na Zvikoni vaiwirirana vaiita sevakamwa muzamu rimwe.

Zviko: Nhasi mu kuratidza kufara maswerepiko?"

Tapiwa: Usataurise tonzwika, ndaswera kusango na Mandi tichivhima,apa tasarwa ne mazuva matatu tiende kusango"

Zviko achinzwa izvi akabaikana moyo ,mwedzi mitatu asingaone Mandi zvaimuomera akabva atofuratira odzokera munhanga make.  
Hanzvadzi yake yakamudana kuda kuziva kuti

zvaipa papi.

Tapiwa: Ko zvamunenge matsamwa vamadube  
asi pane pandaresva kutaura"

Zviko:Munoti ndingafare mwedzi mitatu yese  
musipo, ndoudzwa nani nyambo"

Tapiwa: Zvikoni uchakura rini ,chigara waziva  
kuti tichaparadzana wave kunowanikwa"

Zviko: Ndizvo hazvo mukoma,chiendai shuwa  
mugotitsvakira mai vanotibikira"

Tapiwa: Uchanditsvakira iwe wakangwarira"  
Ndiwo waive mugariro wavo vaviri ava.

Zvikoni zvaakasvika pamuzinda akazviko  
kombwa ne madzikoma ake na mai vake  
vachida kumutsiura nekungobuda mumuzinda  
mwanasikana ari ega.

Madzikoma ake aive matatu iye wechina.  
Manyara ndiye aive dangwe, achiteverwa na  
Mandipa, kuchiteverwa na Tambudzai.  
Kwa mainini kwaiva na Rumbidzai na Takwana.

Mai vake vakazomutora pake ega ndokumuudza  
nyaya yaive mudariro.

Mai Manyara: Zvikoni mwanangu ndoziva ndiwe  
gotwe repamusha uno ,asi mambo Nyati  
vasarudza iwe uve mukadzi wavo, ndamboti  
asarudze kune madzikoma ako asi ati moyo  
wake wagara pauri"

Zviko: Mhai zvamotaura hamuoni hazviite  
,zvigonzi gotwe rawanikwa madzikoma aripo"

Mai Manyara: Hatichina zvekuita nekuti  
vatosarudza kare, vatotipa mwedzi mitatu  
yekukuraira vouya vozoroora"

Zviko: Mhai muneshuwa kuda kundiroodza

pamunhu anezera na baba vangu"

Mai Manyara: Hazvina mhosva gotwe rangu,zvekare Nyati ane upfumi husina anahwo munyika muno tinenge tapfuma "

Zviko akarwadziwa nezvaitwa ne vabereki vake, iye aitorota ari mukadzi wa Mandinzwa, akadamba dai aisave mwana wa mambo aiziva kuti zuva rimwe aizokandwa shoko nejaya raainzwira moyo.

Mandinzwa akasvika kumba uri mufaro wega. Ainge ave ne chokwadi chekuti aizoenda na Tapiwa kusango.

Mbuya Gora: Titambire muzukuru wangu, titambire va hombarume"

Mandinzwa: Tototenda vadzimu vatipa usavi nhasi tairarire mufushwa"



Mbuya Gora:Wotoita imwe chimukuyu kuitira  
rwendo rwenyu rukabudirira"

Mandi: Rwendo rwabudirira mbuya, asi  
ndinotofanira kumukira futi mumasango  
kunovhima kuitira ndisipo muwane  
chekusevesa"

Mbuya: Zvakanaka muzukuru wangu "

Vachikurukura havo Mbuya ne muzukuru jinda  
ramambo rakabva rasvika neshoko rekuti  
Mandinzwa agadzirire rwendo, havana kunge  
vadawo kuenda naye kunobvunzira nekuti  
vaiziva hurongwa hwavo.

Mbuya Gora vakafara ne kuenda kwemuzukuru  
wavo vaiziva kuti achazoitwa jinda guru re  
mwana wambo sezvo vaiwirirana.

Zuva ronogara miti Mandi akatora chirongo  
chake akananga kurwizi kunochera mvura ya  
Zviko yekugeza,moyo wake wairwadza kuti  
akusiya chido chemoyo wake chero hake ainge  
asati akanda shoko.

Mandinzwa akasangana Ne vakomana  
vemumusha mavo vachibva kunotoro mombe

kumafuro akatakura chirongo vakatanga kumuseka iye semunhu aiziva chinangwa chake haana kuda kubatikana nazvo.

Mandinzwa akasvika mumuzinda ndokunanga kwekugezera ndokuisa mvura, aive asina nguva yekutaura ne vanhu, achingobuda mumuzinda akashamisika achiona mwanasikana achimhanya achitevera, Mandi akatanga kuringa ringa mativi ese kutarisa kuti hapana arikuvaona here?

Mandi: Zvikoni hausi wakuzvinyanya uchandiurayisa na mambo ndikatambira paduze newe"

Zvikoni: Mandinzwa handina nyaya newe hombe asi ndauya kuzokuudza kuti baba vangu vanoda kundiroodza kuna mambo Nyati mushure me mwedzi mitatu "

Naiwayo mwanasikana akabva amhanya kudzokera asati aonekwa nekuti aiziva kuti zvaizopinza Mandi munyatwa.

Mandinzwa akanzwa seabaiwa pamoyo ne

mashoko a Zvikoni, hongu aisakwanisa hake kuroora Zviko asi moyo wake ndipo pawaingewagara.

Zvakamurwadza kuti ainge achienda pabarika pamusoro pazvo, Mandi akaita senge akubirwa chinhu chikuru mupenyu hwake.

Mandinzwa akakweva makumbo ake akananga kumba kwavo, aiona nyika ichiita chamupidigori akangosvika nekuzvivharira mugota make.

Mbuya Gora zvavakaona muzukuru wavo achisvika asina mufaro zvakava shungurudza, vakabika sadza rezviyo nehura hwe mhembwe ndokuenda naro kugota kwake, vakasvika pamusuwo ndokutanga kudana.

Mbuya Gora: Mandi muzukuru wangu huya utore kudya kwemadekwane"

Mandinzwa: Mbuya musazvinetse ndakaguta"

Mbuya Gora: Waguta wadyeiko muzukuru wangu, wangobva kusango ukasvikirana ne mutakura zvino ndiwo waungararire"

Mandi: Mbuya moyo wangu wasviba ,ndine shungu pamoyo"

Mbuya Gora: Chiiko muzukuru wangu chibuda uturire kuna mbuya vako, nhasi handingaridye ndisina kunzwa zvanetsa moyo we muzukuru wangu "

Mandi: Musazvinetse mbuya tarirai kwasviba chiendai munodya murare"

Mbuya Gora: Bvaa nhasi ndorara pano kana usina kubuda titaaurirane uye udye sadza richapisa"

Mandi achinzwa izvi akati kuda Mbuya kumunyengerera asi akatozoona vairevesa nekuti vakabva vatowaridza dehwe ravo pamukova ndokurara.

Mandi :Mbuya mukai tiende mumba yekubikira tinodya"

Mbuya Gora: Hauchiona muzukuru"

Mandi: Mbuya modawo nyaya makura"

Mbuya Gora: Dzimwe dzese handinei nadzo asi dzinoita muzukuru wangu asuwe ndodzida, chinditurira tinzwe"

Mand;:Mbuya hamuzondirove ne kumupanga sadza here?"

Mbuya Gora: Kana zvichirovesa ndokurova ohh"

Mandi:Pane pamera moyo wangu mbuya asi zvinogona kuunza makuva mukati"

Mbuya Gora: Chitonyarara zvako Mandi handidi hangu newe, heya vanhu vaitaura chokwadi kuti munoonekwa kurwizi na Zvikoni.

Mandinzwa ini ndaive ne vakomana vaviri vaive varwi va mambo ,runyerekupe rwunoti havana kuurawa kuhondo, zvinonzi paipisa hondo vakaona kuti havangaikundi ndokutiza vachidzokera kumashure, mambo achizviona akabva avabaya ne pfumo achiti handidi madera anotiza hondo munhu ngaafire muhondo.

Zvinorwadza Mandinzwa ,mambo vaye vane moyo mukukutu kungozviti fembu unofira mafufu segonzo, kana washaisisa wekuroora muno zvirinani unotsvaka kune rimwe dunhu."

Mandinzwa achinzwa nhoroondo yekufa kwe vana vambuya Gora akarwadziwa zvisingaiti saka aiona chiri chinhu chidiki kwaari kuurawa na mambo.

Mwanakomana haana kudzirara dzinouya achingoshanyarika ne pfungwa, pfungwa dzaimuudza kuti asiyane na Zvikoni, asi moyo waiti ndiye chido chemoyo wako.

Pfungwa ne moyo zvakarara zvichipikisana akatozobatirwa ne hope machongwe orira.

Mbuya Gora vakamuka vachiita basa ravo repamusha vachiti muzukuru wavo amukira kunochera mvura ,havana kunge vaziva kuti muzukuru wavo arikudzipfodora semunhu asina kurara usiku hwese.

Zuvarakwira Mbuya Gora vakawona pamusha pachisvika Tichaona jinda ra mambo vakaziva kuti hakuna kumira mushe.

Tichaona: Mbuya Gora muzukuru wenyu anodiwa kudare izvezvi "

Mbuya Gora: Muzukuru wangu amukira kuzochera mvura rungwanani ndotoshaya sei asati adzoka"

Tichaona: Muzukuru wenyu haana kuuya nhasi kumuzinda"

Mbuya Gora vakanetseka kuti ko muzukuru wavo aita sei, pavakazoona imbwa dzake dzakarara muberere megota rake vakaziva kuti aripo.

Mbuya Gora: Mandinzwa!, Mandinzwa haundinzwe here?"

Mandinzwa:Mbuya " akadaro achimuka achizamura, akarohwa ne hana achiona mugota make mazara mushana.

Akamuka achimhanya,achibuda panze dhuma dhuma nejinda ramambo, akatanga kudzana dzana sekuti pasi panopisa.

Tichaona: Kutorara uku inga une rugare mupfana ,Mbuya vako vanokuremadza kusvika nguva dzino uchirota"

Mandi: Zva mbuya vangu zvapinda papi taurai



zvamavinga"

Tichaona: Famba tiende unodiwa kudare"

Mandi: Ndotevera ndichambobisa mabori kumeso "

Tichaona akaoneka, Mandinzwa haana kuzogarisa akabva atotevera mushure , achisvika akangonanga kudare ndokuwana kuine machinda maviri na mambo ne mwanakomana wavo.

Mandinzwa: Mamukasei Samaita , varidzi ve nzvimbo "

Mambo: Mandinzwa kana ndakatendera kuti uende kusango ne mwanakomana wangu hazvirevi wakuira zvaunoda mumuzinda, gotwe rangu nanhasi harina kugeza ndiudze chatadzisa uzochera mvura"

Mandi: Ruregerero mambo wangu, chete usiku

handina kurara nyama dzangu dzanga  
dzisingaiti mushe"

Mambo: Saka ndonda inoda kuendepi zvirinani  
nditsvake umwe anoenda ne mwanakomana  
wangu"

Mandi: Pakanganisika mambo wangu  
handichazviite ndokumbirawo moyo wenyu  
munyoro"

Tapiwa: Pamusoroi Samaita varidzi vedunhu,  
sekuona kwangu Mandinzwa rave jaya hombe,  
handioni zvichine basa kuti arambe achicherera  
Zvikoni mvura munhu ave padyo nekuda  
kunoorwa, ashanda nguva yareba wani'

Gurajena: Pamusoroyi Mbizi ndinoona sezvo  
taurwa na Samaita zvinemusoro chokwadi  
chidzorai moyo wenyu Mandi ashanda nguva  
yareba"

Mambo:Zvanzwikwa asi zvanhasi mubairo wake kuti kana oenda kusango ndiye achatakura nhava ye mwanakomana wangu pavachaenda kusango ndapedza"

Mandinzwa haana kuzogara akabva atenda ndokusimuka obuda mumuzinda.

Akabva atora nzira inoenda kusango ndokunorara padombo akatsamira maoko akatarisa mudenga.

Ainatso funga kuti hupenyu hwake huri kuenda kupi chaizvo, akatuka zuva raakazivana na Zvikoni dai izvezvi asingatambure nekufunga munhu waasingazoroti achigara naye.

Mandi aive kutsi kwe mufungo ndipo paakanzwa kuti pane munhu afamba, paakasimudza musoro akasanganidzana meso ne mwanasikana waakashaira hope madeko.

Mandinzwa: Zvikoni uchandiurayisa hako wauya nani kuno"

Zvikoni: Usatye zvako Mandinzwa ndauya ne vasikana vangu avo vasara uko, mambo na Tapiwa vagura matunhu vakananga kwachinembiri kun'anga huru yedunhu rino kunovhunzira zverwendo rwenyu"

Mandinzwa: Zvakanaka ndinezenge ndotyia kuti ndinowanikwa zvangu ndinewe ndikafira mahara"

Zviko: Nhai Mandinzwa ndingabvunzewe"

Mandinzwa: Motenderwa mwanasikana wa mambo "

Zvikoni: Toti ndine chinhu chandinodisisa ne moyo wangu, choitwa zvekupambwa ne umwe munhu ndingatadze kuchirwira here?

Mandinzwa achinzwa izvi akarohwa ne hana kuti mwanasikana aida kuzama kuti chii, semunhu mukuru akabva aziva kuri kuenda nyaya akabva

aziva kuti Zvikoni naiyewo aive amunzwa pamoyo.

Mandinzwa: Zvikoni chii chirinane kurega zvichienda pane kuzoona guva"

Zvikoni:Kufa kwemurume kubuda hura"

Mandinzwa akatarisa kumeso kwe mwanasikana akawona kuine ushingi, vakatarisana akaona rudo mumaziso ake, Mandinzwa akaswedzera paduze na Zvikoni ndokubata maoko ake ndokumutarisa kumeso.

Mandinzwa: Zvikoni ndinopika ne vadzimu vangu, hakuna chichauya mberi kwangu ndikasachikunda, Zvikoni ndakakuda kare asi ndinoona ndisingakodzeri kunzi mukwasha wa mambo, asi moyo wangu wakamera pauri, kana zvakanzi uri wangu ndichakurwira uye iwe ugomira neni"

Zvikoni: Rudo harudi kumanikidzira, rwangu  
rwakamera pauri ndichakumirira kusvika  
wadzoka, ndichazama kurwira rudo rwedu"

Naiwayo vaviri vakambundirana hana dzavo  
dzikaroverana.

Zvinoita rudo zvakaoma Mandinzwa ainge  
atokanganwa kuti mambo vaisada kana kuona  
mumvuri wake, ukuwo Zvikoni ainge  
atokanganwa kuti mwedzi mitatu ichipera  
arikunororwa na mambo Nyati.

Vaviri ava vainge vazobudirana pachena zvaive  
mumoyo mavo ,umwe neumwe akaenda kumba  
kwavo mufaro uri mumoyo.

Kupera kwe chitsauko 5

[05/31, 4:16 PM] +263 77 702 6923: Follow this  
link to join my WhatsApp group:  
[https://chat.whatsapp.com/C1SL7F42zde4ZxgF  
YHLNto](https://chat.whatsapp.com/C1SL7F42zde4ZxgFYHLNto)

Follow this link to join my WhatsApp group:  
<https://chat.whatsapp.com/GyArludV0oA4ifBXIoljAd>

Follow this link to join my WhatsApp group:  
<https://chat.whatsapp.com/CymjfadqHLG0VxHGN1HYcq>

**\*LOST CHILD\***

**\*WRITTEN BY\***

**\*MADUBE CHISHONGO 銑\***

**0777026923**

## \*CHITSAUKO 6\*

Mandinzwa paakabva kusango aingofamba achinyemwerera nzira yese, aifunga kuti achabuda muzviroto zvake asi chaitove chokwadi chekuti ainge ave murudo ne mwana wa mambo.

Kana rudo rwabata munhu rwunoita kuti munhu akanganwe zvakamukomberedza.

Mandinzwa ainge akanganwa kuti mambo vaisada nezvake saka hameno aiti zvaisvikepi zve rudo rwavo nekuti mambo havaizombobvuma kuti aite mukwasha wavo.

Kumuzinda Tapiwa na Mambo vakasara vakadya kudya kwemangwanani ndokutakura mupakwa voenda kwa Chinembiri.

Vaviri vaifamba vachikurukura zvavo ,vaitungamirwa ne machinda avo maviri.

Tapiwa: Nhai Mambo wangu zvatauya toga ko



Mandinzwa wandinoenda naye asarirei pamwe  
aigona kutoudzwa kune dzinza rake"

Mambo: Vana vangu moita semakaroyewa na  
Mandinzwa, kuti atoenda newe ndakatonyara  
iwe ,Mandinzwa kutorarama inyasha dzangu  
saka haana chekuita mudunhu mangu"

Tapiwa: Asi munhuwo ndinoona achaita  
muvhimi uye murwi mukuru munhu ane simba,  
ane hungwaru ane....."

Mambo: Kana washaya nyaya nyarara tisvike  
mune zvakanaka nzira yese zvayangove  
Mandinzwa "

Tapiwa akaona kuti baba vake vaisada  
Mandinzwa zvachose aitoshaya nei vakatenda  
kuti aende naye ivo vasingamude.

Kwa Chinembiri vakasvika zuva rogara miti  
vaifamba zvishoma ne zvishoma sezvo  
makumbo a mambo ainge asisaite mushe.

Mambo:Tisvikewo Shoko Mukanya?"

Chinembiri: Svikai svikai Mbizi varidzi venyika ino"

Mambo:Aiwa tati tikutsikei imi vanoona zvatisingaoni"

Chinembiri: Maita Zvakanaka pindai zvenyu tiite basa mufambe kuchaona"

Mambo na Tapiwa vakabvisa nyatera dzavo ndokupinda muimba ya Chinembiri yaanoitira basa, vakapinda vachirova gusvi.

Chinembiri: Samaita vadiki pfugamai apa tikupirei kuvadzimu vakuchengetedzei mukati mesango.

Ehhhh vakuru venyika vari nyikadzimu, heyinoi zai renyu ropinda mukati memasango, tungamirai Shande, tungamirai Nyakate, zvikara zvesango, mandu dzese ngadzidzivaizwe nemi mwana adzoke nyama ne mweya zviri pamwe chete.

Tungamirai Mbizi, Samaita varidzi verenje chitungamirai mwana wenyu uyo "

Vakapedza ndokurova gusvi.

Chinembiri: Mambo wangu mashinga here?"

Mambo: Hongu"

Chinembiri: asi kumberi hakuna kujeka musazoti handina kukuyambirai"

Mambo:Kukura kudai ndakabata dzakawanda ndingazotya dukwane iyi"

Chinembiri: Aiwa zvakanaka mambo, asi muchenjere kudzokerwa ne pfumo"

Mambo:Chinembiri chiita zvatafambira"

Chinembiri: Zvakanaka mambo wangu rwendo rwakajeka zvinoda kushinga chete,nekushandisa ungaru ne simba nezivo asi ne munhu waanoenda naye haiwa ose machena"

Mambo: Zvakanaka chiregai tinanaire kuchakachena"

Chinembiri: Mwanakomana wa mambo chibatai mushonga uyu musi wamunobuda mumuzinda munomwa, asi haufanirwe kunwiwa neumwe munhu asiri wehumambo imi moga ndimi motenderwa, mochisvika mowana pekuuisa moisa mvura mukati"

Tapiwa: Zvakanaka"

Chinembiri: Vadzimu vakutungamirirei, umwe ne umwe atarise kumashure kweumwe"

Tapiwa: Zvakanaka"

Tapiwa haana kunge anzwisisa nhaurirano ya mambo na Chinembiri asi semukomana abve zera ave nehungwaru akaona kuti pane chairongwa na baba vake.

Mambo na Tapiwa vakaoneka ndokugura matunhu vakadzokera kumuzinda, vakasvika vanhu vatorovera matama pasi.

Zviko zvaakabva kusango, aingonzwa seanovaviwa muwiri wake, ropa rake rainge ragwamba nekumbundirwa ne mwanakomana waairwarira nguva yese. Moyo wake wairwadza kuti vachatora nguva vasingaonani sevanhu vachangopinda murudo.

Pese paaive ainge achingonyemwerera,mai nhiya kana kufunga kuti munhu wandapa moyo muvengi wababa vake.

Regai zvichinzi usavimbe ne munhu, pavasikana vaviri vaichengeta Zvikoni paive neumwe ainzi Muchaneta.

Muchaneta aichivawo Mandinzwa zvekuti paakaona Zvikoni na Mandi vakambundirana akamera godo, akaziva kuti mwanasikana wa mambo adiwa na Mandinzwa.

Muchaneta akaona kuti kuudza mambokadzi kuri nane kuti rudo rwevaviri ava rugurisirwe panzira awane mukana wekuzodiwa na Mandinzwa.

Mambokadzi aisave munhu anongosvikirika nyore Muchaneta akazengurira kunovaudza akaona zvirinane aite ari makuhwa aiziva kuti aizosvika munzeve dza Mambokadzi.

Kumba kwana Mandi kwaive ne mufaro, chisina kuziva mbuya ndechekuti vaifarira zvakasiyana.

Mbuya vaifarira kuenda kwe muzukuru wavo ne mwana wamambo, Mandinzwa aifarira kudiwa ne mwanasikana.

Manheru aya Mandinzwa akarara dzinouya

aitorota varikumafura mhupo vachipanana rudo na Zvikoni.

Ukowo Mbuya vairota muzukuru wavo achidzingirirwa ne shumba , vakangoti pada kufunga nekuti kwavaienda kwaive ne mhuka dzese dzesango.

Vakamuka vakapira Mandinzwa ku vadzimu vavo kuti vachengete zai rakaraswa.

Mangwanani chakamuka chiri chipatapata kugadzirira vaifamba rwendo.

Zvimukuyu zvakarongedzwa,zvombo zvekurwisa , Mandinzwa akatora gano rake raakapiwa na mbuya Gora rakasiwa ne mwana wavo ndokuisa munhava yake.

Sezvo zuva iri rainge ririrekugadzirira Mandinzwa haana kukwanisa kuona chiponda moyo chake.

Zuvarovira mambo vakatuma nhume kumba kwana Mandi kuti azorarira kumuzinda nekuti vaizomukira hweva isati yabuda.

Mandinzwa akanzwa misodzi inopisa ichierera airwadziwa kusiya Mbuya vake, chinguri vakagara vese havana kumbosiyana kwezuva rimwe chete zvaro.

Mbuya Gora: Zvino ukachema muzukuru zvoita sekuti unowana ndafa"

Mandinzwa:Mbuya vangu musare zvakanaka , mongondipirawo kuvadzimu venyu vanditungamirire,kwandiri kuenda ndichanosangana ne zvikara zvesango,asi ndinoziva ndokunda, ndichakunda ndichakuvigirai dehwe rembada"

Mbuya Gora:Zvakanaka muzukuru ndizvo paunodzoka wonditsvakira muzukurusikana wandinoita nyaya naye"

Mandinzwa achinzwa izvi akanyemwerera achibva afunga Zviko wake, mwana waakarera kubva iri svava ine mukaka pa mhino.

Mbuya Gora vakasimudzira muzukuru wavo ruoko achienda naivowo misodzi yakasara yobuda.



Mandinzwa akasvika kumuzinda ndokunanga padare ne mitundu yake.

Akawana mambo varipo ne mwanakomana wavo vachidziya moto sezvo kwaive nekamhepo kaitonhora.

Mandinzwa: Tisvikewo Samaita varidzi venyika"

Mambo:Svika zvako Mandinzwa wagona wauya momukira hweva isati yabuda"

Mandinzwa: Zvakanaka mambo wangu, Maswerasei Dube"

Tapiwa: Ndaswera hangu Mandinzwa warongedza zvese zvinodiwa"

Mandinzwa: Hongu ishe wangu"

Tapiwa: nhasi torara pano hedu tichidziya zvedu

moto uyu"

Mambo:Zvakanaka ini ndakuenda kunozorora tozoonana koedza"

Mambo vakasiya Mandinzwa na Tapiwa padare, vainzwa hasha vachiona Mandinzwa vaingonzwa kuti dai vangokanda pfumo zvafirapo, zvino va Mandinzwa vangu hwaitove hutsi chaiwo hapana chaizikanwa.

Zvikoni paakanzwa kuti mudiwa wake asvika mumuzinda akashaya kwekuisa moyo shungu dzake dzaive dzekuda kuona chido chemoyo wake asati aenda.

Zvikoni paakaona baba vake vabva padare ,akanyahwaira achiendako, akadongorera ndokuona muina Mandinzwa na Tapiwa ne varume vaviri vainge vakavarinda vavaienda navo dzaive nyanzvi dzekudzidzisa kurwa.

Zvikoni: Nevanji wa mambo modiwa"

Tapiwa akasimuka ndokuenda kwaive ne hanzvadzi yake.

Zvikoni: Nhai Mukoma wangu zvauri kumukira waoneka vana mai vako here?

Tapiwa: Ah ndati vachaudzwa na baba "

Zviko: Aiwa enda unooneka nekuti muchamukira hauzovaone"

Tapiwa: Zvakanaka hanzvadzi, ndizvo zvakanakira kuwanda"

Zviko akaona zano rake rabudirira chaive chasara kudana Mandinzwa, akabva aenda padare ndokuti...

Zvikoni: Mandinzwa kwanzi ne mwanakomana

wa mambo usvike kugota kwavo"

Mandinzwa: Zvakanaka "

Akadaro achisimuka achitevera Zvikoni.  
Zvikoni aona kuti havasisiri pane vanhu  
akakweva Mandinzwa vakananga kuseri  
kwechigezero.

Mandinzwa: Zvikoni Kwakanaka here? Ko  
tikaonekwa nhai"

Zvikoni: Mandinzwa moyo wangu urikurwadza  
kuti uende uchindisiya"

Mandinzwa: Wangu unorwadzawo asi hapana  
zvekuzviita"

Zvikoni: Zvino ndichadii usipo kana ndikada  
kuroodzwa"

Mandinzwa: Mwedzi mitatu ndinenge ndadzoka,  
kana uchindida ne moyo wese uchandibetsera  
muhondo iyi"

Zvikoni: Ndinokuda Mandinzwa ndichazama"

Mandinzwa:Ndivimbise kuti ndinowana uripo  
wakandimirira"

Zvikoni: Ndopika na mai vangu unowana ndiripo"

Mandinzwa akanzwa moyo kuenda kure achiona  
Mukunda wa mambo achimuchemera  
,aizvitsunya kuti ndini here munongwa ndadiwa.

Vaviri vakaparadzana vasati vaonekwa, asi  
havana kuziva kuti wegodo Muchaneta ainge  
arimuberere achiterera zvaitaurwa.

Zvikoni paakapinda munhanga make,  
Muchaneta akamhanyira Mandinzwa asati

asvika padare.

Muchaneta: Mambo vanozviziva here kuti munoda mwanasikana wavo, umbowo hwese ndinawo, kana uchida ndisasvitse shoko, wosiyana nezva Zvikoni woda hako ini ndisina mubereki"

Mandinzwa akashamisika ne mashoko aya, akanzwa hana kurova, asi ainge azviudza mumoyo kuti acharwira rudo urwu.

Haana kuda kupindura , akangofuratira ndokudzokera kudare kwaakasvikirana ne mwana wa mambo.

Machongwe ekutanga achirira varume vakamuka ndokupinda munzira, kwavaienda kwaitoda mazuva maviri kuti vasvike.

Tapiwa akati achibuda mumuzinda akatora dende rake remushonga wainzi unonwiwa ne mwana wa mambo chete kana achibuda mumuzinda ndokunwa kusvika pakati achibva abatisa Mandinzwa.

Mandinzwa zvaainge asvika parwizi akabva

afunga kupedzisa mvura yakasiiwa na Tapiwa kuti achere imwe.

Akanwa mvura yese asi akashamisika kuti yaiita seinovava asi haana kuda kubvunza.

Tapiwa akakumbira dende rake achida ku pedzisa mushonga wake akashamisika razara.

Tapiwa: Ko mvura yandasiya yaendepi?"

Mandinzwa: Ndanwa ishe wangu ndikazadza imwe"

Tapiwa akapererwa nazvo ndokungosiya zvakadaro.

Mazuva maviri munzira retatu ndiro ravakazopinda musango ravaienda vachibva vavaka musasa.

Sango iri raityisa,raive ne zvikara zvinorura zvekuti hasina hana dzakasimba vaisabuda vari vapenyu, ndizvo zvaitwa kusimbisa mwana wa mambo kuti chero akananga nechikara akawanise kurwisa.

Kupera kwe chitsauko 6

[05/31, 4:16 PM] +263 77 702 6923: \*LOST CHILD\*

\*STORY BY\*

\*MADUBE CHISHONGO\*

0777026923

\*CHAPTER 7\*

Zvikoni zvaakamuka akawana Mandinzwa aenda moyo wake wakarwadza, akadzokera munhanga make mumoyo muine shungu, ainzwa zvichimuremera kuti mwedzi mitatu asingaone chido che moyo wake.

Mambo	zvavakaona	varume	vapinda
mumasango	akatanga	kuronga	kuti
angaparadza	Mandinzwa	chirudzii	



zvisingazojiikanwe kuti ipfumo rake rabaya.  
Mambo aive ne machinda avo matatu avaivimba nawo.

Varume ava vaive, Tichaona, Takunda na Murozvi.

Mambo aivimba ne varume ava uye vaive ne moyo wakasindimara se wake.

Mambo vakatuma Tichaona kuti anodana Murozvi na Takunda, vaida kupanana mazano ekuda kuparadza Mandinzwa.

Machinda aya haana kunonoka kusvika, vakatorana na Mambo nenzira yekusango vaida pavo vega pasina anonzwa hurongwa hwavo.

Mambo: Varume chiri mumoyo mangu chanditambudza kuti chigare chirimo, munoona mwana uyu munongwa handichamunzwisise, kwatakaenda kuna Chinembiri akandichenjedza kuti anoda kutora ushe hwangu, zvakatonzi ndikanonoka kumupfuudza ndiye achanditangara saka handizive ndodii machinda angu?"

Tichaona: Munhu akadai I mhandu kwatiri ndizvo zvatinorwarira isu vana Tichaona ,inguva diki musoro wake unenge wave padanda"

Murozvi: Mambo wangu kozvamakayambirwa makatenderei afambe ne mwanakomana wenyu ?"

Mambo:Ndizvo zvakatenderwa na Chinembiri.ini ndoona sekuti akateverwa ikoko mosiya mamunyika pfumo zvisina anoziva kuti ipfumo rangu zvozongonzi akadyiwa ne zvikara"

Takunda: Ndosaka tichikudai mambo wangu munokasira kufunga irwendo rwupfupi kusvika ku sango re Rima.

Mambo:Ndizvo here Murozvi na Tichaona? "

Vese: Ndizvo mambo wedu ticharwisana ne vavengi venyu kusvika mu rufu"

Tichaona: Zvino rwendo urwu nderwa rini mambo wangu? "

Mambo: Zvakuda timbovarivadza kana zve mwedzi wese mozotevera panogara mwedzi ikezvino kusano gadzirira nekuronga mafambiro ne mabatiro amuchanoita munongwa uyu, asi mwanakomana wangu ne machinda avanavo havafanire kukuonai, musiye pasina umbowo"

Vese:Zvakanaka mambo wedu"

Pavakapedza nhaurirano yavo vakabva vadzokera kumuzinda.

Sango iri rainzi sango re Rima nekuti nguva zhinji rinenge rakafukidzwa ne rima nekuda kwemazimiti aipindana pindana.

Kana dziri nguva dzemasikati maigara mukati zii

,asi nguva dzemanheru wainzwa kuchema kwe mhuka dzakasiyana siya zvekuti vane hana nhete vaisaripinda, uye mbwende dzaisariramo.

Varume vakaenda na Tapiwa vaiti, Matamba nepfumo, Tarunzwa, Gonera na Simbamukaka.

Varume ava vaiziva kurwa zvemandorokwati, mudunhu ra mambo Samaita ndivo vaityiwa vaiziikanwa kuti vakatungamidzwa kuhondo vaibva vakunda.

Mambo aidada navo aiziva chero zvoitasei mwanakomana wavo asizodzoka kusango re Rima arimupenyu.

Machinda aya zvaakapedza kuvaka musasa vakagocha chimukuyu chavo ndokudya nekumwa mvura ndokuzorora zvavo.

Maneto nekufamba vese vakati rukutu kurara, Mandinzwa akavhundutswa kubva kutsi kwe hope nekudzova kwakaita kuti auruke achinotsika mavhunze emoto ndokutanga kuwaruka waruka akabata pasi petsoka.

Kudzvova kuya kwakadzokorora Mandinzwa

akaerekana ave mumuti, vamwe vese vakasara vokwira Mandi atove kumanhengenya.

Tapiwa:Simba ndiyo Shumba yacho inodzvova zvinotyisa kudaro?"

Simba: Ndiyo mambo wangu itii kwati ne muti isationa kana yosvika muchaiiona"

Mwana wamambo ainge obvunda ari mumuti, Mandinzwa zvaakaona hwitakwi ye Shumba ichikanyaira ichiuya nedivi ravaive akabva anzwa mvura inopisa yaierera ne makumbo ake, akaziva kuti chiuno chake chainge charegedza.

Varidzi vesango vaizvifambira vachienda kurwizi kunotsvaka mvura,ndipo payakanzwa mweya we nyama , yakatanga kufunidza kusvikira yasvika pamusasa wana Mandinzwa.

Yakasvika ndokutenderera ichiti ingawane chekubata ndokushaya yakabva yapfuurira ne rwendo rwayo, vakomana vachiona yadarika vakabva vaburuka.

Gonera:Vakomana kune vanhu vanotya hama dzangu, ndasara ndotsvaka Mandinzwa hezvo anga atove mumuti kare?"

Mandinzwa: Vakomana kubva chizvarirwo handisati ndambosangana ne mhuka yakadai, mondiudza kuti mwedzi mitatu tichigara ne mhuka dzakadai"

Simba:hausati waona mhuka, kune mbada yekuti chero mumuti mauno mhanyira inokwira"

Gonero:Ungataure zve mbada muudze zve Nyati ndiyo mhuka yakandikandisa Mapfumo pasi"

Matamba:Musatyisidzire vana ava, Imi vakomana ndichiona ne meso angu muri vanhu vakagwinya vane hushingi, tichibuda muno umwe ne umwe anofanira kubuda auraya mhuka shanu dzinonzi dzinotyisa idzodzo mukadaro

munenge makunda, asi ikezvino tichazama kudzitiza kuitira titanga kudzidzisana kushandisa pfumo ne miseve, zvatakuita ikezvino hakusi kuvhima asi kutodzidzira kurwa ne mhandu zvino ndinokupai mazuva maviri ekuzorora."

Vakomana vakanyemwerera ndizvo zvavairwaririra, vainzwa simba mavari richiwedzera, vainzwa hushingi hwavakashaya kuti hwabvepi.

Mazuva maviri vachidya nekurara umwe neumwe ainge agadzira pake pe kurara mumuti vairara vakazvisunga ne rwodzi

Musi wekuti vatange kudzidziswa , Mandi akati arikutsi kwe hope akatanga kunzwa chinhu chaitonhora chaifamba padumbu pake, paakapepuka haana kuziva kuti atsikirira muswe we mhakure, paakada kuzvisunungura abva arumwa pagumbo.

Tarutswa paakanzwa kuchema kwa Mandinzwa

akabva akwira mumuti mamaive  
ndokumusunungura akaona gumbo ra  
Mandinzwa richitanga kupenya nekuzvimba,  
vakatanga kutsvaka muvenga nyoka  
vakamushaya.

Mandinzwa aingochema ne gumbo rake, varume  
vakazama ku sveta huturu asi vakanonoka  
nekuti hwainge hwapararira ne muviri.

Varume vakagara pasi zvekupererwa Tapiwa  
ainge osvimha misodzi achifunga kuti ndiko  
kuparara kwa Mandinzwa here?

Chakashamisa vanhu vaifunga kuti Mandi  
achachinja rudzi rweganda rwake hasi haana.  
Iye Mandinzwa ainzwa marwadzo achiita kupera  
zvishoma ne zvishoma, akatanga kuda kunzwa  
kurutsa ,ndokutanga kurutsa zvitema.

Simba: Mandinzwa anenge akamwa mushonga  
wekuuraya huturu chete"

Tarunzwa:Asi mushonga uya hauwanikwe  
,unowanzo piwa mwanakomana ,mushonga  
unouraya uturu chero hwenyoka ipi, uye unopa



simba ne chivindi uye unonwiwa ne vana  
vehumambo uye ne munhu anotarisirwa  
kuzogadzwa umambo chete haumwiwe chero  
ne munhu zvake, saka ndoshaya akauwanepi"

Tapiwa achinzwa hurukuro iyi akabva aziva kuti  
mushonga uya ndiro raive basa rahwo.asi  
chaimunetsa ndechekuti Mandinzwa aizogara  
chigaro chipi iye aive munongwa.

Zvakasara Mbuya Gora kumusha hana yavo  
yainge isina kugadzikana, vhiki rainge rapera  
muzukuru wavo aenda kusango re rima, vainge  
vogara vachingorota vachichema asi  
chavaichema vaichishaya.

Ukuwo Zviko moyo wake wainge wakaenda na  
Mandinzwa,Mwana ainge ogara akasuwa,  
mumwe musu akakumbira vasikana vake  
vambobuda naye mumuzinda aida kunoona  
mbuya Gora kuri kuda kuzama kubvisa pfungwa  
dzekufunga Mandi.

Muchaneta paakanzwa izvi hana yakarovera ne

mufaro akabva afunga kuudza Mbuya Gora kuti muzukuru wavo atambira kunonyudza.

Mbuya Gora zvavakaona mwanasikana wa mambo achisvika vakatyiswa nazvo, kubva chizvarirwo ainge asati ambosvika pamusha apa.

Mbuya Gora: Mwanasikana wa mambo matitsikawo nhasi"

Zvikoni: Ndati ndizodongorera Mbuya ndichiona kuti makasarasei"

Mbuya Gora: Ndiripo zvangu mukunda wa mambo"

Zvikoni: Pane zvamungade zviitwe here Mbuya "

Mbuya Gora: Aiwa mwanasikana wa mambo ndonoita hangu"

Zvikoni: Aiwa Mbuya Ndizvo zvandavinga, Sarudzai tora chirongo unocherera mbuya mvura, Muchaneta achasara achidzura mapfunde enyu ini ndichishambidza mudzimba."

Mbuya Gora: Munondipinzisa pakaoma mukunda wa mambo kana mambo akazviziva"

Zvikoni: Chinouya chinoona ini Mbuya musatye chipai Muchaneta mapfunde adzure toda kukasira kudzokera "

Mbuya Gora vakashamisika ne rudo rwe mwanasikana, pavakapinda mudura vachitora mapfunde Muchaneta akabva avatevera.

Muchaneta: Mbuya kana muchiri kuda kurarama ne muzukuru wenyu musarega Zvikoni achisvika pano"

Mbuya Gora: Asi chii muzukuru wangu"

Muchaneta: Muzukuru wenyu atambira mudziva rine makarwe, muzukuru wenyu arikufambidzana ne mwanasikana wa mambo apa anofanira kuroodzwa kwa mambo Nyati mu mwedzi mitatu ikutevera"

Mbuya Gora: Uchanyepa muzukuru wangu haadaro vakatanga kufambidzan rini"

Muchaneta: mazuva aenda Mandinzwa kusango vanga vaane mazuva maviri vakufambidzana"

Mbuya Gora vachinzwa izvi hana yavo yakarova ,vakaziva kuti muzukuru wavo ainge adana rufu mumusha mavo, vakademba zuva ravakamunonga vakaona rufu rwuchinhuwa mumhino dzavo.

Vasikana zvavakapedza basa Mbuya Gora vainge vasisina kusununguka ,vakadana Zvikoni pake ega ndokumufumbatidza chuma chavainge vakawana pana Mandinzwa musi wavamunonga.

Mbuya Gora: Mukunda wa mambo ndokumbirawo muchirega kuuya kuno kana muchida hupenyu hwangu, kana mafunga Mandinzwa muchamuonera pachuma ichi, chuma ichi ndakachiona paive pakaradzikwa Mandinzwa musi wandamunonga, mwedzi wega wega ndinorota chembere unondiudza kuti munhu wekutanga achatanga kufambidzana na Mandinzwa ndogomupa chuma ichi.

Mazuva angu ave mashoma nezvandaparirwa na Mandinzwa saka ndati ndizadzise hope dzangu nekuti handizive musi ne nguva."

Zvikoni akarwadziwa ne mashoko ambuya Gora. Mbuya Gora vakanzwa maziso avo achivava misodzi vaishaya kuti Mandinzwa ainge atadza nei kuvateerera zvavakamutsiura ne nhau ya Zvikoni.

Kupera kwe chitsauko 7

[05/31, 4:17 PM] +263 77 702 6923: \*LOST  
CHILD\*

\*STORY BY\*

\*MADUBE CHISHONGO\*

0777026923

\*CHITSAUKO 8\*

Zvikoni zvaakabva kwa Mbuya Gora aizama  
kuda kufunga kuti vairevei pavaiti mazuva avo  
asara mashoma uye Mandinzwa ainge avaparira.  
Akatoshaya kuti mhosva yainge yaitwa na

Mandinzwa ndeyei.

Zvikoni akashamisika ne chuma chaainge apiwa na mbuya Gora, chuma ichi chaikosha zvikuru magadzirirwo acho ainge akafanana ne zvuma zvinopfekwa ne vakadzi va mambo.

Sezvo paive pasina aona chuma ichi akasvika ndokuchiviga munhanga make, aiziva kuti chikaonekwa yaizove nyaya nekuti chaive nechirevo.

Nekufamba kwe mazuva Zvikoni ainge oita ichizvigamuchira kuti Mandi ainge asipo.

Nguva zhinji ainge ogara achiimba nziyo dzerudo zvinova zvaisvota vana Muchaneta ve godo.

Mai vake pavaiona mufaro ku mwanasikana wavo vaifunga kuti mwana wavo azogamuchira kuwanikwa na Nyati.

Izvo kwani moyo wake wainge wakaenda kusango re Rima na Mandinzwa.

Muchaneta zvaiona mufaro pauso hwe mwanasikana akanzwa godo richimera, akazama kufimbika fimbi asi akaivhundunyura

zvarwadza.

Mumusha mavo maiva na mbuya vainzi va Mazvinzwawo vaive neurevi nemakuhwa ainge atenderedza pfungwa dze vanhu munharaunda. Zita rekuti Mazvinzwawo raive rekunemera nekuti vaiti vatanga makuhwa vaiti "Mazvinzwawo here zvandanzwa" iwe ukangodaiirira waiturirwa zvese.

Asi vanhu chavaiziva ndechekuti Mazvinzwawo aisataura makuhwa e nhema ,vanenge vazvinzwawo zvechokwadi asi vaizorunga kuti zvinake.

Muchaneta anoonekwa achisvika pamusha wa Mbuya Mazvinzwawo, se munhu aida kutura nhau yake kuti inatso kufamba nekukasira haana kuda kunonokera nyaya.

Muchaneta: Mbuya ndoda kukuudzai nyaya irikuitika asi kwete kuzoita makuhwa"

Mazvinzwawo: Ndini ndichadaro here ikezvino ndakura ndakukwanisa kuchengeta zvinhu muhana



Muchaneta: Ko Mandinzwa munongwa muzukuru wa Mbuya Gora arikufambidzana ne mwana wa mambo "

Mazvinzwawo ainge aita kuteya nzeve se shuro.

Mazvinzwawo: I chokwadi here ichi?, mwana upi iyeye?"

Muchaneta: Uyu zve gotwe ra mambo Zvikoni, Mandinzwa akasara oenda kusango vatova murudo"

Mazvinzwawo; Babangu Nhowa iwe, Mandinzwa adarirei kutamba ne pfumo ra mambo, adarirei ko nhai"

Chero hazvo Mazvinzwawo aive achiremerwa muchifuva asi nhau iyi yakamusiririsa, Mandi aimunzwira urombo ne hupenyu hwaairarama

uye hapana ainge asingazive kuti mambo vaivenga Mandinzwa asi zve vakuru zvaisataurwa.

Muchaneta akabva mufaro wakazara achiziva kuti zuva raisara rogara miti nhau yasvika kumuzinda.

Chakashamisa Muchaneta ndechekuti kwakaita mavhiki maviri pasina shoko rasvika kumuzinda.

Mazvinzwawo paakanzwa nyaya iyi akaona kuti akaremerwa zvaiurayisa mweya isina mhaka, akazama kushinga mavhiki maviri akafundika nyaya, asi rimwe zuva akabuda musaga vari parwizi vachigeza zvekuti richivira nyaya yainge yatosvika kuna mambo.

Mambo vaionekwa vari mudare mavo vachiita kuhuta ne hashu ,vakaona munongwa uyu aenderera chaiko.

Havainge vakazvifungira kuti mwanasikana wavo angade munongwa ,zvino vaive vonongedzera mukadzi mukuru kuti ndiye honzeri.

Mai Manyara:Mambo wangu kana muchinditi ndini honzeri morevei?

Mambo: Kuuya kwaiita Mandinzwa pano ne mvura kubva Zviko achiri mwana ndizvo zvakaita vawirirane"

Mai Manyara:Pachiri pedo mambo wangu, ndotsiura"

Mambo: Handidi hangu kunyadziswa, Mandinzwa agonzi mukwasha wangu , ndaramba, dana gotwe rako tibvunze kuti anofungei"

Mambokadzi vanotuma nhume kuti iuye na Zvikoni, Zvikoni zvaanosvika padare achiona chiso cheshumba chainge chakapfekwa na baba vake akambokanganwa kuti i mbizi chinakisa matondo, akaziva kuti kwaminama"

Mai Manyara:Zvikoni mukunda wa mambo ,I chokwadi here chatinonzwa muma mana umu"

Zvikoni: Muchirevei nhai mhai?"

Mai Manyara:Unechokwadi chekuti ungafambidzana na Mandinzwa munongwa zvake"

Zvikoni akashamisika ne mashoko aya ndiani ainge afambisa nyaya, sekuziva kwake zvekufambidzana kwake na Mandinzwa kwaingoziikanwa na Muchaneta na Rumbidzai chete.

Mambo: Handikuvanzire mwana wangu, iwe takatenderana kuti uri kuenda kwa Nyati, zvino zvawada kuteedza munongwa uchakonzeresa kuti ndiite zvichakurwadza mupenyu hwako. Kana uchida munongwa uyu ave nerugare siyana naye ,ndini ishe mudunhu rino chandinenge ndatema hapana anopikisa."

Mambo vainge vobvunda ne hasha, vaiona Mandinzwa iri inda kwavari, vainge vononokerwa ne mazuva ekuti machinda ake atevere kusango, asi hapana zuva risingasvike musu wekuti machinda a mambo aende kusango rakasvika , mambo ainge awedzera dzimwe hasha.

Mambo:Tichaona ndiwe uchatungamira vamwe vako, asi mhosva dze munongwa uyu dzawedzerwa, ndakanzwa shoko rekuti akamanikidza mwanasikana wangu Zvikoni kufambidzana naye "

Tichaona: Zvakanaka mambo wangu, regai kurwadziwa henyu zvatopera so, ndiri kudzoka ne musoro wake uri munhava yangu"

Mambo: Ndinovimba nemi machinda angu"

Akadaro mambo achinyemwerera.  
Ainzwa kurerukirwa ne mutoro wavainge vakatakura.

Zvikoni zvaakadanwa na Mai vake kudare akabvapo mufaro waguma.

Chero dziyo dze rudo dzaaisi shaura dzainge dzaguma.

Mwanasikana akatambura kuti pavaviri ava ndiani ainge aremerwa akatura nyaya dzake ainge asisava vimbe zvachose.

Zvikoni: Vasikana vaviri imi, handisi munhu ane hutsinye ndiri dhuve yakapfava asi mukandi denha muchandiona kuti ndinopenga sei? Imi muri vaviri ndimi makarebesa muromo kusvika zvasvika kuna mambo, musade ndikuitirei hutsinye hwandisina ende chero mukataura zvinengei munongwa wangu ndinomuda zvakadaro, akatanga nyaya ngaadzokere anoti kwanzi na Zvikoni chero zviomesei ndicharwira rudo rwangu Mandinzwa ndiye chido chemoyo wangu"

Ainge agumbuka mwanasikana, waiona miromo ichiita kubvunda ne hashu.

Va Rumbidzai vangu vaive murima asi akabva

aziva kuti ndi Muchaneta chete.

Muchaneta ainge okwenya mhino nekasiyanwa, ainge azviona kuti mufaro we mwanasikana wagumisirwa panzira.

Mbuya Gora zvavakasara moyo wavo wakasara uchirwadza.

Mwana uyu aida kuvaurayisa ,nekuziva hutsinye huna mambo vakaona rufu ruchiyaya mberi kwavo ne muzukuru wavo.

Kubva pavakaziva nyaya iyi vakagara vakaringa nzira vachiziva kuti vachasvikirwa chete, sezvineiwo sekufunga kwavo vakaona rimwe zuva mambokadzi vachisvika pachivanze chavo.

Mbuya Gora: Titambire mai vedunhu rino"

Mai Manyara:Mbuya Gora manga makura zvakanaka, ndofunga mukagona kuraira muzukuru wenyu mungave ne rugare mudunhu rino.

Muchindiona ndakadai munoti ndingaiite mukwasha wandisingazive rudzi rwake, munongwa zvake anozvitamburira, zvi mombe zviri mudanga medu zvingakwanise kuroora

mwana wangu, Izvo zvitumba zvinenge hohwa  
zviri pano mwana wangu anopinda payi,  
munyare mbuya imi, tsvakaiwo vasikana  
vakanongwa kwete mwanasikana wangu"

Mbuya Gora vainge vasiwisa chiso pamusha  
pavo hapana chakasara kutsoropodzwa  
vakazvipira kuti Mandinzwa achiuya anowana  
vamutsvakira wekuroora asiyane na Zvikoni.

Mandinzwa zvaainge arumwa ne nyoka ainge  
atoona kuguma kwe hupenyu hwake, akatanga  
kufunga njiva yake yaainge asiya kuti yaizosara  
nani.

Chakava chisamiso ku mwanakomana kuti sei  
mushonga washaya simba mumuviri wake.

Chero hurukuro dzaitwa ne vamwe haana  
kudziisa mumusoro, iye akangopedza nyaya  
achiti vadzimu vamurwira.

Mandinzwa akaita mazuva maviri akazorora  
ndokuzotanga zvaainge avinga musango.

Kana iri semiseve ainge aijaira paaivhima asi



madzidzisirwe aaitwa ainge asiyana.  
Nekufamba kwe mazuva Tapiwa na Mandinzwa  
dzainge dzave shasha yekutamba ne pfumo,  
ndizvo zvaigonekwa na Mutambanepfumo.

Matambanepfumo: Vakomana imi mune  
hungwaru munokasira kubata ,mwedzi mitatu  
ichapera tatozorora, ne mwedzi umwe chete uyu  
matove shasha dzekutamba ne pfumo  
nekukanda miseve.

Tarunzwa: Pako wapedza Matamba, ini rave jana  
rangu rekudzidzisa kurwa nezvikara zvesango  
uye kuvhima "

Mandinzwa: Ndiyo ngoma yandinorwarira  
Tarunzwa"

Tarunzwa: Nhasi takumbonovhima kuutira kuti  
tiwane chekudya "

Vakomana vakatora miseve yavo ne mapfumo vopinda musango, Mandinzwa haana kusiya gano rake raakapiwa na mbuya Gora.

Vave pakati pe sango mberi kwavo kwakabudikira mhene yaimhanya kuiita mhupo chaiyo, Tarunzwa nekuda kwenyanzvi akaziva kuti shure kwe mhene hakuna kumira mushe.

Tarunzwa:Vakomana gadzirirai mushure me mhene murikuuya Shumba, zvenyu zvekutiza nhasi hakuna, Shumba haitizwe inotariswa mumaziso."

Chero munhu une hushingi chinhu chinonzi Shumba chinotyisa Mandinzwa ainge asati ambosvika pedo naye ainge obvunda.

Shumba iya payakaona imwe nyama yakamira mberi kwavo yakatanga kurwera rute , Vakomana vakaramba vakaitarisa iyo yainge yakatarisawo yakamirira anongopfakanyika.

Mandinzwa makumbo ainge opera simba aiti

akaona mazino e shumba ainzwa sekuti akutodyiwa.

Uyuwo Tapiwa ainge obvundawo nekutya pfungwa dzake dzakangomuudza kuti tiza aisada kuramba akatarisana ne chikara ichi.

Tapiwa akangofambisa gumbo rake Shumba iya ikati mudzimu wakombora, Tapiwa akati chitsoka ndibereke, Mandinzwa achiona izvo ndiye chitsoka ndibereke akatevera Shumba yaive mushure ma Tapiwa.

Mandinzwa akaregedzera museve wakanobaya nechepanzeve pe Shumba ichiti rimbinyu kuwira pasi.

Tapiwa akamira aona shumba yawira pasi, akatora pfumo rake ndokupotsera richinobaya pa gumbo rekumashure.

Shumba yainge yatsamwa , yakamuka ichida kuno warukira Mandinzwa asi yakagarirwa ne gano ra Mandinzwa nechepakati pemusoro wayo.

Ukuwo Tapiwa ainge aibaya ne pfumo padumbu chaipo vakomana vakafara vaona vauraya chikara ichi.

Tarunzwa nevamwe vake vainge vakayeva vakomana vachiita mabiribobi vainge vakangomirira kuzovabetsera kana zvasvata. Izvi zvakavafadza zvikuru.vakazoswera vovhima havo ndokubata shuro dzavo nhatu.

Tichaona ne vamwe vake vainge vavepedo nekusvika kusango rerima, vakambozorora vakamirira kuti vasvike kwasviba pasina anovaona.

Uku va Mandinzwa vangu vainge vakati rashu nekuneta sezvo masikati vamborwisana nechikara uye vazoswera vachivhima, vaisaziva kuti zuva iri vainge vatarirwa rufu rwunorwadza.

Kupera kwe chitsauko 8

[05/31, 4:20 PM] +263 77 702 6923: \*LOST CHILD\*

\*STORY BY\*

\*MADUBE CHISHONGO\*

0777026923

\*CHITSAUKO 9\*

Kusango re Rima Tichaona anoonekwa ne  
vamwe vake vachironga kuti vozviitasei kuti  
vabate munhu wavo.

Vaida kuuita zvinhu zvavo ne ungwaru nekuti  
vaiziva kuti varume vainge vaenda nana  
Mandinzwa dzaive nyanzvi mukurwa.

Murozvi: Varume hatifanirwe kuziikanwa ini  
hangu Matambanepfumo ndomutya hangu  
tinoparadzwa muno musango "

Takunda: Hatidi gwara Murozvi isu chatinoda kubata Mandinzwa pasina anoona zvekuti vanosara voona mutumbi wake isu tagura matunhu"

Murozvi; Ndozvinzwisisa asi tomubata sei ivo vachigara vese pakutoda hungwaru "

Tichaona: Ndafamba ne madera pano, chatichaita ndechekutsvaka pane musasa wavo nhasi manheru, umwe ne umwe achakwira mumuti uri paduze ne musasa wavo tinenge tichida kuona mafambiro avo, ndinoziva kuti pane paachasara ariega kana kufamba ega"

Murozvi: Ndosaka mambo vatitiuye nowe une hungwaru"

Tichaona ne vamwe vavo vanotanga kufamba vachipinda musango. Vanotanga kuona chaedza che moto vakaziva kuti vavepedyo navo, vakatanga kunyawaira vawona vave pedo navo

vakabva vakwira mumuti ndokuti zii varimo.

Mandinzwa na Tapiwa vainge vakutoridza ngonono se vanhu vainge vaneta.

Tarunzwa ne vamwe vake vainge vakakomba choto vachikurukura zvavo, varume ava nguva zhinji vaisarara usiku nekuti vai chengetedza mwanakomana wa mambo, vairara mambakwedza vakuona kuti hakuna chichafamba kunyangwe mhuka dzeusiku.

Tichaona ne vamwe vake vakagara mumuti kusvika hweva yabuda vakangovhura maziso se zizi.

Vakashamiswa ne varume vakaedzerwa vakasvinura vakatoona kuti kwaedza vasina zvavati vaita.

Mandinzwa aive murume asingade kubudirwa ne zuva arere ainge atomuka kare akuunganidza huni , Mandinzwa aisada kugara pasi nguva zhinji aizvitsvakira basa rekuita.

Mandinzwa paakaona kuti huni dzakwana

akabva atora chirongo chake achidzika kurwizi kunotsvaka mvura.

Semurume aive mukati mesango aifamba ne zvombo zvake.

Tichaona paakaona Mandinzwa odzika kurwizi akati mudzimu wakombora vakatanga kuvanda nemakwenzi vachitevera.

Chinoda kufa chinovingira va Mandinzwa vangu waitofamba vachifunga mhandara yavo yavakasiya kudunhu ravo, chezivo kuti mushure mune mhandu.

Asi munhu haafe sehuku, Mandinzwa aive murume akangwarira chero hake aifunga Zvikoni wake asi nzeve dzaive dzakanzi kwangwa se tsuro nekuti aiziva kuti ari musango rinogara zvikara.

Mandinzwa akanzwa chinhu chakati pfokocho mushure make, haana kuda kutambisa nguva ndokubuda munzira achipinda musango ainge atovhomora miseve yake yatoiswa pauta.



Tichaona ne vamwe vake vakatanga kutevera Mandinzwa, vaona vavepedyo naye, Tichaona akabva abata tsvimbo yake yaive nezimusoro akabva aibata zvinesimba ,paakapinda mu nzira yaive na Mandinzwa akashamiswa achiona musisina munhu.

Tichaona: Apinda nepi apa?"

Murozvi: Ndangonzwa kuti pfokocho pagwenzi iro"

Takunda:Varume tatoonekwa ngatimutsvakei nekukasira asati adzokera kune vamwe"

Murozvi: Varume tikasabata munhu uyu mutongo wacho munonouziva mberi"

Tichaona: Musatye Mandinzwa chinhu chidiki kwandiri"

Varume ava zvavaiita hurukuro Mandinzwa aive

mugwenzi achinzwa zvose, akabva aziva kuti idzi dzaive mhandu ,akaziva kuti hupenyu hwake hwave patambo.

Mandinzwa akaona munhu akati mvee ndokumuziva akabva atatamura museve uchinonyura mugumbo murume mukuru akawira pasi achishinyira.

Mandinzwa akatora umwe miseve ndokuuregedzera uchinanga pane wepiri uchinonyura muruoko aisada zvekuuraya asi kurwadzisa ,paakavhomora wetatu akashamisika achiona yave nzvimbo ,akazama kutarisa kuona kuti asara wacho aenda nepi asi akamushaya.

Paakasimudza musoro achiti abude mugwenzi akabva asangana nedzoro retsvimbo ya Tichaona achibva awaira pasi ndiye zii akadaro.

Tichaona ne vamwe vake vakapembera kubata mhandu yavo, asi vaviri ava vaishinyira ne mavanga avainge vapiwa na Mandinzwa.

Varume vakasenga Mandi ndokubva naye panzvimbo iyi, vati fambei vakamuburutsa ndokumusungirira pamuti vaida mhuka

dzesango dzigowana chekusvusvura.

Tichaona akatsvaka muvenga honye ndokuisa pamaronda evamwe vake ndokusunga ne rwodzi.

Tichaona: Vakomana totofamba rwendo tichidzokera tisati taonekwa pedu tapedza"

Murozvi: Saka mondiudza kuti tomusiya akadai mambo wani vakati tiuye ne musoro wake."

Tichaona: Tine mazuva matatu tichifamba kudzokera kudunhu redu, uye takutoverenga mama kana mashanu nekuda kwe gumbo ra Takunda tichange tichifamba zvishoma zvino tingasavike nawo dzave honye"

Takunda :Ndizvo chaizvo chakakosha tapedza zvatafambira isu mambo achagutsikana aona Mandinzwa asina kudzoka"

Varume vakagadzirira kudzokera pavo vainge vapedza, Mandinzwa akasiwa akaremba pamuti apa ropa rainge razara muviri rimwe richidonha pasi, ainge arohwa zvakaipisisa.

Paita nyama magora haatani kusvika ainge otenderera mudenga kuri kuda kuwana chisvuvuro, vabere vangu vainge vanzwa munhuwi weropa ndokutanga kutsvaga kwarinobva nako.

Zvakasara Tapiwa ne vamwe kumusasa vakatoshamisika kuti Mandinzwa anonoka kudzoka aonei kurwizi, Tapiwa akatanga kudzika kurwizi achitarisa umwe wake, Tarunzwa akatevera aona kuti mwanakomana haangafambe oga mukati mesango.

Mukufamba kudaro vakashamisika vachiona chirongo chakasiwa panzira chisina mvura, hana ya Tapiwa yakarova, vakatanga kutenderera vachitsvaka nekudanidzira Mandinzwa asi hapana akadaira.

Mu kufamba kudaro ndipo pavakasangana ne ropa ne miseve ya Mandinzwa hana dzavo dzikavhunduka.

Tarunzwa: Pane chawira Mandinzwa anenge arwiswa ne zvikara zvesango chete "

Tapiwa: Kuti kudaro tadii tatenderera tambotarisa" akadaro mwanakomana misodzi yatojenga mumaziso, aive murume aida kuzama kuzvishingisa asi zvaimukurira.

Mukutsvaka kudaro ndipo pavakaona madonhwe eropa, vakatanga kumatevera kusvika vasvika pane zvakavarovesa ne hana, vakakaona kuti iyi i mhuka munhu yadai asi chakavashamisa angave ani mukati mesango uye chinangwa chavo chaive chei?

Tapiwa achiona umwe wake akarembere mumuti achiratidza kuti haana hupenyu akaungudza, zvekuti murume haachemi inhema ainge abaiwa panyama nhete.

Tarunzwa achizviona akasunungura Mandinzwa ndokumuradzika pasi ,akasiya araira mwanakomana kuti achengete mutumbi wa Mandinzwa achimhanya unodana vamwe, akasiya akohomedza kuti atarise mativi ake ose nekuti vaisaziva kuti mhandu dzavo dzaenda

here?

Tapiwa: Mandinzwa sahwira wangu ndiwo mafiro awasarudza here aya? Zvauri murume akashinga wani , ingawani wakakunda kubva muchikara chesango nhasi watadzawo kuzvirwira here? Wandirwadzisa Mandinzwa ndaitarisira zvikuru kubva kwauri , uri mhare Mandinzwa, ndokumbira ruregerero kuti ndakakurega uchifamba wega ndikatadza kukuyamura, pa shumba wakandiyamura ndave mumukanwa mayo asi ini ndakundikana kukuyamura.

Asi ndinopika nevari pasi ne madzitateguru angu kuti mhandu yaita izvi ichafa rufu rwunorwadza handizorore kusvika ndavapedza."

Tapiwa akagurisirwa ne vamwe vake vainge vasvika ,Matambanepfumo haana kuda kutambisa nguva ainge atopakata zvombo zvake ainzwa kunhuwirwa ne ropa mumhino dzake, murume ainge ongofengura mhino dzake dzaiita setsoka ye mwana ukaona adaro ziva kuti paipa.

Simbamukaka zvaakasvika paive ne mutumbi  
wa Mandinzwa akaramba achiucherechedza  
akabva aisa ruoko rwake ne chapahuro achibva  
asimuka ndokuti.....

Mambo zvavakasara kumuzinda vakasara moyo  
wavo uchifara , varume vainge vatevera  
Mandinzwa aivimba navo.

Aiziva kuti havakundikane ,mufaro wawaiva nawo  
wakashamisa chero mukadzi wavo nekuti  
vainge vasati vamboratidza huso hwakadaro.

Ukuwo Zvikoni ainge asina mufaro mazihope  
aairota aimushaisa rugare.

Akabva afunga kumboshanyira Mbuya Gora  
nekuti ainge ave ne nguva asina kuvaona  
,Mwanasikana ainge asina kuziva kuti Mbuya  
Gora vainge vashanyirwa na mambokadzi  
vakasiya vatsoropodzwa.

Musikana akangoti sveverere akananga kwa  
Mbuya Gora ainge atakura mucheka  
wakaisvonaka ndokuuisa munhava yake aida

kunoupa mbuya vake sezvo ainge asina kuushandisa.

Zvikoni zvaakasvika pamusha apa pairatidza kuti hapana munhu, Zvikoni akaona misuwo isina kusungwa achibva apinda mumba ndokutanga kumushongedza zvake, mbuya vake vange vangobuda vasina kana kubvisa dota asi akaita zvole akapedza ndiyo nguva yakasvika Mbuya Gora vachibva kirwizi ne chirongo chavo. Mbuya Gora vakashamisika vachiona mumba machena vakarohwa ne hana vachiona mwanasikana akazvigarira achirwa nekupfutidza moto.

Mbuya Gora: Zvikoni mukunda wa mambo wadarirei kuita zvinhu zvinondipinza mudambudziko, hongu muzukuru wangu unomuda ende chinhu chinonzi rudo ndinoziva kuti kana chapinda mumunhu chinonetsa kubuda, asi hazvibetseri kuti vanhu vacho vaunoda unozochema mangwana dzangova nhoroondo kuisina, kana uchida hupenyu hwangu ne hwa Mandinzwa ndokumbirawo usauye pano uye usiyane ne muzukuru wangu wanzwisisa here?"



Zvikoni: Mbuya zvimwe mungataura asi Mandinzwa ndiye ari pamoyo wangu zvichanetsa kuti ndimubvise uye ndimukanganwe ndingatofa hangu"

Mbuya Gora: Zvikoni handichadi kuramba ndichikunyengerera mai vako havadi kunzwa kuti Mandinzwa mukwasha wavo vakauya pano vakanditsoropodza zvavanoda , vakataura mashoko asingaiti pano zvino ini kufira mahara handidi siyana ne muzukuru wangu Zvikoni, tsvaka umwe kana kuenda kwa Nyati kwandakanzwa handichadi kukuona rutsoka rwako panofuti Mandinzwa achidzoka anowana ndamutsvakira anoenderana naye kwete iwe ndaramba "

Mwanasikana akashamiswa ne mashoko ambuya Gora, mwanasikana waingoona matama ake achierera misodzi ainge abaiwa pamoyo.

Zviko haana kupindura asi akasimuka ndokutora nhava yake ndokubudisa mucheka uye ndokuuisa pamakumbo a mbuya vake.

Zviko: Mbuya mucheka ndewenyu wandakuvigirai , asi chokwadi ndechekuti ndikasaroowa na Mandinzwa ndinofira hangu munhanga"

Akadaro mwanasikana achibuda mbuya Gora vakasara vakati tuzu uye moyo wavo uchirwadza ,Zvikoni vaimuda kuti ave muzukurusikana wavo asi nekuda kwe vabereki vake vakaona kuti zvirinane vapikise rudo rwavo.

Kupera kwe chitsauko 9  
[05/31, 4:20 PM] +263 77 702 6923: \*LOST CHILD\*

\*STORY BY\*

\*MADUBE CHISHONGO\*

\*R.MAWANDE\*

0777026923

\*CHITSAUKO 10\*

Simbamukaka zvaakasvika pane mutimbi wa  
Mandinzwa akasvika ndokuisa ruoko rwake ne  
chepahuro ndokunzwa tsinga u  
ichiri kutamba, akabva asimuka  
ndokuti.. "Varume murume uyu achiri mupenyu  
Tarunzwa mhanya utsvake mushonga tivhare  
ronda ririkubuda ropa"

Tarunzwa haana kuda kumira semunhu aiziva  
muti waainotsvaka hazvina kumutorera nguva  
ainge amuwana ndokuuya ndokuukacha achibva  
ana mira paronda.

Uyuwo Matambanepfumo ainge achingodzana  
dzana aripanzvimbo imwe chete, ainzwa maoko  
ake kuvavira kuda kunyika munhu pfumo, se  
munhu anehungwaro akaona kuti vanhu ava  
havana nguva vabva panzvimbo iyi akabva  
ati.. "Varume regai ndimboti pote apo

ndimbozvibatsira ndodzoka nekukasika"  
akadaro achitofamba ,achingoti pote akatanga  
kutsvaka pafamba ne vavengi ava hazvina  
kumutorera nguva ainge awona tsoka dzavo  
ndokutanga kutanga kutevera, Matamba  
akatanga kunyumwa nekuti dzakatora nzira  
yekudzokera kumusha kwavo, akatanga  
kukanda tsoka hazvina kumutorera nguva kuona  
mhandu dzake, akabva adimurira ndokusano  
mira mberi kwavo.

Tichaona ne vamwe vake vainge vachisesedza  
umwe wavo sezvo gumbo rake rainge razvimba  
kuita danda, weruoko aingo shinyira ne  
marwadzo havana kunge vafungira kuti mberi  
kwavo vainge vagarirwa kare ,vakati achifamba  
kudaro vakashamisika vachiona mberi kwavo  
kuine museve wainge wakabairirwa munzira uri  
mukati medenderedzwa wainge wakatsvuka  
ropa Murozvi akatanga kudedera.."Tichaona  
moiona nyaya iya chionai Mandinzwa akutanga  
kupfuka"

Tichaona akashamiswa nekudedera kwa  
Murozvi achibva amudzikamisa.. "Ndinoona  
sekuti tateverwa ngatitsvakei pehuwanda"  
akadaro Tichaona achiringa mativi ese.

"Manonoka hakuchina kwamuchatsvaka

pekuvanda nekuti ndatokubatai, heya ndimi nharadada dzacho dzapfuudza mweya usina mhaka" akadaro Matambanepfumo akamira mberi kwavo vakashamisika kuti ainge asvika nguvai.

"Matambanepfumo inga tiri vanhu vamwe wani huya tigare pasi titaure" akadaro Tichaona achibvunda chero yaive nyanzvi asi pana Matamba asisasvika aive ne chokwadi chekuti vakada kumurwisa vese vaipera.

"Handina nguva ne mhondi ini dzinoparadza mweya usina mhaka ,fambai zvenyu tipinde padenhere iro topedzerana ikoko" akadaro Matamba achisvukumisa vanhu vake vakananga padenhere .

Matambanepfumo haana kuda kutambisa nguva, akatora rwodzi rwaive munhava yake ndokusunga varume vaye mbiradzakondo ,Tichaona akamboda kurwisa asi akaona kuti ainge akuzvigokera rufu.

"Ndinokunyikai pfumo rangu mose pakashaya anoziva kuti mapfuudzwa nani ndidzikamirei zvenyu" akadaro achipedzisa kusunga Murozvi.

"Yaa vakomana chitaurai nyaya yenyu zvakanaka kuti sei mafunga kuuraya munhongwa zvake asina chaainacho"

"Mukuru wangu izvi zvakutoda kunzwisisa ,tiri vamwe chete, uye izvi hatina kuita zve musoro wedu tatotumwawo" akadaro Murozvi achishinyira.

Tichaona akapererwa ne zvaaitwa na Murozvi ainge afumura zvose , Tichaona ainge azvipira kuti haataure chokwadi asi mbwende dzaakafamba nadzo dzinge dzakadurura.

"Ko mhaka ndeyeiko ingada mubairo wekudeuka kwe ropa?"

Murozvi akadedenura zvese sezvazviri zvinova zvakapa Tichaona shungu yekuti dai asina kusungwa amukanda pfumo raro pamoyo chaipo.

Matambanepfumo akarwadziwa nekuita kwa Mambo wake chero hazvo aiziva ari munhu ane hutsinye asi pana Mandinzwa akashaya kuti ruvengo rwake rwaive rei, Matambanepfumo aive munhu aityiwa kunyange na Mambo Samaita asi iye semunhu aive pasi pake aizvinipisa asi panguva ino hashu dzaive nadzo aigona kuvaparadza.

"Kunonzi mutumwa haana mbonje asi nhasi zvashanduka mutumwa ndiye achave ne mbonje ndichatamba nemi kusvika hasha dzangu dzaserera majaira kuuraya vanhu se huku" akadaro Matambanepfumo achinongedzera Tichaona ne pfumo.

"Zvino mese rarai pasi nedumbu"

Varume havana kupikisa vainge vogwesha nedumbu vaiziva mubairo wakavamirira.

Matambanepfumo akabudisa mboma yemuswe we mvuu yaive mu nhava yake ndokutanga kurakasha vanhu kumagadziko, vakatanga vachakashinga asi vakapedzisira vobowa se mombe.

"Zvanhasi zvakwana tosangana mangwana" akadaro Matambanepfumo achifamba achibva pavari, vose vakashamiswa nekuita kwake . vakasiiwa vakasungwa kudaro, uku magadziko aiita kubvira moto.

"Musatye zvenyu akangotisiya tiri vapenyu azviparira mambo haavazive mushe" akadaro

Tichaona achizama kuzvishingisa.

Matambanepfumo akadzokera kwaive ne  
vamwe vake ndokuwana vatakura Mandinzwa  
voenda naye kumusasa wavo.

"kwanga kuchiri kuzvibatsira here  
Matambanepfumo" aive Tapiwa aibvunza hake.

"Mudunhu ndiwo wanga wandibata asi ndave  
nani" akadaro achivanza chokwadi aisada  
mwanakomana wa mambo azive kuti mabasa a  
baba vake nekuti akaona kuwirirana kwaaita na  
Mandinzwa aingoda zviziikanwe naiye na  
Mandinzwa chete.

Zvakasvika pamusasa vakamuradzika  
zvakanaka,se vanhu vaiziva mushonga hazvina  
kuvanetsa kurapa Mandinzwa, musi uyu havana  
zva vakaita vainge vakangorinda Mandinzwa.

Usiku havana kuda kurara vainge vakarinda  
Mandinzwa nekuti vaisakwanisa kumukwidza  
mumuti.

Kuchingoedza Matambanepfumo akabva



adzokera kwaive ne vanhu vake akawana vachakarara asi maoko akazvimba nekusungwa. Akasvika ndokutanga kuvarova rova nekushure kwe pfumo vese vakaridza mhere.

"Nhasi izuva redu rechipiri kuti ndikuratudzei zvinoitwa kune mhondi dzakaita semi" akadaro achibudisa museve wake akabva auiisa mumoto waainge asiya avavesera.

Museve wakatsvuka kuti piriviri ndokuubudisa ,vose vakashaya kuti nhasi ainge avafungirei?

"Nhasi ndinoda kukupai mucherechedzo wamusingakanganwe, uchakuyeuchidzai kuti munhu haangourawe uye musabvuma kutumwa kubata ropa risine mhaka" akadaro achibudisa museve ndokuugadzika pachidzva cha Tichaona rume rakabowa asi museve wainge wasiya ruvara rahwo pachidzva chake.

Matambanepfumo akaisa mucherechedzo kune umwe ne umwe varume vakachema vakazvirega.

"Zvanhasi zvakwana toonana mangwana"

"Tinzwirewo ngoni Matambanepfumo tarisa

maoko edu akurwadza nekusungwa uye nzara yatiuraya, magadziko edu anorwadza uye vanga riripagumbo ratishungurudza tabvuma hedu mhosva yedu tiregererewo" akadaro Takunda achichema.

"Anokwanisa kukuregererai ndi Mandinzwa ndiye achakusunungurai kwete ini mucharipa matadzo enyu kusvika zuva raachapora vanga ramakamupa" akadaro achitofamba achibva pavaive.

"Varume tosvikepi ne zvatiri kuitwa na Matambanepfumo" akadaro Murozvi.

"Rega aite zvaanoda kana tasvika kuna mambo achauwana mubairo wake zvaari kutiita zvishoma" akadaro Tichaona.

"Matambanepfumo muno muziva iyemi madarirei kutanga hondo isingaperi ini hangu dai zvaikwanisika ndaibva kuno ndakananga kumusha kwa mai vangu ,manzwa kuti Mandinzwa haana kufa apa anoziva kuti ndisu taida kumuuraya" akadaro Murozvi achiratidza

kutya.

Varume vakashungurudzika asi Tichaona aive ne moyo mukukutu moyo wake waida kutsiva zvaainge aitwa na Matambanepfumo.

Matambanepfumo zvaakadzokera akawana Mandinzwa amuka akanzwa moyo wake kusununguka akatenda vadzimu vakamurwira kubva muruoko rwe mhondi idzi.

Mandinzwa zvaakamuka akashamisika achiona ari mumusasa wavo Tapiwa agere padivi pake ainzwa musoro uchirema kuita seakasenga zidombo, iye akagumisira kuziva achirohwa mumusoro na Tichaona.

Tapiwa achiona umwe wake amuka akasunungura chiso chainge chakasungwa .

"Ndiani aita izvi nhai umwe wangu, ndiani ainge afunga kuzungunutsa gomo iri?"akabvunza Tapiwa achishungurudzika mweya wekutsiva wainge wakamugara.

" Handina chandakaona mambo wangu, ndakabatwa ndakarivara" akadaro Mandinzwa

achizama kuvanza chokwadi iye aida kutanga aziva kuti chinangwa chavo chaive chei nekuti munhu haupfuudzwe pasina chinangwa, akazvipira kuti paachadzokera achavaronda vese haana kunge aziva kuti vanhu vari muunhapwa.

Varume vakaswera vaine mufaro nekumuka kweumwe wavo, Mandinzwa kwaive kushinga semunhu rume asi musoro wake waimurwadza, ave manheru vachikurukura Tarunzwa akabva apinza nyaya mudariro.

"Mandinzwa unechokwadi chekuti vanhu ava hauna wawakaona" akabvunza Tarunzwa zvainge vakakomba choto.

"Tarunzwa handina chandakaona ndaitozvifambira zvangu kana kuziva kuti munyika munei ndakangonzwa ndagarwa musoro ne dzoro retsvimbo" akadaro achivanza chokwadi.

"Asi ndine chokwadi chekuti vanhu ava vainge vachingoda Mandinzwa chete nemhaka yei vasina kutirwisa" akadaro Tapiwa achinyumwa.

"hazvina kuipa tichavabata" akadaro Matambanepfumo nechitsvaka pekuisa musoro kuti awane hope.

Kuchiedza Matambanepfumo akamuka ndokuzevesera Mandinzwa kuti amuke, zvaingove zvekuvavarira asi airwadziwa ,varume vakamuka ndokutanga kufamba mandinzwa aitoshamiswa kuti vari kuendepi.

"Mandinzwa varume vaida kukuuraya ndakavabata saka ndiko kwatiri kuenda iwe ndiwe uchavapa mutongo, chero ukada tivapfuudze handizezi kunharadada dzakadai" akadaro Matambanepfumo achitambisa pfumo rake.

"Ko chinangwa ndecheiko zvandisina daka nemunhu" akadaro Mandinzwa achiratidza kushungurudzika.

"Mandinzwa vanhu vanokushora vachiti uri munongwa asina chaainacho, asi zviru mauri zvikuru, vanoona chaivo vanoona paine mhare chaiyo zvino vanhu vanorwadziwa, asi nyaya huru iri pamukunda wa mambo wadarirei kubata panopisa mudunhu medu zvamakazara

mhandara wani"

Mandinzwa achinzwa nyaya iyi akabva aziva muvengi wake zvakamushamisa kuti mambo ainge aziva sei kufambidzana kwake na Zvikoni.

"Matambanepfumo handidi kukuvanzira asi pamwana uya zvichanetsa kana kuchinzi ndafira rudo ndini ndichatanga, mwana uya ari pakadzika dzika pemoyo wangu vakakanganisa kuti sanganisa kubva tichiri vadiki vaifunga kuti vandipa mutongo unorema asi vaiumba rudo mukati medu"

"Ndaona kushinga mumaziso ako uye zvirikubva pasi pe moyo wako asi ndichamira newe" akadaro Matambanepfumo achisimbisa Mandinzwa.

Zvavakasvika paive nevasungwa vavo vakawana varume misoro imire kuringa nzira kuri kuda kuzorodzwa mu marwadzo, Mandinzwa akashamisika ne zvaive varume ava.

"Mandinzwa waita wauya tanzwa tinzwirewo ngoni" akadaro Murozvi achiratidza kurwadziwa.

"Makarasa moyo mukasara musina mhaka

yangu nemi ndeyeiko yamunganditongera rufu, zvino chivi chinodzokera kumwene wacho ndiani aiziva kuti muchadai muri vasungwa, zvino ndinoti kuna Matambanepfumo akupei mubairo wekupedzisira muende zvenyu monoudza munhu akakutumai kuti Mandinzwa i gomo risina hukwiriko" akadaro Mandinzwa achiita kubvunda ne hashu.

"Vanhu vakadai havatenderwe kurarama asi sekureva kwako nhasi mubairo wavo ndewekutsika mazimbe anopisa" akadaro Matambanepfumo achisudurutsa huni pachisara mazimbe, varume vaye vakaona pasina pekutizira vakapfuura vachipiwa munembo pasi petsoka.

"Tosangana kumuzinda mwedzi unouya mofamba zvakanaka" akadaro Matambanepfumo achisunungira varume vaye.

"Murambe muchitenda kutumwa umwe wenyu achadzokera asina musoro" akadaro Mandinzwa vachifamba vachibva pavaive.

Vana Tichaona vakasara vonanaira kufamba kudzokera zvakavatorera mazuva sezvo tsoka dzainge dzakwatuka.

Kupera kwechitsauko 10  
[05/31, 4:21 PM] +263 77 702 6923: \*LOST  
CHILD\*

\*STORY BY\*

\*MADUBE CHISHONGO\*

\*R.MAWANDE\*

0777026923

\*CHITSAUKO 11\*

Tichaona ne vamwe vake zvavakapinda munzira



zvaive zvekuvavarira , tsoka dzavo dzainge dzadhomoka se vanhu vakatsikiswa moto.

Zvaiti nzara, koti vanga rekupiswa ne museve, koti kurwadziwa nekurohwa kozoti kutsikiswa moto zvosanganisira vaviri vaye vekupiwa mavanga na Mandinzwa.

"Varume mukombe uyu ngaundipfuure hangu,nhasi ndapfidza marwadzo andikurira aya" akadaro Murozvi achiratidza kurwadziwa.

"Zvino mambo tosvika tichimutiiko zvatisina kuzadzisa zvaakatituma" akabvunza Takunda.

"Zvese siirai mumaoko angu mambo ndotaura navo asi Matambanepfumo achawana mubairo wake chete" ndi Tichaona aizama kuzvisimbisa.

"Tinosvika here isu ini hangu ndanzwa marwadzo andikurira" akadaro Murozvi achitsvaka pekumbozendama.

"Varume dai tashinga tananaira pamwe

taivirirwa takupinda mudunhu medu" akadaro Tichaona achizama kusimbisa vamwe vake.

"ini hangu handichakwanise gumbo rangu rakurwadza ndamboshinga wani?" akadaro Murozvi achinatso zendama padombo raainge aona.

"Kana zvakadaro hatichizororai zvedu tomukira kupedzisa rwendo rwedu mangwana" akadaro Tichaona achitsvakawo pekuisa musoro.

Kwaingove kuzorodza nyama asi marwadzo aivakurira vakarara nzima usiku uhwu ,chavo vainge voda kuvavarira kusvika kumuzinda, kana vari sevaviri ava vainge vachera chikomba vaisada kuita zvinovapinza zvekare munyatwa yakadai, asi vangu Tichaona vainge vakarasa moyo vaive ne moyo wakasindimara.

Kuchiedza vakomana vakapinda munzira vakananga kudunhu ravo, mufambo waivepo vaigona kusvika vanhu vachidya kudya kwemangwanani asi se vanhu vaive

mumarwadzo vakasvika mombe dzotenherwa mumatanga, Murozvi akanzwa moyo wake kufara kuti ainge asvika.

-----

Mambo zvavainge vasara kumuzinda vaingokwenya mhuno ne kasiyanwa, vainge vakamirira kuzonzwa nhau dzinofadza vaitononokerwa ne kudzoka kwana Tichaona.

Mambo zvavakaona machinda avo anonoka kudzoka panguva yavainge vakavatarisira vainge vasisina kugadzikana, vainge vonyumwa kuti hakuna chakanaka , vainge vabatira ura mumaoko.

Mambo vainge vogara vakaringa nzira ,zvinova zvakashamisa mukadzi wavo.

"Nhaisi mambo wangu mazuvaano mukagenge makasuwa chii chanetsa Mbizi yangu pamwe tingabatsirane" akadaro mukadzi mukuru achitambudzika nekushaya mufaro kwe murume

wake.

"Vadzimai mungazvinetsa zvedunhu rino mungazvigona zvimwe ndinopedza ndega" akadaro mambo achiratidza kuti haadi kukanganiswa mufungo yake.

"Ah zvakanaka" vakadaro mambokadzi vachidzokera zvavo muimba yekubikira.

Mambo zvavakaramba vakaringa nzira vakaona varume vatatu vaipinda mumuzinda ne nhau yekuti kwainge kwati hunderere vaisanatsoona kuti ndivanani, uye mafambiro evanhu vacho akatomashaya.

"Tisvikewo Mbizi, Samaita varidzi vedunhu" akadaro Tichaona achiombera zvavaisvika pana mambo.

Mambo vakashamisika ne zvaive varume ava vasati vapirwa nyaya vainge vatoona zvakatora nzvimbo.

"Ndiwe Tichaona ukati kurikubviwa kutsvene zvako?" vakadaro mambo vachiratidza kushamisika.

"Masango matema mambo wangu....." asati apedza Tichaona ainge atodimburiwa na mambo.

"Tichaona humhare hwako hwakaendepi, mondiudza varume vatatu mungakurirwe ne munhu umwe chete asina kumbobvira adzidzira kurwa asina kumboravira hondo mune idi nazvo" akadaro mambo achipupa ne hashu.

"Mambo wangu tainge tabudirira mubasa ramakatituma asi mhare inonzi Matambanepfumo ndiyo yakaita izvi?" akadaro Tichaona achiratidza mambo mavanga.

"Mune chokwadi chekuti makaziikanwa na Matambanepfumo ndizvo zvaitainge tatenderana here? inga ndaiti uri jinda rakangwarira wani Tichaona" vakadaro mambo vachipupira ne hasha.

"Pakaresveka mambo wangu asi munhu anonzi Matambanepfumo anofanira kuripa matadzo ake" akadaro Tichaona achiratidza shungu.

"Matambanepfumo momuziva mushe iyemi munenge matanga hondo yamusingapedzi" vakadaro mambo vachizama kuonesha machinda ake munhu wavaida kurwisa.

"Ko hu mhare hwenyu hwakaendepi Samaita kutyiwa kwenyu kwakaendepi, mungatyiswa na Matambanepfumo mudunhu renyu, uyu ndiye munhu achafa rufu rwunorwadza" akadaro Tichaona.

"Saka wanga wafungei nhai Tichaona?"

vakabvunza mambo.

"Musi waanosvika kubva kusango ndoda kumupisira mumba , uye Matambanepfumo akafa tinowana kupfuudza Mandinzwa zvisina chinotikanganisa" akadaro Tichaona achiratidza hushingi.

"Ndizvo zvandinokudira Tichaona haupererwi " vakadaro mambo vachiratidza kusununguka pa chiso.

Tichaona ne vamwe vake vakaenda kudzimba dzavo, vakadzi vavo vakapinda basa rekurapa mavanga evarume vavo.

Mambo vainge vasina kufara zvachose nekurarama kwa Mandinzwa vaitoziva kuti mazuva aasara anenge achiwedzera ruzivo rwekurwa ,anozodzoka yave mhare chaiyo ,vaiona vakundikana kubudirira kumupfuudza.

-----

Matambanepfumo na Mandinzwa zvavakasara vakatanga kufamba vachidzokera kumusasa wavo, vaisada pawanikwe anoziva zvainge vaita, havana kunge vaziva kuti zvavabva kumusasa wavo Tapiwa aive mushure mavo.

Zvese zvakaitika zvaive mumaziso ake, akabva aziva kuti baba vake ndivo vainge vatuma vana Tichaona kuzopfuudza Mandinzwa. Akanzwira baba vake shungu, akabva arangarira mashoko akataurwa na Chinembiri.

Tapiwa zvakaoma Mandinzwa na Matambanepfumo vakudzokera kumusasa akafambisa kuitira avatangire kusvika ainge asingade kuti vazive kuti ainge aziva chokwadi chake aizoda kurwira Mandinzwa muchivande zvavasingazive.

"Varume imi ndasara kumbeya ne sango



ndichikutsvakai mange maendepi ? mune chokwadi kuti varume vakaita semi mungadzoke musango achingove maoko chete " akadaro Tapiwa achizama kuvanza chokwadi uye vana Tarunzwa vaifunga kuti Tapiwa aive nana Mandinzwa.

"Nguva yesei ndanga ndichiti ndimi muna Samaita ,heya vanga varivega musango iri" akadaro Tarunzwa achiratidza kushamisika.

"Ndizvo zvinoratidza kuti tirikushanda basa mazuva ekutanga Tapiwa aitya chero kupota seri kwegwenzi kunozvibatsira ariega" akadaro Simbamukaka achishandura njiva dzaainge abata kuseni ikoko.

Varume ava vaiwirirana, Mandinzwa kubva zvaapora musoro wake vainge vadzokera pabasa, vakomana dzainge dzave shasha chaidzo, Tapiwa ainzwa kusununguka ari pedyo na Mandinzwa aishuvira kuti paachagara humambo Mandinzwa agove jinda rake guru

zvino ne mavengerero aainge akaitwa na baba vake aiona dziri ngano chaidzo, aizama kufunga kuti ndepapi chaipo paiita mambo vavenge Mandinzwa, zvaaive mukomana anoterera ane hunhu uye ane simba wani.

"Ndofunga varume mave kuziva mabatirwe e pfumo, makuziva kukanda miseve mave ne hungwaru hwekurwa, uye makukwanisa kuziva kurwisana ne zvikara uye kuvhima, zvino tasarwa ne svondo rimwe tichidzokera kudunhu redu , ngatichivhimai tiwane chekuenda takatakura kumhuri dzedu" akadaro Matambanepfumo .

"Shuwa nguva yareba tabva kumisha yedu ini hangu moyo wangu wave kuna mbuya vangu" akadaro Mandinzwa achiratidza kusuwa.

"Ini hangu mazikope andiri kusangana nawo anotyisa ndine hondo yandakatarisana na mberi uko" akadaro Matambanepfumo achiratidza

kusagadzikana izvi zvakashamisa Mandinzwa nekuti aiziva kuti vakatanga hondo, akatanga kufunga kuti mbuya vake kuti vachiri vapenyu here ,akavhunduka azunungutswa na Tapiwa.

"Ndanguri ndataura newe Mandinzwa wafungeiko sahkira wangu asi wakasiya chiponda moyo chako kumusha uko" akadaro Tapiwa achizvifarira zvake, Mandinzwa na Matambanepfumo vakabva vatarisana ndivo vega vaiziva chiponda moyo chake.

Varume vakapinda mumasango vachitsvaka mhuka, vaida kuenda kumusha ne chimukuyu, vaiti vakabata mhuka vaiiomesa ivo chavo vaigocha matumbu chete, nhava dzavo dzainge dzachiti tashu kuzara ne chimukuyu.

Musi wekuti mangwana vanodzokera kumusha kwavo havana kuda kuzvinetsa ne kuvhima vakaswera vakazorora havo.

Mangwana acho makuseni vakamuka vachirongedza utowo hwavo ndokuparadza musasa wavo vachibva vapinda munzira kudzokera kwavo.

Umwe ne umwe aive ne mufungo wake ari mu nzira.

Tapiwa aifunga kuti baba vake zvavakaziva kuti Mandinzwa mupenyu ikezvino vaimurongerei? Uye aizoda kuzama kumurwira kubva kupfumo ra baba vake chero aiziva kuti baba vake vane moyo wakaoma asi izvi zvakamutyisa

Uyuwo Matambanepfumo aiziva kuti ainge adenha mago, hope dzake dzaimuudza kuti mberi hakuna kumira mushe.

Mandinzwa zvaakaziva kuti mambo vanoda kuona kufa kwake, aiona asingabudirire kuroora chido chemoyo wake, uye aitya kusvika achinzwa kuti Zvikoni akaenda kwa Nyati sezvo mwedzi mitatu yakarehwa yainge yakwana, uye aityira mbuya vake.

Kupera kwe chitsauko 11

[05/31, 4:22 PM] +263 77 702 6923: \*LOST

CHILD\*

\*STORY BY\*

\*R.MAWANDE\*

\*MADUBE CHISHONGO\*

0777026923

\*CHITSAUKO 12\*

Zvikoni kubva zvaakabva kwa mbuya Gora  
haana kuda kuzodzokera , chaakaita kutsvaka  
musikana ainovacherera mvura mangwanani

ega ega, mbuya Gora vakatanga vacharamba dzimara vasiyana nazvo vainge vazvipira kuti chinouya chinovaona.

Zvikoni zvaainge akatarisirwa kunoita mwenga kwa Nyati vana tete vakapinda basa rekudzidzisa kuti asanonyadzisa, izvi zvairwadza Zvikoni aiona aroodzwa kudhara rachena imvi achisiya Mandinzwa wake achiri kutemwa dzinobuda ropa.

"Vana tete mungazvinetsa ini hangu zvekuroorwa na Nyati handikwanise endesai Manyara anova mukuru kwandiri ko takasiyanei?" Akadaro Zvikoni achiratidza kushungurudzika.

"Baba vako unovaziva Zvikoni isu hatidi zvinozotiisa mudambudziko toita sekureva kwavo" vakadaro vatete vakuru.

"Nhaisi tete zvinoita here kunzi Mukunda wa mambo atizira" akabvunza Zvikoni.

"Ah hazviite mwana we hanzvadzi yangu unoshoresa imba yenyu, muri vana ve humambo munofanira kukumbirwa zvakanaka iye munofanira kuwanikwawo ne vana vehumambo" vakadaro vatete va diki vachishamiswa ne mashoko a Zvikoni.

"Ini tete ndine wandinoda asiri Nyati zvino zvinoda kuitwa na baba vangu zvekundiisa pamurume mukuru handizvikwanise hangu" akadaro Zvikoni achifunga Mandinzwa wake.

"Ndiani zvake atora moyo we mwanasikana" vakabvunza vatete vane chidokwa dokwa chekuda kuziva.

"Muzukuru wa mbuya Gora" akadaro Zvikoni.

"Babangu Mbizi iwe Zvikoni une chokwadi ne mashoko ako, wadarirei nhai washaya pekuisa moyo here?" Vakadaro Vatete vakuru vachishamiswa nazvo.

"Tete ndipo pakamera moyo wangu" akadaro Zvikoni asina hanya nazvo.

"Izvo itokanganwa, ngaichisiya matambo ngatiite zvatafambira mwedzi uno uchipera uri kuenda kwa Nyati ndatopedza so" vakadaro Vatete vakuru vashatirwa ne zvavaida kuitirwa ne mwana we hanzvadzi yavo, vaiti vakafunga nhamo iri pa mbuya Gora vaishaya kuti mwana uyu akachivei.

Zvikoni zvaaidzidziswa kubata murume ne kumubikira nekuzvishambidza iye pachake aizvibata, iye chinangwa chake zvese zvaaidzidziswa aida kuzoitira Mandinzwa.

Mumwe musiki mwanasikana akagara zvake pabvute achitungira chuma chake akaona musikana anofamba na mambokadzi achiuya kwaari.

"Mukunda wa mambo, ndatumwa ne shoko na



mambokadzi vati musvike muimba yavo  
yekutandarira" akadaro musikana uya  
akazvininipisa.

"Zvakanaka ndotevera ndoda rega  
ndinorongedza zvuma zvangu munhanga  
mangu"akadaro Zvikoni achisimuka asi hana  
yake yakamuudza kuti hakuna kumira mushe.

Zvikoni akananga kwaainge asheedzwa  
akawana muimba yekutandarira muina mai vake  
nana vatete vake akaziva nyaya yacho.

" Zvikoni muzukuru wangu nguva iya yatainge  
tamirira yakwana, mambo Nyati vatuma nhume  
kuti vari kuuya kupera kwevhiki rino  
vachizoroora saka kubva nhasi wakufanira  
kuzvishambidza zvakasimba uye tichakutsvakira  
zvinonakisa ganda rako tanzwisisana here?"  
Vakadaro vatete vakuru vakasunga chiso  
zvekusada ku pikiswa.

"Mambokadzi wangu, mai vangu vakandibereka mashinga here kundiroodza ku harahwa yakadaro" akadaro Zvikoni achiyeredza misodzi.

"Asi kuda munongwa zvake asina chaainacho anokuchengeta nei iye achikonewa kuzvichengeta, kana uchida kuona rugare rwake enda zvako kwa Nyati asi kana uchida kuona kutambudzwa kwake pikisa zvakatemwa uone" vakadaro mambokadzi vachisimuka vaisada kuramba vakatarisana ne chiso che mwanasikana wavo vainzwa hashu mumoyo wavo ,vaishaya kuti mwana wavo ainge achivei pana Mandinzwa.

Mufaro wese wainge wapera pa mwanasikana aishungurudzika kuti Mandinzwa akadzoka anowana asisipo aizozvitora sei iye ainge avimbisa kurwira rudo rwavo, uye ainge asina simba rekuramba zvainge zvatenderanwa ,chokwadi chaaiziva ndechekuti Nyati akangobvisa pfuma chete haachina marambiro.

Kwasara mazuva matatu kuti Nyati auye kuzobvisa pfuma, Zvikoni ainge akagara

pamusuwo we nhanga yake yakasuwa, akanzwa  
mhururu yakarira ichipinda mumuzinda  
akashamiswa kuti vanhu vafarirei kudaro,  
akasimuka ndokutanga kufamba akananga  
kwaibva mhururu mwanasikana akanzwa  
mufaro uchizara maari paakaona hanzvadzi  
yake Tapiwa adzoka ne chido chemoyo wake,  
ainzwa kuda kumhanya kunombundira  
Mandinzwa asi akazvidzora nekuti mambo  
vainge varipo.

Mwanasikana akasanganidzana maziso na  
Mandinzwa achibva anyemwerera nyemwerero  
yakanyungudutsa Mandinzwa, uye ne  
kuzvishambidza mwanasikana ainge ave  
chitosvora meso.

-----

Mandinzwa ne vamwe vake vakapinda munzira  
vakananga kumusha kwavo, nzira haina  
kuvaremera sezvo vaifamba vachikurukura  
dzakasiyana siya, uye vaidzidzisana maitirwe e  
mabasa e pamusha, nekuchengeta vakadzi

inova hurukuro yakafadza Mandinzwa .

Muzuva retatu vana Mandinzwa vainge vapinda mudunhu ravo zvekuti mumuzinda vakasvika zuva rorova nhongonya, vanhu vachivaona vachisvika vakava ne mufaro mukuru uye mhururu kuri kugamuchira Nevanji wa mambo. Nguva yakapinda Mandinzwa mumuzinda maziso ake airinga kwese kwese kuri kutsvaka chido che moyo wake vakabva vasanganidzana maziso zvinova zvakapa Mandinzwa kuita se anofambiwa muviri wese.

Mwanakomana akanzwa moyo wake kusununguka achiona mhandara yake iripo pfungwa dzake dzaifunga kuti aiwana aenda na Nyati.

Mambo akatambira varume vainge vadzoka masango , asi chiso chake chairatidza kunyara mambo vaisatarisana ne varume ava mumaziso.

"Ndinotenda machinda angu mwana wangu adzoka ari mupenyu uye ndovimba kuti yave nyanzvi chaiyo, ndotenda vadzimu vakakutunga

mirirai musango re Rima rine zvikara zvinorura"  
vakadaro mambo vachishaiwa manzwi akati  
tsvikiti ekutaura

"Ndizvo mambo wangu tadzoka ne nyana renyu  
isu regai tinozorora zvedu se vanhu vafamba  
mitunhu yakakura" akadaro Matambanepfumo  
achionekana na mambo.

Varume vakapararira vakananga kudzimba  
dzavo , mbuya Gora vakapembera vachiona  
muzukuru wavo achisvika.

"Nhais mukadzi wangu kuonda kudai kufunga  
murume here?" akadaro Mandinzwa achiburutsa  
nhava yake.

"Titambire zve muzukuru wangu unoti  
ndingarare dzinouya ndichiziva kuti uri mukati  
mesango rine zvikara" vakadaro mbuya  
vachinyinura vachibudisa matadza avo.

"Ndakakuudzai wani mbuya kuti musandityire,  
ndakuvigirai nyama ye mhuka dzakasiyana

siyana" akadarwo Mandinzwa achisunungura nhava yake.

"Maita zve vahombarume" vakadarwo mbuya vachiombera zvavo.

"Makasara mushe here mbuya vangu?" Akabvunza Mandinzwa achipinda muimba yekubikira.

"Gara pasi titaure muzukuru wangu moyo wangu hausi kufara wadirei kutisasika se nyama pamutariko, washaya here mhandara inoenderana newe pane kufambidzana ne mwana wa mambo" vakadarwo mbuya Gora vakasunga chiso.

"Mbuya chinonzi regedza ndicho chiri mumaoko chiri mumoyo chinonetsa mbuya, ndazvipira kurwira rudo urwu kana ndichifa ndichafira rudo, asi imi musatye mbuya ndokuchengetedzai se mboni yeziso rangu, wese anoda kuisa ruoko pamuri pfumo rangu rinotamba naye ,ikezvino musatye mbuya ndave nyanzvi huru,

ndakadzidziswa ne mhare mbuya" akadaro  
Mandinzwa achinzwa hushingi huchizara maari  
,aiona vana Tichaona dziri pwere mberi kwake,  
naye akashamiswa kuti chivindi ichi  
akachiwanepi.

Mbuya Gora havana kuzoda kuramba  
vachipikisa muzukuru wavo vakangosiyawo  
zvakadaro vainge vimirira kuona kunowira  
tsvimbo ne dohwe.

Mandinzwa zvaakanzwa kuchengetwa  
kwakasara kuchiitwa mbuya Gora na Zvikoni  
akabva awedzera kuda Zvikoni.

-----

Tichaona zvaakanzwa kudzoka kwa  
Matambanepfumo ainge atoronga mapfuudziro  
aaizoita Matambanepfumo.

Tichaona aiziva hunyanzvi huna  
Matambanepfumo saka aida kumupfuudza

zvisina fungidziro kuti ndiani.

Tichaona zvaainge achigadzira zvombo zvake  
akaona nhume ya mambo ichisvika.

"Tichaona mambo vanokuda kumuzinda  
nekukasira" yakadaro nhume iya.

"Ndimirire ndirongedze zvombo zvangu tibude  
tese"/akadaro Tichaona achisimuka  
kunorongedza zvinhu zvake.  
Vakabva vapinda munzira vakananga kumuzinda  
,vakawana mambo vakagara pa dare.

" Tisvikewo Samaita kwakanaka here  
kwamatisimudza kunodziya kudai" akadaro  
Tichaona achitsvaka pekugara.

"Kungagonakei nhai Tichaona kana mhuka  
yangu ichiri kufema" vakadaro mambo  
vachiratidza kusuwa.



"Musatye Mambo wangu ndozvigadzirisa, chandinoda kutanga ndapedza na Matambanepfumo nekuti hapana zvandingaite kana achiri mupenyu" akadarro Tichaona.

"Zvino ndezvarini izvi?" Vakabvunza mambo.

"Kuchiedza muchanzwa mashura mudumbu rino" akadarro Tichaona achiva ne chokwadi ne mashoko ake.

"Zvakanaka Tichaona handizodi zvinovhiringa musi wekuroorwa kwe mwanasikana wangu" vakadarro mambo.

"Musatye tiri ziso renyu, regai nditenukire ndinopedzisa hurongwa hwangu" akadarro Tichaona achisimuka.

"Zvakanaka Tichaona ndinomirira kwauri" vakadarro mambo vachionekana na Tichaona.

Kupera kwe chitsauko 12  
[05/31, 6:20 PM] +263 77 702 6923: \*LOST  
CHILD\*

\*STORY BY\*

\*MADUBE CHISHONGO\*

\*R.MAWANDE\*

0777026923

## \*CHITSAUKO 13\*

Tichaona zvaadzokera kumba kwake, akasvika ndokutanga kugadzirira rwendo rwake.

Aiziva kuti kwaari kuenda kwaida kusunga dzisimbe, waisangonoita mawira mombe nekuti waidzoka musoro umire.

Moyo wake wainge usina kugadzikana zvaainge afunga izvi rwaive rufu rwaainge azviteya, asi se munhu ane moyo wakaoma sedombo akaramba akashingirira pa zano rake.

Tichaona aona kuti apedza kurongedza zvombo zvake, akabva abuda achinotenhera zvipfuyo zvake mudanga sezvo kwainge kwavira, mukadzi wake ainge ari muimba yekubikira achigadzira kudya kwa manheru.

Tichaona zvaakabva kunotenhera mombe akafunga kuenda kwa Murozvi pane zvaaida kubatsirwa husiku uhu asi aisave ne chokwadi chekuti anotenda nekuda kwezvaakaitwa na Matambanepfumo.

"Tisvikewo pano" akadaro Tichaona achirova gusvi.

"Ah ndiwe sahkira kwakanaka kwamatishanyira kwadoka kudai?" Akadaro Murozvi achigamuchira umwe wake.

"Kungagoipei zvako, handisi kugara sezvo kwavira kudai ndiperekedze sahira wangu" akadaro Tichaona.

"Zvakanaka rega ndikusvitse pamatanga apo" akadaro Murozvi achisimuka ndokubuda.

"Sahira ini hangu handidi kukuvanzira zvandakaitwa na Matambanepfumo zvakandirwadza, moyo wangu hausununguke ndisina kudzorera unoti mavanga andinawo ndeekutamba" akadaro Tichaona achiratidza kurwadziwa.

"Saka wanga wafungei nhasi Sahira" akabvunza Murozvi achishamiswa ne mashoko

a Tichaona.

"Manheru ano ndanga ndafunga kunomupisira mumba arere saka ndine kabasa kandinoda unondibetsera" akadaro Tichaona akazvirereka.

"Tsvaga umwe asiri ini ,ini zvekuramba ndichatambira pana Matambanepfumo handidi zvangu ndichiri kuda kuchengeta mhuri yangu ndichiona ichikura" akadaro Murozvi achitofuratira kudzokera.

"Manje mambo unomuziva ndinonovaudza kuti waramba basa ravatituma, wakutozvitunga muno mudunhu kaiwe" akadaro Tichaona achivhundutsira Murozvi, zvino Murozvi ainge atosunga dzisimbe.

"Kusiri kufa ndekupiko Tichaona, pfumo ra mambo ne pfumo ra Matambanepfumo harina kusiyana saka chinouya chinoona ini pano"

akadaro Murozvi achitora nzira inonanga kumba kwake, Tichaona akasara akati kanha nazvo.

Tichaona akaona pasina chake, akaona kuti zvirinane apedzise basa raanga atanga ega.

Akasvika kumba ndokuwana sadza raibva haana kudya zvakanyanya pfungwa dzake dzaive kuna Matambanepfumo.

Zvaakapedza kudya akabva aenda muimba yake yekurara aida kuzobuda pakati peusiku nguva inenge ichiridza vanhu ngonono.

Nguva dzekubuda dzakakwana, Tichaona akabuda ndokunanga kumba kwa Matambanepfumo , ainge atobatwa ne mweya wehumhondi, aive ne chokwadi chekuti Matambanepfumo ainge akarara hope dzemaneto sezvo ririro zuva ravakasvika kubva kusango re Rima.

Tichaona zvaakasvika pamusha wa Matambanepfumo ,akatora rwodzi rwake rwakasimba ndokuenda pamukova weimba ya Matambanepfumo yaanorara , akasvika ndokusunga zvakasimba, akateedza dzimba dzese ne dzairara vana vake neyekubikira

achisunga.

Tichaona zvaakaona apedza kusunga dzimba idzi akatora ndove yaive mudemhe yaive ne moto ndokutanga kutungidza dzimba dza Matambanepfumo akatanga kunzwa kuchema mukati medzimba idzi

Tichaona akatanga kunyemwerera aiziva kuti mhuri ya Matambanepfumo yaizofa rufu rwunorwadza akabva pamba apa ave ne chokwadi chekuti hapana apunyuka, akaenda kumba kwake mufaro wakazara pachiso chake.

Kuchiedza Tichaona ainge asvika kumuzinda kunotura zvaakaita madeko apfuura akatowana mambo na Nevanji wavo vatova padare ne mamwe machinda, akasvika nhau yekutsva kwekumba kwa Matambanepfumo iri mudariro, ziso raakapiwa na Tapiwa haana kuritora mushe hana yake yakarova semunhu aive ne katurikwa.

"Tichaona waita wauya nhau iripano inosiririsa ,Matambanepfumo ne mhuri yake vakatsvira mumba madeko apfuura saka....." Mambo

vakagirisirwa panzira na Tapiwa vasati vapedzisa kutaura.

"Mambo wangu musati vakatsvira mumba, taurai kuti vakapisirwa mumba ende munhu akaita izvi achandiona handiitirwe mashura akadai mudunhu rangu ndaramba" akadaro Tapiwa achiratidza hukasha, zvekuti mambo vakatya naye vainge vasati vambomuuona akatsamwa kudaro, vaiziva Tapiwa ari mwana akanyarara ane moyo munyoro zvekuti vaitomutyira kuti achakwanisa here kutungamira vanhu .

"Zvanzwika Mbizi yangu ikezvino Tichaona ne vamwe vake vachaenda kumba kwa Matambanepfumo vachinoongorora panzvimbo" vakadaro mambo.

"Ndinoenda navo ini" akadaro Tapiwa.

Tichaona hana yake yainge yorova ,asi akazozvidzora nekuti aiziva Tapiwa asina



hungwaru hwekuti angaronde munhu akaita izvi. Tapiwa ne varume ava vakati vakupinda mumusha wa Matambanepfumo Tapiwa akabva avamisa kunze kwe musha zvakashamisa Tichaona.

Tapiwa akapinda paruvanze rwa Matambanepfumo, akatanga kuongorora achitsvaka tsoka, sezvineiwo Tapiwa akaona tsoka dziye ndokutanga kudzitevedza kusvika dzabuda paruvanze, akaramba achitevedza kusvika aona kwadzaienda nako ndokudzoka zvake.

Tichaona achiona izvi hana yake yainge isina kugadzikana akazvisvora nekusadzima tsoka dzake.

"Ngatichipindai zvedu titarise kuti hapana mitumbi yakasara here inoda kuvigwa" akadaro Tapiwa asi chiso chake chainge chashanduka zvekuti

varume vaive navo vakavhunduka.

Tichaona ne vamwe vake vakatanga kutsvaka kana paine zvakasarira, vakawana zvinenge zvitsiga zvakatsva zvishanu vakave ne chokwadi

chekuti ndiyo mitumbi yacho yakasara.  
Tapiwa akasvika akachonjomara akazvitarisa  
ndokuti..."Matambanepfumo hu mhare hwako  
hwakaendepi, waindidzidzisa  
zvausingazokwanise kuzviita here?  
Unechokwadi chekuti ungafe se huku kudai,  
Matambanepfumo wandirwadzisa ndaivimba  
newe, ko hana yako haina kukuyambira here kuti  
muvengi wako uya adzoka kuzodzorera  
zvawakamuita, asi zorora murugare  
ndichapedza naye ini" akadaro Tapiwa  
achisimuka akabva apukuta maziso ake neruoko  
ainge onzwa misodzi ichida kubuda.

Tichaona akave ne chokwadi chekuti Tapiwa  
ainge anyumwa kuti ndiye nekuda kwe mashoko  
ake.

Vachingobuda muruvanze vakasangana na  
Mandinzwa achisvika achimhanya, guhwu rainge  
ratozara mudunhu umu.

"Ichokwadi here ichi nhai mambo wangu?"  
Akadaro Mandinzwa achibata makumbo a  
Tapiwa.

"Simuka Mandinzwa ichokwadi murume haachemi, anodzorera kwabva ne pfumo" akadaro Tapiwa achizama kuzvidzora.

"Ndinopika ne hupenyu hwangu munhu aita izvi achafa rufu runorwadza, ndonzi Mandinzwa ini mwana asina rudzi" akadaro Mandinzwa achipukuta misodzi ainzwa pamoyo pake pakadara zidombo risina anobvisa.

Akava mariro mudumbu iri vanhu vakarwadziwa zvikuru Matambanepfumo aidiwa ne dunhu rese kunzwa kwe vane moyo yakaoma, chero hazvo mambo vainge vane chekuita nekufa kwa Matambanepfumo asi akarwadziwa nekurasikirwa ne murwi wake mukuru, akaenda muimba yake ndokunozvi vharira akadamba chaainge atendera Tichaona kupfuudza Matambanepfumo.

-----

Zvikoni zvaakaziva kuti Mandinzwa adzoka ainge asisagarisike, moyo wake waida kuona chipondamoyo chake asi akashaya kuti angamuona sei?

Kuchiedza ndiko kwakamuka iribarawamhanya nekuda kwerufu rwa Matambanepfumo ne mhuri yake.

Musi uyu ndiwo wavavigwa sezva hama dzavo dzaive pedyo vakaona pasina chekuchengetera zvitunha izvi.

Zvikoni aivepewo paichengetwa zvitunha izvi, aiona kurwadziwa pachiso cha Mandinzwa.

Vanhu zvavakapararira Zvikoni akati kuvasikana vake vamuperekedze kurwizi aida kunogeza tsoka dzake, aiziva iriyo nzira inopfuura na Mandinzwa achidzokera kumba kwavo.

Zvikoni akasvika ndokugara parwizi paye , pasina chinguva akaona chido chemoyo wake chichiuya na mbuya vake, vainanaidzana vachikurukura zvechiitiko chainge chabva mukuitika.

Mandinzwa paakaona Zvikoni agere parwizi hana yake yakarova akatanga kuringa mativi ese

kuti hapana aripedyo here, akabva atanga kufamba akananga kuna Zvikoni ,akangosvika nekumbundira chido chemoyo wake, mbuya vake vachiona izvi vakapfuurira mberi ne rwendo rwavo asi hana yavo yairova zvisingaiti vaityira muzukuru wavo.

"Ndanga ndakusuwa mudiwa wangu uye mazuvaano wawedzera kunaka kudai" akadaro Mandinzwa achisvibvisa mumapapiro e mwanasikana achigara padivi naye ndokubata ruoko rwake rwekurudyi.

"Neniwo ndanga ndakusuwa " akadaro Zvikoni achinyaririra.

"Patiri pano hapana kujeka tinosvikirwa ndikaswera ndave nyama ye magora" akadaro Mandinzwa achiratidza kusagadzikana.

"Zvino ndokuona rini nhai Mandinzwa ndine nyaya newe" akadaro Zvikoni asuwa.

"Ndicharonga kuti ndokuona sei parizvino patiri pano panosvika vanhu vakawanda, I nyaya yeiko nhai mudiwa wangu" akabvunza Mandinzwa.

"Mangwana Mambo Nyati varikuuya kuzoroora ,ndonoperekwa manheru acho" akadaro Zvikoni maziso ake azara misodzi.

Mandinzwa achinzwa izvi akanzwa kupindwa ne chando akaregedza ruoko rwa Zvikoni zvishoma ne zvishoma ndokusimuka ndokutarisa chiso cha Zvikoni ndokuti....." Zvikoni une chokwadi ne mashoko ako, saka unodei kwandiri zvauri kuziva kuti mangwana unenge wave mukadzi wa Nyati we china"

"Baba vangu unovaziva Mandinzwa chavataura ndichocho, kuvapikisa kupedza nguva" akadaro Zvikoni.

"Saka wabvuma kuenda kwa Nyati" akabvunza Mandinzwa.

"Zvino ndodiiko Mandinzwa handina matiziro"  
akadaro Zvikoni.

"Hazvina kuipa Zvikoni ufambe zvakanaka dai  
ndisina kupedza nguva ndichiisa moyo wangu  
pauri" akadaro Mandinzwa achifamba achienda,  
zvainge zvamuwandira musi uyu, kuti kufa kwa  
Matambanepfumo uye kusiiwa na Zvikoni.

Zvikoni akazama kudana Mandinzwa asi haana  
kucheuka, akaenda kumba kwavo ndokusviko  
zvivharira munhanga make ndokutanga  
kuchema.

-----

Mandinzwa zvaakasvika kumba kwavo akawana  
Muchaneta musikana aifamba a Zvikoni aripo  
agere na mbuya vake akashamiswa kuti aidei.

"Mandinzwa pfuura nepano ndine nyaya newe"

vakadaro mbuya Gora.

"Muzukuru wangu wadireiko kuita zvinhu zvinourayisa, wadirei kutamba ne mukadzi wa mambo Nyati, izvezvi Muchaneta atouya kuzokuyambira kuti usiyane na Zvikoni nekuti mangwana anenge atove mai Nyati" vakadaro mbuya Gora vachiratidza kurwadziwa i nhamo zvayo asi Zvikoni vaimuda.

"Mbuya muudzei muzukuru wenyu, unoshaya kuti angaroora mwana weumambo iyeyu achisiya zvedu isu tisina zvibinge, tisinei ne upfumi hwe munhu" akadaro Muchaneta achitsigira mashoko a mbuya Gora.

Mandinzwa haana chaakataura asi akasvika paive na Muchaneta ndokubata vhudzi ra Muchaneta ndokutanga kumukweva achibuda naye muruvanze rwavo achibva amusundidzira achinoti kumba kwanja kwakadaro.

"Kuona rutsoka rwako pano Muchaneta uchandivenga" akadaro Mandinzwa achifuratira kudzokera.



"Mbuya zvimwe musatendera zvaivanhu  
zvichiuya pano kuzokupakai mashoko ,ndipo  
panobvira makuhwa e nhema" akadaro  
Mandinzwa ainge asvotwa ne hunhu hwa  
Muchaneta.

Kupera kwe chitsauko 13  
[05/31, 6:21 PM] +263 77 702 6923: \*LOST  
CHILD\*

\*STORY BY\*

\*MADUBE CHISHONGO\*

\*R. MAWANDE\*

\*0777026923\*

\*CHITSAUKO 14\*

Mudunhu ra mambo Nyati chakamuka chiri chipatapata kugadzirira kunoroora mukunda wa mambo Samaita.

Mambo Nyati aizikanwa matunhu ese ari mambo ane hupfumi hwaityisa, aive hurudza ine mbiri.

Vanhu vazhinji vaibva mumativi mana vaiuya vachiraramira kwavari.

Mambo Nyati aisave munhu ane hutsinye zvake asi mukamudenha maiona kupenga kunoita Nyati.

Dambudziko raive pana mambo Nyati ndere kushaiwa mwanakomana ndizvo zvakakonzera varoore kasingagume.

Mukadzi wavo wekutanga ainge abara vanasikana vanomwe ndokuguma ura , zvichiteverwa newepiri akaita vashanu chete

,wetatu ndiye ainge ane vatatu vari vakadzi voga voga.

Zvino mambo Nyati vainge vazvipira kuti havazorore kusvika vabata mwanakomana, vakatanga kufamba matunhu ese vachitsvaka pavangaise moyo ndipo pavakasangana netsvarakadenga ya mambo Samaita Zvikoni ikamutura moyo.

Dambudziko raive pamusha wa mambo Nyati Mukadzi wavo mukuru, hutsinye hwaaive nahwo waiti pamwe anomuka usiku, vakadzi vadzinyina vake vaive mudambudziko naye asi vainge vatojaira muririro we shiri yavo.

Zvino musu uyu yaive wabata mudiki wabats mukuru mambokadzi vachipenga , zvino wavaipengera ndipo pasina, mambo Nyati vaisave munhu anoda zvekutaura manhingi vaibva vanyarara zvavo sevasipo asi kupenga kwa Mambokadzi hakuna kudzosera hurongwa hwavo kumashure.

Mambo Nyati ne varume vavo vakatakura zvinhu zvavo ndokupinda munzira hapana kana ne chimwe chavakasiya, waitoda kubva ne mukadzi wavo, waitononokerwa nekutora mhandara

yavo. Se panhu paive ne mufambo wakakura vakamukira mambakwedza vachipinda munzira, zuva rakasara robuda vatova matunhu , vaida kudzoka musu umwe chete iwoyo.

-----

Mudunhu ra mambo Samaita chakamuka chiri chipatapata kugadzirira kuroorwa kwe mwanasikana zvinova zvakarwadza vakoma vake , mibvunzo yavo yaiti sei gotwe rawanikwa ivo madzikoma aripo, ndipo pavaigaro popota kuti vabereki vavo vanoda Zvikoni kudarika vamwe vese zvakaita kuti vakoma vake vese vasamufarire kunze kwe veimba yana Tapiwa.

Mambo vaiti kufarira kuroorwa kwe mukunda wavo, voti kusuwa kuti chokwadi murwi wavo hakusisina vakabva vazvishora mumabasa avo.

"Mambo wangu mune chokwadi ne zvamaronga izvi madarirei kutambudza mweya we mukunda wenyu" akadaro Tapiwa achigara pedyo na baba vake vaininge vamukira pa dare.

"Zvino ndodiiko wekubereka paripo pada moyo wa Nyati, iwe hauoni kuti mudumbu rino tinenge tapfuma" vakadaro mambo vachinyinura tumazino .

"Ini hangu handina kufara nazvo, zvaida azvitendera ega toziva kuti ndomene haichemedzi, iyo yekuda upfumi iyi ichapedza vamwe mudunhu rino ndokuudzai" akadaro Tapiwa atosunga chiso.

"Uchireveiko nhai Tapiwa?" Vakabvunza mambo vaine kushamisika.

"Vakuru vakati murombo munhuwo, uye hupenyu i mhindu pindu, mangwana munoshamisika moonha chaitemura chiya chakuseva" akadaro Tapiwa achisimuka zvakasiya baba vake vakati

kanha ne mashoko ake.

Asi se munhu aive ne moyo wakaoma  
vakaramba vakashingirira panhau yavo.

-----

Zvikoni zvaakabva kurwizi kunoona Mandinzwa  
akasvika munhanga make ndokutanga kuchema  
,Mandinzwa wake ainzwa ariye ari pakati  
pemoyo wake asi ainge asina matiziro kubva  
muwanano yaanga akatarisana nayo.

Zvaainge ari mubishi rekuchema akanzwa  
kudanwa na Tapiwa ari pamukova we nhanga  
yake, akamboda kusadavira asi moyo wake  
wakarwadza nekuti Tapiwa aisave nechekuita na  
kuwanikwa kwake.

"Kwakanaka here nhai Nevanji wa mambo?"  
Akabvunza Zvikoni neinzwi raishoshoma.

"Kungagonakei ndichinzwa inzwi rako riri re munhu arikuchema kudaro" akadaro Tapiwa achinetseka mumoyo make.

"Ndisiyei zvangu ndibvise bundu riripamoyo wangu" akadaro Zvikoni.

"Buda hanzvadzi yangu ndine nyaya newe yakakosha imbomira zvekuchema" akadaro Tapiwa.

"Zvakanaka" akadaro Zvikoni achisimuka ndokubuda achipukuta maziso ake.

"Mai vanoda kukuona nekukasika vari muimba yavo yekurarira" akadaro Tapiwa.

Zvikoni akabva aziva kuti ndi mai Tapiwa vairehwa akabva asvika pamusiwo wavo ndokukumbira mvumo yekupinda akatenderwa.

"Nhai mwanasikana wangu washingurudzika

neiko" vakabvunza mai Tapiwa.

"Mai hamungazvinzwisise imi pamakawanikwa na baba vangu makaita zvekumanikidzwa here" akabvunza Zvikoni maziso azara misodzi

"Zvikoni mwanangu hongu zvinorwadza asi hapana zvekuzviita baba vako ndichanda gwinyira, ndakazama kutaura navo asi ndakatoitwa muipi, hapachina shanduko wotogamuchira zviripo uchaona zvichikufambira" vakadaro mai Tapiwa vachizama kusimbisa Zvikoni.

"Mhai moziva here kuti ndine munhu wandanga ndichifambidzana naye aripamoyo wangu, uyu Nyati handimunzwe kana padiki pose" akadaro Zvikoni achirevesa.

"Ndozviziva mwanangu asika hakuna kwauchaenda, Zva Mandinzwa baba vako havambozvitendera natsoku zvitarisa uone,



hapachina chichashanduka kutaura kudai Nyati atove pedyo nekupinda mudunhu rino, iwe ukazvigamichira uchaona zvichiendeka" vakadaro mai Tapiwa.

Nyaya yekufambidzana kwa Mandinzwa na Zvikoni yainge yakapfuura ne mu nzeve dzavo. Mandinzwa aisave munhu anoshoreka asi dambudziko raingove rimwe chete iroro rekuti mambo vaisamuda uye kuti murombo.

Zvikoni akaoneka mai vake oenda kunhanga yake kwaakawana vakadzi vanomushambidza vakamumirira.

Mwanasikana akashambidzwa zvekuti aiita sengirozi chaiyo, kunyange ivo vakamushambidza vaimedzerera mate kuti mwana akaumbwa zvake zvinova zvakaita kuti mambo Nyati vamuchive pane vamwe vese.

Nguva yainge yakamirirwa ne vanhu vazhinji yainge yasvika, mambo Nyati vainge vasvika vakuita zvikaranga zvavo, hapana chakasara kubvisa musu uyu, chero nezvipfuyo zvavainge vakatemherwa zvakatinwa zvikauiyiwa nazvo,Zvikoni achiona izvi akaona pasisina

chiedza na Mandinzwa wake, moyo wake wakamera ronda asi zvekuita panga pasina yainge yatodeuka.

Zvapaitwa zvikaranga zvacho Nevanji wa mambo ainge akati zii zvake seasipo.

Nguva yakadanwa Zvikoni achibvunzwa kuti togamuchira here pfuma ya Nyati Tapiwa akabva asimuka ndokubuda aisada kutarisana na Zvikoni nekuti aiziva ronda ririmumoyo me hanzvadzi yake.

Zvikoni zvaakabvunzwa akasimudza musoro ndokutarisana na baba vake ziso ravo raitaura rega kuti usandinyazise .

Zvikoni akagutsirira musoro manzwi achitevera misodzi uchiti mokoto " gamuchirai zvenyu " ndiwo akave manzwi ake achibva asimuka ndokubuda.

Zvese zvakaikwa zvikapera mambo Nyati vakavimbisa mambo Samaita kuti achatuma vanhu vake nguva yekuturuka kwe mvura vazovabetsera kudyara mbeu sezvo vainge vaumba ukama, mambo Samaita vakanzwa kufara vachinzwa izvi.

Mutambo wakatanga vanhu vakupemberera

kubvisirwa kwe mwanasikana, chingoma chinova chakasvika munzeve dza Mandinzwa.

Nguva yekuti vachisimuka yakasvika, Zvikoni akaperekedzwa nemadzitete ake, vaida kunosiya vamupereka vodzoka zvavo.

Munzira hapana aitura ne munhu yaingove fungira mumoyo rwendo rweimbwa.

Nyati ndiye ega aifamba achinyinura nzira yese kuri kufarira mhandara yake.

Vachangoti budei mudunhu ra mambo Samaita ,Nyati ne vamwe vake vakaona chishamiso mberi kwavo, pakati pe nzira paive ne museve wainge wakatsvuka ropa wakabairwa pakati pe nzira uri mukati medenderedzwa.

Mambo Nyati vakashaya kuti chirevo chei, vakabva vatuma machinda avo kuti apinde musango vatsvake munhu aita izvi.

Zvikoni achiona mashura aya akabva ati kunana tete vake anoda kutsauka azvibatsire, mambo Nyati vakati madzitete ake amuperekedze.

Zvikoni akatsvaka gwenzi rake rakapfumvutira ndokupota seri kwaro kuti azvibetsere, akadongorera vana tete vake ndokuona vachiita nyaya vakarivara akabva atipote ndiye chitsoka

ndibereke akananga mukati mesango  
,aingomhanya asingacheuke chero  
nekwaaienda aisakuziva ,akazozorora asvika  
parwizi rwaiv e mukati mesango ndokunwa  
mvura asi chakamushamisa akaona matsiko  
etsoka dze munhu hana yake yamatanga kurova  
asi akazvishingisa ndokutanga kutevera  
matsimba aye.

-----

Tichaona zvaakaparadzana ne vamwe vake  
hana yairova aiona mberi kwake kusina kujeka,  
aiti akafunga mashoko a Tapiwa ainzwa  
kupindwa ne chando, aingozvisimbisa kuti  
Tapiwa mwanana kwaari hapana zvaangamuita.  
Kana uine katurikwa hana yako inenge  
ichingovhunduka, Tichaona akavhunduka anzwa  
mukadzi wake abvunza kuti ichokwadi here kuti

Matambanepfumo hakuchina, zvinova  
zvakashamisa mukadzi wake.

Kana uri seusiku haana kurara dzinouya  
aingovhunduka vhunduka.

Tichaona ainge akabata dzakawanda zvekuti  
aisafanira kuvhunduka ya Matambanepfumo iyi ,  
asi nhau yekuti vanhu varikunyumwa kuti ndiye  
ndiyo yaimuvhundutsa aisaziva kuti Tapiwa  
arikumurongerei.

Kuchiedza Tichaona akati achibuda pamukova  
we imba yake akashamisika pakati pe chivanze  
pakabairirwa museve wakatsvuka ropa  
wakaiswa mukati medenderedzwa rakatsvuka  
ropa, chirevo ichi aiziva kuti chairevei akanzwa  
makumbo ake kupera simba achidedera zvinova  
zvakashamisa mukadzi wake.

"Kwakanaka here nhai shewe" akabvunza  
mukadzi wake aona murume odedera ari  
pamusuwo.

"Varoyi ,varoyi chete vadai" akadaro Tichaona

achikakama

"Chiiko chadederwa ne murume mukuru akaita semi" akabvunza mukadzi wake achibuda panze, achingoti baa museve uya akabva adzokera mumba vachimhanya

"Tichaona izvi zva kuda tiende kwa Chinembiri nhasi chaiye huroyi uhu" akadaro mukadzi wa Tichaona achidedera.

"Uasazvinetsa hapana uroyi apa munhu anorwadziwa neni akuda kundityisidzira" akadaro Tichaona achizvishingisa akabva abuda ndokunobvisa zvinhu zviya vana vake vasati vamuka.

Kupera kwe chitsauko 14

\*Ngatisanganei kuchitsauko 15 ku sub group tinzwe kuti...\*

\*Matambanepfumo akafa here zve chokwadi?\*

\*Arikuisa museve iyo ndiani?\*

\*Zvikoni achabudirira here kutiza haabatwe here?\*

\*Mandinzwa achaziva rudzi rwake here?\*

\*Zvikoni na Mandinzwa vatokundikana kuroorana here?\*

\*Mambo vachasvikepi ne hunhu hwavo?\*

\*Tapiwa arikurongi?\*

\*Ndiani aisira Tichaona museve pamusuwo?\*

Mibvunzo yese iyi ichapindurwa kubva muchitsauko 15 kusvika kunoperera book

huyai titandare muchitsigirawo munyori wenyu

MADUBE LOVES YOU ALL

PDF CREATED BY LORITY ARTS 0712487424

\*ON SALE DON'T SHARE\*

\*LOST CHILD\*

\*STORY BY\*

\*MADUBE CHISHONGO\*

\*R.MAWANDE\*

0777026923



## \*CHITSAUKO 15\*

"Nhai muzukuru wangu unosvikepi wakazvivharira mugota mako chimuka udye zvichadziya" vakadaro mbuya Gora vachideketera muzukuru wavo.

Kubva zvakabva Muchaneta pamba pavo haana kuzombobvira abuda mugota make.

Nekunzwa inzwi ra mbuya vake Mandinzwa akabva abuda asi musoro wake waimubanda zvisingaiti zvichibva ne paakatemwa na Tichaona.

"Mbuya ndavigwa moyo handinzwe kuda chinhu" akadaro Mandinzwa achiratidza kurwadziwa.

"Saka wafunga kufira mukadzi here nhai muzukuru wangu" vakabvunza Mbuya Gora.

"Mbuya Zvikoni andigura kunorira nenguva yaaiti acharwira rudo rwedu asi nhasi waenda " akadaro Mandinzwa maziso ovavira misodzi.

"Ndizvo zvatovapo muzukuru iwe unongove Mandinzwa asina chaainacho mukadzi wacho waimupei, waimuisepiko nhai Mandinzwa ne nhamo iripano inonhuwa kuti kutu" vakadaro mbuya Gora vachiratidza kushungurudzika.

"Hazvinei mbuya zvino zvamaive mamupa chuma changu zvichafambasei" akabvunza Mandinzwa asisina tariro.

"Chuma chiya chinezvikuru zvachinoreva, kana ari wako achadzoka asina kana nekubatwa kwese, asi kana asiri wako chuma chinodzoka nenzira yausingafungire" vakadaro mbuya Gora vachiratidza kuvimba ne mashoko avo.

"Zvakanaka Mbuya asi ikezvino ndave jaya guru ,mukandishaya musanditsvake ndinodzoka ndine zvandinoda kumbogadzirisa mudumbu rino" akadaro Mandinzwa achisvinyanga musuva we sadza rezviyo rainge aburirwa na mbuya vake.

"Wafungeiko nhai Mandinzwa unoda ndisare ndangova zvinyarimwe zvekare."

"Aiwa mbuya ndinemi musatye zvenyu" akadaro Mandinzwa mumoyo make maive ne shungu ,aisada kuzorora kusvika aziva chokwadi chakaitika kuna Matambanepfumo uye kuda kurwira chido che moyo.

Usiku uhwu haana kudzirara dzinouya pfungwa ne moyo zvaive kuna Zvikoni, akapinduka apinduka zve asi hadzina kumushanyira musi uyu dzainge dzafamba rwendo rusingadzokwe.

Kuchiedza mukomana akamuka achinzwa moyo wake uchirwadza zvainge zvodavirana ne nyama dzake zvekuti musi uyu akaswera arere zvake, zvokuti nguva yakarira chingoma akanzwa kubaiwa pamoyo ndokubuda mugota make akananga musango ,akasvika ndokugara paruware ndokubata musoro ndokutanga kuchema.

Hope dzakabva dzamushanyira se munhu asina kunatso rara madeko apfuura.

"Mandinzwa, Mandinzwa iwe washinga here kuti chido chemoyo wako chiende"

Mandinzwa akamuka ku hope achinzwa kudanwa kwezita rake ne mashoko arakataura, akaringa ringa achitsvaka kwabva inzwi akakushaya , inzwi iri ainge ariziva.

Paakasimuka akashamisika achiona padivi pake paine museve wakatsvuka ropa uri mukati medenderedzwa.

Achiona izvi akabva aziva chirevo akabva anzwa shungu kuzara mumuviri make, akanzwa simba richizara maari ,ainzwa hushingi hwaasati akambonzwa.

Mandinzwa akabva apinda munzira akananga kumba kwavo, akasvika ndokurongedza zvombo zvake chiso cha ainge akapfeka chakatyisa chero mbuya vake.

"Mu-zu-kuru wa-ngu kwakanaka wafungepi?" Vakabvunza mbuya Gora vachikakama ,vainge vasati vamboona muzukuru wavo ane chiso

chakadaro.

"Mbuya musatye ndakadzvinirwa nguva yareba, ikezvino ndave murume, vakatokanganisa zvikuru kuti ndiende kusango re Rima masimba andave nawo anotoda ndirwe ne mvumba chaiyo" akadaro Mandinzwa achinzwa kuti akabata munhu anobvambura bvambura.

Mandinzwa akatora zvombo zvake ndokutanga kutevera chido chemoyo wake icho chainge chaenda na Nyati.

Mandinzwa akanzuzutira achitevera, aingoona matsimba chete.

Mberi kwa Mandinzwa akanzwa kune kukakavadza ,akateya nzeve ndokunzwa Nyati achikwamatata kuti Zvikoni atsvakwe, akanzwa divi raainzi atiza naro ndokutanga kumhanya akananga ikoko.

Mandinzwa achisvika parwizi akaona matsimba

airatidza kuti ndeemunhu kadzi achikwidza ne rwizi haana kuda kutambisa nguva akabva atanga kumhanya achitevera akabva aona Zvikoni mberi kwake ndokusvika achimuti dzvi ndokumuvhara muromo nekuti ainge akutoda kuipangura mhere.

"Shhh Zvikoni ndini Mandinzwa"

"Hiii ndiwe "akadaro Zvikoni achimbundira Mandinzwa.

" Hatina nguva Zvikoni mumashure medu mirikuuya varume va Nyati" akadaro Mandinzwa achizvibvisa pana Zvikoni ndokumubata ruoko ndokutanga kumhanya.

Mandinzwa akaona kuti kumhanya ne munhu kadzi kupedza nguva nekuti ainzwa kuti mumashure mavo hamuna chakanaka, akatsvaka gwenzi rakapfupfutira ndokuvanza Zvikoni imomo akasiya akohomedza Zvikoni kuti asamboti bufu.

Zvake zvekwa Matambanepfumo zvaainge akadzidziswa.

Mandinzwa akanokwira mumuti ne museve yake, akaona varume vaviri vaiuya ne divi raaive akamirira vasvike pedyo , akabva aisa museve wake pauta achibva autepfenyura museve uchisvika uchiti zete nechepadivi pechifuva che umwe we varume vaye achibva awira pasi. Umwe wake achiona izvi akatanga kutsvaka kwabva nemuseve achiri mukudzungaira kudaro akanzwa museve uchinyura pabendekete rake ndokutevera umwe wake muvhu.

Mandinzwa achiona izvi akaburuka ndokunobudisa Zvikoni maainge amuviga ndokupfuurira mberi ne rwendo rwavo, kwaingove kufamba asi kwekunanga vaisakuziva.

Mandinzwa akabva afunga zvekuvaka musasa mukati mesango nekuti Zvikoni aive asisina kwekuenda.

-----

Mambo zvavakasara kumuzinda kahana kairovera nemufaro ,vaiti vakatarisa hupfumi hwavainge vasiirwa na Nyati vainyemwerera. Tapiwa ainzwa mweya wake uchienda kure achiona zvainge zvaitwa na baba vake.

Zuva rogara miti mambo vakashamisika vachiona machinda a Nyati achisvika akasunga chiso, vainge vakabata zvombo zvavo zvinesimba zvekutoda kurwisa, mambo Samaita achiona izvi akashamiswa nazvo.

"Asi pane chamakanganwa nhai machinda" akabvunza mambo nekukatyamara pachiso.

"Mambo vedu havasi vekutambwa navo, kana vatsamwa chero makonzo epano pamuzinda anotama" akadaro umwe aive ne musoro sewe hurekure.

"Ko ndatadzeiko nhai veduwe ko zvatangoumba



ukama wani" akadaro mambo Samaita  
vachishaya kuti vaposha papi.

"Tinoda mwanasikana wako, kana mainge  
magara maronga kuti muchatuma jinda renyu  
kuzomutizisa kana muchinge mapiwa pfuma  
mazvinyepera ,hatisi kuzobva pano tisina  
mukadzi wa mambo Nyati" akadaro umwe aive  
kamandionerepi kapfupi pfupi.

"Machinda tsanangurai nyaya yenyu  
ndakarasika" vakadaro mambo vachiratidza  
kusanzwisisa.

Mambo vakarondedzerwa zvaitika , mambo  
vakauruka ne hashu, vakakwamatata  
kuunganidza machinda avo apinde musango  
kunotsvaka Zvikoni, Tapiwa akabva akumbira  
kubata na navo.

Machinda a mambo rakava bara wamhanya  
musango kutsvaka mwanasikana wa mambo.  
Uku mambo vakasara hashu dzakaungana  
pahuma.

"Mambo wangu mukati munongwa uyu haana chekuita nekushaikwa kwa Zvikoni here sezvo pakambobuda runyerekupe rwekufambidzana kwavo" vakadaro mambokadzi vaine chokwadi chekuti ane chekuita ne kutiza kwavo.

Mambo vakabva vadzamisa pfungwa vakaona dziri chokwadi dzaitaurwa na Mambokadzi nekuti Zvikoni ega haakwanisa kutiza ari ega.

"Tichaona ngaasvike pano izvezvi ndiye wandichapa basa iroro" vakadaro mambo vachiraira nhume yavo kuti inodana Tichaona. Pasina nguva Tichaona ainge asvika pamuzinda.

"Tichaona ndoda unange kwa Mbuya Gora unoti munongwa auye pano izvezvi ,ukamushaya zvoreva kuti ndiye ane mwanasikana wangu"

Tichaona haana kuda kumira akabva apinda munzira asina kure kwaakaenda akanzwa museve uchisvika uchimhara pakati petsoka dzake, akazama kuringa ringa achiti angaone

munhu asi akamushaya.

Pakada kupfuurira mberi ne rwendo rwake  
akanzwa futi umwe museve pakati petsoka  
dzake akabva aziva kuti kwaanoda kuenda  
hakuna chakanaka akabva atendeuka  
ndokudzokera kumuzinda.

Kupera kwe chitsauko 15.[05/31, 6:21 PM] +263  
77 702 6923: \*ON SALE DON'T SHARE\*

\*LOST CHILD\*

\*STORY BY\*

\*MADUBE CHISHONGO\*

\*R.MAWANDE\*

077026923

\*CHITSAUKO 16\*

Mambo Nyati zvavakaona machinda ake adzoka ari mavanga vakapererwa, hashu dzavo dzakawedzera ,vainzwa kuda kuparadza dunhu rese.

Mambo pavakanzwa kuti machinda aya avhiringwa ne munhu wavasingaone vakabva vafunga kuti ndi mambo Samaita vatuma machinda avo kuzotora Zvikoni.

"Imi madzitetete acho maona zvaitwa ne muzukuru wenyu, zvino ini handiitirwe izvozvo ndinonzi Nyati ini, chidzokerai zvenyu kuna mambo wenyu momuudza kuti kuchiedza ndinoda mukadzi wangu pasina izvozvo hondo yacho yandichatuma ichakupedzai mese" vakadaro mambo vachiita kudedera ne hashu.

"Zvanzwika mambo wangu zvinoparirwa ne vana ava" vakadaro vatete vakuru vachidemba.

Mambo Nyati vakapinda munzira vakananga kwavo vainge vatuma machinda avo maviri kuna mambo Samaita ivo ndokudzokera nevakatekeshurwa na Mandinzwa.

Mambo Nyati vachisvika havana kuda kutaura ne munhu vakananga kuimba yava hosi ndokusvika vachipinda mugudza ravo zvinova zvakashamisa mukadzi wavo mukuru.

"Kwakanaka here nhai shewe zvamasviko pinda mugutsa musina kana nekubvisa ziya rose" akadaro mukadzi mukuru achikwenya mhino nekasiyanwa.

"Imbomira kundinetsa ndoda kuzorora ndakaneta" vakadaro mambo vachitarisa divi.

"Aiwa zve nhai Mhofu hazvinzwaro, ndiripo ini

pakuturirwa mutoro, ndiripo pakukunyaradzai kana pane chisina kukufadzai dururirai kumuranda kadzi wenyu" akadaro mukadzi mukuru achideketera murume wake.

Mambo vakanzwa kunyevenuka ne mashoko e mukadzi wavo, vakamuka vakamurondedzera zvavasangana nazvo, mukadzi mukuru akapembera ne mufaro, chaaaisada mumwe mukadzi anozobarira Nyati mwanakomana raingove godo nekuti iye ainge akundikana.

"Nyati yakazotyiswa sarini, mungashungurudzwe ne Mbizi zvayo aiwa mambo wangu simukai murwire chido chemoyo wenyu" akadaro mukadzi wake, aida kuvanza mufaro waive maari.

"Ndizvo mai vedunhu rino ndomirira machinda angu ndonzwa kuti vafamba sei ndizotangira ipapo" vakadaro mambo.

"Bva zvakanaka chiuyai mudziise mudumbu ne nhopi ,sadza richiibva ndoziva mafamba

mutunhu murefu"

"Zvakanaka" vakadaro mambo vachimuka.

Mambo Nyati vaizama kuzvidzora asi zvairamba,  
vainge vasingafungire kuti vangadzoka  
mudunhu ravo vasina mwana wa Samaita.

Vainge vatosiya imba ya Zvikoni yapera  
yashambidzwa ne matehwe anokosha.

Vainge vamirira kuuya kwe machinda avo vainge  
vowona hondo mumaziso avo.

-----

Zvikoni zvino ainge asiti rukutu nekuneta,  
Mandinzwa ndiye ainge ovaka musasa ,  
Mandinzwa ne hungwaru haana kuda kuvakira  
pasi akatsvaka muti waive mupfupi  
wakapfumvutira ndimo maakakwira ovaka  
musasa wake, semunhu ainge afamba  
akakwana aive nekatemo kake.

Akatema mapango ndokunatso marongerera achibva asunga ne mbariro, hazvina kumutorera nguva ainge apedza apa zuva rainge ropinda muna mai varo.

Mandinzwa akagadzira chikwiriso chekuti mwanasikana awane kukwira mumuti muya. Zvikoni akashamiswa ne zvainge zvaitwa na Mandinzwa chero mhupo yaisapinda muchiimba ichi.

"Zvikoni ndinokutenda ne rudo rwako zvandiratidza kuti moyo wako uri pandiri, ndaisafungira kuti ungatize kuwanikwa ne mupfumi akadaro " akadaro Mandinzwa achiratidza mufaro.

"Mandinzwa rudo ndirwo rukuru zveupfumi zvotevera ini moyo wangu uri pauri ndashinga kurwira rudo urwu" akadaro Zvikoni achiratidza hushingi.

"Zvino tosvikepi nehupenyu hwatatanga uhwu



mukunda wa mambo angazvikwanise" akadaro  
Mandinzwa achiratidza kunetseka.

"Aiwa chikuru rudo pakati pedu, zvimwe  
zvotevera Mandinzwa"

"Zvakanaka zvino nhasi ticharara ne nzara  
chekuisa mumuromo ndichatochiwana  
mangwana kwaedza"

"Hazvina kuipa chikuru ndiri pauri Mandinzwa  
chauchadya ndicho chandichadya pauchaisa  
matama neniwo ndipo pandichaisa angu"  
akadaro Zvikoni achiratidza kurevesa pa meso  
ake.

Vaviri vakanyararidzwa vanzwa kunenge  
kufamba kwe munhu, Mandinzwa akabudisa  
musoro ndokuona munhu aiuya ne divi ravaive  
apa kwainge kwatotsvuka zvekuda kusviba.

Mandinzwa ainge atobata uta wake museve  
watoiswa kare ainge angomirira kuuregedzera.

Mandinzwa akashamiswa achiona munhu  
wacho ari Tapiwa akabva aburuka  
ndokusangana naye.

"Mandinzwa ndiwe una Zvikoni here" akabvunza Tapiwa.

"Hongu ndini mambo wangu"

"Hondo yamatanga unoipedza here?" akabvunza Tapiwa.

"Nekudzidziswa kwandakaitwa ne mushakabvu hakuna chinondiona"

"Saka wafunga kurwisa baba vangu Mandinzwa " akabvunza Tapiwa.

"Aiwa mambo wangu asi anoda kundienderera mberi handisiye" akadaro Mandinzwa achiratidza hushingi.

"Wandiratidza hushingi ne humhare, ini

ndakonewa kumiririra hanzvadzi yangu asi zvanga zvichindidzimba moyo, ndinokutenda Mandinzwa ndichamira newe, izvezvi machinda a mambo azere musango rino varikukuvhimai asi ndichavadzungaidza vasauya divi rino ,uchengete hanzvadzi yangu ndichaona kuti ndokubatsira nei" akadaro Tapiwa achiratidza kurwadziwa pachiso chake.

"Aiwa ndinotenda Mbizi, Samaita varidzi venyika ino" akarova gusvi Mandinzwa.

"Saka runyerekupe rwekuti mofambidzana na Zvikoni ichokwadi" akabvunza Tapiwa asi ainge atove ne mhinduro kare zvino mukomana akatsika nyaya iyi ainyara mukarahwa wake.

Tapiwa akasiya akohomedza Mandinzwa kuti asavarairwa agare ziso ririkwese kwese nekuti aisaziva zvinorongwa na baba vake.

Tapiwa achibva apa akabva akokorodza machinda ake kuti vachidzokera kumuzinda nekuti kwainge kwasviba vasina chavawana.

Mandinzwa na Zvikoni vakasara vakagumbatirana vachibva varara zvavo, mukomana akambobatwa ne mweya we kupwanya ruzhowa asi akazozvidzora.

Kuchiedza Zvikoni akasara omuka asara oga Mandinzwa ainge amuka hwendambi akananga kumba kwavo aida kunotsvaka chekuti chido chemoyo wake adye sezvo vainge vararira nyaya chete.

-----

Tichaona zvaakavhiringwa munzira haana kuda kuramba achipikisa kudarikira ne rwendo akaziva kuti pane munhu arikumufudza pese paari kufamba asi aishaya kuti ndiani?

Akabva adzokera kumuzinda kwaakawana mambo vachikwidza ne kudzika hashu dzavaive nadzo vaigona kukanda munhu pfumo kana akatadza chero chinhu chidiki diki.

"Wamuona here?" Mambo vakabvunza Tichaona achiri kure.

"Aiwa mambo wangu ndawana mbuya Gora vachiti aenda kunokokorodza zvipfuwo zvavo saka ndasiya ndaraira kuti achingosvika a mhanye kumuzinda" akadaro Tichaona achinyepa aitya kuti ataure kuti avhiringwa munzira aiziva kuti mambo vatsamwa vaisapotsa waitekeshurwa ne tsvimbo.

"Saka angave ani atiza ne mwanasikana wangu" vakadaro mambo vachiratidza kunetseka.

"Ndipo panetsa mambo wangu pamwe ariega regai timirire vari mumasango kuti vanouya vachiti kudii" akadaro Tichaona.

"Zvikoni akashaikwa pano hapadyiwe rinopisa" vakapenga mambo zvekuti mumuzinda makave

nerunyarara chero nemakonzo akambodzikama musu uyu.

Mambo vainge vakangoringa nzira inobva nesango, kwakasvika pakuvira Tapiwa ne machinda ake vasina kudzoka zvino mambo chituro chainge chopisa kugara.

Gare gare Tapiwa ne vamwe vake ndiye pfacha achingova maoko chete zvinova zvakawedzera hashu dza mambo.

"Tendai kuti mafamba ne mwanakomana wangu ndimi vanhu vandingadai ndasvika ndichitekeshura misoro iyoyo mune chokwadi chekuti sango rese mashaya mwana wangu" vakadaro mambo vachiita kudedera.

"Samaita varidzi vedunhu rino dzorai hashu, hapana patisina kupinda, tambeya sango rese asi chimuko tachishaya zvekuti nditi Zvikoni ari musango moyo wangu waramba zvinogona ari mudunhu redu rino mukati memisha moti mwanasikana ariega asvibirwa ari musango" akadaro Tapiwa achitaura akazvirereka aida

kudzora hasha dza baba vake.

"Asi unenge unoreva Tapiwa mangwana machinda angu achamukira mumisha vachitsvaka pamusha umwe ne umwe chandoda mwana wangu pano kuchatangwa ne kwa munhongwa handimuchenese" vakadaro mambo.

"Zvakanaka mambo wangu chiuyai mugare padare takamirira kudya kwe manheru" akadaro Tapiwa achifamba akananga kudare.

Kuchiedza machinda a mambo ainge atove mumisha, vakatanga nekwa Mandinzwa vakatowana mukomana achibvisa dota kuri kuda kubatanidza huni abikire chido chemoyo wake bota re zviyo rinomutsa hura sezvo vakarara ne nzara.

"Tirikutsvakawo mwanasikana wa mambo Zvikoni haapo pano here?" Akabvunza mumwe muchinda aive ne nzeve dzakatiza musoro.

"Mwanasikana wa mambo angawanikwe pano here " akabvunza Mandinzwa.

"Aiwa haitisi pakuda kubvunzwa pindura mubvunzo" akadaro muchinda uya wenzveve.

"Dzimba ndidzodzi pindai mumutarise mukutondinonotsa kubika bota rangu" akadaro Mandinzwa achinotora huni pabakwa.

"Kubva zvawakabva kusango re Rima hauchakwanise kukudza vakuru kwauri unoti ungatityise" akadaro mumwe muchinda aive akapakata pfumo rakareba kumudarika.

"Machinda pindai mutsvake zvamavinga kwete kuswera kunditongesa pamba pangu" akadaro Mandinzwa ashatirwa.

Machinda aye akawona kuti kuswera kutaura na Mandinzwa kupedza nguva vakatsvaka pese pavangafungire vakashaya .



Chakava chipata chipata dunhu rese  
mwanasikana kana kuwanikwa.

Kupera kwe chitsauko 16  
[05/31, 6:21 PM] +263 77 702 6923: \*ON SALE  
DON'T SHARE\*

\*LOST CHILD\*

\*STORY BY\*

\*MADUBE CHISHONGO\*

\*R.MAWANDE\*

077026923

## \*CHITSAUKO 17\*

Mbuya Gora kubva zvabuda Mandinzwa vakasara vachinzwa kutya vaisada chakaipa chinoitika pana Mandinzwa.

Mandinzwa ndiye anga atova hama yavo , vaiziva kuti hupenyu hwavo huri mumaoko ake.

Va Mazvinzwawo pavakanzwa runyerekupe rwekutiza kwa Zvikoni vakabva vatoruma nzira vakananga kwa Mbuya Gora ,vakawana Mbuya Gora vakabata shaya vachifunga muzukuru wavo.

"Mbuya Gora mukazenge makasuwa asi zvaitika zvasvikawo ne munzeve dzenyu" vakadaro va Mazvinzwawo vachitsvaka pekugara.

Mbuya Gora pavakaona Mazvinzwawo asvika vakabva vatoziva kuti kune yasengwa yauiyiwa nayo.

Pavakanzwa mashoko avakasvika nawo vakanzwa hana ichirova chavakatanga kufunga

ndi Mandinzwa.

"Mazvinzwawo kwakanaka here handina chandanzwa ini" vakadaro mbuya Gora.

"Ko Mandinzwa wandisina kuona aripi" vakabvunza va Mazvinzwawo.

"Ambopinda mumasango umu" vakapindura .

"Mwanasikana wa mambo atiza munzira yekuenda kwa Nyati,zvino zvakwakambobuda runyerekupe rwekuti vanofambidzana ne muzukuru wenyu mukati haasiye atiza naye" akadaro Mazvinzwawo kuri kutsvaka ku kwapa mashoko.

Mbuya Gora vachinzwa izvi hana yavo yakatsemuka ne pakati, vakatanga kunzwa kudedera, valafunga mabudiro akaita Mandinzwa pamba vakaona kuti dzingadaro dziri chokwadi asi nekuziva kwavanoita Mazvinzwawo vakazama kuzvivanza

"Ah handione sekuti ndiye nekuti Mandinzwa abuda manjeso zvekuti mapesana padiki, uye Mandinzwa ave ne umwe waakufambidzana naye" vakadaro mbuya Gora vachizama kuvanza.

"Mbuya Gora manyepa muno mudunhu mugoita vanofambidzana ndigotadza kuzviziva ini Mazvinzwawo"

"Ndizvo zvakatoitika iyi yakakupfuurai zvimwe dzidzai kupfuurwa ne zvinhu rimwe zuva zvichakupinzai mudambudziko , se iyi ye kumuzinda ini hangu handidi kuzobatanidzirwa mangwana ne zvandisingazive hangu" vakadaro mbuya Gora vachizama kudimburira Mazvinzwawo asarambe achitaura nhau yake.

"Ah bva zvakanaka ndangoti pamwe mungasaririra zvirikuitika ndikati ndikurumei nzeve" akadaro Mazvinzwawo achisimuka.

"Mofamba mushe" vakadaro mbuya Gora vachiitira Mazvinzwawo akasire kuoneka.

Mbuya Gora zvavakasara vaiita kunge vagadzikwa zibwe pachifuva chavo.

Zvainge zvoitwa na Mandinzwa zvainge zvovatyisa vainge votyira upenyu hwavo ne hwe muzukuru wavo.

Kwakasvika pakuvira Mandinzwa asina kudzoka vakaringa nzira varingazve asi kwakasvika pakusviba kusina munhu.

Chero kudya vakakundikana, ne hope dzakaramba kuuya vaingopinduka kasingaperi ,zvino misodzi yainge yave kudya kwavo.

Mbuya Gora vakazobatirwa ne hope machongwe ekutanga orira, vakazopeputwa ne kugugudzwa kwe pamusiwo wavo vakafunga kuti ndi Mandinzwa havana kunonoka kusunungura mukova wavo .

Vakashamisika vachiona ari machinda a mambo.

"Tingapindewo muimba menyu mbuya" rakadaro rimwe jinda.

"Kwakanaka" vakabvunza mbuya.

"Tirikutsvaka mukunda wa mambo Zvikoni"

"Kutsvaka Zvikoni pano here" vakabvunza mbuya.

"Aiwa hatisi kutamba tiri kumashure kwenguva sudurukai tipinde" rakadaro rimwe jinda richipinda ,rakagudubudza pese rikashaya.

"Isu takuenda asi kukawanikwa munhu anoziva nezve kushaikwa kwe mukunda wa mambo Samaita mutongo wacho momuziva" rakadaro jinda riya ndokutorana ne umwe wake voenda.

"Mamukasei Mbuya" Mbuya Gora vakavhunduka vachinzwa inzwi remuzukuru wavo.

"Mandinzwa unoda kuona kufa kwangu here" vakabvunza mbuya.

"Ko ndadii zvangu mbuya" akadaro Mandinzwa achipinda muimba yekubikira ne huni , mbuya

Gora vakabva vatevera.

"Mandinzwa ndiudze chokwadi muzukuru  
,ndikafira mhosva yandinoziva zvirinani"  
vakadaro mbuya vakasunga chiso.

"Mbuya chamuri kuziva ichokwadi kutaura kuno  
ndiko kwandiri kubva asi hazviudzwe munhu"

"Heee Mandinzwa wafunga kufira mukadzi  
zvavakangozara wani vasikana mudunhu rino"

"Ndizvo zvatovapo mbuya zvakutoda  
ndichichikwinya chaiko, hazvichadi hope"

"Akanga nyimo avangarara" vakadaro mbuya  
vapererwa ne mashoko, vainge vorota rufu  
rwavo ,vainge vorota vachichema Mandinzwa  
abaiwa ne pfumo ra mambo.

-----

Zvikoni zvaakasara arere zvake akapepuka onzwa mushana wopinda muchiimba chavo, akashamisika achiona Mandinzwa asipo ,akadongorera panze achiringa mativi ese achiti angamuone asi akashaiwa akabva azvisimbisa kuti anodzoka.

Zvikoni akatanga kudzamisa pfungwa dzake , hongu ainge atiza asi aizosvikepi achirarama hupenyu hwe musango, vaisvika rini vasina kubatwa, ko vakabatwa Mandinzwa aizoraramiswa here ne pfumo ra mambo Nyati na Samaita uye vaizoroona zviri pamutemo here na Mandinzwa iye aisadiwa na mambo mibvunzo yese iyi yaivhiringana mumusoro ma Zvikoni.

Zvikoni akazopepuka mundangariro dzake anzwa munhu ainge asvika akasumudza musoro ndokusangana na Mandinzwa ,mwanasikana akanzwa kunyevenuka.



"Mudiwa we moyo wangu ndakuvigira bota iri kuitira matumbu avhurike sezvo takarara tisina kudywa madeko" akadero Mandinzwa achisvitsa mudiwa wake, iye akarimwa kusvika anzwa parere moyo.

"Waita zvako Mandinzwa ndanga ndanzwa zvako ikezvino ndave ne simba" akadaro Zvikoni achinyemwerera.

Mandinzwa akabva abudisa maheu ne mutakura waainge apiwa na mbuya vake wavainge vakamusiiira madeko.

"Zvikoni ini handina imwe hama yandoziva, dai ndaive nayo ndainokuvigisa ikoko kusvika ndapedza hondo yandakatarisana nayo, zvino zvichakuitira here kugara mukati mesango rakadai." Akabvunza Mandinzwa achiratidza kushushikana.

"Ndizvo zvanga zvichindishungurudza zvino ini ndina mbuya vangu mai va mai vangu vari kudunhu ra mambo Mutohondza zvino shoko

haritane kufamba hazvitore nguva vasina kuziva kwandiri.

"Ichokwadi ichocho kana zvichikuitira tinogara muno kusvika zvanaka kuti ndiende newe kwa Mbuya hazviite nekuti mangwanani ano kwatombosvika vanhu vachikutsvaka"

Zvikoni achinzwa izvi hana yake yakarova,aiziva kuti inguva diki vaiswera vawanikwa.

Mufaro waive mushoma pavaviri ava Mandinzwa akazama kufunga mazano akamashaya akabva afunga kunoona Tapiwa.

"Zvikoni ndokumbirawo usabude muno kusvika ndadzoka pane zvandafunga " akadaro Mandinzwa achiburuka.

"Mandinzwa ukasire kudzoka ndoda uzondiperekedza kirwizi ndoda kunoshamba" akadaro Zvikoni.

"Aiwa hangaiwa yangu handinonoke" akadaro  
Mandinzwa achitofamba haana kuda  
kutambisa nguva akabva apinda munzira asi  
nhau yaive pakuti aizonona sei Tapiwa.  
Sezvineiwo vakabva vadhuma munzira  
Tapiwa ainge afunga kunoona Mandinzwa  
achida kunzwa kuti arikurongi.

-----

Mambo Samaita vange vasina mufaro zvachose  
, husiku hwapfuura havana kuvata dzinouya.  
Vange vasiri vega vange varara vakasvinura  
chero mambo Nyati vakangorara  
vachingopinduka usiku hwese vasina kudziravira.

Mambo vaive vakangotarisa kuti vachaona  
mwanasikana wavo achiuyiwa naye asi  
machinda ake ose akasvika pakudzoka  
achingova machira chete.  
Mambo vange votya pfumo ra mambo Nyati  
munhu wavai vimba naye pahondo ainge asisipo

Matambanepfumo.

Mambo vainge vachipera mazano apa machinda a mambo Nyati ainge akangomirira kunzwa mhinduro asi vakatoona kuti paisave ne chimuko.

"Ndakuunganidzai imi vana chipanga mazano vangu ,tarisai nhau yatatarisana nayo iyi tikaita zvekutamba toparadzwa ne bvumo ra Nyati" vakadaro mambo vachiratidza kutambudzika, mambo Samaita ukaona vodana vana chipanga mazano vanenge vapererwa nguva zhinji vaipedza nyaya dzavo vega.

"Pamusoroi Samaita, ini ndoona sekuti mwanasikana ari pedyo zvake asi chaasingade kuroorwa kwa Nyati, ini pfungwa dzangu dziri pakuti dai matuma nhume mataurirana na mambo Nyati mavadzorera henyu pfuma yavo" vakadaro umwe mukweguru ainge asisina meno mumukanwa.

"Kureva kuti ndodzose pfuma yese iyi"

vakadaro mambo vachiratidza kusatenderana nazvo.

"Chakakosha chii hupenyu hwe vanhu ne hwe mwanasikana wenyu ne pfuma mambo wangu" Moyondizvo akatsigira.

"Aiwa tombokurukura naye asarudze pane vamwe vasara ava kana azoramba tozoona zvekuita." Vakadaro mambo vachinzvenga yekudzosera pfuma.

"Asi iye mambo Nyati kubva pakutanga akakanganisa aidei akasarudza pavakuru ava gotwe ringawanikwe vakuru varipo" akadaro mukweguru uye wekushaiwa meno mumukanwa.

"Dzisiri nharo dzake izvezvi ndiudzei mwanasikana wangu aripai apa machinda angu anzwa nekumbeya vamushaya" vakadaro mambo vasisina kugatsikana.

Vakazotenderana kuti machinda a mambo Nyati asvitse shoko kuna mambo wavo.

Machinda a mambo Nyati haana kuzomira vakabva varuma nzira vakananga kwavo asi vaive ne chokwadi chekuti Nyati aisazvigamuchira zvavainge varairwa asi sevatumwa vaingoita sekurehwa kwazvo.

-----

Tapiwa zvaakasangana na Mandinzwa akanzwa moyo wake kusununguka aiziva kuti hanzvadzi yake yakachengeteka asi zvekuti aroore Zvikoni aiona pasina kumujekera nekuda kwemamiriro ehukama hwaiva pakati pa mambo na na Mandinzwa ,hukama hwavo hwaitove hwa gonzo na kiti.

"Mamukasei Samaita" akadaro Mandinzwa achiisa maoko kuna Tapiwa.

"Ndamuka zvangu Mandinzwa ndati ndizodongorera kuti hakuna chakakuwanai here madeko apfuura"

"Ah tiri vapenyu zvedu ndingaonei zvangu"

"Mandinzwa saka wati mosvika rini muchigara magariro akadai kusvika rini" akabvunza Tapiwa vari munzira kudzokera kumusasa wa Mandinzwa.

"Samaita ndizvo zvandanga ndichida mundibatsire nazvo ndapererwa ne mazano" akadaro Mandinzwa.

"Kugara henyu mungagare musango asi kwete panzvimbo imwe chete nekuti zuva rimwe mucharondwa mukawanikwa" akadaro Tapiwa.

"Ichokwadi ichocho ini ndingazvikwanise asi

Zvikoni handioni achizvigona" akadaro  
Mandinzwa achinzwira Zvikoni ngoni.

"Ndizvo zvaakada otoshinga nekuti ....."  
Tapiwa akagumisirwa munzira vaona museve  
wakasvika uchibaya pasi mberi kwavo.

Vakaringa mativi ese vachitsvaka kwawabva  
vakashaiwa, Mandinzwa ndiye akazocheuka  
ndokuona munhu akati mveee kumashure  
kwavo.

Asi chakamushamisa museve wakabva ne mberi  
kwavo asi ndokuona munhu kumashure kwavo,  
ende munhu akapotsera museve waisave  
wekuda kuvabaya asi pane zvawaireva.

"Samaita paita mhandu kumashure kwedu"  
akadaro Mandinzwa achitotendeuka kudzokera  
kumashure.

Vese vari vaviri vakatanga kufamba  
vachidzokera vachihwandira kuri kutsvaka  
munhu uya vakabva vamuona ,Mandinzwa  
paakaisa museve wake pa uta munhu uya  
akabva ati chitsoka ndibereke, zvakatanga



kudzingirirana musango Mandinzwa ne divi Tapiwa ne divi .

Murume uyu yaive mhupo pakumhanya chero Tapiwa aizvipa nyembe yekumhanya akapererwa.

Mandinzwa akaona kuti vakaita zvekutamba vaisabata munhu uyu .

Mandinzwa akabva a mira ndoku aregedzera museve uchinobaya mumakumbo e murume uya achibva awira pasi, Tapiwa akabva amhanya kune munhu uya , paakada kusimuka kuti atize akabva apiwa chematsenganzungu na Tapiwa achinowira kwakadaro.

Mandinzwa na Tapiwa vakashamisika vachiona ari.....

Kupera kwe chitsauko 17

[05/31, 6:21 PM] +263 77 702 6923: \*ON SALE

DON'T SHARE\*

\*LOST CHILD\*

\*STORY BY\*

\*MADUBE CHISHONGO\*

\*R.MAWANDE\*

077026923

\*CHITSAUKO 19\*

Mambo Nyati vainge vakangoringa nzira  
vaitadza kugadzikana se munhu ainge  
akatarisira mhandara yake.

Kufamba kwaiita nguva ndiko kuwedzera kwaiita hukasha hwake, rakati zuva ropinda muna mai varo ndipo pakakasvika machinda aye asi akashamiswa achiona vauya vega Zvikoni asipo.

"Musandiudze kuti Zvikoni haana kuwanikwa" vakadaro mambo vakabudisa ziso chero nguva yekukwaziswa haina kuwanikwa.

"Masango matema mambo wangu hakuna chiriko" rakadaro rimwe jinda rake.

"Samaita yaatanga iyi anoipedza here" vakabvunza mambo vachiita kudedera ne hashu.

"Mambo wangu takatakura mashoko enyu abva kuna mambo Samaita" rakadaro rimwe jinda.

"Muri kutondipedzera nguva taurai nyaya yenyu"

"Mambo wangu, mambo Samaita zvavaona mwanasikana wavo ashaikwa vatituma ne

shoko rekuti dai zvaibvira masarudza umwe pakati pe mhandara dzasara" rakadaro jinda riya.

"Babangu mhofu iwe ndoitirwei na Samaita, ini wandinoda ndiyeye wandakasarudza pasina izvozvo hondo yangu achaiona" vakadaro mambo vachiita kupupa ne hashu.

"Ndiwo mashoko atauya nawo regai tozorora sezvo tafamba mutunhu mukuru kudai" akadaro machinda aye achioneka.

Zuva rakasara rovira mambo Nyati vaunganidza varwi vake vose ainzwa kuda kutsiva zvaainge aitarwa na Samaita.

"Mogadzirira mangwana tiri kupinda munzira takananga kwa Samaita, pasina mukadzi wangu wandakabvisira pfuma tiri kusiya dunhu rave dota" vakadaro mambo Nyati vachibayira pasi.

Mambo Nyati vakabva vaenda muimba yavo yekurara ,mukadzi mukuru achibva atevera.

"Nhai mambo wangu mashinga here kusimudzira hondo mukadzi, hamuone hazvina chiremera kuti manorwira mukadzi chokwadi"

"Wauya muno kuzonditongesa here idzi dzave shanje manje handitevedzeri zve shanje dzenyu mukadzi ndiye wandiri kuuya naye"

"Ah bva zvakanaka ndanga ndangoti tionesane chete ndingarwe shanje dzei ipapa"

"Tokuzivai vanhukadzi dai wakazvara Nevanji ndisingazvinetse nekuswera tsvaka vamwe vakadzi, zvino imi vakadzi ndimi munoda kutotonga pamuzinda wangu"

"Aiwa paposheka mambo wangu ndarasa mumuromo ndanga ndichiti tionesane"

"Kana pari pa mhandara ya Samaita handina kuonesana kwandinoita ne vanhu" vakadaro mambo hashu dzawedzera mukadzi mukuru akatoona kuti mambo Nyati vaitorevesa manje

ainge amirira kuuya kwe mukadzi wacho uyo  
ainge atsidza kuti aizomuonesa chitsvuku  
kusvika atama pamusha uyu aisazowana rugare  
zvachose.

Varwi va mambo Nyati vakarara vagadzirira  
rwendo rwavo, hweva ichingobuda vainge vatove  
munzira vakananga kwa Samaita kwavakasvika  
zuva rorova nhongonya.

Vakasvika ndokugara kumuganhu we dunhu ra  
mambo Samaita.

Mambo Nyati vakabva vatuma nhume kuna  
mambo Samaita.

-----

Mambo Samaita vainge voona hondo momaziso  
avo, kurara hope rugare havana kubvira  
vadziravira vainge vaparirwa ne mwana wavo

wekubereka zvino shungu vainge vodzipedzera kumukadzi wake mukuru.

"Uri kutodzipfodora uri kuti mwana aripi" vakabvunza mambo vachizunungutsa mai Manyara vainge vachitoridza ngonono.

"Ndisiye zvangu musirimi makaita hudyire moti mwana ane dzakakwana angaenda pa mukweguru akadaro ne zera ra Zvikoni"

"Usaite sekuti ndaironga ndega nhasi zvaipa wakundinakurira nyoka mhenyu, izvezvi hauna kutambira zveumai wakadii kugara waramba" vakadaro mambo vasunga chiso.

"Aiwa saka ini ndopinda papi pakufanira kuziva kwaari, imi baba vacho muchitadza, saka ndopinda musango here kunomutsvaka" vakadaro mai Manyara vasiita kusimuka vachipaumba vakabata muchiuno.

"Wagara hauna hunhu ndotodemba dai ndakatanga kuona mai Tapiwa ndisati ndaona iwe izvezvi waunobatira muchiuno ndiani"

"Mambo zvimwe zvinhu hazvidi kusekerera , ndakagara ndakuudzai kuti uyu munongwa anoziva nezvekushaikwa kwe mwana asi munenge momutya kumusvikira"

"Chirega kunditonga rungani ndichituma vanhu" vakadaro mambo vachimuka vakaona kuti kuramba vari muimba imwe na mai Manyara vaipedzisira vasvitsana maoko zvikanyadzisa pamuzinda.

Mambo vakabva vaenda kumukadzi muduku ndokusviko rara zvavo, zvino mai Tapiwa pavakaona murume wavo auya vakabva vaziva kuti kwabviwa hakuna kumira mushe vakabva vaita zvekuti mambo vadzikame zvekuti ne hope dzabva dzavashanyira.

Mambo kuchingoedza vainge vatove padare pavo, vainge vavhundutswa ne hope



dzavakarota madeko apfuura, vainzwa hana kurova ,vainzwa kuti pane chingaitika muzuva iri. Mambo vakabva vatuma machinda avo kuti vaunganidze varwi vese vaininge vafunga parefu. Vakasara vodya kudya kwe mangwanani muzinda wazara.

"Pamusoroi varwi va mambo Samaita zvamunoona maunganidzwa kudai tati mugare makangwarira, chero nguva mambo Nyati vanogona kusvika ne hondo yavo ndofunga hapana asingazive nhau iripo, zvino ndinoti varume vashanu vachanochengetedza kumuganhu wedunhu rino kunzira inobva kwa Nyati kana kuine chavaona vanokasira kutumira shoko.

Chimwe zve vamwe vashanu vacharinda pano, zvino umwe mudungwe uchapinda mumasango vachitsvaka mukunda wa mambo , tine chokwadi chekuti ndimo maari nekuti akatsvakwa kuhama dzese ne kumatunhu akatikomberedza akashaikwa." Rakadaro jinda guru ramambo varwi vese vakasimudza mapfumo mudenga kutenderana ne zvavainge vaudzwa.

Umwe ne umwe ainge ave panzvimbo yake

chainge chasara kuti vanoenda mumasango vapinde.

Zvino Tapiwa ainge asisina kugarisika aiziva kuti Mandinzwa aiswera abatwa akabva afunga kunomuyambira asanotsvaka zano.

Tapiwa haana kunge aziva kuti ziso ra mambo raive paari.

Paakangoti abude mumuzinda ainge akombwa ne varwi va mambo.

"Samaita tanzi tisakuregai muchibuda saka dzokerai zvenyu" akadaro umwe murwi.

"Makuda kunditonga pamuzinda wangu" akadaro Tapiwa apererwa.

"Ndizvo zvatarairwa na mambo wedu sakadzokerai zvenyu" akadaro murwi uya vachivhara nzira ne mapfumo avo.

Tapiwa akatoona kuti hapana mabudiro akabva aenda kudare kuna baba vake.

"Asi ndave nhapwa pamusha wa baba vangu" akadaro Tapiwa achigara pachigaro chake.

"Mbizi yangu murikuona kuti kunze kwasunama hatizive kuti mambo Nyati varikutifungirei zvino ukada kufamba ko ukadyiwa ne sango" vakadaro mambo.

"Saka ndozoti ndakaenderei kusango Rerima kana ndakuitwa kunge kacheche, ndakugona kuzvichengetedza nekuzvimiririra saka musatye handidi kuitwa sekuti ndiri mwanana ndofemera kupi" akadaro Tapiwa achinzwa hashu.

"Tapiwa uchiri pasi pangu saka unofanira kunditeerera" vakadaro mambo vachishamiswa ne mashoko a Tapiwa.

"Mambo wangu mukadzidza kuita zvakanaka hamufe makasangana ne dambudziko izvezvi makutadza kugarisika nekuda kwe hudyire, makushaya mufaro nekuvenga ropa risina mhaka manje ini Tapiwa mwana wa mambo Samaita handisharudze munhu nekuti uchakava

datya iwe uchiriyambutsa" akadaro Tapiwa achisimuka mambo vakasara vakati kanha nazvo vakatoona kuti Tapiwa akukura musoro.

Mambo Samaita vakazobva mundangariro nguva yakasvika machinda avo maviri ne nhume yakatumwa na Nyati.

"Pamusoroi mambo Samaita ndauya ne manzwi abva kuna mambo Nyati, kwanzi ndauya ne varwi vangu saka vandituma kuti ndiuye ne mukadzi wavo kana pasina ndakupinda mudunhu renyu ne pfumo rangu" yakadaro nhume iya.

"Zvanzwika asi dzokera ne shoko rekuti mukadzi haasi kuonekwa asi ndine chokwadi chekuti ari pedyo, saka ndipeiwo varwi venyu makumi maviri vabatane ne vangu vapinde musango ndoziva kuti kuvira kwezuva vanenge vamuwana" vakadaro mambo.

Nhume iya yakadzokera ndokusvitsa shoko

,mambo Nyati vakamboda kupenga asi vakazotumira varwi vaye vakauya vave makumi matatu.

Mambo Samaita vachiona varwi vasvika vakasunungura moyo vakabva vatotuma varwi vaye musango vakatungamirwa ne varwi va mambo Samaita.

-----

Mandinzwa zvaainge apara mhosva ainzwa kuzvinyarira ,asi sezvinhu zvainge zvatoitika painge pasina kudzokera kumashure.

Zvikoni ainge achishinyira ne marwadzo zvekuti aibva aita kuyemera Mandinzwa, Mandinzwa achiona izvi akadamba kuti dai vari kumba achiitira mukadzi wake madanha.

Vaviri ava vakaswera vachiyemerana zvekuti zvavainzwa munyama dzavo dai kusiri kuti Zvikoni aive ne marwadzo mumusasa umu maibarwa mwana asina bvudzi, vese vaive vatsva vetsambo saka kuzvidzora kwainetsa.

Mandinzwa paakaona mukadzi wake arara akabva asiya amuradzika ndokuenda kumba kwavo, sezvo zuva rainge rorereka ainge afunga kuti vaizodyei manheru, sezvineiwo akawana Mbuya Gora vatopedza kubika kusanganisira necha Zvikoni.

"Muzukuru wangu moyo wangu hauna kugadzikana uri kundiudza kuti pane chakaipa chinogona kutiwira" vakadaro mbuya Gora vachipakura chikafu che vazukuru vavo.

"Mbuya musatye ndinemi ndakakuchengetedzai pane ziso rangu riripedyo nemi" akadaro Mandinzwa ainge avimbiswa na Tapiwa kuti achaisa munhu anovatarisa.

"Ndakutya muzukuru ndogona kufira rudo rwenyu" vakadaro mbuya vachiratidza

kushushikana

"Musatye mbuya ndichakuchengetai kunyange kudarika kuchengeta kwandinoita Zvikoni, ndimi makandipa hupenyu ndaraswa, ndimi makaita ndive zvandiri, dai musirimi ndisipo nhasi chero iye Zvikoni asina kubvira aziva kuti kuchaita munhu anoitwa Mandinzwa" akadaro Mandinzwa achirevesa.

"Aiwa chengetanai isu taona nyika zvakwana imi ivai nerugare"

"Mbuya muchafa ne rufu rwa Nyadenga kwete kupfuudzwa ne ruoko rwe munhu" akadaro Mandinzwa achirongedza zvinhu zvake . Akabva aoneka mbuya vake ndokuenda ku mukadzi wake uyo waakawana achirere achidzipfodora .

"Mai Mandinzwa munoda kufira kuhope here" akabvunza Mandinzwa achimutsa mudiwa wake.

"Aiwa kuzorora zvangu" akadaro Zvikoni achizamura.

"Chiuyai tidye munatso kuzorora" akadaro Mandinzwa vachibva vatanga kudya zvavo.

"Zvikoni ndinovimba uchamira neni, kunyange pakaitikei mira neni, ndinokuda mukadzi wangu usandisiye, usandirasa kunyange zvodii" akadaro Mandinzwa akatarisa mumaziso a Zvikoni.

"Kwakanaka here Mandinzwa mashoko ako ane hudzamu"

"Moyo we munhu unotaura zvakawanda uye unowanzo kundiambira ane pane chakaipa chinoda kuitika , asi ndinonzwa kuti pane chingaitika pakati pedu asi usazondikanganwa Zvikoni mukadzi wangu"

"Wakundityisa Mandinzwa" akadaro Zvikoni.



"Ndangoti nditaurewo asi ziva kuti ndinewe"  
akadaro Mandinzwa achidzisira sadza ne  
mukombe we mvura.

Vaviri ava vazorara vakagumbatirana zvavo,  
ndiwo wainge wave mugariro wavo vainzwa  
hana kuroverana, vainzwa kuti vaye nyama imwe  
chete.

Kupera kwe chitsauko 19.

[05/31, 6:21 PM] +263 77 702 6923: \*ON SALE  
DON'T SHARE\*

\*LOST CHILD\*

\*STORY BY\*

\*MADUBE CHISHONGO\*

\*R.MAWANDE\*

077026923

\*CHITSAUKO 18\*

Tichaona kubva kwaakaita kumuzinda akabva ananga kumba kwake.

Pfungwa dzake dzaive chamuwiriri mumusoro zvekuti kusvika kwake kumba haana kuziva akakaruka ave pamusuwo.

"Ko mukazenge mukufamba musingaone nzira kwakanaka" akabvunza mukadzi wa Tichaona aona murume wake achifamba se munhu akarohwa ne ngome.

"Imbondisiyai ndizorodze pfungwa musoro wangu ungatotsemuka" akadaro Tichaona achisvika achiti zenda padivi ne guyo.

"Mukati kwakanaka hako, awanikwa here mukunda wa mambo" akabvunza mukadzi wa Tichaona.

"Mai mwana ndati imbondiregai ndimbozorodza pfungwa dzangu kana uchida kuziva zvekumuzinda nzira unoiziva" akadaro Tichaona achisimuka ndokuenda muimba yavo yekurara iko kwaakasviko pinda mugudza zuva risati rapinda muna mai varo.

"Asi angave ani andikandira museve nhasi, kuti ndi Tapiwa? Kuti ndi Mandinzwa" akadaro Tichaona achitaura ega.

"Chete Tapiwa anenge akunyumwa kuti ndini ndakauraya Matambanepfumo kuti angave iye akunditeverera pese pandafamba" Tichaona aitaura ega aisaziva kuti arikududza manzwi.

Tichaona akanetseka kuti ndiani ainge achimuronda, asi se munhu anoziva nhau dzake aigara akabatira hura mumaoko.

Akabva afunga kutsvaka munhu akaita izvi, chekutanga aida kuteverera Tapiwa aida kuona kuti haasiye here ane chekuita ne miseve iyi.

"Shewe chiuyai mubate hura sadza raibva" akadaro mukadzi wa Tichaona.

"Maribika neiko sadza racho" akabvunza Tichaona aisada kunodya se munhu aive ne nhau dzake dzaimudya moyo ainge aguta kare ne dangariro.

"Ndabika ne mufushwa we nzeveyambuya"

"Zvakanaka ndotevera" akadaro Tichaona ,dai kusiri kuti anofarira howa aidei akaramwa sadza.

Tichaona akatevera mukadzi wake ndokusviko

piwa kudya kwake, nzeve yainaka iyoyo sezvo yainge yakakurungwa ne dovi Tichaona akadamba kuti dai akaramba sadza airasikirwa ne zvinonaka musu uyu.

Uyuwo mukadzi wake aiyeverwa na shewe vaikokota asi ne nguva yavaiita sevasingaride zvaitoda moyo murefu.

Tichaona zvaakapedza kudya sadza akaridzisira ne mukombe we maheu dumbu richibva rati tashu achibva aenda kunorovera matama pasi.

Kuchiedza Tichaona ainge atove kunze kwemuzinda mumuti wakakwirira aida kuona mafambiro e mwanakomana ainyumwa kuti ndiye anechekuita ne miseve.

Sezvineiwo Tapiwa akabva abuda achida kunosangana na Mandinzwa, Tichaona akabva aburuka mumuti ndokutanga kumutevera achihwanda ne makwenzi.

Tichaona paakaona Tapiwa achisangana na Mandinzwa akabva anyumwa kuti vanenge vanechekuita nekushaikwa kwa Zvikoni ,akabva aramba achitevera asi akabva amira aone

Mandinzwa acheuka akabva aziva kuti aonekwa. Zvino Tichaona aisada kuziikanwa kuti aiteverera mwanakomana wa mambo akabva atanga kutiza ,sezvineiwo hakuna kure kwaakaenda akabva apingwa ne museve ndiye pasi dhii paakada kusimuka achisangana nechematsenganzungu chakakandwa na Tapiwa akanzwa sekuti shaya yake yatsemuka akashamisika kuti Tapiwa ane simba rakadaro.

"Kubva ndichibva kumba ndanga ndichinzwa gotsi kurema heya ndiwe wanga uchinditevera wave murondatsimba here" akabvunza Tapiwa achiita kuhuta ne hashu apa chiso chainge chatoshanduka zvekuti Tichaona akashamisika achiona akadaro aitora Tapiwa sedera re murume zvekuti aimutarisira pasi.

"Aiwa mambo wangu ndanga ndanga ndanga ndichi ndichiti pamwe mungasa...." Akadaro Tichaona achidedera se munhu aive ne mhosva dzake.

"Hausi muchengeti wangu Tichaona wanzwa,

ndikuone uchindiita murondatsimba uone kuti rimwe zuva ndichakubvisa rimwe ziso rinoda kuonesa, zvekare uzive kuti kunyarara kwangu hakusi kupusa" akadaro Tapiwa uyuwo Mandinzwa ainge akati zii seasipo aitya kududza zvaive muhana make nekuti aityira kuti Tichaona aizozvisvitsa kuna mambo.

"Ruregerero mambo wangu paresveka" akadaro Tichaona akazvirereka.

"Izvezvi kudzokera kumba kwako kutotidzadzisa kunovhima munhu achindironga ndakutotyira hupenyu hwangu vanhu makutyisa Matambanepfumo akangoenda wani" akadaro Tapiwa.

"Aiwa mambo wangu paposheka" akadaro Tichaona.

"Ziso rangu riripauri kubva nhasi Tichaona handichakuone mushe unodaro uchigara ne

mhandu mudunhu" akadaro Tapiwa.

"Aiwa zvanzwika Samaita chiregai aende zvake"  
akadaro Mandinzwa akatarisa Tichaona ne ziso  
rekuti watambira pasipo .

Tichaona kubva zvaaregedzwa akabva apinda  
munzira akananga kumba kwake, asi se munhu  
ane moyo webwe akabva achinja nzira  
ndokunanga kumuzinda uko kwaakawana  
mambo vachangobva pa dare nana  
chipangamazano.

"Tisvikewo changamire wangu" akadaro  
Tichaona achirova gusvi.

"Aiwa svika zvako Tichaona watoita ukamukira  
kuno ndanga ndichikufunga zvisingaiti" vakadaro  
mambo vachinyemwerera.



"Zvino ndave pano mambo wangu turai zvenyu mutore pamwe tingarerutsirane"akadaro Tichaona achikwenya mhuno nekasiyanwa.

" ini ndine chokwadi chekuti Zvikoni aripedyo asi pane munhu akamuvanza ,pfungwa dzangu dzirikuramba dzichidzokera kuna Mandinzwa " vakadaro mambo vachiratidza kurevesa.

"Muchiona ndafamba rungwanani kudai ndiyo nhau yacho nekuti iniwo Mandinzwa handimuchenese" akadaro Tichaona achida kukuchidzira matanda agara anemoto kare.

"Ndizvo chaizvo saka iwe ndanga ndichida kukupa basa rekuteverera Mandinzwa pese paapinda pamwe ungawane chimuko nekuti kuvira kwezuva ramangwana ndoziva kuti pfumo ra Nyati rinenge riripano" vakadaro mambo vachiratidza kushushikana.

"Musatye mambo wangu ndizvo

zvandakangwarira izvezvi kutaura kuno ndiko kwandiri kubva kunomuronda asi ndinoona sekuti ne mwanakomana wenyu vanenge vanoziwana nekuti rungwanani rwuno vange vatova vese musango" akadaro Tichaona achiwedzerera ne nhema murume uyu ainge otodzidzira nhema sekutamba sekuseka.

Mambo vakaviruka ne hashu , vakashamisika kuti Tapiwa ainge abuda nguvai mumuzinda uye ainge abuda sei ariega.

"Tapiwa ndiye wandoda kupedzerana naye ndakazviona mhani kuti na Mandinzwa zvinenge zvowirirana manje ndoda kuzvipedza" vakadaro mambo vachipupira ne hashu.

"Aiwa mambo wangu regai kukasira kumedza kutsenga muchada ,siirai zvese mumaoko angu uye mukamubvunza munenge mamungwadza imi itai semusingazive chinhu " akadaro Tichaona.

"Aiwa zvakanaka Tichaona ndinovimba newe asi woita nekukasira tisati tavhiringidzwa na Nyati" vakadaro mambo vachiratidza kusununguka pa chiso.

Tichaona aitove ne nharo chaidzo aisada munhu anomuvhiringidza muzvinhu zvake ainge azvipira kuongorora vanhu ava fambiro yavo daka rake raive risati rapera ,Matambanepfumo ainge apedza naye kwainge kwasara Mandinzwa.

-----

Mandinzwa na Tapiwa zvavainge vasara vakakatyamadzwa ne maitire a Tichaona, chaaitsvaka kwavari chikuru chaicho.

"Mukati anga asina kutumwa kutitevera" akadaro

Tapiwa.

"Handioni sekudaro asi anenge ane daka nesu chete ndoona se kudaro" akadaro Mandinzwa.

"Angaita daka rei nhai Mandinzwa sekuti tine mhosva naye" akabvunza Tapiwa achida kunzwa kuti Mandinzwa achamuudza chokwadi here pane daka ravo.

"Ichokwadi hatina mhosva naye pamwe ane chikuru chaarikutsvaka hake" akadaro Mandinzwa achivanza nyaya.

"Nhai Mandinzwa zvatakatenderana wani kuti chero ndiri Nevanji wa mambo asi kwauri ndiri sahwira wako, chii chinokutadzisa kunditurirawo zvaunosangana nazvo" akadaro Tapiwa achinja uso.

"Ah Samaita asi pane pandaposha"

"Unoziva chikonzero chakafira Matambanepfumo uye newewo ndiwe urikutevera" akadaro Tapiwa ati dyo pamwongo we nyaya .

Mandinzwa akaona pasina chekuvanza ndokudedemura zvese.

"Chawaivanzira chii nhai Mandinzwa dai takagara tiri mberi kwe munhu uyu tisina kutangirwa" akadaro Tapiwa achinzwa kubaiwa pamoyo.

" Zvinonetsa Samaita nekuti vatiri kutaura nezvavo ndi baba venyu pane pamunga vapandukira here?" akabvunza Mandinzwa.

."Mandinzwa mangwana ndichazove mambo, zvino ndikada kukurudzira chakaipa ndichakadai ko kuzoti ndave mambo, chakaipa chakaipa hacho munhu anoda kurangwa tarisa ikezvino takapfuudzirwa murume ainge akabata dunhu redu ende chokwadi ndechekuti ndiwe uri kutevera, maonero angu vakaona kuti havanga kwanise kukupfuudza Matambanepfumo ari mupenyu aikurwira saka ikezvino zvave nyore

kukupfuudza asi ndinoti ndichamira newe kubva nhasi Mandinzwa handikusiye uchiitwa nyama ye magora ne ma dusvura aya ,kana iri seya baba vangu siira kwandiri ndichavapinda zvishoma ne zvishoma kusvika vaona kutadza kwavo" akadaro Tapiwa achiratidza kurevesa.

Varume ava havana kuzogarisa musango vakabva vaparadzana Tapiwa achidzokera kumuzinda, uyuwo Mandinzwa achidzokera kuna Zvikoni uyo waakawana musoro umire.

"Iii Mandinzwa wanga uchiri kuitei" akabvunza Zvikoni uku achinyemwerera zvinova zvakaita kuti Mandinzwa atadze kugadzikana.

"Chido chemoyo wangu ndanga ndichiuya unoziva panosangana varume hadziperi"

"Chiuya udye mutakura uyu ndange ndakusiira" akadaro Zvikoni achisvitsa Mandinzwa.

"Wazvinetsereiko Zvikoni ndange ndavigira iwe ini ndabva ndazadza dumbu kwa Mbuya Gora"

"Bva zvakanaka chindiperekedza kurwizi"akadaro Zvikoni.

" Zvakanaka " akadaro Mandinzwa.

Vakabva vaburuka ndokunanga kurwizi.  
Mandinzwa semurume akachenjera aifamba achitarisa mativi ese kuitira mhandu.

Zvikoni akasvika parwizi ndokutsvaka pakavanda ndokutanga kushamba zvake.

Mandinzwa akatanga kunzwa kunhuwira kwe matamba akasimudza musoro ndokusangana ne muti wawo ndiye kata mumuti ndokutanga kuturura.

Mozivawo ziso harina muganhu Mandinzwa akakaruka akanda ziso kurwizi ari mumuti akasangana ne mwanasikana achishamba zvake ari chibarirwo Mandinzwa akatanga kunzwa kufambiwa muviri wese, ziso rakaramba

kubva zvekuti akakanganwa kuti ari mumuti ndiye tedzenu bhii pasi ne musana murume akayuwira ari pasi, mwanasikana haana kuziva chaitora nzvimbo.

Zvikoni zvaakapedza kushamba akatorana na Mandinzwa ndokuenda kumusasa kwavo Mandinzwa ainge asisina kugarisika ,mumaziso make mainge makazara zvaona kurwizi.

Mandinzwa akabva aswedera pedyo ne mwanasikana ndokutora musoro we mwasikana achibva amuradzika pamakumbo ake ndokutanga kutamba nebvudzi rake.

Kana uchinge wasvika munguva yakadai kuzvidzora kunonetsa ndizvo zvaive zvava pana Mandinzwa zvekuti maoko ake akapedzisira apfuurira kusiko dzamara vaviri ava vakundikana kuzvidzora ruzhohwa ruchibva rwapwanywa na Mandinzwa.

Mandinzwa akazopepuka kubva mumadzikidziki e rudo pfungwa dzake ndokuchidzokera panzvimbo.

Mandinzwa akatanga kudemba zvaainge aita ,akazvishora kusvika pakubudisa misodzi zvinova zvakashamisa Zvikoni.



"Ndine urombo Zvikoni ne zvandaiita handizive kuti ndabatwa ne mweya rudzii, ndaita zvinhu zvinonyadzisa ndaishuvira kuti ndikuroore tigosangana zviri pamutemo asi nhasi ndakundikana ndiregerere mudiwa wangu nyange zviome sei ndichamira newe" akadaro Mandinzwa achiwisa musodzi.

"Mandinzwa ini ndakakuda kare ndakazvipira kugara newe musango, ndiwe uchava baba ve vana vangu, ndinoziva kuti uchamira neni neniwo ndichamira newe ndatove mukadzi wako" akadaro Zvikoni achinyaradza umwe wake.

"Ndizvo hazvo Zvikoni asi ne hondo yatichiinayo zvaisada kuti ndiite zvandaita izvi ndakasira kumedza kutsenga kuchada" akadaro Mandinzwa.

"Une idi rekuti unondida Mandinzwa zvagara ndiko kwainge kwazvichazosvika asi kuti tatadza hedu kuzvidzora ,ndizvo zvatovapo ngatichitoronga zve mberi" akadaro Zvikoni.

"Chete haungazvinzwise Zvikoni, asi ziva kuti ndinokuda kudarika madiro aunondiita" akadaro Mandinzwa achimbundira mudiwa wake ainzwa sekuti pane chabatanidzwa pakati pavo chisina anokwanisa kubvisa.

Ainzwa kuti kune chadyarwa pakati pavo chisina anokwanisa kudzura akabva azvipira kurwa se mvumba kurwira rudo urwu.

Mandinzwa akabva atakura Zvikoni vodzokera naye kurwizi kunoshamba zvekare akabva atsidza kumuchengetedza se mboni ye ziso rake.

Kupera kwe chitsauko 18.

[05/31, 6:21 PM] +263 77 702 6923: \*ON SALE  
DON'T SHARE\*

\*LOST CHILD\*

\*STORY BY\*

\*MADUBE CHISHONGO\*

\*R.MAWANDE\*

077026923

\*CHITSAUKO 20\*

Mandinzwa akamukira kuenda kumba kwavo akasiya Zvikoni arere zvake se munhu ainge achiri mumarwadzo, Mandinzwa akaita zvamazuva ese kuvigira mukadzi wake chekudya ka upenyu aka kainge kakumusvota akatuka vabereki vake vaaisaziva nekumurasa kwavakaita,dai izvezvi aine kwekuvanda mhosva dzake uye asingashorwe kunzi munongwa.

Musi uyu ainge akangorezuka zvekuti naiyewo akazvishaira shumo yazvo.

Akadzokera kumusasa kwavo ndokuwana Zvikoni amuka.

"Nhasi mukange murikurwara chii" akabvunza Zvikoni achiona maitiro e umwe wake.

"Muviri wangu wakangoneta hameno nhai, kubvira kuchiedza ndanga ndichingonzwa nungo zvekuti kuenda kwa mbuya ndaita zvekuvavarira"

"Madii mambotsvaka chifumuro mambotsenga pamwe pane pasiri kuita mushe munyama dzenyu" akadaro Zvikoni kumurume wake.

"Handioni sekuti kurwadza kwe nyama pane chikuru chinogona kuitika nhasi" akadaro Mandinzwa achiratidza kusuwa moyo wake wakamuudza kuti hakuna kumira mushe musi uyu haana kuda kuita zvekuyemerana na Zvikoni ziso rake raimbeya sango rese.

Mandinzwa akati pfungwa dzake dzaenda kure akavhunduka achinzwa museve wakarova hunde ye muti paainge agere, akabva aziva museve uyu aitoziva kuti pane chaari kuyambirwa chainge asara kutsvaka munhu uyu kuti ndiani.

Mandinzwa akabva asimuka ndokukwira muti murefu divi re kumuzinda akashamisika achiona varwi vakati fararira ne sango vachiuya nedivi raaive huwandu hwe vanhu ava wakarovesa Mandinzwa ne hana chero aizviti murwi haambovakwanisa uye ainge asati amboenda kuhondo chaainge angoita kudzidziswa chete.

Mandinzwa akaburuka ndokumhanya kwaive na Zvikoni akasvika ndokutora zvombo zvake ndokubata mwanasikana ruoko ndokutanga kumhanya.

"Chiiko nhai Mandinzwa zvaunongosvika nekundimhanyisa tarisa ndichine marwadzo" akabvunza Zvikoni achifemeruka ne kumhanya.

"Hapachina kumira mushe Zvikoni nhasi tiri kuvhimwa zvakaipa gurusvusvu revanhu varikuuya hariite chero tichizviti tovanda nhasi gava radambura musungo."

"Mandinzwa handisi kukwanisa kumhanya

ndichine marwadzo" akadaro Zvikoni achiratidza kurwadziwa.

"Shinga Zvikoni kana zvanyanyisa ndokubereka"

"Hazvibatsire Mandinzwa hakuna kwaunosvika ngati tsvake pekuvanda"

"Tatononoka Zvikoni inzwa vakutosvika pedyo nesu" akadaro Mandinzwa achidhonza Zvikoni ruoko ndokutanga kumhanya asi hakuna kure kwavakaenda.

"Mandinzwa hakuna kwatichaenda inzwa varume vaye vave pedyo nesu"

"Zvikoni kungobatwa kwangu rufu rwangu chingoshinga mudiwa" akadaro Mandinzwa achinzwa kurwadziwa pa moyo.

"Aiwa Mandinzwa chindisiya ndisare zvangu iwe tiza ne upenyu hwako ,tiza Mandinzwa"

"Hakuna zvakadaro Zvikoni pauri ndipo pandiri handife ndakausiya" akadaro Mandinzwa.

"Mandinzwa uri kutambisa nguva vakutosvika tiza Mandinzwa ziva kuti ndinokuda ndicharwira rudo rwedu handife ndakawanikwa neumwe murume asiri iwe tiza Mandinzwa" akadaro Zvikoni achisundidzira Mandinzwa asi akaramba kuenda.

Mandinzwa akanzwa miseve wakanomhara pamakumbo ake akaziva kuti munhu uya asingaziikanwe haana kuda kutirimuka akaramba achinetsana na Zvikoni.

Mandinzwa akabva anzwa ruoko rwakasvika ruchimubata zvinesimba nguva yaakada kutarisa kuti ndiani akatanga kukwevewa ruoko.

"Mandinzwa hatitize Zvikoni musiye uchamuwana inguva chete" akadaro murume uye Mandinzwa akada kufungidzira inzwi asi iri rainge rine hukasha uye chiso che munhu uyu chainge chisingaonekwe ainge akazvizora madota kumeso ne muto wemashizha uye

muviri wake wainge wakafukidzwa ne mashizha.

Mandinzwa akasiya Zvikoni asi moyo wake wairwadza ainzwa hashu dzichibva mumusoro kusvika muzvigunwe zvemutsoka.

Mandinzwa ne murume uya vakamhanya mutunhu wakareba kusvika vabudikira paive ne umwe musasa waive pakati chaipo pe sango kwaisasvikwa zvakananya ne vanhu.

-----

Zvikoni zvaakasara akabva agara pasi akaisa musoro pakati pe makumbo ake akanzwa vanhu vaifamba vachiuya paaive.

"Varume ,varume heyi tamuwana aripano"  
akadaidzira Tichaona achidaidzira vamwe vake.ndiye ainge atungamidzwa mberi na



mambo.

Varume vakafara vachiona mukunda wa mambo vakabva vaziva kuti varubuda na mambo Samaita.

Vainge vachiziva kuti vakadzokera vasina Zvikoni yaive hondo yaitanga mumuzinda.

Varume vakaita Zvikoni wekusimudza vachienda naye vainge vasidade kurasikirwa naye.

Varwi vakadzokera vaine mufaro vakawana mambo vachikwidza nekudzika padare ravo,mambo vachiona mwanasikana wavo achiuuyiwa naye vakanyinura mavende avo ,vainzwa kufara nekuti vainge varubuda na Nyati.

"Ndinokutendai varwi va mambo Nyati uye varwi vangu marwa mumire uye ndinotenda Tichaona ainge akakutungamirirai ndinovimba naye murume uyu" vakadaro mambo vachinyemwerera.

"Aiwa zvaitwa mambo wangu nhasi morarawo dzinouya tauya nayo mhandara yenyu iyi" akadaro Tichaona achizvitutumadza.

Mambo vakabva varaira nhume yakaenda ne shoko kuna mambo Nyati kuti mukadzi wake ainge awanikwa.

Mambokadzi zvavakaziva kuti mwanasikana wavo adzoka vakapembera ne mufaro vakarwadziwa vachiona tsvina yaive ne mwana wavo vakabva varaira vasikana vake kuti vamuisire mvura yekushamba ne kumupa zvinonakisa ganda.

Kunyange vaiita zvese izvi pfungwa ne moyo dzaive kuna Mandinzwa munongwa wake.

-----

Mambo Nyati vakasara vasina kugatsikana mu hana mavo chinhu chinonzi mukadzi chakaoma chainge chapengesa mukweguru uyu kusvika akanganwe paanofanira kugumira, zvaida kuti zvitwe ne nhume ne machinda ake ainge

akuzviitira ega.

Paakaona nhume yakauya ne shoko rekuti Zvikoni awanikwa mambo Nyati vakatenda vadzimu vavo.

Vainge vatoronga parefu chaipo, vainzwa kunhuwirwa ne ropa mumhino dzavo vainge vazvipira kuti nhasi vaisamusiya kana zvaibvira vaienda vakaita zvekumubereka.

Mambo Nyati vakasiya varwi vavo kunze kwe musha ndokupinda mumuzinda, vakawana Samaita agere padare nemagurukota ake, mambo Nyati vakagamuchirwa zvakanaka ndokupiwa pokugara vachibva vavigirwa chokudya chinomutsa hura sezvo vainge vangomukira kupinda munzira.

Nguva yekuti vapiwe mukadzi wavo yakakwana, Zvikoni akauiyiwa naye nemadzitete ake ,mambo Nyati vainzwa manyukunyuku vachiona chigagairwa chavo.

"Mambo Nyati ndiyoyi mhuri yenyu mochipedzisa pamakasiira" vakadaro mambo Samaita vachiisa maoko.

"Aiwa zvakanaka mambo Samaita ndinotenda  
ndafara zvazvadai nhasi ndange ndafunga  
pakuru chaipo" vakadaro mambo Nyati  
vachinyemwerera.

"Musakasire kupa mutongo Nyati zvinhu  
ndezevekutaurirana asi ndinovimba kuti  
muchachengetedza mwanasikana wangu"  
vakadaro mambo Samaita.

"Ndizvo chaizvo musandityire Samaita  
zvandainge ndakuvimbisai ndizvozvo  
handishanduke"

"Ndinotenda Nyati Ne kunzwisisa kwenyu"  
vakadaro mambo Samaita vachinzwa kuti  
vaturwa mutoro unorema.

"Hatichagare Samaita regai tirume matama  
enzira tivirirwe tave kudunhu redu" vakadaro  
mambo Nyati vachioneke.

"Pamusoroi madzimambo ndine chichemo ndinovimba mungachigamuchira." Akadaro Zvikoni akazvirereka.

"Chave chii zve nhai Zvikoni" vakabvunza mambo Samaita.

"Mambo Nyati mumuzinda wenyu Motenderwa here kupindwa ne mwenga akasviba" akabvunza Zvikoni.

"Aiwa hazvigoneka munenge mah'oresa musha wangu, kana mwenga arikunguva anopinda kana mwedzi wagara kubva pamazuva ake zvinoreva kuti anenge ari masvondo mana" vakadaro mambo Nyati zvakapa Zvikoni kuti anzwe kufara.

"Ndinotenda mambo wangu zvino zvandakasviba ndichaita zvokudii" akabvunza Zvikoni asina kana nyadzi mumaziso ake.

"Mambo Samaita zvatotangaso mwanasikana wako akutonditora se mwanana kana asina kutariswa handigutsikane" vakadaro mambo Nyati vachipupa ne hashu.

"Zvakanaka mambo Nyati regai nditume chembere dze dunhu rino dzimutarise" vakadaro mambo Samaita vachinzwa nyadzi dzavaputira.

Zvikoni akatorwa ne machembere ndokuendwa naye kunhanga yake, vakasvika ndokumutarisa vakarohwa ne hana vachiona Zvikoni ave zuru rakapinda nyoka.

"Ukati haushure Zvikoni zviiko zvaunoda kutiratidza mudunhu rino mashura rudziiko ,izvi zvinoratidza kuti hazvina mazuva maviri zvaitika " vakadaro vamwe mbuya vabata gotsi vachiratidza kupererwa.

"Hondo yawatanga iyi ichapedzesa vakawanda

Zvikoni kana mambo Nyati vakawana wakadai ,uye mambo haatenderwe kupinda pakapindwa kare zvinonyadzisa izvi" yakadaro imwe chembere yepiri.

"Ndiani akaita izvi Zvikoni, ndiani wawakapa husikana hwako iwe uchiziva kuti pfuma yako yakabviswa na mambo Nyati" vakabvunza machembere.

"Aiwa pakaposheka mbuya, husikana hwangu ndakahupa munhu akatora moyo wangu, ini zviewavo wavakanditsvakira handidi, Imi motonotaura kuti ndizvo zviripo mwedzi uchigara ndinenge ndaona zvekuita zvekuenda pa barika handide hangu" akadaro Zvikoni achisvima misodzi zvekuti machembere aye akanzwa tsitsi.

"Hazvizotipinze padambudziko here Zvikoni, ndoziva zvorwadza asi hatina zvekuzvita"

"Musatye zvenyu ndichamira ndega munyaya dzangu ndangoitira kuti mwedzi wese ndinenge

ndaona zvekuita handife ndakaenda kwa Nyati"  
akadaro Zvikoni.

"Tichasvitsa shoko sezvazviri asi hatidi  
zvinozotipinza mudambudziko ne nyaya dzako  
dzekuvhurira murume asina kukuroora  
vakadaro vamwe mbuya vagumbuka

Shoko rakadzokera kumuzinda richitaura kuti  
ndizvo mwanasikana ainge akasviba mambo  
Nyati vainge vagumbuka asi chekuita  
pangapasina ne mhiko dzavakaita pamuzinda  
wavo dzaisatendera kuti mwenga pinde  
mumusha akasviba.

Vakazozvi simbisa kuti hapana nguva  
isingasvike aizouya chete Zvikoni.

Mambo Nyati vakaoneka ndokusiya machinda  
ake maviri atarise mafambiro e mukadzi wake.



[05/31, 6:21 PM] +263 77 702 6923: \*ON SALE  
DON'T SHARE\*

\*LOST CHILD\*

\*STORY BY\*

\*MADUBE CHISHONGO\*

\*R.MAWANDE\*

077026923

\*CHITSAUKO 21\*

Mandinzwa zvaakasvikwa naye pamusasa  
akashamiswa kuti ndiani angagare mukati  
mesango rakadai ariega.

Mandinzwa aive ne mibvunzo yakawanda kumurume uyu asi aishaiswa mukana.

Akatanga kuona miseve mitsvuku akaziva kuti ndiye munhu waaivhima nguva ne nguva achimishaya.

Mandinzwa akasimuka aine hukasha ndokutora zvombo zvake aisada kugara ne munhu waasingazive ainge akazviudza mumoyo make kuti munhu haavimbiwe naye.

"Vakuru maita basa mandiyamura asi chokwadi ndechekuti handigare ne munhu wandisingazive ko kana uri mhandu yangu ukandimukira usiku ukandipaza musoro wangu, kana uchinge usina kuzviratidza ndakuenda" akadaro Mandinzwa achitofuratira.

"Mandinzwa" akadana murume uya neinzwi rakadzikama rakaita kuti Mandinzwa avhunduke.

"Mandinzwa" akapamha futi murume uye.

Zvino Mandinzwa ainge asivhura meso se munhu adzipwa ne bonzo pahuro.

Akatanga kudududza zvisihoma ne zvisihoma,

akanzwa pahuro pachiti papata kuona zvino hana yainge yobika munhanga.

Mukomana akangowana mukana wekutendeuka ndiye chitsoka ndibereke, aiita kuuruka makwenzi zvekuti asisaziva kwaaienda.

Mandinzwa akavhunduka aona murume uye amira mberi kwake akabva atifototo ndiye pasi dhii zii akadaro.

Mandinzwa akazopepuka kubva kumadzikidziki ehope ari pamusasa uya akavhunduka achimuka ndokuuruka achonomhara kwakadaro uko apa achiita kukoka mweya semunhu adzoka kuvashakabvu.

"Mandinzwa handina kuziva kuti uri gwara rakadaro" akadaro murume uya.

"Ma Ma Matambanepfumo"akadaro Mandinzwa achikakama.

"Ndini Mandinzwa"

"Maiwe zvangu dzokera kune akakuuraya mhosva yangu ndeyei" akadarwo Mandinzwa achiita kudedera aiona sekuti ari kuona chipoko mberi kwake.

"Matambanepfumo ndiwe" akadarwo Mandinzwa achiswedera kuna Matambanepfumo achiita kudedera akasvika ndokumubata ndokunzwa zveshuwa munhu.

"Matambanepfumo urimupenyu" akabvunza Mandinzwa achibudisa misodzi yemufaro.

"Ndiri mupenyu Mandinzwa handife mufiro iwoyo Mandinzwa , chakatanga ndicho chakachenjedza." Akadarwo Matambanepfumo achibvisa mazhizha ainge akafukidza muviri wake achibva ageza meso.

"Zvakafamba sei nhai Matambanepfumo"

akabvunza Mandinzwa asigara kuti teshe nzeve dzasiti kwangwa sekatsuro.

"Zvakatanga so....." Akatanga kurondedzera Mandinzwa nyaya yake yaimudzimba moyo misi ne nguva.

-----

Matambanepfumo zvaaive munzira kuenda kumba kwake, akawana munzira muine nyoka iya inonzi chiva, akaramba akaitarisa ichibva yasimudza musoro.

Matambanepfumo akabva aziva kuti kune shura rinogona kuitika zuva ra nhasi uye moyo wake wainge usina kugadzikana.

Matambanepfumo paakada kunyenyeredza nzira nyoka iya yakabva yadarika ne mberi kwake akabva amira aiziva kuti zvaiita nyoka iyi zvaive ne chirevo.

Matambanepfumo akasvika kumba ndokuwana mukadzi wake achibvuwa remasikati ,Matambanepfumo akanyemwerera nekuti ainge ashuwa sadza re mhunga.

"Titambire Mukanya makwira miti ndimi mabvako" akadaro mukadzi wake achiombera uku achinyemwerera.

Matambanepfumo ainge akapiwa chipo chemukadzi uye chigagairwa chinotemwa dzinobuda ropa, mukadzi aichiviwa kunyange na mambo Samaita.

"Aiwa tambirai zvenyu mai mwana ndanga ndakusuwai chokwadi" akadaro Matambanepfumo achisvitsa mukadzi wake nhava yake.

"Aiwa totenda vari kumhepo madzoka muri vapenyu sango riya kumaziva ndadzoka" akadaro mukadzi wake achimuisira mvura yekugeza.

"Haa ichokwadi mukadzi wangu ukaita zvekutamba unoitwa nyama yemagora mune mhuka dzisina tsitsi"

"Chiuyai mushambe mubvise ziya ndichipedzisa kubika" akadaro mukadzi wake achienda ne mvura kuchigezero.

Matambanepfumo aibatwa sa mambo ne mukadzi wake yaive mhuri yaigara ichifara vainge vane vana vatatu. Hapana zuva ravakarwa asi nyaya dzavo vaipedza voga vainzwisisana pakanganisika vachikasira kurerutsa moyo, mukadzi wake aisave ne muromo usinga mharwe ne nhunzi aive munyoro akapfava ane moyo wakachena.

Matambanepfumo zvaakapedza kugeza akawana mukadzi wake apedza kubika akabva apiwa kudywa kwake.

"Maita basa vamamoyo zvaitwa dumbu rasiti tashu" akadaro Matambanepfumo achipurudzira dumbu rake.

"Zvakanakai shewe"

"Ndakumbonozorora mondimutsa kana rovira  
ndigoonawo vana vangu kana vadzoka  
kumafuro ndavasawa" akadaro  
Matambanepfumo achienda muimba yekurara.  
Mukadzi wake zvaainge achiziva kuti murume  
wake ainge aine nguva asipo akabva atevera  
muimba yekurara ndokunomupa kudya kwake  
zvaka Matambanepfumo arare hope  
dzeumambo.

Matambanepfumo akapatika kuhope ziya  
richiyerera hope dzaainge arota dzakamurovesa  
ne hana.

Akarota umwe murume waasina kuona chiso  
chake achiuya nekumashure kwake akasimudz  
bakatwa achida kumubaya kumusana achibva  
apepuka.

Matambanepfumo akadongorera panze  
ndokuona nyika yese yafukidzwa nejira dema  
akaziva kuti kwasviba.

Akabva amuka ndokugara, hana yake haina  
kubvira yadzikama ,ainzwa muviri wake



uchipindwa ne chando akabva asimuka ndokuenda muimba yekubikira ndokuwana mai ne vana vavo vachiita nyambo, vana vake pavakamuona vakauruka vachinombundira baba vavo.

"Murikubvunda asi muri kubuda ziya asi marwara nhai Mukanya" akabvunza mukadzi wake.

"Hapana panorwadza asi nyama dzangu hameno dzavhundukei"

"Tozobva totya nhai shewe"

"Musatye asi kuti nhasi hatizi kuzorara pano, nhasi tonorara kudenhere" akadaro Matambanepfumo achisimuka, pedyo ne pamba pavo paive ne denhere raovepo akapagadzira zvekuti kana ari masikati kuchipisa ndimo maanonozororera hake kana asina zvekuita.

"Matambanepfumo wakubva wandityisa asi kwaitikei" akabvunza mukadzi wake achiratidza

kushamiswa nazvo.

"Moyo wangu urikundirambira kuti ndirare pano itogadzirai tiende" akadaro Matambanepfumo achisimuka.

Akaenda muimba yake ndokutora zvese zvakakosha ndokunozviisa mudenhere riya, zvimwe chete ne mukadzi wake ne vana vakabva vaenda kudenhere kuya.

Matambanepfumo akaenda kuchigwere che mbudzi ndokutora mbudzi shanhu, mbiri akadziisa muimba yaairara ne mukadzi wake, dzimwe nhatu akadziisa muimba inorara vana vake achibva anokwira mumuti waive pedyo ne musha wake.

Sezvineiwo Matambanepfumo akaona munhu aisvika pamusha pake achinyawaira akanatso kuona chimiro chemunhu uyu akamuziva.

Paakazotungidza moto ndipo paakanatso kuchiona chiso chake.

Matambanepfumo akabudisa misodzi achiona dzimba dzake ari mavivi emoto, kuchema kwe mbudzi kwakasvika munzeve dzake akafunga kuti dai iri mhuri yake yagochwa kudaro.

Matambanepfumo akada kuburuka kuti anorwa ne murume uye asi akaona kuti hazvaida kukasira kumedza utsenga kuchada.

Machongwe ekutanga achitanga kurira Matambanepfumo akatorana ne mhuri yake vopinda mukati mesango, pamusha apa painge pasisina chavo.

Vakafamba matunhu wakareba kusvika vasvika kwaisasvikwa ne vane hana nhete.

Ziso ra Matambanepfumo raive richigara pana Mandinzwa na Tichaona.

Nguva zhinji aigara mumuti waive pedyo ne muzinda achiona zvese zvaitika, Matambanepfumo aitura ne vanhu ne miseve akafara paakaziva kuti Mandinzwa akuziva zvinoreva miseve yake, ainge asingade kuziikanwa kuti mupenyu aida kudzorera chivande asi zani rake rakaenda mu dondo nekuda kwekuyamura Mandinzwa aiziva kuti aizoitwa nyama ye magora.

-----

Matambanepfumo zvaakapedza kurondedzera Mandinzwa ainzwa hasha ,ainzwa shungu dzichisimuka maari, Tichaona aimuona se nhunzi mberi kwake, ainge amushayisa mufaro murume mukuru kugara musango ne mhuri yake nekuda kwa Tichaona.

"Handina kuziva kuti Tichaona achine daka nemi kubva paye zvino zvichaitwa sei ndichamira nemi kusvika tamuwisira pasi munhu asina tsitsi nekuda kupedza mhuri yese" akadaro Mandinzwa achiita kubvunda ne hasha.

Mandinzwa ainge akanaka asina kutsamwa kana atsamwa ainzwa kuti akasazvidzora aipedzisira aita zvinomupinza mudambudziko, aisada kudenwa zvake hasha dzaaive nadzo chero Matambanepfumo akadziona mazuva aaimudzidzisa kusango re Rima.

"Izvozvo siira kwandiri Tichaona i nhunzi

kwandiri izvezvi ndikada kunomunyika museve anoshaya kuti wabvepi asi handidi afe mafiro iwayo ndichaziva zvandichamuita, ikezvino ngatiite zvekuti iwe na Zvikoni mukwanise kuva pamwe chete" akadaro Matambanepfumo.

"Mukati ndichine changu here, kutaura kuno pamwe atove munzira kuenda kwa Nyati" akadaro Mandinzwa asuwa achinzwa misodzi ye rudo ichipisa mumaziso ake.

"Kana achikuda zvekurevesa acharwira rudo rwenyu ,chimwe chinhu ziva kuti wakatora husikana hwake saka kwa Nyati haagare" akadaro Matambanepfumo achifa nekuseka.

"Mukuru wangu makazviona kupi" akabvunza Mandinzwa achizvinyarira.

"Ziso rangu raive pauri nguva zhinji, wakaita chirume umwe wangu dai wakagara mazuva maviri ne chigagairwa chiya ndaikupa mubairo chaiwo"

"Mondiudza kuti mambo Nyati vachaziva sei kuti Zvikoni haachisiri musikana, kureva kuti vachaziva vabata mukadzi wangu" akadarro Mandinzwa achinja chiso.

"Ndisingazive kudunhu ravo kuti vanodii kwedu kuno mwanasikana anotanga atariswa nemachembere asati apinzwa muimba yemurume wake , kunyanya kana achiwanikwa muimba yeumambo" akadarro Matambanepfumo

"Ndinopika ne hupenyu hwangu Nyati akangobata mukadzi wangu ndiko kuguma kwehupenyu hwake ndinofa ndakaremba paari" akadarro Mandinzwa achirovera gumbo rake pasi.

"Ngatichitanga kuronga kuti todii asi Mbuya Gora vanofanira kuuya kuno togara navo mambo Samaita vakangoziva kuti unechekuita nekushaikwa kwe mwanasikana wavo zvinenge zvakutyisa kuti vagare vega vanofira yavasingazive" akadarro Matambanepfumo.

Varume vakazogurisirwa nhaurwa yavo ne mhuri ya Matambanepfumo yakasvika yakagukuchira michero ye musango.

Mandinzwa akarwadziwa achiona zera re vana rainge roraramiswa musango nekuda kwe munhu ane hutsinye.

Iye ne mhuri yake vachirara mumba.

Varume vaviri ava vakaswera vatoronga mafambiro avaizoita husiku vachinotora mbuya Gora, varume ava vakamira kusvika nyika yati zii kuisina chichafamba vanhu vasiti ziro mudzimba dzavo vakuridza ngonono.

Matambanepfumo na Mandinzwa akapinda mumusha mavo ,vavepedyo nekusvika pamusha wa Mbuya Gora vakashamisika vachiona pamba pavo pachi.....

Kupera kwe chitsauko 21

[05/31, 6:21 PM] +263 77 702 6923: \*ON SALE  
DON'T SHARE\*

\*LOST CHILD\*

\*STORY BY\*

\*MADUBE CHISHONGO\*

\*R.MAWANDE\*

077026923

\*CHITSAUKO 22\*

Zvakaoneka mambo Nyati ,mambo Samaita vakasara vachitura befu re munhu apurumuka mudambudziko. Vainge voona hondo mumaziso avo ,hondo ya mambo Nyati yaityiwa ne



matunhu ese akavakomberedza.

Mambo Samaita vaifara vachiona mwanasikana wavo adzoka ari mupenyu asi chaivashamisa ndechekuti airarama sei ariega mukati mesango uye aidyei kwe mazuva iwayo.

Sezvineiwo vakabva vatuma nhume kuti Tichaona auye vaid a kunzwisisa kuti Zvikoni vainge vamuwana payi.

Tichaona haana kunonoka kusvika kumuzinda sezvo ainge anekaturikwa kake.

"Mambo wangu ndauya kwakanaka hako kwandateverwa ini ndichangobuda mumuzinda uno" akabvunza Tichaona.

"Kwakana hako asi pane pandinoda kunzwisisa Tichaona, handisi kugutsikana kuti Zvikoni aive zinyarimwe mukati mesango iri" vakadaro mambo vakaita kutarisa mumaziso a Tichaona.

"Mambo wangu ndicho chokwadi chaicho

mukuongorora kwangu mwana uyu ange asiriega chero hazvo takawana ari oga, patakamubata takatanga kuona musasa wange wakavakirwa mumuti, ndapinda mukati ndikatowana muine zvidyiro ne chirongo che mvura ndinoona kuti ndimo maaigara pane aimuchengeta chete" akadaro Tichaona achiratidza kurevesa.

"Kuti angave ani nhai Tichaona angavanza mukunda wangu isu taimutsvaka zvaiziikanwa ne dunhu rese" vakabvunza mambo.

"Tingada kutsvaka chadya munda iwo uri mujinga me gomo nhai Samaita zvichireva kuti makudo ndiwo apedza munda , hakuna umwe ndi Munongwa uyu mambo wangu" akadaro Tichaona.

Zvino mambo vachinja chiso kumeso kwavo kukashanduka kuita horomba yegudo zvekuti dai vaisangana ne vana vakadaro vairohwa ne buka.

"Munongwa akuda kuenderera mwanana

akaita sa Mandinzwa achiri kubuda mukaka pamhuno ndiye angandishaisa hope ariye akachengeta mwana wangu,Munongwa angada ndiparadzwe ne pfumo ra Nyati achivanzwa mwana wangu zvino nhasi anondiona aguta repasi pano, handitambudzwe ne svava mberi kwangu ini" vakapupa kupenga mambo, zvino vainge vongofamba kukwidza ne kudzika vombokwizanisa maoko ,vomboti dhuu kufunga, Tichaona akaona kuti ainge abaya dede ne mukanwa.

"Mambo ndimi here mungatyiswe ne inda yakadai yamunokwanisa kutswana, mukamuregera anozoita zvakadarika ipapa, Samaita musachinje hunhu nekukura tarirai vanhu vakukupindai mumhapa yenyu, Samaita maityiwa, Samaita hapana aipinda munzira yenyu, Samaita maiti mukakuma chero ne makonzo ari muzviruvi anodonha zvakaendepiko nhai mambo wangu, munongwa chiiko uyu pamberi penyu" akadaro Tichaona achikuchidzira matanda ainge abatira moto ne chekare, zvino mambo vainge voita kubvira ne hashu.

"Nhasi chaiye, nhasi chaiye Tichaona ndinoda kunzwa kuti chimusha cha mbuya Gora chaparadzwa ,mbuya iya ndiyo honzeri yakachengeta mupanduki mumusha wangu , kuchingoedza mangwana ndinoda kunzwa mhinduro svinu sezvawakaita kwa Matambanepfumo ,kungokonewa kusadzisa chirevo changu mubairo wacho unomuwana" vakadaro mambo vachisumuka padare pavo.

"Zvakanaka mambo wangu moziva kuti handikundikane pabatwa ne ruoko rwangu hakuna anopunyuka " akadaro Tichaona .

"Kusango re Rima wakakundikana wani nhai Tichaona manje ikezvino kukundikana kwako ndiwe uchave nyama ye magora ndokuudza" vakadaro mambo vakabudisa ziso.

"Mambo wangu ruregerero paye mabasa a

Matambanepfumo asi tainge tabudirira asi zvese zvakadzivaizwa naiye, ikezvino ndinoona Nevanji wenyu ndinoona ariye umwe akufambidzana na Mandinzwa, asi mangwana kuchiedza muchanzwa mashura" akadaro Tichaona achisimuka ndokubva apakatira zvombo zvake.

"Wangu mwana usandityira ndopedza naye ini muno mumuzinda haachabude kusvika aita munhu musvinhu ,shuwa mwana wandakabara agoda kundipandukira nekuda kwe Munongwa." Vakapenga mambo.

Tichaona haana kuzoda kumira akabva atooneka pake ainge asakura kwasara kuzunza. Ateya mariva murutsva haachatye kusviba magadziko ndizvo zvainge zvoita Tichaona. Munzira mese aifamba achironga ne kurongonyora masvikiro epamusha pa mbuya Gora, zvimwe nde zvimwe Mandinzwa aityiwa ne vanhu vazhinji kunyanya paakabva ku sango re Rima.

Vaviri ava zvavaikurukura havana kunge vaziva kuti pane munhu aiteerera nhaurwa yavo.

Tapiwa paakanzwa izvi akarwadziwa ne hunhu wa baba vake , vainge vasina kukodzera kutungamirira vanhu akadamba kuti dai asina kuzvarwa hushe hwavo hwabuda mumaoko avo.

-----

Kumba kwa Tichaona kwainge kuisina mufaro ,mukadzi wake ainge ogara achinyunyuta nekuda kwe hunhu hwa Tichaona, ainge asisina nguva ne mhuri yake zvekuti mukadzi wake aishaya kuti chii chikuru chirikurongwa ne murume wake.

"Baba Dambudzo mazuvaano hameno umwe hunhu hwamuri kuita pamusha pano, kana paine chiri mumoyo chirikukudyai chivhiyei pamwe tingabetserana" akabvunza mukadzi wake aona zvakuenderera.

"Zvausina kupirwa siyana nazvo handidi mukadzi akatsveruka, kana paine chandinetsa ndichakuudza, parizvino siyana neni" akadaro Tichaona asunga chiso achida kutyisidzira mukadzi wake .

"Aiwarzve baba Dambudzo mazuvaano hamuchina nguva neni chero ne vana ava nguva zhinji munenge muri zii kuti nditi chii chamuri kuronga ndochishaya, kana kuri sekumuzinda makutoita sekuti ndiko kwave kumba kwenyu" akadaro mukadzi wake asingaratidze kutya.

"Saka ndikagara panotodyanana hee ndiudze, chaunoshaya chii pamusha pano" akadaro Tichaona achipedzera shungu kumukadzi.

"Bva zvakanaka asi akubaira zani ndewako, ndanga ndichiti ndikuonesewo se murume wangu asi ndapfidza ndachera chikomba handife ndakakubvunza zvekare" akadaro

mukadzi wa Tichaona achisimudza tswanda yake achipinda mumba.

Tichaona ainge asvotwa ne hunhu hwe mukadzi wake, "Vakadzi ukavaregerera vanokupinda chaiko" aitura ariega Tichaona nguva yakapinda mukadzi wake mumba.

Tichaona akasara odyo kudywa kwemadepwane atopedza hurongwa hwake kare, ainge aona abudirira muhurongwa hwake.

Nguva dzake dzemabasa akae erima dzakwana Tichaona akapinda munzira akananga kwa mbuya Gora, musi uyu akarasisa nzira akabudira kumadokero kwe musha wavo.

Tichaona akatanga kunyahwira achipinda mumusha, akatanga kusunga misuwo yese apedza ndokutungidza dzimba dziya.

Paakada kuti achibuda mumusha uyu akanzwa museve wakasvika uchinyura paruoko rwake rwerudzi, haana kuda kutambisa nguva ndokuti chitsoka ndibereke, varume vakatanga kudzingirirana Tichaona haana kuda kudzora tsvimbo nekuti abaiwa ne museve aingokwinya chete, murume wekudzingirira Tichaona



akakundikana kuramba achitevera nekuti Tichaona yaive mhupo chaiyo yakakundikanwa na Tapiwa.

Tichaona akasvika kumba ofemera padenga sendere , akasvika ndokusuka ronda riye ndokuisa mushonga achibva asunga nerwodzi ndokupinda muimba yekurara ndokuwana mukadzi wake akasvinhura apa kwainge kwatova pakati pousiku.

"Titambire vahombarume" akadaro mukadzi wake achitsvaka rudenho.

"Ah muchakasvinhura, ah ndanga ndanoteya misungu yangu manje ndakodonha ndokubaiwa ruoko urwu ,ah ndanga ndafira musungu mukadzi wangu ndosaka ndanonoka kudzoka, ndanga ndafa zvako" akadaro Tichaona oshaya zve kutaura ne nyadzi.

Mukadzi wake haana zvaakataura hake akabva azvirarira hake.

Kuseni Tichaona akasara omuka runyerekupe

rwekutsva kwe musha wa mbuya Gora rwazara ,vanhu havana kuda kutsvaka muroyi nekuti muroyi wa mbuya Gora na Mandinzwa vaimuziva.

Tichaona akabva atomukira kumuzinda, akasangana na Tapiwa, ziso ra Tapiwa rakangonanga paruoko rwa Tichaona achibva adzungudza musoro.

"Imboita hako asi haubudirire nyange zvodii, uchenjere kuzvicherera guva rako" akadaro Tapiwa achidarikira ne rwendo rwake. Mashoko aya akavhundutsa Tichaona, ainge ozvibvunza kuti angave ani akamubaya ne museve madeko.

Tichaona zvakasvika padare ra mambo Samaita akawana nyemwerero irimugotsi ,Tichaona akaziva kuti mambo kufarira basa raakabata madeko apfuura.

"Zvaitwa zve Tichaona mubairo wako mukuru , ndinovimba newe jinda rangu ramba wakadaro"

vakadaro mbuya vachisekerera.

"Inga ndakataura kuti hapana chinopunyuka muruoko rwangu" akadaro Tichaona achi nyemwerera.

"Neniwo hapana chinopunyuka muruoko rwangu inguva chete" akadaro Tapiwa achisvika padare zvakavhundutsa vaviri ava.

"Tapiwa imbondipa nguva ne Jinda rangu iri tine nyaya dzakakosha" vakadaro mambo vachivhara nyadzi.

"Pandiri pano ndiri muridzi wemuzinda kubva nhasi hapana chinorongwa ndisingazive, iro jinda renyu rakaitaseiko ruoko" akabvunza Tapiwa akatarisa Tichaona mumaziso, iye Tichaona achibva amanzvengesa.

"Ndakakuvara madeko apfuura ndakadonha ndokubaiwa ruoko urwu" akadaro Tichaona akatarisa pasi.

"Heya ndakuenda pedzisai zvirongwa zvenyu asi zivai kuti musu mumwe gava rakadambura musungo" akabva atobvapo Tapiwa ndokuenda mugota make aida kutsvaka zano rekubuda mumuzinda umu anoona Mandinzwa.

"Mambo momuona mwanakomana wenyu mukamuregerera achakutongai pamusha pano, kubva zvaakabva kusango re Rima akutoona sekuti atove mukuru ndiye akutonga" akadaro Tichaona achiratidza kushatirwa.

"Kupinda ne mwenje mudziva kwaave kuita asi zvese siira kwandiri ndichamudzikamisa zvangu" vakadaro mambo asi naivowo kubva Tapiwa zvaakabva kusango vainge vaane kakumutya vaiti vakamutarisa vaiona murume ane hukasha husingaiti, murume ane chivindi chinotyisa.

"Asi iwe ruoko wakaitasei" vakabvunza mambo.

"Zvandambotaura paye mwanakomana wenyu

handichamunzwise pane munhu akandibaya ne museve madeko ,kuti ndizive kuti ndiani handizive" akadaro achiratidza kushungurudzika.

"Babangu Chivara iwe kuti angave ani aikuronda tsimba" vakabvunza mambo.

"Nevanji wenyu handimuchenese"

"Aiwa uyo ndomurambira haana kubvira abuda mumuzinda kubva nezuro pano ,masuwo ese akachengetwa" vakadaro mambo.

"Musazvinetse mambo wangu ndomuwana zvangu akaita izvi hazvipere zvega" akadaro Tichaona achisimuka.

"Ndakuenda mambo wangu kana paine zvimwe zvamuka motuma shoko" akadaro Tichaona.

"Zvakanaka mubairo wako uchauya pakupera kwe vhiki rino wosano wedzera danga"vakadaro mambo zvinova zvakapa Tichaona mufaro.

Tichaona akadzokera kumba uri mufaro asi chaizomushaisa mufaro ndimuronda tsimba waaaisaziva uyu.

Akasvika kumba ndokuwana mukadzi wake akasuwa.

" Mai Dambudzo unogaro penga uchiti hee ndinofambira pasina kumuzinda manje svondo rino richipera ndinenge ndafuma danga ririkuzara" akadaro Tichaona azere mufaro.

"Shuwa murume mukuru ungafarire pfuma kudaro vamwe vachichema hauna moyo murume wangu" akadaro mukadzi wake.

"Ko achema ndiani zve" akabvunza Tichaona achiita seasingazive .

"Zvamabva kumuzinda hakuna kusvika shoko rekupisirwa kwa mbuya Gora ne muzukuru wavo

mumba" akabvunza mukadzi wake.

"Ah kana kuzvinzwa vanhu vanovavengereiko kusvika pakuvapfuudza rufu runorwadza kudaro" akadaro Tichaona achinzwisa tsitsi.

Zvaiti kurwadza ,zvikati kusuwisa, shoko iri rakasvika munzeve dza Zvikoni achibva a.....

Kupera kwe chitsauko 22

[05/31, 6:21 PM] +263 77 702 6923: \*ON SALE  
DON'T SHARE\*

\*LOST CHILD\*

\*STORY BY\*

\*MADUBE CHISHONGO\*

\*R.MAWANDE\*

0777026923

\*CHITSAUKO 23\*

Tapiwa Nevanji wa mambo paakanzwa hurukuro ya Tichaona na baba vake ainge asina kugadzikana , ainzwa hasha dzekuti aida kupaza Tichaona ne tsvimbo mumusoro asi akazvidzora. Tapiwa ainge akapa Tarunzwa basa rekutarisa mbuya Gora sezvo Mandinzwa ainge asipo.

Tapiwa akashushikana mumoyo kuti osvitsa shoko sei kuna Tarunzwa kuti manheru a nhasi agare akangwarira, uku varume vaimuchengetedza vaive chinamamira paari



ainzwa mweya wekufema uchimuperera.

"Nhai varume asi ndatove musungwa"  
akabvunza Tapiwa.

"Kungokusiyai Samaita mutongo wacho  
tinouziva" rakadaro rimwe jinda.

Tapiwa akaswera achidzungaira masikati ose,  
manheru ndizvozvo vaininge vakaita kugarira  
pamusuwo wake.

Musi uyu haana kurara dzinouya aingofunga  
mbuya Gora kuti havana kuparadzwa here uye  
Tarunzwa akwanisa kuvayamura here.

Kuchingoedza Tapiwa akamuka ndokuenda  
kudare uko kwaakasvikirana na Tichaona  
achisvika. Nguva dzakasvika Tichaona  
dzakarovesa Tapiwa ne hana akaziva kuti  
hakuna kumira mushe, asi paakaona paruoko pa  
Tichaona akabva anyumwa kuti shasha  
yakatambwa nayo madeko asi chaainge  
asingazive kuti mbuya Gora vapenyu here?

Tapiwa zvaakapesana na Tichaona akasangana na Tarunzwa achipinda mumuzinda ,moyo wake wakafara achimuona.

"Tarunzwa handina kurara madeko apfuura ne nhau ya mbuya Gora ,ndakashaya mukana ne mazirume ayo anoita sekuti achaenda neni kunozvibatsira akandırinda" ndakadaro ndichikwazisa Tarunzwa.

"Mambo wangu madeko kwainge kusina kumira mushe, moziva ndanga ndatoenda kumba kwangu ndatorara ndichitoti hakuna chinoitika, ndipo pandavhunduka kubva kuhope ndarota mbuya Gora vachichema, ndauruka ndichimuka ndokutora miseve yangu ndakananga kumba kwavo ndipo pandaona dzimba dzichibvira , handina kutambisa nguva ndabva ndaona munhu wacho ndokuregedzera museve uchinobaya ruoko achibva atanga kutiza.

Ndabva ndamutevera ndichimhanya ndave chinhambwe ndipo pandafunga kuti ndanga ndisina kuvhurira mbuya Gora ndopo pandadzokera ndichimhanya asi ndazosvika ndikawana vasisimo hameno vabudiswa nani"

akadaro Tarunzwa achirondedzera ,Tapiwa akamboda kumupa mhosva yekuenda kumba kwake kwaakaita asi akaona kuti haisi mhosva yake nekuti ndiye ainge amuudza kuti kana kuine chakaipa chinenge chichirongwa anokurumidza kumuzivisa.

Tarunzwa na Tapiwa vakaparadzana Tapiwa oenda padare paive na Tichaona na baba vake akasiya avapa mashoko anokodzerana navo achibva aenda mugota make umo maakazobuda anzwa mhere ya Zvikoni uyo waakawana akati rabada achifemera kure.

Tapiwa akaziva kuti shoko rasvika munzeve dzake uye ainge auya ne shoko ainge ati Mandinzwa na mbuya Gora vatsvira mumba. Tapiwa akatora mvura ndokumudira achibva amuka ,akamutora ndokutanga kufamba famba naye vachitenderera mumuzinda.

"Zvikoni usacheme va hanzvadzi shoko rasvika zvisizvo Mandinzwa na mbuya Gora vapenyu" akadaro Tapiwa akabata ruoko rwa Zvikoni achizama kumudzikamisa.

"Une chokwadi here Tapiwa Mandinzwa mupenyu" akabvunza Zvikoni chiso chabhengenuka.

"Mandinzwa murume ane hungwaru haafe mufiro iwoyo" akadaro Tapiwa.

"Zvino ndichamuonawo rini paari arikutofunga kuti ndaenda na mambo Nyati " akadaro Zvikoni achinzwisa tsitsi.

"Handifarire kuona chiso che tsvarakadenga yakadai chakasuwa ,unoda kunoona mukwasha wangu here" akabvunza Tapiwa, Zvikoni akashama nazvo kuti Tapiwa akaziva sei kuti vaifambidzana na Mandinzwa.

"Usatye akandiudza Mandinzwa" akadaro Tapiwa achiseka.

"Asi ndorevesa unoda kumuona here" akabvunza

Tapiwa achirevesa.

"Ndikamuona moyo wangu ungafare chokwadi"  
akadaro Zvikoni vachinyemwerera.

"Ndizvo zvandinoda kuona zvakaita chiso chako,  
chienda unozvishambidza ukaona ndokudanha  
rwendo rwunenge rwatanga" akadaro Tapiwa .

"Tinobudirira here tarisa machinda a mambo  
Nyati ziso ravo riri pandiri" akadaro Zvikoni.

"Ndinonzi Mbizi Chivara ini handitongwe  
pamuzinda wangu mira uone zvandichaita nhasi  
ndosaka ndakaenda musango re Rima unoti  
ndainotamba kasi" akadaro Tapiwa achirevesa  
vakabva vaparadzana na Zvikoni achienda  
kunozvishambidza.

Tapiwa zvaakabva pana Zvikoni akabva ananga  
kudare kuna baba vake akawana Tichaona  
aenda.

"Chivara ko murimega henyu" akadaro Tapiwa achigara pedyo navo.

"Ndiri ndega zvangu handi mwanakomana wangu haana nguva neni" vakadaro mambo Samaita.

"Aiwa mambo wangu chete sezvo tichikura kudai tinenge tichitsvaka zvakwanda nekuda kuziva zvinoitika mukukura umu" akadaro Tapiwa achinyenyeredza nyaya.

"Ndizvo jaya rangu ukangotevedzera murairo wangu uchave mutungamiri akasimba mambo haafanire kupindwa ne vanhu vaanotungamira vanozomurerutsa " vakadaro mambo.

"Ndizvo mambo wangu izvezvi ndanga ndichiti ndibude na Zvikoni ndinomuratidza muti unorapa mudumbu yevana wandakaratidzwa na Matambanepfumo tiri kusango re rima " akadaro Tapiwa achikwenya mhino nekasiyanwa.

"Ndizvo chaizvo Samaita munenge mamubetsera chero akazoenda kwa Nyati haazotambure kana mwana wake arwara anenge achiziva zvinomubetsera" vakadaro mambo.

"Ndizvo Samaita" akadaro Tapiwa.

"Asi mutemo wangu unoziva haubude wega iwe nemachinda ako Zvikoni neake" vakadaro mambo.

"Ndizvo Samaita asi hatisi kuenda kure saka tinogona kubuda ne machinda maviri chete,umwe anochengeta Zvikoni neumwe anondichengeta" akadaro Tapiwa.

"Zvakanaka Mbizi asi mukasire kudzoka mumuzinda ne mukadzi we munhu" vakadaro mambo.

Tapiwa haana kutambisa nguva akatakura

nhava yake yaive nezvinhu zvaaizoda  
kushandisa musango.

Akanodana Zvikoni ndokubuda vari vana  
vachipinda musango.

Vakafamba chinhambwe Tapiwa ndokukumbira  
kutsauka ,Tapiwa akabva akumbira jinda rake  
kuti rimuperekedze ,Tapiwa aona kuti vave  
kanhambwe kubva paive nana Zvikoni akabva  
akwakukirwa murume uya huro ndokumudzvinya  
zvakasimba ,akangoita kuti mweya uite  
mushoma pamurume uyu chete achibva atora  
rwodzi ndokumusungirira pamuti.

Tapiwa akabva atanga kunyahwaira achienda  
kwaive nana Zvikoni achibva asvika achipa  
murume uye chematsenga nzungu achiti kunja  
kwakadaro akasvika ndokumusunga ndokuenda  
naye kwaanga asiya umwe wake ndokuwana  
amuka ,akabva avasungirira vese pamuti  
zvakasimba akatora chese chavaive nacho  
ndokuisa munhava yake.

"Varume imi mochisara pano todzoka  
tichikutorai handisi musungwa anongotevererwa  
pese pese" akadaro Tapiwa achienda kuna



Zvikoni .

"Zvino toziva sei kuna Mandinzwa nhai Tapiwa  
" akabvunza Zvikoni.

"Ndambokuudza kuti kuenda kwangu kusango  
rerima kunoreva zvizhinji" akadaro Tapiwa  
achitanga kusvika moto kusvika wabvira achibva  
aisa mashizha manyoro ukatanga kubudisa  
hutsi .

Pasina nguva Tapiwa akatarisa mudenga  
ndokuona hutsi hwaive kudivi remabuda zuva  
,vakatanga kufamba vakananga ikoko vaiita  
kukanda tsoka kuti vakasire kudzoka mambo  
vasati vanyumwa.

-----

Matambanepfumo na Mandinzwa zvavainge

vosvika pamusha wa mbuya Gora vakashamisika vachiona dzimba dzichibvira ,Mandinzwa haana kutambisa nguva akabva amhanya ndokusviko paza musuwo wepaimba ya mbuya Gora ndokuwana vakati rabada pamusuwo pavairwisa kuvhura, vainge vakufemera kure.

Mandinzwa akavasumudza ndokubuda navo ,Matambanepfumo ainge atosvika.

"Pano hapagarike Mandinzwa hatitotakura mbuya tiende navo hatizive kuti muvengi wedu aripedyo here" akadaro Matambanepfumo achitakura mbuya ndokutanga kufamba voenda.

Mandinzwa haana zvakataura,Matambanepfumo akaona kuti mukomana aitambudzika kudzora hashu dzaaive nadzo asi dzakamukurira.

"Matambanepfumo enda na mbuya ndotevera ,ndoda kusiya ndapfuudza munhu anozviti Tichaona" akadaro Mandinzwa achitora nzira inoenda kwa Tichaona.

Matambanepfumo akaona kuti Mandinzwa ne hasha dzaaive nadzo aisvika akauraya Tichaona zvisiri izvo zvavainge vatenderana.

Akasiya mbuya Gora pasi ndokutevera achimhanya.

"Mandinzwa dzikama mhani hindava usashandiswe ne hasha, tikakasira kumedza zvinotizvimbira" akadaro Matambanepfumo achidzora Mandinzwa.

"Izvezvi ngatiiende kumusasa na mbuya tinovaisa mushonga parutsva" akadaro Matambanepfumo achibereka mbuya Gora vachibva vananga kumusasa uko kwakasvika mukadzi wa Matambanepfumo achivaisa mushonga parutsva asi vainge vasati vamuka.

Husiku uhwu Mandinzwa haana kudziti bwai aingofunga kuda kupfuudza Tichaona, pana

mbuya vake ainge abata panopisa, ainge aronga kutiza Matambanepfumo achivinga Tichaona.

Mandinzwa akasununguka moyo achimuka achiwana mbuya vake vamuka asi vainge vatsva musana wese nekuti vainge vakarara nedumbu .

Kupera kwe chitsauko 23

goodnight

[05/31, 7:15 PM] +263 77 702 6923: \*ON SALE  
DON'T SHARE\*

\*LOST CHILD\*

\*STORY BY\*

\*MADUBE CHISHONGO\*

\*R.MAWANDE\*

0777026923

\*CHITSAUKO 24\*

"Mandinzwa muzukuru wangu waiona nhau yandaitaura kuti wakutsvaka rufu rwangu" vakadaro mbuya Gora vachisvima misodzi.

"Mbuya mukachema munounza jambwa pamuzukuru wenyu ,tendai vadzimu venyu kuti maponeswa dai tanonoka taiwana mave madota" akadaro Matambanepfumo.

"Aiwa ndingagotiiko kana pamera moyo panonetsa kugobora, Mandinzwa chave

chigondora" vakadaro mbuya vachigomera ne marwadzo.

Mandinzwa akasimuka ndokuenda pavari ndokuvabata ruoko.

"Mbuya ndinodana ruregerero handichafe ndakakusiyai pamuri ndipo pandiri ,kufa kwenyu ndiko kufa kwangu, asi pana Zvikoni mbuya ndinzwisiseiwo mwana uya aripakati pemoyo wangu handifunge kuti pane wandichanzwa kunze kwake, kana achinge aenda kwa Nyati ndinopika ne hupenyu hwangu ndomutevera chete" akadaro Mandinzwa achiratidza kurevesa pa chiso chake.

"Muzukuru wangu pangu ndakarera ndikapedza sarudzo yave yako asi kubva nhasi ziva kuti kana ndikafa ndafira kuti uve ne rugare handidi kukuona uchishungurudzika " vakadaro mbuya vachiratidza kurevesa.

"Mandinzwa	simudza	musoro	utarise
kumadokero"	akadaro	Matambanepfumo	

akatarisa mudenga.

"Ndi Nevanji wa mambo Samaita hakuna umwe"  
akadaro Mandinzwa achisekerera.

"Kubva ndichinodzidzisa varume musango  
handisati ndasangana ne nyanzvi dzakadai  
vakomana imi mune hungwaru munoita sekuti  
makabarwa ne munhu umwe chete" akadaro  
Matambanepfumo achinyemwerera.

"Regai ndimuchingure" akadaro Mandinzwa  
achitora miseve yake.

"Apa wafunga hatidi vanhu vangosvika  
pamusasa wedu hativimbe ne munhu, iwe  
chienda ini ndokwira muzimuti iro ndione kuti  
ariega here handisati ndoda kuziikanwa kuti ndiri  
mupenyu zvinozovhiringa kuronga kwedu"  
akadaro Matambanepfumo achisimuka  
ndokutora museve wake achibva anokwira

muzimuti.

Mandinzwa akatanga kufamba akananga kwaainge aona utsi huya akatanga kunzwa vanhu vaitaura mberi kwake akabva abuda munzira aisada kuita mawira mombe aida kutanga aziva kuti ndivanani sezvineiwo akabva aona kuti ndi Tapiwa na Zvikoni, mukomana moyo wakati taku taku achiona chiponda moyo chake akabva abuda achipinda munzira.

"Titambire Samaita" akadaro Mandinzwa achisvika paive na Tapiwa.

"Ah kutambireiko Mandinzwa tati tiuye kuzodongorera kuti muri vapenyu" akadaro Tapiwa.

Mandinzwa akakaruka anzwa Zvikoni ave mumapapiro ake ,akamboda kunyara Tapiwa asi iye akabva atanga kufamba ,Mandinzwa ndokusara chimbundirawo mukadzi wake .



"Ndanga ndakusuwa Mandinzwa" akadaro Zvikoni achinyemwerera.

"Nhasi wandiratidza rudo handina kunge ndaziva kuti ungandifungewo, asi hauna kuzoenda kwa Nyati" akadaro Mandinzwa akatarisa mumaziso e mudiwa wake.

"Mandinzwa ndakakuudza kuti ndicharwira rudo rwedu, chirema chine mazano umwe wangu" akadaro Zvikoni ndokurondedzera Mandinzwa kusara kwaakaita.

"Zvikoni ndikafa ndichafira iwe ,mudiwa wangu uri pakati pe moyo wangu" akadaro Mandinzwa achiisa musoro wa Zvikoni pachifuva chake.

"Ko mbuya vakadii Mandinzwa nhasi ndapotsa ndafa ndanzwa kuti matsvira mumba" akabvunza Zvikoni

"Handife mufiro iwoyo hande unovaona mbuya"  
akadaro Mandinzwa achikweva Zvikoni ruoko  
votevera Tapiwa.

Zvese izvi zvaive mumaziso a  
Matambanepfumo, akaona kuti chinonzi rudo  
chakaoma, akadzidza kuti rudo hakuna  
anokwanisa kurudzura pamunhu kana rawarira  
bonde rikati teshe mukati memoyo.

Mandinzwa ,Tapiwa na Zvikoni vakasvika  
pamusasa vakashamisika vachigamuchirwa ne  
mukadzi wa Matambanepfumo.

"Mu mu murivapenyu" akadaro Tapiwa  
achikakama.

"Handife se huku mambo wangu" akadaro  
Matambanepfumo achisvika zvinova  
zvavhundutsa Tapiwa akakaruka ave mumuti.

"Ma ma Mandinzwa uno uno gara ne zvipoko"  
akadaro Tapiwa achitsikinya meso.

"Muchaita dera hanzvadzi chipoko chingafambe  
masikati chichitaura ne vanhu" akadaro Zvikoni  
achipwatika nekuseka, iye ainge agara audzwa  
na Mandinzwa kuti Matambanepfumo mupenyu  
Mandinzwa aisada kuti Zvikoni agorohwa ne  
buka achisviko sangana na Matambanepfumo.

Tapiwa akazoburuka agutsikana kuti  
Matambanepfumo mupenyu, handizive kuti aida  
kuvanda chipoko mumuti here.

Zvikoni akafara achiona mbuya Gora asi  
akarwadziwa achiona mavanga avainge vanawo.

"Mbuya ruregerero handina kuziva kuti paye  
maitaura se muti mudama muchiti ndirwo rufu  
rwangu musu wamandipa chuma" akadaro  
Zvikoni achisvima musodzi.

"Midzimu yangu inoda kuti ndisiye Mandinzwa

agara zvakanaka madeko yakarwa imire ndainge ndaparara" vakadaro mbuya Gora vachichema.

"Chiregai kuchema mbuya tarisai moshungurudza vazukuru venyu ava" mukadzi wa Matambanepfumo ainyaradza mbuya.

"Hatina nguva tiripano Mandinzwa kutiona kudai tasiya tapara mhosva kumashure kwatabva uko saka tirikukasira kudzokera" akadaro Tapiwa.

" mwanakomana wa mambo handei seri kwe muti uko timbonotaura pachirume " akadaro Matambanepfumo achisimuka.

Varume vakasimuka vese voenda seri kwemuti varonga kuti hondo yavakatarisana nayo vachaikunda sei, Matambanepfumo akapa Tapiwa basa rekutumira shoko kuti makamira sei mumuzinda uye murikurongwei vaizotangira ipapo vachienda mberi.

Tapiwa akapawo pfungwa dzake dzekuti achatsvaka munhu waanovimba naye ndiye achange achiuy ne shoko vese vakatenderana

kuti Tarunzwa ndiye achifamba ne shoko .  
Matambanepfumo avimba ne murume uyu  
nekuti vaininge vakashanda vese nguva yakareba  
uye vainzwisana.

Panguva iyi vaidakutanga vapedza ya Zvikoni na  
Mandinzwa vozotevera mhondi yavo Tichaona,  
kwavari vaiziva kuti vakachengetedzeka nekuti  
mambo Samaita vaifunga kuti vakafa vese  
hakuchisina mupenyu.

Varume vakapedza nhaurwa yavo ndokudzokera  
kwaive ne vakadzi kwavakawana uri mufaro  
chete.

"Varume isu hatichagare ndafara ndaona mbuya  
Gora kuti vapenyu ndanga ndichizvipa mhosva  
nguva yesei asi munhu akazviita kutaura kudai  
akarohwa ruoko ne museve na Tarunzwa, isu  
chiregai tiende kumushure uko hakuna kumira  
mushe ndakuudzai ndapara mhosva" akadaro  
Tapiwa achibva arondedzera zvaakasiya aita  
varume vakabvaruka nekuseka.

"Mune ungwaru Samaita ndinofara ndichiona

nyanzvi dzakadzidzisa chiita zvinhu zvine hungwaru hwakadai asara ndi Mandinzwa haasati akugona kudzora hasha dzake, hasha dzaanadzo uyu ndinogona kufembera mutupo wake nekuda kwe zviito zvake" akadaro Matambanepfumo achiseka hake.

"Wabaya Dede ne mukanwa mwanangu, Mandinzwa ndaitambura naye achikura, kana dzirise mhosva hameno dzakataurwa ngani, vabereki ve vana vaigara vachiuya kuzopenga kuti muzukuru wenyu akuvadza vana vedu, iye waisamurambira kwanzi bhuru rinoeneka ne mavanga, uyu ndiye angadai akamukirwa usiku ne varoyi asi mudzimu we kumusha kwake wakarwa semvumba" vakadaro mbuya Gora vachitsinhira.

Vese vakasimuka vachiseka Zvikoni ndokuoneka mbuya Gora, dai isiri hondo yekumba kwavo ainzwa kuda kusara asi akaona kuti aizotanga imwe.

Matambanepfumo na Tapiwa vaifambira mberi vachikurukura , Mandinzwa na Zvikoni vaimbundurudzana vari mumashure mavo.

Mandinzwa ainzwa moyo kupombonoka ari pedyo ne mudiwa wake aimbozvibvunza kuti ndakadiniko ndakadiwa ne mwana wa mambo tsvarakadenga yemumuzinda wa Samaita.

Mandinzwa aifunga kuti achapepuka kuhope asi dzaitove chokwadi kuti ainge aba moyo we mwanasikana uye akagutsikana musu waatora husikana hwa Zvikoni.

"Dai mukombe uyu wachipfuura ndinoda kuve pedyo newe mukadzi wangu" akadaro Mandinzwa achikochechera ruoko rwake pana Zvikoni.

"Neniwo murume wangu dai makasira kuronga zvinhu zvenyu mazonditora mwedzi usati wagara ndisati ndaenda kwa Nyati uye handidi kunyadzisa vabereki vangu ndazoonekwa ndisisiri musikana apa ndichigara pamuzinda." Akadaro Zvikoni achiyemera Mandinzwa.

"Usatye mudiwa wangu hazvidi mazuva

akawanda zvinenge zvanaka" akadaro Mandinzwa asina chokwadi nemanzwi ake raitove basa hombe mambo Samaita kugamuchira Mandinzwa se mukwasha wake.

Kuuya kwakaita Zvikoni kwakavhiringidza muviri wa Mandinzwa ,ainzwa kuda kufadzana ne umwe wake asi nekuda kwa Tapiwa zvakakundikana uye ainge akazviudza kuti aizomirira nguva kuti ikwane vozogara vese zviripamutemo.

Mandinzwa na Zvikoni vakakurukura kusvika dzese dzapera, vakavimbisana chokwadi ne nhema zvese ,vainzwa zvakaringana vari vese.

Tapiwa na Matambanepfumo vaona vave pedyo nekusvika kwavasiya varume vaye vakabva vamira vachimirira hangaiwa dzaive mumashure.

"Mukwambo ndichakuripisa hangu ndoona maitiro ako"akadaro Tapiwa akavhurira Mandinzwa ziso.

" Ruregerero mukarahwa rudo ndirwo



rwunondipengesa" akadarwo Mandinzwa  
achizvinipisa.

"Chakakosha rudo , ndinofara ndichiona  
hanzvadzi yangu mufaro kana uzere mumaziso  
ake,mazuva apera misodzi ndiyo yaive kudya  
kwake, hazvirevi kuti ndokurudzira  
chamuhwande muhwande chenyu ichi asi  
mufaro wa Zvikoni ndiwo wandinoda," akadarwo  
Tapiwa achibata ruoko rwa Zvikoni.

"Varume pane zvandafunga" akadarwo  
Matambanepfumo achiisa museve pauta hwake,  
akabva autepfenyura uchisvika uchiti zete  
pagondo rainge rakamhara mumuti richibva  
radona pasi.

Matambanepfumo akaritaura mambava achibva  
atora rwodzi ndokugadzira mbikiza, akabva  
azvizora muto wemazhizha kumeso ne maruva  
matsvuku ne machena akabva aita umwe  
munhu zvekuti waisamuziva.

"Iwe Mandinzwa chisara pano ndinovhundutsira

vanhu avo" akadaro Matambanepfumo achitora miseve yake ndokutanga kufamba na Tapiwa.

Mandinzwa akakwevera Zvikoni pedyo naye ndokumuzevezera.

"Musi we kupera kwe svondo ,zuva rakaenzana ne muti uyo ngatisangane pamusasa wedu ndoda kukuona" akadaro Mandinzwa achirevesa.

"Ah ndobuda sei Mandinzwa" akabvunza Zvikoni.

"Uri mukadzi akangwara ucharonga zano" akadaro Mandinzwa achiregedza ruoko rwe mwanasikana.

Mandinzwa ainge afunga parefu ainge aravira muto wegwaya.

Matambanepfumo na Tapiwa vakasvika ndokuwana varume vaye vakabudisa meso.

"Hiriiiiii heyiiii ndiri mhondoro yenzvimbo ino hakuna anondiziva kunze kwa Nevanji ne

Mukunda wa mambo, kunyange iye mambo Samaita anoziva ne zvangu, anongonoti bufu zvaitika nhasi anomuka akatevera madzitateguru ake ndiri mhondoro isina tsitsi chero Samaita unozviziva, Nevanji wa mambo Samaita sungura vanhu ava mudzokere kumuzinda, vadzimu vatenda nekushanyira mhondoro yenyu, hakuna anofanira kuziva izvi kana muchida upenyu, achanoti bufu achave mbeveve nekusingaperi, chifambai musacheuka acheuka achave bofu nekusingaperi" akadaro Matambanepfumo achizuza mbikiza yake ,varume vaye vakadedera nekutya vainge vasati vamboona zvakadai , vakatanga kufamba dzamara vasvika pasina acheuka.

Zvese izvi zvaive mumeso a Mandinzwa aiita kubvaruka nekuseka aisaziva kuti mukuru uyu akangwarira kudaro.

"Kubva chiberekerwo handisati ndambosangana ne munhu akaita semi mukuru wangu munenge mazvifunga nguvai" akabvunza Mandinzwa vakadzokera kumusana wavo.

"Kana uri padambudziko pfungwa dzako ngadzikurumidze kushanda, uyezve ndaona rudo rwaitwa na Tapiwa ndikati ndimuyamurewo kuvhara miromo yemadusvura ayo.

"Mune hungwaru ndofunga mambo Samaita vanorwadziwa kurasikirwa ne murwi akaita semi"

"Ndiye umwe wandinoda kupedza hudyire hwese, munhu ngaatange atarisa mberi kwake kuti kwakamira sei asati aparadza zviri paari, natsa kwawabva kwaunoenda husiku, unondiudza dai Nyati akavarwisa aitungamira hondo ndivo vana Tichaona vanongofunga kudeura ropa risina mhaka" akadaro Matambanepfumo atochinja uso.

Varume ava vakapfuura ne parwizi vachibvisa tsvina yavaive nayo ndokudzokera kumusasa wavo vange vomirira shoko rinobva kuna Tapiwa.

Kupera kwe chitsauko 24  
[05/31, 7:15 PM] +263 77 702 6923: \*ON SALE  
DON'T SHARE\*

\*LOST CHILD\*

\*STORY BY\*

\*MADUBE CHISHONGO\*

\*R.MAWANDE\*

0777026923

\*CHITSAUKO 25\*

Mambo Samaita zvavakasara nguva dzakabuda  
Tapiwa na Zvikoni vakabva padare ndokutanga  
kutenderera mumuzinda wavo vachiongorora  
zvavo vachitsvaka panoda kugadziriswa.

Vaona vaneta nekufamba vakabva vaenda  
muimba yava hosi vavo vaidira kumbozorora  
zvavo, vakabva vabatwa ne hope  
ndokuzomutswa ne mukadzi wavo.

"Ko mavata rakacheke nyika asi marwarasu"  
vakabvunza va hosi.

"Aiwa chete mazuva apera ndaisadzirara  
ndichifunga Zvikoni" vakadaro vachimuka.

"Ko iye Zvikoni wandisiri kuona nhasi aripiko"  
vakabvunza mai vake.

"Vabuda na Tapiwa vachiti vachambopinda  
mumasango" vakadaro mambo.

"He he de mukati Samaita dzenyu dzichiri kunatso dhonza, shuwa mambonyanyo kuvimba Tapiwa zvakadiiko zvekusvika pakuti abude ne mwanasikana wangu" vakadaro vahosi vasichibata muchiuno.

"Mai Manyara une chokwadi ne mashoko ako, unoti Tapiwa angaitei hanzvadzi yake, uye angakonewa kumuchengetedza here" vakabvunza mambo.

"Aiwa mukadzi we munhu ngaagare panzvimbo hatidi kuzotanga zvimwe isu tabuda mune ya Nyati iyi" vakadaro vahosi.

"Kuti vagaonei wandaitotya ndi Mandinzwa kuti angandikanganisire mwana manje haachiko" vakadaro mambo.

"Asi ini hangu Tapiwa handimuvimbe nei achifarira Zvikoni kudarika hanzvadzi dzake vana vakazvarwa na mai vake"vakadaro vahosi.

" Mai Manyara uri mukuru pakuti chii kana uchibudisa mashoko akadaro, unoda kuparadzanisa vana wakaitaseiko ,ndizvinzwe futi uone kuti tinoswera tisingawirirane" vakadaro mambo vachibva vabuda vainge vasvotwa ne mashoko e mukadzi wavo anova hosi yemumuzinda.

Mambo zvavakasvika padare vakasangana na Tapiwa na Zvikoni vachipinda mumuzinda ,mambo vakanzwa moyo wavo kupombonoka vachiona jaya ravo radzoka ne mwanasikana wavo.

"Mafamba zvakanaka here mumasango umu" vakadaro mambo vachichingura vana vavo.

"Aiwa tafamba mushe zvedu nhasi tambofurwa ne mhupo" akadaro Tapiwa.

"Wagona shuwa nhasi ndaona mufaro pachiso che mwanasikana wangu" vakadaro mambo vakatarisa Zvikoni.



"Ichokwadi Samaita nhasi ndanzwa kufara ndichiratidzwa mishonga yakasiyana ne mwanakomana wenyu" akadaro Zvikoni akatyora muzura.

"Ndizvo vamadube chero kwamunoenda munenge moziva mishonga inotsvakwa kana miviri yevana yadziya" vakadaro mambo.

"Ndizvo Chivara regai ndimbonozorora" akadaro Zvikoni achibva pana baba vake.

Tapiwa akasara na baba vake padare ainge apurumuka zuva iri, varume vavakaenda navo kana kuti bufu.

Mazuva akafamba kusvika svondo rapera mumuzinda muine runyararo,zvekuti vana Mazvinzwawo vaishaya dzokutaura vainge voswera vachishara inda vari pasi pemvuri.

Muchaneta ndiye airwadziwa nekufa kwa Mandinzwa ainge akutomuona se murume wake.

-----

Anga ave masvondo maviri kubva pakabva Nyati  
kwa Samaita, musu uyu ndiwo wainge  
wakatenderana Zvikoni na Mandinzwa  
kusangana ,musikana akamuka nyama  
dzichirwadza,ainzwa kuvigwa moyo zvekusada  
kudya ainzwa kuda matamba chaiwo.

Zano rekuti abude naro mumuzinda ariega  
akarishaya ,akazama kufunga asi rakaramba  
kuuya akaona kuti kuita zvokutiza ndizvo zvine  
hungwaru asi aiziva kuti kuonekwa asipo  
aizotsvakwa chete nekuti machinda a mambo  
Nyati ziso ravo raigara paari.

Kuti audze Tapiwa aiziva kuti vaizobuda vese  
haaizorega hanzvadzi yake ichibuda yoga.

Akabva aona kutiza kuriko kungamubatsire.  
Zvikoni akangoti sveverere varume vakarivara  
 ,aona kuti abuda mumuzinda akabereka tsoka  
 akananga musango akazozorora onzwa simba  
 richiita shoma maari, akatanga kufamba  
 zvekuvavarira kuti akwanise kusvika pavainge  
 vatenderana.

Zvakasvika Zvikoni akawana Mandinzwa asati  
 asvika akagara pasi pe mumvuri ne hope  
 dzichibva dzauya.  
Zvikoni akavhunduka anzwa kubatwa matama  
 akavhura meso ndokuona ari Mandinzwa  
 ,mwanasikana mufaro wakazadzwa maari  
 achibva ambundikira Mandinzwa asi simba raive  
 shoma akabva arezuka.

"Kwakanaka here mudiwa we moyo wangu,  
muviri wako urikudziya asi warwara" akabvunza  
Mandinzwa.

"Ndangomuka zuva ranhasi ndichinzwa kupera  
simba nekuvigwa moyo ndoshaya chirwere  
rudzii" akadaro Zvikoni achiratidza kuti muviri

haisi kuita mushe.

"Handifare kana mudiwa wangu asinganzwe mushe zvino zuva ranhasi wamboisa chinhu mudumbu here" akabvunza Mandinzwa.

"Aiwa ndonzwa kuda matamba chaiwo" akadaro Zvikoni asizembera muti.

Mandinzwa ainge otya kuti mwana we varidzi arwarira musango aizoita zvekudii ,akademba chaainge arongerera kuti vasangane.

"Zvikoni chisara pano ndinotsvaka matamba mujinga me rwizi umo kana asina kupedzwa ne makudo" akadaro Mandinzwa achiradzika Zvikoni zvakanaka.

Mandinzwa haana kunonoka akamhanya

ndokunomawana achibva auya nawo  
ndokuputsa rimwe ndokumupa kuti adye.  
Zvikoni akaridya rese kusvika rapera ainzwa  
kuda kuramba achimadya zvekuti akadya  
matatu zvakashamisa Mandinzwa.

"Mandinzwa ndave ne simba ririnane rega  
ndidzokere kumuzinda zvichakanaka" akadaro  
Zvikoni achisimuka.

"Moyo wangu uri kurwadza Zvikoni kuti  
ndikusiye uchienda wakadai asi zvekuita hapana  
mambo na Tichaona havafanire kuziva kuti ndiri  
mupenyu ndisati ndapedza zvandiri kuronga"  
akadaro Mandinzwa achiratidza kurwadziwa  
nezvaive umwe wake.

"Usatye rega ndiende Mandinzwa ndisati  
ndakurirwa ne hurwere ndiri kunzwa kuti  
zvinokwanisa kudarika zvandiri kunzwa" akadaro  
Zvikoni.

"Chiuya ndikubereke ndokusiya pedyo ne kumuzinda"

"Ko ukaonekwa nhai Mandinzwa ,rega ndifambe ndiri kunzwa zvirinane hangu ndosvika usandityire." akadaro Zvikoni.

"Handidi mukadzi ane nharo huya ndikubereke Zvikoni tiri kutopedza nguva tichiitisana nharo " akadaro Mandinzwa achikotama.

"Aiwa usazvinetse dzokera zvako Mandinzwa ndinoenda naye ini iwe hazviite kuti usvike pedyo nemuzinda unoonekwa" ndi Tapiwa akakaruka abudikira.

"Tapiwa asi wanga uchinditevera" akabvunza Zvikoni achishamisika.

"Ndakakuudza kuti ziso rangu riri pauri ,imbodzikamai kumhanya handiko kusvika muchenjere kuputsa chirongo tasvika" akadaro Tapiwa achinhonga matamba a Zvikoni ndokutanga kufamba vachienda.

Zvikoni aiita kufamba zvekuvavarira ainzwa kugurwa mumabvi, Tapiwa haana kubvira ataura na Zvikoni kusvika vasvika mumuzinda umo mavakasviko sangana na mai vake na baba vachiratidza kusuwa pameso.

"Tapiwa wamuwanepi Zvikoni, izvezvi ndanga ndotounganidza vanhu kuti vamutsvake izvezvi" vakadaro mambo Samaita vachiratidza kusafara

"Ndamuwana pazasi pemitamba uri paseri apo achidya zvake matamba agere" akadaro Tapiwa achisvitsa Zvikoni matamba ainge asara.

"Ko ukange muviri isingaite mushe chii mwanangu" vakabvunza mai vake.

"Miviri irinane zvayo kungonzwa simba richiita shoma" akadaro Zvikoni.

"Vatotanga varoyi ve mudunhu rino kurwadziwa ne kuti wakaroorwa na Nyati manje havasi kuzobudirira" vakadaro mai Manyara achipaumba.

"Hazvinetse mai Manyara rega nditume nhume inodana Chinembiri akana zviri zvivanda zvichadzoserwa kwazvabva uye mwana wako haanzwe ndakati chii nekufamba wega usade kutiparira mhani" vakadaro mambo vachitofamba vakananga kudare ravo vainge vagumbuka.

Zvikoni akananaira ndokunorara munhanga



make akamirira kuuya kwen'anga yavo  
Chinembiri.

-----

Tapiwa ainge akugara ziso rake riripana Zvikoni  
aisada chakaipa chinoitika kwaari.

Kunoti madzikoma ake ainge omunzwira godo  
rekuti sei aroorwa iye asina.

Tapiwa ainge otyira kuti vanga murongere  
zvakaipa sezvo vaigara vachitaura  
zvisakarurama pamusoro pake.

Pakabuda Zvikoni achienda kusango Tapiwa  
aive mushure, akashamisika achiona  
achisangana na Mandinzwa akashaya kuti  
vainge varonga nguvai kuti vasangane.

Moyo wa Tapiwa wakarwadza achiona Zvikoni

achitambura neurwere pfungwa dzake  
dzakatanga kudafunga kuti asi aisirwa  
muchetura.

Haana kutambisa nguva akabva abudikira  
ndokuenda na Zvikoni kumba kwavo.

Tapiwa akasvika ndokunanga paive na mai vake.

"Ko mukazenge makasuwa chii nhai Samaita"  
vakabvunza mai Tapiwa.

" Zvikoni haasi kunzwa mushe Mhai" akadaro  
Tapiwa pfungwa dzake dzaingove pamuchetura.

"Ko vaoneiko vamadube" vakadaro mai Tapiwa  
vachiratidza kurwadziwa.

"Ari kungoti simba ishoma uye akavigwa moyo

,anga achingoti ndonzwa kuda matamba chete"  
akadaro Tapiwa.

"Nhai Tapiwa mwanangu ungandiudzweo  
chokwadi chekuti Zvikoni aive nani musango  
zvaaitsvakwa pamwe ndingamubatsire"  
vakadaro mai Tapiwa hana yavo ichirovera  
mudumbu.

"Mhai ini hangu handivimbe ne munhu asi nekuti  
hurwere handikuvanzirei asi musazviti bufu  
nekuti munenge maparira neniwo" akadaro  
Tapiwa akatarisa mai vake mumaziso chaimo.

"Ndizvo mwanangu ndingaite zvingakupinze  
mudabudziko here ini ndichiziva hutsinye hune  
vakuru vepano" vakadaro mai Tapiwa  
vachirevesa.

"Aiva na Mandinzwa vanofambidzana" akadaro

Tapiwa.

"Babangu mbonga iweee mwana arema uyu ndakazviona ini" vakadaro mai Tapiwa vakabata chifuva zvinova zvakavhundutsa Tapiwa.

"Mhai, mai muku muku revesa" akadaro Tapiwa mashoko achiramba kubuda.

"Ngazvinyararwe Tapiwa iyi ingozi yataparirwa zvokwadi rwendo rwuno Nyati anouya achiparadza dunhu rese" vakadaro mai Tapiwa vachitsikinya maziso.

"Mhai pakaona kutaura kuno nhume dzatotumwa kwa Chinembiri kunomudana vachiti hurwere.

" Tapiwa mwanangu dai wamisa vanhu ava vasaenda Chinembiri haavanze chokwadi " vakadaro mai vake .

Tapiwa haana kunonoka akabva aenda kudare ndokunoudzwa kuti varume vaenda.  
Tapiwa akabuda chiri chahwiriri kuri kuda kuvamisa vasaende.

Kupera kwe chitauko 24  
[05/31, 7:15 PM] +263 77 702 6923: \*ON SALE  
DON'T SHARE\*

\*LOST CHILD\*

\*STORY BY\*

\*MADUBE CHISHONGO\*

\*R.MAWANDE\*

0777026923

\*CHITSAUKO 26\*

Mandinzwa zvaakasara aishushikana ne hutano hwe umwe wake.

Aishaya kuti chirwere rudzii chashanyira mudiwa wake.

Mandinzwa aita kunge naiyewo abatwa ne denda iri ,akasvika kumuzinda arezuka avigwawo moyo zvekuti chero chekudya aisachinzwa kuchida.

"Nhai muzukuru kwanga kwakanaka here kwamabva" vakabvunza mbuya.

"Bvunzai henyu mbuya munhu abve kunoona  
chigagairwa chake angadzoke achiita se  
murwere" akatsinira mukadzi wa  
Matambanepfumo.

"Zvimwe abatiswa pasi" akapindira  
Matambanepfumo.

"Zvimwe nde zvimwe Mandinzwa arikurwara  
uyu" vakadaro mbuya Gora vachiisa moyo  
pamuzukuru wavo.

"Nhai Mandinzwa ko gomba rabatiswa nei "  
akabvunza Matambanepfumo.

"Zviripiko ndawana Zvikoni miviri ichidzimba"  
akadaro Mandinzwa achinzwisa tsitsi.

"Ko kwanzi ndasvorei zvekare nava madube"

vakabvunza mbuya.

"Kuvigwa moyo nekupera simba hapana chaanonzwa kuda kunze kwe matamba" akadaro Mandinzwa akatarisa mbuya vake.

"Hohodo chakabaya chikatyokera" akadaro Matambanepfumo achiseka.

"Mandinzwa wakavhuna musana wa Zvikoni here" vakabvunza mbuya vachiita kudedera.

"Akavhuna mbuya " akadaro Matambanepfumo achipamidza kuseka.

"Babangu chimbwa iwe Mandinzwa Zvikoni arema uyu ,unondiparireiko nhai mwana iwe" vakapenga mbuya zvakavhundutsa Mandinzwa.



"Mbuya muchireva kuti Zvikoni akazvitakura"  
akabvunza Mandinzwa ziso rakabudiswa.

"Ndizvo muzukuru wangu manje zvichaomera  
Zvikoni kana oenda kumuzinda ndaona padeuka  
ropa" vakadaro mbuya Gora

"Zvino zvoitwa sei mbuya" akabvunza  
Mandinzwa.

"Yatodeuka mvura yemuguchu haichadyoreki  
totomirira kuona kuti ivo vachadii" vakadaro  
mbuya Gora.

"Nyaya iyi haisisina kumira mushe zvakutoda  
kuda muronge zvine hungwaru matove shure  
kwe nguva, zvikangoziikanwa chete kuti Zvikoni  
akazvitakura ne nhumbu ye munhu

asingaziikanwe pakaoma apa" akadaro mukadzi  
wa Matambanepfumo zvinova  
zvakashungurudza Mandinzwa, akabva asimuka  
ndokuenda musango achitsvaka pekuzorodzera  
pfungwa.

"Uri murume Mandinzwa nezuva rimwe chete  
wainge watozvimbirisa kare, uri mukono  
ndabvuma hangu" akadaro Matambanepfumo  
achigara pedyo na Mandinzwa uyo aine akabata  
rushaya.

"Ndinofara kuti Zvikoni akanditakurira chinhu  
chakandikoshera muupenyu hwangu,  
akanditakurira inova hama yangu imwe chete ine  
rudzi neni, zvino dambudziko ravepo Samaita  
akaziva kuti mukunda wake arema chii  
chinotevera, Zvikoni achabvunzwa kuti mwana  
ndewani chokwadi ndechekuti kana  
zvamuomera achataura chokwadi zvino ne  
moyo una Samaita anotsvagirwa  
zvimachembere ikasvotorwa" akadaro  
Mandinzwa misodzi ichiti mokoto.

"Murume akaita sewe haachemi Mandinzwa, ndiripo pakumira newe zvakuda kuti tichironga zvinhu nekuchimbida uye zvine hungwaru, uye ndinovimba na Tapiwa kuti kana paine chakaipa chiri kurongwa shoko richasvika" akadaro Matambanepfumo achinyaradza umwe wake.

"Matambanepfumo ndinopika ne hupenyu hwangu Samaita akaisa ruoko pa zai rangu ndinomunyika demo rakacheke nyika ndinenge ndicharamireiko" akadaro Mandinzwa achiita kubvunda ne hasha, miromo yaiita kudendera akasimuka ndokuuenda pahunde yemuti ndokutanga kuurova nezvibhatera kusvika shungu dzaserera maoko asvotoka.

Hasha idzi dzakatyisa Matambanepfumo mutupo waiyera Mandinzwa hausi wekutamba nawo, Matambanepfumo akaona zvakakodzera kuti adzidzise Mandinzwa kudzora hasha dzake nekuti dzigona kumusiya muna taisireva nekuti chero akazove ne mukadzi vakasanzwisana shungu anopedzera kumukadzi zvikasave ne chimiro chakanaka.

"Parizvino takumirira shoko rinobva kuna Nevanji ndoziva haatisiye takadai" akadaro Matambanepfumo achifamba kudzokera kumusasa ainzwa kuvimba Tapiwa ne moyo wake wese anosizviti haavimbe ne munhu asi akaisa moyo pana Tapiwa.

"Mandinzwa muzukuru wangu waitwa sei maoko kusvotoka kudaro" vakabvunza mbuya vachishamiswa.

"Mbuya musatye zvenyu i hasha dzese idzi dzapedzerwa pamuti asi dzichapera zvadzo " akadaro Matambanepfumo achipedzisa kupfura miseve yake.

"Aita chake ndihombarume ,ndakazama kumutsiura ne nyaya ya Zvikoni asi akaisa zvitanda munzeve iyezvino takugara musango senge mhuka" vakadaro mbuya Gora.

"Mbuya mirai zvenyu muone ndinonzi Mandinzwa Munongwa ndinoda kutwasanudza dunhu rino ndicharisiya riine chidzidzo chekuti munhu wese akakosha, ndichasiya ndaparadza mhondi dzinofarira rufu rwevanhu asi hwavo upenyu vachiuda" akadaro Mandinzwa achiratidza kurevesa ne mashoko ake.

"Akanga nyimo avangarara" vakadaro mbuya Gora.

-----

Tapiwa zvaakatevera nhume dziya dzakatumwa

kwa Chinembiri akawana dzatofamba mutunhu murefu, vanhu vainge vatumwa ava vaiziikanwa vane zvifuva zvinoremerwa uye vaisavhundutsirwa sezvaakaita vaakaenda navo kusango musu uya.

Akaona kuti akada kuvadzoseresa kumashure yaifira kwake tsoro dzake dzaaironga dzikabatwa nekukurumidza.

"Ah mambo ko matevera mambo Samaita varikuzviziva here izvi hamutenderwi kufamba mutunhu wakadai isu tiripo" yakadaro imwe nhume.

"Aiwa ndaona handingagare hanzvadzi yangu isinganzwe mushe ndati ndinozvvinzwira ini werudzi rwake" akadaro Tapiwa.

"Bva zvakanaka chatisingade zvinhu zvinotipinza muna taisireva"

"Aiwa musazvityire henyu ndiripo" akadaro Tapiwa .

Vakafamba kusvika kwa Chinembiri pasina chakaipa chavakasangana nacho zvinova zvakafadza nhume idzi nekuti dzaityira mwanakomana wa mambo ,vaishaya kuti vaizozvireva vachitii.

Zvavakasvika pamusha wa Chinembiri vakawana dzakatokwidza kare akatosutsiwa, aiita kubhon'a se shumba zvinova zvakatyisa vaenzi ava.

"Maita mukauya Samaita izvi ndezverudzi pindai muri mega" akadaro Chinembiri achitungamira nhume dziya dzakasiwa kunze kwe musha.

"Ehe tipindewo varidzi venyika vanoti vakadzvova nyika inodengenyeka" akadaro

Tapiwa achipinda.

"Chiiko chandiri kuona ichi, zvaitirweiko nhai vari ku mhepo, ropa radeuka, mhere yavharirira mudunhu mati tidiiko nhai ,nhai Nyakate mhondoro huru ,Mbwedzido newe Magande chiiko chamunondiratidza , nguva yesei mainge makanyararireiko ndati mainge makanyararireiko ,pukutai misodzi yenyu mudzimu unoyera zvanzwika ,zvanzwika ndichaita sekureva kwenyu" akadaro Chinembiri achibva awira pasi zvine simba ndiye zii akadaro.

Zvino hana ya Tapiwa yainge isina kugadzikana akazodzikama aona Chinembiri amuka ndokusvuta bute rake achibva agara padehwe rake.

"Mwanakomana wa mambo hondo iripo yakaoma , hongu mukunda wa mambo arema asi chaakatakura chikuru, chaakatakura chotyisa ,mambo vasambozame kuisa ruoko pavakaisa pakakwana ndaona kudeuka kwe ropa, ndaona



kuchema kukuru mudunhu ,ndaona  
zvakananzika zvizhinji zvabuda nekuda kwe  
chakatakurwa ichi,muchatanga kunzwa  
zvisinganzwisike mudunhu kubva pazuva  
ramangwana chokwadi chave pedyo" akadaro  
Chinembiri achibva amboti zii.

"Zvino zvoitwa sei nhai" akabvunza Tapiwa.

"Pakaoma waita mutete pazviri asi ndinoti ndiri  
kusimuka ne tsoka dzangu kuenda kumuzinda  
ndichanopedza ndega" akadaro Chinembiri.

Chinembiri akarongedza hakata dzake munhava  
ndokupinda munzira vakananga kumuzinda  
kwavakasvika zuva rogara miti, vakawana  
riribesanwa kutsvaka mwanakomana wa  
mambo.

-----

Kumuzinda yakasara iri batai batai kutsvaka  
Nevanji wa mambo.

Machinda anomuchengeta vakatukwa  
vakazvirega mambo vaiita kupupa ne hashu.

Ukuwo vahosi waitambura ne hurwere hwa  
Zvikoni vaiona varoyi ve mudunhu vachida  
kuvadyira mhandara yavo yavainge varoorerwa  
na Nyati.

Vahosi vaingorwa kuti igodo revanhu vasingadi  
chakanaka pamwana wavo.

Nguva dzakasvika Tapiwa ne vamwe vake ndipo  
pakazorora moyo wa mambo.

"Tapiwa inombozvitora sekuti uri Nevanji here  
,unozviita se munhu njee asina chiremerera  
seiko, nhume dziripo asi unongofamba apa

usina varume vanokuchengetedza , unoziva here kuti munyika mune vavengi vanoda kupamba ushe wangu, iwe ukashaikwa ushe hunopera nekufa kwangu" vadaro mambo vachipupa ne hashu.

"Samaita handina kuvinga izvozvo pano hatiendei kudare ndine mashoko nemi ndinoda kudzokera ndifambe kuchaonekera" akadaro Chinembiri achitofamba akananga kudare.

"Kwakanaka hako Chinembiri tinodzoka totya isu" vakadaro mambo vachigara pachigaro chavo.

"Samaita handina mashoko akakura mukunda wako hapana urwere huripo hapana kana zvivanda apa itai auye pano"akadaro Chinembiri achibudisa guchu rainge auya naro.

Zvikoni akauiwa naye achitekaidzwa ,Chinembiri akasvika ndokumupa guchu riya kuti anwe achideketera.

"Dzikamai zvenyu ,ndichaita sekuda kwenyu, dzikamai zvenyu nekuti chokwadi chave pedyo, musauye ne hukasha , ndoziva kuti hasha dzenyu dzinogona kupedza rudzi , hasha dzenyu dzinodengengetsa nyika " akadaro Chinembiri achidzana dzana panzvimbo imwe chete.

Mambo vakashamiswa nekuita kwa Chinembiri. Zvikoni paakangopedza guchu akabva ati gwindiri hurwere hwese uchibva wapararira.

"Chinembiri chiiko cha ndiri kunzwa nekuoneswa ichi" vakadaro mambo.

"Hapana chinogara chisi kwacho mambo wangu, asi ndatumwa ne mashoko maviri ende munoziva zvaanoreva." Akadaro Chinembiri.

"Aiwa ndakateya nzeve ivhiyei tinzwe" vakadaro mambo hana ichirova se munhu ane katurikwa.

"Shoko rekutanga rinoti, Chamakadya chopfuka, repiri roti chauchanzwa pamuzuva anotevera usaise ruoko pachiri nekuti ndanzwa kuchema kukuru" akadaro Chinembiri achitora hutowo hwake achibva apinda munzira zvinova zvakasiya mambo vakati kanha nazvo.

Kupera kwe chitsauko 26

Chii ko changa chakanyararwa nguva yesei ne vadzimu?

[05/31, 7:15 PM] +263 77 702 6923: \*ON SALE  
DON'T SHARE\*

\*LOST CHILD\*

\*STORY BY\*

\*MADUBE CHISHONGO\*

\*R.MAWANDE\*

0777026923

\*CHITSAUKO 27\*

Chifume chazuva raitevera mushure mekunge  
Chinembiri adzokera kumusha kwake.  
Kwakamuka kuine kamhepo kaifefetera zuva

richikanda miseve kuratidza kuti rakubuda, zuva richingoti vhuu ,kwakabva kwato sanduka mhepo yakatanga kuvhuvhuta rwizi Manyamato rikatangakushinyira kunge rakazara asi yaive nguva yechirimo.

Mazvinzwawo anotakura chirongo chake achienda kumvura , mhepo inotanga kumupupurutsa asi anoramba akashinga nekuti kumba kwake kwainge kusina kana yekunyautsa pa huro sezvo zuro wacho akavirirwa munharaunda achifambisa shoko rekurwara kwa Zvikoni.

Mazvinzwawo zvaanosvika parwizi anotarisa anoona padombo pakanhongwa Mandinzwa na mbuya Gora pakagara umwe mukadzi. Mukadzi uyu ainge akafuka dehwe rakatsetseka mumusoro rakangosiya chiso chete.

"Makadii ndimi aniko" vakabvunza va Mazvinzwawo vachidaidzira asi hapana akadaira.

"Amai imi ndati pane chamungada kubatsirwa nacho here ,ndinoona sekuti muri mutsva munzvimbo ino" vakadaro va Mazvinzwawo asi mukadzi uyu akabva asumuka ndokutanga kufamba achienda zvinova zvakashamisa Mazvinzwawo.

Pakarepo mhupo iya inobva yamira kuvhuvhuta rwizi Munyamato richibva radzikama. Mazvinzwawo haana kuda kumira panzvimbo akasenga mvura ndokunanga kumba kwake ainge awana rekufamba naro musi uyu.

Mazvinzwawo akangosvika nekunanga kwaasahwira wake uyu waakawana akabata chiuno ari paruvanze rwake akatarisa divi rekurwizi.

"Vasikana hakuna shura rakadai nenguva diki diki iyoyi kwungaita mhupo inovharira kudaro kusvika yashinyidza rwizi nguva yechirimo kudai" akadaro a Sahwira.



" hauna mashura awaona ini ndini ndaona shura rese, nguva yavhuvhuta mhupo ndanga ndiri munzira kuenda ku rwizi ndipo pondosvika pagere munhukadzi padombo riya rekusiiwa Mandinzwa.

Paangosimuka mukadzi iyeye mhupo yabva yadzikama" akadaroz Mazvinzwawo.

"Mukati vadzimu vake havana kutsamwa moti munhu angagochwe se mhashu kudaro" akadaroz Sahwira.

"Zvakaoma nhaka tichaparirwa mudunhu rino rimwe dzinza hariurawe saizvozvo , kunyanya watisingatozive rudzi rwake" akadaroz Mazvinzwawo.

"Pakaoma sahwira regai tione kunowira tsvimbo

ne dohwe" akadaro Sahwira achipeta maoko.

"Ini handichagare regai ndidarike ndichiona mai Netsai " akadaro Mazvinzwawo achitooneka.

Akapfuura ne kwa mai Netsai achibva achibva asiya aturwa futi ikoko zvekuti rakasara rovira shoko rasvika mumuzinda .

Mambo havana kutambisa nguva vakabva va tuma nhume kuti Mazvinzwawo auye kudare Mhuka.

-----

Kumuzinda mufaro waive mushoma pana mambo Samaita vaizama kufunga kuti Chinembiri aizama kudii iye ainge akapedza zvikaranga zvese zvaidiwa, akaona kuti akaramba achifunga aigona kutozoita chikwinya chacho .mambo akasiyana ne nhau iyi achibva

amirira kuona zvachose zvairehwa na Chinembiri.

Kuchiedza Tichaona anofunga kushanyira mambo ,mazuva apera ainge akati zii achimbofarira zvipfuwo zvaakapiwa na mambo.

Musi waakapiwa akabva atobaya imwe ndokuswera achigocha chiropa ne matumbu.

Mukadzi wake akapinda basa rekuomesa nyama murume achivedzenga.

Tichaona ari munzira kuenda kwa mambo ndipo paanosangana ne shoko raitaurwa na Mazvinzwawo achibva asvika naro kuna mambo.

"Tisvikewo Samaita varidzi ve dunhu" akadaro Tichaona ichirova gusvi.

"Svika zvako Tichaona mazuvaano kuti zii kwakanaka" vakabvunza Tichaona uyo aizvitsvakira pekugara.

"Kugadzirira zvangu zvekurima nhurura isati

yakuturura" akadarro Tichaona.

"Wataura zvako ini ndine gombo rangu randinoda rigoborwe ndichatoti varitange kupera kwe svondo rino" vakadarro mambo.

"Ichokwadi mambo wangu, asi zvaitika nhasi zvinenge zvine chirevo" akadarro Tichaona achitsvaka pekutangira.

"Haurevi nhema mhapo yasimuka nekurwizi handina kuinzwisisa yashinyidza rwizi nguva diki iyoyo" vakadarro mambo vachifunga manzwi a Chinembiri.

"Munzira ndichiuya kuno ndasangana ne vakadzi vanga vachienda ku huni, hameno changoita kuti nditerere nyaya dzavo ndanzwa vachiti Mazvinzwawo asangana ne mukadzi parwizi akagara padombo rakanhongwa Mandinzwa asi kwanzi anga akavhara musoro kusara chiso chete, asi nguva yaasimuka padombo ndiyo nguva yadzikama mhapo" akadarro Tichaona

zvinova zvakavhundutsa mambo.

"Mukati hazvina chekuita ne kufa kwa Mandinzwa" vakabvunza mambo vachizevezera Tichaona.

"Umm hameno regai tione tisakasira kuvhunduka" akadaro Tichaona.

Mambo havana kutambisa nguva vakabva vatotumira shoko kuti Mazvinzwawo asvike kudare , haana kunonoka kusvika achibva apira nyaya sezvairi kuna mambo.

"Ikezvino mukasangana ne zvamunenge maona zvamusinga nzwisise munotanga kusvitsa shoko kumuzinda kwete kushambadza dunhu rese muchafumura zvisingafanire kuziikanwa mukaenda muromo padivi" vakadaro mambo vachipedzera shungu kuna Mazvinzwawo iye akabva apeta muswe.

Tapiwa nguva zhinji aigara nzeve dzakati kwangwa aisada kudarikirwa nechese chinorongwa mumuzinda, sezvo aida kugara akachenjedza vamwe vake.

Tapiwa zvaakaona Tichaona abva pamuzinda akabva aenda kuna baba vake aida kunzwisisa nhau ye zvainge zvaitika nhasi uye achobatanidza mashoko a Chinembiri akabva aziva kuti pane zvikukutu zvakavanzwa na mambo.

"Mambo wangu mukagenge makasuwa kwakanaka" akabvunza Tapiwa achitsvaka nyaya.

"Aiwa kutsvene Samaita ndiyo mhopo iyi yafumiro vhuvhuta " vakadaro mambo.

"Nhais Samaita muchindiona munonditoro sani" akabvunza Tapiwa.

"Mubvunzo uyu ,kwakanaka hako" vakadaro mambo.

"Kwakanakisa Mbizi yangu" akadaro Tapiwa.

"Unobvunza zva unoziva kuti ndiwe Nevanji wepano, manje manje ukangoroora unenge wave mambo watora chigaro changu" vakadaro mambo.

"Zvino mukandivanzira zve dunhu rino ndicharitungamira seiko"akabvunza Tapiwa.

" Chii chaunoda kuziva chausingazive nhai Tapiwa, rega Tichaona akati wakangwarisa" vakadaro mambo vatochinja inzwi.

"Aiwa hatisi pakukonana mambo wangu kana zvisingaiti kuti mudiudzewo zvakavanzika hazvina kuipa asi nezuva rimwe ndichazviziva"

akadaro Tapiwa achisimuka.

Ukuwo Zvikoni aitambudzika kuti hurwere hwai wainge wamubata ,akashamisika kuti guchu raakapiwa na Chinembiri ndiro rakabva ratomuporesa ipapo ipapo here.

Zvikoni akabva afunga kunooni mai vake mai Tapiwa achida kunzwisisa kuti hungave urwere rudzii wakamubata.

Akati asvika pasuwo ravo akanzwa vachitaurirana ne mwanakomana wavo.

"Mai tafamba zvakanaka asi Chinembiri anatso kutsindidza kuti nhumbu ina Zvikoni isawana anofungira zvakaipa pairi nokuti pachadeuka ropa" akadaro Tapiwa.

"Zvino baba vako unovaziva zvikangosvika munzeve dzavo chete anototsvakirwa machembere achaisvotora" vakadaro mai Tapiwa.



"Chinonetsa vanoita zvinhu zvavo vega kana zvakudzoka zvinozoparadza mweya isina mhaka , ndoshuvira dai ndisina kuita mwana wa mambo zvinorema izvi zvinoda akatsunga moyo" akadaro Tapiwa.

Zvikoni achinzwa izvi akabata dumbu rake mufaro wake wainge wapera ,haana kuzoda kupinda akabva atotendeuka ndokudzokera munhanga make.

Hongu Zvikoni aida kuita mai ve vana va Mandinzwa asi zve nekuda kwekuti ainge akabvisirwa na Nyati akaona iri hondo huru, dai Mandinzwa wake ainge anephekugara pakasununguka aitizira zvake zvino Mandinzwa wake aingove ne hupenyu hwe hwakumukwaku.

Mwanasikana akashungurudzika akadamba chaakatendera kupa Mandinzwa husikana hwake, ainge azvigochera pautsi zvokwadi mambo Samaita vakazviziva aiswers aitwa nyama ye magora.

Zvikoni zvaakaziva kuti arema uye mai Tapiwa vakuzviziva akabva amuka ndokuenda kuimba yavo aida kunotsvaka mazano.

"Mai ndinoziva kuti ndakatadza ndakarasa dzidziso ,asizve yatodeuka zvino mungandibetsera ne mazano here nekuti pandimire pakaoma ndakatamba ne madhaka pasina mvura." Akadaro Zvikoni achinzwisa Ngoni.

"Zvikoni nyaya yako yakaoma inotoda nditange ndafunga parizvino ndapererwa ne mazano,uye zvoera kuti mukunda wa mambo agare mumuzinda arema kudai zvisiri pamutemo wozouya mambakwedza ndimborara ndichifunga" vakadaro mai Tapiwa vapererwa ne zano naivowo vaiona hondo yainge yatarwa ne mukunda wa mambo mumuzinda.

Kupera kwe chitauko 27

[05/31, 7:15 PM] +263 77 702 6923: \*ON SALE  
DON'T SHARE\*

\*LOST CHILD\*

\*STORY BY\*

\*MADUBE CHISHONGO\*

\*R.MAWANDE\*

0777026923

\*CHITSAUKO 28\*

"Mukati kumuzinda kutsvene here s  
Samaita zvavati zii ikoko" akabvunza Mandinzwa  
achiratidza kushungurudzika pfungwa ne moyo  
zvaiva kuna Zvikoni wake.

"Mukati vangaonei dai paine chakaipa Tapiwa haaimborega kutipira shoko" akadaro Matambanepfumo achipfura miseve yake.

"Ummm moyo wangu hauna kugadzikana muchiona ndakadai ,mukuziva here kuti kwasara mazuva mashanu kuti Nyati atume machinda ake kuti azotora mukadzi wake" akadaro Mandinzwa.

"Ndine chokwadi chekuti kana paine chakaipa chaitika Tapiwa haaimborega kuti tumira shoko usavhunduke hako Mandinzwa" akadaro Matambanepfumo .

"Zvadii ndambofambira kudivi rekumuzinda moyo wangu ugutsikane " akadaro Mandinzwa.

"Chatisingade zvinhu zvinozotipinza mudambudziko tarira uone kuti isu tinongove vaviri mambo akaziva chokwadi toswera tave nyama yemagora ,rega tiite zvinhu zvedu ne gwara zvisina njodzi mukati" akadaro Matambanepfumo achisimuka.

"Zvakanaka asi kungogara nyama mweya uri kuna Zvikoni ne zai rangu raakatakura" akadarro Mandinzwa achisimukawo kutevera Matambanepfumo aive otona nzira yekurwizi.

"Ko mafungepiko nhai mukuru wangu" akabvunza Mandinzwa.

"Ndati ndimbonozvidira mvura kubvisa ziya iri" akadarro Matambanepfumo.

"Regai titobatana dai mudiwa wangu aripedyo ndomutsvakira matamba anodiwa ne mwana wangu" akadarro Mandinzwa.

"Zvakaoma rudo rwuya rwakazopindwa ne zvimwe ,zvino ukasasunga dzisimbe uchenjere kuti zai rako richarererwa mumuzinda kana mambo vasina kufunga mweya wekumutsvakirwa zvichembere na Samaita ane moyo wakasindimara usingazezi rufu rwemunhu" akadarro Matambanepfumo.

"Manje wangu mwana haasi wekutambwa naye zvokwadi ndingasvike kutungidza muzinda wese" akadaro Mandinzwa achiratidza kurevesa.

"Zvakuda hungwaru, hazvidi hasha ,hazvidi dzungu asi kuita zvinhu zvedu pore pore, ndakutoisa upenyu hwangu mushashiko nekuda kwe upenyu hwako na Zvikoni, hameno mweya unondituma kuti ndinzwe kuda kukubetsera ne kumira newe mungava dzako" akadaro Matambanepfumo.

"Moti vadzimu vangu vaizondirega ndichitetereka ndoga here chero ndisingavazive asi ndovimba kuti vaneni pese pandiri' akadaro Mandinzwa.

Varume vakashamba vachikurukura havo zvaiita kuti Mandinzwa anzwe kusununguka pamoyo.

Mandinzwa na Matambanepfumo zvavakapedza kugeza vakabva vadzokera ku musasa wako uko

kwavakaona mwanakomana wa mambo asvika  
Mandinzwa akanzwa kunyevenuka pa moyo  
wake, ainge atona ne chiso cha Tapiwa kuti  
kwabviwa kutsvene akangozobvunza hake  
zvemutemo.

" Mwanakomana wa mambo ndimi matitsika  
kudai kwakanaka hako kwabviwa" akabvunza  
Mandinzwa achikwazisa Tapiwa.

"Aiwa kwakanaka hako ndati ndizodongorera  
kuti muri vapenyu here mukati mesango kudai,  
uye kusvika ne shoko rakakosha kwamuri"  
akadaro Tapiwa.

"Aiwa magona mambo wangu Mandinzwa ainge  
asisina kugadzikana mukati memoyo nekuda  
kwerunyararo rwenyu" akadaro  
Matambanepfumo.

"Ahh zve mumuzinda zvopera here, iye Sahwira  
wenyu anoziva hake kuti akapara mhosva here,  
akaita zvinhu zvandaisafungira asi yakatodeuka  
hayo, manje kana zvadai ini zvakundiremera

ngava dzacho dzawandisa izvezvi Nyati achauya kupera kwe mazuva mashanu kuzotora mhuri yake zvino akawana yarema kudai ndinonona hondo huru" akadaro Tapiwa achiudza Matambanepfumo mamiriro enyaya.

"Pakakanganisika mambo wangu zvino zvikakuremerai imi murimi vatakavimba navo zvino zvoitwa sei" akabvunza Matambanepfumo.

"Pakaposheka mambo wangu ndodana ruregerero musandisiyewo munyatwa yakadai" akadaro Mandinzwa.

"Ndakagara ndapika ne hupenyu hwangu kuti ndichamira newe Mandinzwa hameno chinondituma kuti ndidaro" akadaro Tapiwa zvakashamisa Mandinzwa, Matambanepfumo aitiwo hameno chinondituma kuti andiyamure zvimwe chetezvo na Tapiwa.

"Ndinotenda handizive dai musipo ndaiyamurwa nani zvokwadi" akadaro Mandinzwa achiratidza kutenda kukuru



"Nhau yavepo ndeyekudai, Matambanepfumo na Mandinzwa muzuva rechishanu muchange muri pedyo ne muzinda muchiongorora kuti zvinofamba sei nekuti hatizive kuti Nyati achadii kana akaziva kuti Zvikoni arema uye Samaita kuti achazvitora sei, zvimwe zvese hatinei nazvo chandinoda kuti muchengetedze Zvikoni asawane chakaipa chinowira" akadaro Tapiwa.

"Ichocho ichokwadi mambo wangu, asi Nyati akazoda kumutsa hondo zvichandipa ndimire nemi nekuti pfumo ra Nyati harina kumira mushe, zvino chandisingade kuziikanwa kuti ndiri mupenyu ndisati ndapedza nyaya dza Mandinzwa kusvika asununguka" akadaro Matambanepfumo.

"Chakakosha kuzvishongedza zvisingaite kuti muzikanwe nekuti chokwadi kusavepo kwenyu ndaona dunhu raparadzwa" akadaro Tapiwa.

"Neniwo ndicharwa pamucharwa handingaregi

dunhu redu richiparadzwa ne pfumo ra Nyati"  
akadaro Mandinzwa.

"Mandinzwa rako ndere kuchengetedza Zvikoni  
hazvitombofanire kuziikanwa kuti uri mupenyu  
nekuti mambo vakazviziva rwendo rwuno  
haupabude" akadaro Matambanepfumo.

Varume vatatu ava vakave nezuva rakanaka  
vachironga zve zuva echishanu, mumoyo me  
umwe ne umwe maive nechokwadi chekuti zuva  
iri richange risina kujeka.

-----

Kumuzinda Tapiwa ainge asina mufaro nekuda  
kwe hutano hwa Zvikoni, mwanasikana ainge  
opera zuva nezuva, kuswedera kwaiita mazuva

ekuti aende kwa Nyati ndiko kuwedzera kwe mipfungo yake, aiona vanhu vachiparadzwa ne pfumo ra Nyati nekuda kwake, aiona vanhu vachichema ne zita rake,iye zai raainge akatakura aiona ruchionza ruvengo kubva kuna baba vake.

"Nhaisi mwanasikana wa mambo kupera muviri kudai chiiko" akabvunza Tapiwa nhau yaaiziva.

"Mwanakomana wa mambo hupenyu hwangu hwave parumana nzombe ,hupenyu hwangu hwaiswa pamutariko chero makunguwo akasvika anongoouya achionga" akadaro Zvikoni misodzi ichiyerera.

"Pukutai misodzi mukunda wa mambo kana chingoma choririsa chode kuparuka, ndinovimba Mandinzwa haakusiye wadaro achamira newe" akadaro Tapiwa.

"Tapiwa tarisa kuti Nyati akazviziva kuti

Mandinzwa ane chekuita neni anenge atarisana ne hondo mbiri ariega anozozvigona here" akabvunza Zvikoni.

"Ingovimba kuti anozvikunda ndichave naye pamwe chete na Matambanepfumo saka usatya zvako Zvikoni zvichanaka chete ne rimwe Zuva." akadaro Tapiwa achida kuzama kuti Zvikoni anzwe kugadzikana mumoyo make zvinova zvakambobetsera Zvikoni nekuti akambodzikama zvishoma.

Tapiwa akanzwa moyo kusununguka achiona hanzvadzi yake yasunungura chiso, ainzwa hashu kana akafunga kuti Mandinzwa ndiye muparazongo asi aiti zita ra Mandinzwa rikapinda mupfungwa dzake ainzwa kutya ne kudedera zvinomupa kuti azvininipise pana Mandinzwa.

Nekufamba kwe mazuva Zvikoni ainge onzwa zviri nani asi pasara mazuva mashanu kuti Nyati auye kuzotora mhuri yake Zvikoni hana yainge yobika manhanga ,aigara akabatira hura

mumaoko zvinova zvakashungurudza mai vake kuti mwana mufaro wake waendepi uye semunhu anofanira kuve ne mufaro wekuti akuenda kunova mukadzi wa mambo.

"Mwanasikana wangu ko mufaro wako wakaendepiko mazuvaano" vakabvunza mambokadzi vaona mwana wavo mufaro pasina.

"Mai moti ndingafare here ini ndichimanikidzwa kuenda muwanano ndichiri mwana mudiki achiri kubuda mukaka pamhino ndichiendeswa kune munhu ane zera na baba vangu" akadaro Zvikoni misodzi ichichururuka.

"Murume haanzi akura Zvikoni iwe unotosvika pakuchembera murume wako achiri nesimba" vakadaro mambokadzi.

"Chero zvakadaro asi chachakosha kuda munhu kubva pasi pe moyo wangu ingave imba here yekumanikidzana chero mufaro munenge

musina" akadarozviki.

"Mwanangu uchiona tiri mudzimba kudai usati mufaro irimo ,tarira ini handina kupiwa mwanakomana unoona kuti baba vako vanoda mai Tapiwa sei kudarika ini mukadzi wavo we hujaya hwavo" vakadarozviki mambokadzi vachipa mashoko akasarurama kumwansikana wavo, chero hazvo mambo vainge vasina kuita mwanakomana ne mukadzi wavo mukuru asi vaingomupa chinzwimbo chavo semukadzi mukuru havana kunge vatapudza rudo rwavo kwavari asi chete mukadzi wavo ndiye aimboita sedzakambotamba ne vana ndokuresva kudzosera.

"Ukanozvara mwanakomana mwanangu uchaona madirwe auchaitwa na Nyati, upfumi tichaita hwekupfachura pamusha pano" vakadarozviki mambokadzi.

"Zvakanaka tichaona kwazvichasvika asi musatengesa mwana nekuda kwe hudyire" akadarozviki.

"Uchireva kuti ndine hudyire ini ,urikuziva kuti uri kutaura nani here ndinoona mazuvaano haundipe chinzvimbobu changu sa mai unongopindura zvaunoda" vakadaro mambokadzi vatsamwa.

"Ruregerero asi chokwadi machinzwa chete" akadaro Zvikoni achisimuka ndokubuda hake muimba yekubikira achienda kunhanga kwake kunoti anorara achifunga nhamo dzeupenyu hwake, zvokwadi ainzwa kuti muviri wake hausisiri iwo chaiwo akaona kuti aizvipenza ne kufunga.

Mambokadzi vakasara vakaridza tsamwa mwanasikana wavo achibuda achisiya avapa mashoko akanogara pamoyo wavo.

Vainge vakatodya pfuma ya Nyati saka vaisadzokera shure kuti mwana wavo aende kwa Nyati, vakatozviudza kuti achazvigamuchira zvake nekufamba kwenguva.

Zuva iri ndiro rakabuda Tapiwa achienda

kunoona Mandinzwa na Matambanepfumo akabva afunga kusiya aoneka Zvikoni nekuti aiziva kuti aive ne shoko chete akaziva kuti aizorwadziwa kana akazoziva adzoka.

"Zvikoni zvaunoona kuti kwasara mazuva mashanu ekuti mambo Nyati vapinde mumuzinda vachitora mhuri yavo zvakuda kuti ndichinoronga ne vamwe vangu kuti tozvifambisa sei" akadaro Tapiwa apakatira zvombo zvake.

"Zvino munopabuda sei nhai Samaita na baba vakangoisa ziso kwamuri" akabvunza Zvikoni.

"Ndiro basa re matununu aye anotya zvisina basa ndiwo andichaenda nawo ndichamasiya munzira se zuva riya " akadaro Tapiwa.

"Uvachenjerere Tapiwa handidi zvinokupinza muna taisireva" akadaro Zvikoni.

"Usandityire hako Zvikoni" akadaro Tapiwa.



"Ndokumbira kubuda nemi" akadaro Zvikoni akarereka musoro zvekuda kunzwirwa ngoni.

"Aiwa hazviite mukunda wa mambo mazuva a swedera ziso revanhu riripauri tinoswera tazviparira" akadaro Tapiwa akasunga chiso kuti Zvikoni asarambe achimunetsa.

"Zvakanaka bva wonondisvitsira shoko rekuti,( Zvazvadai handizive kuti hupenyu hwangu hunosvika papi handizive kuti muzuva reshanu musiki akandirongerei asi ndinovimba kuti chero hupenyu hwangu hukaguma mumweya ndichamira newe uye handiregi kukuda kunyange zvakadaro) " akadaro Zvikoni achirevesa zvinova zvakadzimba moyo wa Tapiwa.

"Aiwa handisi mutumwa wenyu ini wekutumirana mashoko erudo ndiri tezvara ka ini" akadaro Tapiwa achiseka kuzama kuminya mashoko a Zvikoni.

"Mwanakomana wa mambo mukasasvitsa shoko rangu chete ndopika ne hupenyu hwangu hatife takawirirana" akadaro Zvikoni achiseka zvake.

"Muchandiripa vanhu imi motondiona se shamwari yenyu" akadaro Tapiwa achifuratira.

"Upiwe matamba angu "akadaro Zvikoni achisheedzera Tapiwa ainge obuda.

Zvikoni akasara achinzwa kuzorora asi kahana kairovera kure.

Tapiwa akadzoka zuva rogara miti ne machinda ake zvese zvainge zvafamba ne gwara.

Shoko rakamuremera kusvitsa chaakakwanisa kutuma machinda ake kuti atsvake matamba vachibva vaenda nawo zvinova zvakashamisa mambokadzi vachiona Tapiwa achisvika ne nhava izere matamba achinanga nayo kuna Zvikoni.

Mambokadzi vakabva vatevera vachida kuona kuti Zvikoni ainodya here matamba nekuti vaiziva Zvikoni asingadye matamba kubva

achikura.

Kupera kwe chitsauko 28.

\*Vana Likison mondipedza simba zvichandipa  
ndipedzise book nekukasira nekuti  
handingashandire mahara no ndaramba\*  
[05/31, 7:15 PM] +263 77 702 6923: \*ON SALE  
DON'T SHARE\*

\*LOST CHILD\*

\*STORY BY\*

\*MADUBE CHISHONGO\*

\*R.MAWANDE\*

0777026923

\*CHITSAUKO 29\*

Mambokadzi zvavakatevera Tapiwa achinopa Zvikoni matamba vakashamiswa vachiona mwanasikana wavo achimadya zvechinhafu vakapera mate mumukanwa.

"Zvikoni wakatanga rini kudya matamba" vakabvunza mai vake.

Zvikoni se munhu aive ne katurikwa akabva a vhunduka matamba aye ose ndokumadzosa.

"Zvanga zvandishamisa kuti Zvikoni kudya matamba, Tapiwa unoda kundiurayira mwana

here nekumupa zvisingadiwe ne moyo wake  
pano pamuzinda wakamboona pachidiyiwa  
chikafu chemakudo ichi" vakadaro mambokadzi.

"Haisi mhosva yake mhai ndini ndanga  
ndamuraira paapinda musango ndanga ndichida  
kunjwa kuti anonakasei' akadaro Zvikoni  
achivharira hanzvadzi yake.

" Handidi hangu newe unoda tigopinda pai na  
Nyati akawana svovi yake isinganzwe mushe"  
vakadaro mambokadzi havaiziva kuti zita rekuti  
Nyati raisvota mwanasikana wavo.  
Akabva atanga kurutsa zvakare zvinova  
zvakavhundutsa mai vake.

"Kuchiri kurutsa matamba here uku" vakabvunza  
mambokadzi vachiswedera pedyo ne  
mwanasikana wavo.

"Moyo wangu wamira mhai dai ndawana chimwe  
chandingadya" akadaro Zvikoni.

"Rega nditi Muchaneta akubikire sadza re mhunga ne chimukuyu chine dovi chaunofarira" vakadaro mambokadzi.

\*Zvakanakai mhai" akadaro Zvikoni, zvino Tapiwa hana yainge yabika manhanga pakangobva mai va Zvikoni Tapiwa akabva akwevera Zvikoni padivi.

"Mwanasikana wotoshinga usazviratidze zviripo hazvifanire kuziikanwa kusvika musu unouya Nyati ndipo patichaona kuti todii" akadaro Tapiwa achitofuratira.

Zvikoni akasara ndokugeza muromo achibva amborara zvake ,pasina nguva akabva adanirwa kudya.

Mwanasikana aishingirira zvake kuminya chikafu asi ainzwa kuti zvirikuda kudzoka zvese. Zvikoni zvakamukurira ndokubudisa chikafu chese zvekuti Muchaneta akatya nazvo ndokunoudza mambokadzi avo vakauya vachimanya.

"Zvikoni mwanangu chiiko chakunetsa ndiwo here matamba achakakusvibisa moyo" vakadaro mambokadzi vachiratidza kushungurudzika.

"Ndinoona sekudaro" akadaro Zvikoni.

Zvino va Muchaneta vanenge vakanwa zamu rimwe na Mazvinzwawo vainge vatozadza mumuzinda kuti Zvikoni marutsiro ake anenge munhu arema zvinova zvakasvika munzeve dza mambokadzi vakatanga kuvira ne hashu.

"Muchaneta ukada kurebesa muromo unoziva kuti unoswera wave muzvitangwena zvekumusha kwenyu, unoti mwana wangu ainge arema nguvai iye asati aenda kumurume wake" vakapenga mambokadzi.

"Aiwa ndodana ruregerero mai vedunhu rino muromo waposheka" akadaro Muchaneta achizvishora kurebesa muromo kwaakaita.

"Nhau yawapara iyi wasvibisa zita re mwana wangu kureva kuti zvichaswera zvazara dunhu

rese zvino uchamira pa mberi pe dare uchichenura zita re mwanasikana wangu" vakadaro mambokadzi vachibva vaenda kuna mambo vachimupira nyaya, mambo vakatenderana ne mashoko a vahosi Muchaneta ndokuiswa pamberi pe dare.

"Pamusoroi vakuru ve dare ndinoti paposheka ndabudisa mashoko asiwo pamusoro pe mwanasikana wa mambo asi ndinobvuma hangu chero mutongo wamandipa" akadaro Muchaneta misodzi ichida kubuda.

"Zvanaka wataura ne muromo wako zvino Muchaneta hauchatenderwe kuonekwa rutsoka rwako mumuzinda muno zvachose kubva zuva ranhasi" vakadaro mambo vachiratidza kushatirwa.

"Mambo wangu hongu paposheka hapo asi ndine chikumbiro chekuti musatange kudzinga munhu musina kubata chokwadi ini hangu handireve kuti ndizvo zviripo asi kuti kuve ne chokwadi nekuti maitiro e mukunda wenyu



handimachenese" vakadaro mbuya nyamukuta.

"Mukuzama kureva kuti mwana wangu akarema zve mazviro kwazvo here Mbuya nyamukuta, makazvionepe kuti mukunda wa mambo anorema ari mumuzinda" vakadaro mambokadzi vachipopota.

"Aiwa hazvinetsi machembere aripo vanomutarisa vakawana akamira zvakanaka Mbuya nyamukuta na Muchaneta muchabuda mudunhu rangu" vakadaro mambo.

Zvikoni hana yainge yabva panzvimbo ainge oona madzengerere nekuda kwemashoko aita urwa pa dare apa.

Vana Mbuya nyamukuta vakatora Zvikoni ndokunomutarisa vakashamisika vachiona chiri chokwadi chekuti Zvikoni arema vakapera mate mumukanwa.

"Vana mbuya ndokumbira musadure chokwadi ndingaurayiwa na baba vangu" akadaro Zvikoni achibudisa misodzi.

"Aya ndiwo anonzi mashura mudunhu, hazvibatsire kuvanza chokwadi nekuti ne zuva reshanu chokwadi chichabuda isu tinozopinzwa pakaoma " vakadaro Mbuya nyamukuta vakarambisisa nekuti hondo yacho vaiiziva yavaizosangana nayo.

Mambokadzi vakashamiswa vachiona Zvikoni achidzoka padare maziso achiratidza kuti ambochema, zviso zvana Mbuya zvainge zvasuwa.

"Tipirei tinzwe vana Mbuya" rakadaro jinda ra mambo.

"Mambo wangu kunze kwasunama ,muzinda wapunjirwa chaiko mwanasikana wenyu arema

uyu" vakadaro Mbuya nyamukuta.

"Babangu Chivara iwe ichokwadi here ichi Zvikoni" vakadaro mambo vakabudisa ziso senyimo yabuda mugango.

Zvikoni haana kudira akaramba akati tuzu semunhu amuka kuvashakabvu akazovhundutswa ne mbama yaakapiwa na mai vake.

"Zvikoni I chokwadi here ichi" vakabvunza mambokadzi.

Zvikoni akangogutsirira musoro zvekuti mai vake vakaridza mhere.

"Mhaiwe zvangu ndonyarirepiko mudunhu rino ndiani ko iyeye asina hake matyira" vakadaro mambokadzi vachishaya pekuisa nyadzi.

"Zvikoni ,Zvikoni ndakudana kangani" vakabvunza mambo.

"Kaviri mambo wangu" akadaro Zvikoni achibvunda .

"Ndati ndiudze kuti ndiani akaita izvi" vakadaro mambo vachiita kuhuta ne hasha.

"Mambo wangu madii madzikamisa moyo wenyu nyaya iyi yaongoororwa ne mazvo mukawanzisa hasha hazvibude uye murangarire mashoko akasiya ataurwa na chinembiri. " akadaro Tapiwa nguva yesei ainge akanyarara ainge atoona kuti gava radambura musungo.

"Handina chandiri kuda kunzwa zvekare kunze kwekuudzwa ndiani muparazvongo" vakadaro mambo.

"Mambo wangu madii mati mwana ataurwe naye ne madzimbuya ndivo vaangakwanise kuudza chokwadi hamuoni here kuti

mukamuvhundutsira mashoko anorambira  
parurimi" rakadaro jinda ra mambo.

"Zvichabatsirei Gurajena tarisa mangava  
ataparirwa mumuzinda ,mambo Nyati varikuuya  
mushure me mazuva mashanu ndinoiparura  
ndakati kudiiko" vakadaro mambo vachihuta ne  
hasha apa tsvimbo iri muruoko rwavo zvekuti  
dai Zvikoni aive pedyo navo akatekeshurwa nayo.

Zvikoni akaona kuti chekuvanza painge pasina  
,mwanasikana akabva arudunura chokwadi  
kumadzimbuya zvekuti vakasara vakati kana  
nazvo, chaasina kutaura ndechekuti Mandinzwa  
aive mupenyu.

Mambo vachinzwa izvi vakasimuka ne hasha  
ndokuraira nhume kuti Tichaona asvike  
mumuzinda ndiye aikwanisa kuvanyaradza  
mumarwadzo emoyo nekumupa mazano,  
vakadamba kuti dai Mandinzwa aive mupenyu  
vaimubaya ne pfumo pamoyo chaipo.

Mambo vakapinda muimba muimba yavo  
yekurarira ndokusviko pinda mugudza masikati  
machena.

Tichaona zvakasvika shoko ainge ari pamusha pake achipfura miseve yake, haana kunonoka kusvika kumuzinda sezvo shoko rainge rasvika richiti auye ne kuchimbidza.

"Mambo wangu ndauya ko mbizi yagumburwa neiko" akabvunza tkTichaona achiona Samaita vaichiita kupfeza se gurwe.

"Ndinodemba dai usina kupfuudza Mandinzwa nhasi ndanga ndichida kumutekeshura soro irori" vakadaro mambo.

"Ko kwanzi zvadiiko mambo wangu" akabvunza Tichaona.

"Chezivo kuti paifambidzana Mandinzwa na Zvikoni ainge atotyora mwana wangu musana izvezvi arema ndoiparura ndichiti kudiiko pana

Nyati" vakadaro mambo vachizvishingisa asi vainzwa kuda kuchema.

"Mambo wangu iyi yandigura kunorira, Nyati momuziva zvemazviro kwazvo here, madarirei kuti dunhu rideuke ropa" akadaro Tichaona aoma mate mumukanwa.

"Iyo ya Nyati kutongoziva kuti hondo yatatarisana nayo,ko gora rakachengetwa mumuzinda uno ,iwe unoziva zvinoera kuti mumuzinda mugare mukunda wa mambo akazvitakura zvisiri pamutemo zviri zveunhubu" vakadaro mambo.

"Mambo wangu nyaya yamuri kunetseka nayo idukwane ,ropa rakatakurwa na Zvikoni arina rudzi hapana anoziva chero dzinza rake saka momuchengeta muchiti chiiko mudunhu renyu, ndivo vanozokupandukirai mangwana ava" akadaro Tichaona zvinova zvakapa mambo mumwe muono wavainge vasingaoni.

"Wauya zvakanaka Tichaona nhasi chaiye anoswera opindwa ne mhupo chero ivo vadzimu vangu vangafare here ndichichengeta mutorwa mudunhu rino"vakadaro mambo.

"Musakanganwe mashoko a Chinembiri makaudzwa kuti musaise ruoko kana paine chamanzwa ndaona ziya, dikita ne ropa richierera mudunhu rino" akadaro Tapiwa achisvika paive na Tichaona na mambo.

"Ukuzama kureva kuti chii Tapiwa unoti ndingatarisa makuna kuna mudunhu rangu ,ndaramba ini Samaita muridzi we dunhu ,chandatema ndichocho hapana anopikisa ,ane nharo neni pfumo rangu rine nyota iri handizezi kunyika munhu ini " vakadaro mambo vachiita kupupira ne hashu zvinova zvakashamisa Tapiwa

Mambo vakabva vasimuka vachinanga kwaive



na vahosi vavo vaininge vachida kuvaudza  
zvavaronga vanchinzwawo pfungwa dzavo sa  
mai ve mwana.

Tapiwa na Tichaona vakasara vakavhurirana  
maziso se mabhuru anoda kurwa, Tapiwa  
akasimuka ndokupfira mate pasi.

"Iyi hondo yamatanga ivai ne chokwadi chekuti  
munoipedza na sahwira wako abva pano, asi  
uchinjere kuzvicherera gomba rako wega"  
akadaro Tapiwa achisimuka ,mashoko aya  
akasiya Tichaona aoma mate mumukanwa.

Kupera kwe chitauko 29  
[05/31, 7:15 PM] +263 77 702 6923: \*ON SALE  
DON'T SHARE\*

\*LOST CHILD\*

\*STORY BY\*

\*MADUBE CHISHONGO\*

\*R.MAWANDE\*

0777026923

\*CHITSAUKO 30\*

Mambo zvavakabva padare vakaenda muimba yavahosi vavo umo mavakawana misodzi iri kudya kwavo, murume mukuru akabatikana haana kunge afungira kuti mukunda wavo angavanyadzisa zvakadaro, vakanzwa kudzikisirwa kukuru ,vakanzwa sekuti vanhu vakuvonera pasi havachavape rukudzo serwekare zvinova zvakasimudza hashu dzavo.

"Mai Manyara kuchema hakuna zvakunobetsera chakakosha kuti toronga kuti todii ne nhai iyi, mwana uyu ndewedu tese rinova gotwe remumusha uno" vakadaro mambo vachizama kushingisa mukadzi wavo.

"Mambo wangu, handisisiri chinhu mukati me dunhu rino, ndarerutswa ne mwana wandakabereka ini, dai asina kubuda muura hwangu chero pfumo ndaikutenderai kumunyika"

"Zvino tadiiko nhai hosi yangu, Nyati haanetse ndotogara ndakagadzirira chero chinouya kana akaramba kutora umwe mukadzi pavana vangu ,kana kuti tomudzose pfuma yake, zvino iyi yekuti mukunda wangu akatakura mwana asina rudzi mukati me muzinda ndiyo inondishungurudza" akadaro mambo.

"Zvikoni akatakura chinhu chakatukwa pasi ne

kudenga, munhu asina rudzi watisingazive kuti todetemba sei mutupo wake, ndonzwa kusemeswa ndichifunga kuti mwana wangu akatakura mwana we munongwa ,kuti nditi munongwa uyu aive akapei mwana wangu kuti awire mutsvina dzakadaro ndozvishaya" vakadaro mambokadzi.

"Ndakagara ndazvitaure ini kuti mwana uyu haafanirwe kurarama mbuya Gora vakaona zvakakodzera kuti vachengete mhandu mumusha, zvino varipi vadzimu vakatsamwa vakatsvira mumba vese" vakadaro mambo.

"Mambo wangu zviri nani kudanwe vana mbuya vabvise chakatakurwa na Zvikoni ,zvinounza jambwa mukati me dunhu, zvinounza kutukwa kusingaiti" vakadaro mambokadzi.

"Ndizvo zvandaona zvakakodzera saka ndanga ndafunga kuti aende kudunhu rekwa Mutonhodza kuna ambuya vangu zvikaranga

zvese zvoitirwa ikoko nekuti mudunhu mangu shoko rinoswera razara kuti mukunda wangu akazvitakura zvinova zvinozoshamisa vanhu kuti sei pasina kubarwa munhu, zvino akaendako anozodzoka nguva yekukohwa nguva yake yekubatsirwa inenge yakwana tofambisa shoko rekuti akabatsirwa mwana akafa sezvo ainge ane jambwa pamusoro pake" vakadaro mambo zvinova zvakasunungura moyo we mukadzi wavo.

"Maita mambo wangu hamupererwi ne mashoko ndatenda hangu"

"Zvino mangwana rungwanani ndichati Tichaona amuperekedze kwa Mutonhodza onomusiya ikoko ne zvese zvandichamurayira ndiye munhu umwe chete wandinovimba naye" vakadaro mambo Samaita.

"Zvakanaka mambo wangu zvese ndozvisiira mumaoko enyu" vakadaro mambokadzi.

Mambo vakabuda moyo wanyevenuka zvisihoma  
,vakadana mukoma wa Zvikoni ndokumuraira  
kuti amuudze kuti arongedze hutowo hwake  
nekuti richibuda vanenge varova matunhu  
vakananga kwa Mutonodza nekuti haangagare  
mumuzinda.

"Tichaona ndinovimba newe nhau iri pano  
ndeyedu chete, zvaunoona ndafunga kuti uende  
na Zvikoni kwa Mutonhodza wonomusiya ikoko ,  
unotakura mashoko angu ekuti 'kwanzi na  
mambo Samaita mwana uyu akatakura  
kushorwa mukati medumbu rake, akatakura  
mwana asina dzinza ,akatakura jambwa chairo  
richazove dambudziko mukati me muzinda,  
zvino ndinokupai tendero yekuti vabvise  
chakatakurwa ichi vogara ne mwana kusvika  
ndatuma vanhu kuzomutora' tanzwisana here  
Tichaona" vakabvunza mambo.

"Hongu ishe wangu" akadaro Tichaona  
achinyemwerera ane zvaainge afunga

mudangariro dzake.

"Zvakanaka Tichaona hapana anofanira kuziva izvi kunyange mukadzi wako" vakadaro mambo.

"Mambo wangu dzimwe nhau hadzisi dzeukuudza vakadzi zvinoswera zvazara kurwizi uko" akadaro Tichaona.

Tichaona na mambo zvavaikurukura Tapiwa ainge akavandira nzeve dzakati kwangwa, ne nhau yekuti vaizevezerana zvimwe zvakamudarika, mashoko aakangonzwa ndeekuti Zvikoni anofanira kuenda kwa Mutonhodza zvimwe zvese aisazvinzwa.

Tapiwa paakanzwa kuti nhaurirano yaperera asina chisvinhu chaanzwa akabaikana mumoyo asi chinangwa cha baba vake aichiziva zvake.

Panguva iyi zuva rainge rogara miti, Tapiwa akafunga kumhanya kuna sahwira wake ne nhau yaivepo asi mabudiro ndiwo ainetsa nekuti suwo remuzinda raichengetedzwa zvakasimba kana kovira.

Akambofunga kutuma Tarunzwa asi akaona kuti haangavimbe ne munhu sezvo zvaive zviri pakati pavo vari vatatu kuti vanhu ava vapenyu.

Tapiwa akarovera moyo padombo kuti chauya chauya chinoona ini, akapinda mugota make ndokutora zvombo zvake ndokuisa munhava yake.

Akabva abuda ndokupota neseri kwedzimba achinyenyeredza kupinda ne mukati nekuti aisada kuonekwa.

Akati ave pedyo nekusvika kusuwo rake raanobuda naro kana achiita zvekubuda zvisiri pamutemo akashamiswa achinzwa inzwi mushure make.

"Mafungepiko mwanakomana wa mambo kwavira kudai" akabvunza Tichaona.

Tapiwa akasvotwa ne hunhu hwakaitwa na Tichaona akatoona kuti dzadya haachabudirire.

"Kwakanaka here Tichaona kana uchiona uri pedyo na baba vangu hazvireve kuti wakuita



zvaunoda neni, handidi kufudzwa se mombe  
hausi muchengeti wangu iwe" akadaro Tapiwa  
agumbuka.

"Pfavirirai ngoma husiku hurefu mambo wangu,  
ndinoona zvangu kuti kubuda kwenyu kwese  
hamubudire nhando pane chakavanzika chandiri  
kuona mu maziso enyu" akadaro Tichaona.

"Ndinoona zvangu kuti uneni mazuvaano manje  
ziva kuti neniwo ziso rangu riripauri, mafambiro  
ako ese ndinomaziva, chete inguva isati  
yakwana iwe ndiwe uchafa rufu rwunorwadza  
uchademba kuti munhu haaurawe saizvozvo"  
akadaro Tapiwa.

"Nevanji matojaira kundivhundutsira mazuva ese,  
manje handi vhundutsirwe ne zizi ndichiti rine  
nyanga dziri nzeve" akadaro Tichaona  
achifuratira zvinova zvakashamisa Tapiwa.

Tapiwa akabva adzokera kugota kwake akaona

kuti akada kuita zvemawara aiswera a tengesa hama dzake kuti vapenyu nekuti Tichaona ainge asisamunzwisise.

Zvikoni zuva iri rakavira mufaro wese wopera kuti tsvai, ainge angova Zvikoni asisina chiremerera.

Akachema akazvirega zuva iri akadamba zuva ra akaziva Mandinzwa.

Misodzi yake yakawedzera paakanzwa shoko rekuti akuendeswa kwa Mutonodza akabva aziva chinangwa chavo zvekuti mweya wekutiza wakabva wamubata.

Nguva dzekurovera matama pasi Zvikoni ainge agadzira nhava yake amirira kutiza.

Paakanzwa paita runyararo akabuda munhanga make achida kuona kuti panobudika here achinoti pamusiwo dhuma dhuma ne machinda aimuchengetedza.

"Mukunda wa mambo mafungepiko" rakabvunza rimwe jinda.

"Ndanzwa ne manyoka ndoda kunozvibetsera"  
akadaro Zvikoni.

"Zvino mungabude mega here usiku hwakadai  
regai ndidane Muchaneta akuperekedzei"  
rakadaro jinda riya.

"Musazvinetse hakuna chinondiwana" akadaro  
Zvikoni achitanga kufamba zve nhava yake  
akabva aisiya.

Dambudziko rakave pakuti aizobuda  
mumuzinda sei.

Zvikoni akatanga kutsvaka pekubuda napo asi  
pese aiwana paine varindi zvekuti akapera  
simba, akabva afunga kukwira rusvingo rwe  
mabwe rwainge rwakakombedza muzinda,  
akasvika paaiona kuti hapana anomuona  
ndokutanga kukwira ,akapotsa kutsika ave  
pamusoro ndokudonha matombo  
ndokuondomoka achinomuwira achibva aridza

mhere zvekuti varindi havana kunonoka kusvika.

Tapiwa paakanzwa ruzha akabuda achimanya ndokuwana Zvikoni achiyuwira ne gumbo.

"Zvikoni waitwa sei usiku hwakadai" akabvunza Tapiwa.

"Ndinoona sekuti anga achida kubuda mumuzinda akabva adonha neipapo" akadaro umwe murindi.

"Zvikoni wanga wafunga kutiza mangava ako manje wanyangira yaona mhosva dzako dzirikuwanda zvekuti dai usiri mwana wangu ndakunyika pfumo kare" vakadaro mambo vachiita kushinyira ne hashu.

Vakabva vamupa vasikana vanorara vakamuchengeta.

Tichaona musi uyu akararira kumuzinda sezvo vaida kumukira rungwanani, moyo wake wainge

watofungira Zvikoni parefu, ainge azvipira kuti chaakatakura chikabviswa otaura na mambo Zvikoni oita mukadzi wake wepiri.

Machongwe ekutanga achitanga kurira vange vatogadzira kupinda munzira vakananga kwa Mutonodza, Zvikoni gumbo raine razvimba zvekuti kufamba kwaimunetsa.

Tapiwa akanzwa moyo wake kuenda kure achiona Zvikoni achibuda mumuzinda akanzwa kuzvishora nekuti ainge aita chitsidzo na Mandinzwa kuti achamira naye, akazvipa mhosva huru kwazo, asi hapana chaikwanisa kuita nekuti yange yatodeuka.

Zvikoni na Tichaona vakafamba kuchiri kwakasviba zvekuti kwakatanga kuchena vakuyambuka rwizi runoganura dunhu ravo vachipinda musango rinonanga kwa Mutonodza.

"Mukunda wa mambo zvinoda kushinga mukasadaro tinovirirwa tichingori munzira, asi tikasimudza tsoka tinosvikawo kuchitanga kusviba" akadaro Tichaona achisvotwa ne mafambiro a Zvikoni.

"Tichaona handisi pakumhanyiswa ini ndinofamba zvandinokwanisa uye gumbo rangu ririkundirwadza" akadaro Zvikoni achigara pasi.

"Zvino zvomogara pasi tinosvika nguva zvimwe zvinhu zvinoda kufunga kana munhu akuziva varume zvinoreva kuti akura handidi kuita sekuti ndinofamba ne mwana mudiki" akadaro Tichaona agumbuka.

"Tichaona ndoda kuzorora imbondisiya kana wawona ndichikunonotsa famba ndotevera" akadaro Zvikoni.

"Zvikoni handisi Mandinzwa wawaiyemera simuka tiende" akadaro Tichaona.

"Handikwanise kuda kwana uchida kundibereka" akadaro Zvikoni achida kushungurudza

Tichaona.

"Handisi murume wako handiite izvozvo"  
akadaro Tichaona achigara padivi na Zvikoni.

"Kana zvakadaro tichasvika mangwana" akadaro  
Zvikoni achitotsvaka pekuisa musoro zvekuti  
Tichaona akapererwa ndokusimuka.

"Chiuya ndikubereke kwacho asi  
handishandishandire mahara" akadaro Tichaona  
achinenekedza musana wake kuna Zvikoni.

Zvikoni haana kutambisa nguva akabva  
atorembere kumusana kwa Tichaona.  
Murume akakwinya akananga kwa Mutonodza  
Zvikoni arikumusana, akatanga achakashinga  
dzimara zvamukurira ndokumuburutsa.

"Zvikoni chimbofamba musana wangu  
wakurwadza" akadaro Tichaona achitura befu.

"Iwe uri nane ini gumbo rangu harichatotsike zvachose zvekuti ukasatondibereka tichagara pano" akadaro Zvikoni achitozembera padombo.

Tichaona akasvotwa akadamba hake kuti dai akaramba nekuti akabereka Zvikoni dzamara vasvika kwa Muto nodza aiita kufamba achizororera zvekuti vakasvika vanhu vatorara.

Kupera kwe Chitsauko 30[05/31, 7:15 PM] +263  
77 702 6923: \*ON SALE DON'T SHARE\*

\*LOST CHILD\*

\*STORY BY\*



\*MADUBE CHISHONGO\*

\*R.MAWANDE\*

0777026923

\*CHITSAUKO 31\*

\*Kudunhu ra mambo Samaita\*

Mangwanani ezuva raenda Zvikoni kwa Mutonodza, vahosi vakati vachibuda pasuwo ravo vakarohwa ne hana ne zvavakaona.

Vakatanga kudududza vachidzokera muimba yavo yekurara vakabata hana yavo ne maoko maviri zvinova zvakashamisa mambo.

"Kwakanaka here" vakabvunza mambo vachimuka.

"Nyo nyo nyoka pamusuwo yaka yakafa"  
vakadaro vahosi vachikakama.

"Zvino ungate nyoka yakazvifira zvayo"  
vakabvunza mambo vachinanga pamusuwo .

Mambo zvavakasvika pamusuwo vakashamiswa  
vachiona nyoka iya inonzi Ndara yakafira  
pasuwo ravo, vakatya nazvo nekuti nyoka iyi ine  
zvayaireva.

Ndara yaitoshura manenji chaiko.

Panguva iyi vanhu vakabva vamuka  
kusanganisira Tapiwa uyu akashamiswa  
nekuona Ndara pasuwo revabereki vake.

"Pane chikuru chichaitika nyoka iyi haife nhando,  
haipinde mumusha munogara vanhu" akadaro  
Tapiwa.

"Chinembiri ngaanotorwa izvezvi" vakadaidzira  
mambo ku nhume dzavo.

Nhume hadzina kunonoka kupinda munzira vakananga kwa Chinembiri ,zuva rorova nhongonya vaininge vatosvika havana kugarisa ikoko vakasvitsa shoko vachibva vapinda munzira na Chinembiri vakananga ku muzinda.

Mambo vakaswera mufaro pasina vaininge vatambura kuti mashura rudzii akavatarisana nawo,zvaininge zvoirempera ngwarati.

Mambo Samaita vakavhundutswa ne ruzha rwakabva mumuzinda vakananga kwabva ruzha urwu ndokuona amwe mashura.

Imwe Ndara yakapinda muruvanze ndokunoruma muswe weiya yakafa ndokutanga kuikweva ichibuda mumuzinda, hapana akaita simba rekurova nyoka idzi asi vakangoyeva vachiona shura iri.

"Izvi zvine chirevo chete chingave chiiko chatsamwa vadzimu" vakadaro mambo vachiratidza kupererwa.

Tapiwa akangodzungudza musoro ndokuenda padare ndogara akabata shaya, pfungwa dzake

dzaive kuna Zvikoni ,shura iri rainge romutyisa pfungwa dzake dzakamuudza kuti Zvikoni abiswa nhumbu chete nekuti Chinembiri akataura mashoko anotyisa.

"Murume haapererwi kusvika pakubata shaya Samaita zvamatodai makura kuti muchigara pachigaro changu" vakadaro mambo vachigara pedyo ne mwanakomana wavo.

"Mambo wangu ini ndaita mutete pazviri motomirira jinda renyu kusvika radzoka moonesana" akadaro Tapiwa asina hanya.

"Ko Tichaona anopinda papi panhau iripo iyi" vakabvunza mambo.

"Chinembiri mangomudana henyu asi shoko akasiya areva hameno muchaikunda nhau yacho" akadaro Tapiwa.

"Tinoona ne kusvika kwake tingangovhunduka pasina chiripo" vakadaro mambo vachinzvenga

nyaya.

Chinembiri akazosvika mumuzinda zuva rogara miti ,haana kuda kutambisa nguva ainge atounganidza vanhu ve mumuzinda.

"Mambo wangu, ndofunga mukazama kuterera shoko rinenge rabuda mu muromo wangu mungabatsirike, ndakasiya shoko rangu pano asi makaritora dambe zvino hondo yacho yasimuka nekumavirira handingaikwanise kuidzora, ndakazama kudzimura hashu , ndakazama kudzikamisa hukasha hwavo asi makaona sedambe zvino ndasiyana nazvo regai vapedze shungu dzavo pane nhau nhatu dziri muhana menyu dzamunoziva dzinoda kuripwa, vadzimu vakatsamwa, ndinoona shumba mbiri dzarikubudisa misodzi, dikita ne ropa, ndinoona mhuka hombe ichifuridza musha kusara wave dota, madarireiko mambo wangu, mweya mizhinji ichachema ne zita risina mhaka, nguva ichiripo mambo wangu gadzirisai mangava enyu aya" akadaro Chinembiri misodzi ichierera, mudzimu waive paari waive ne tsitsi waisada kuona ropa.

"Chinembiri ingoti dyo ndinzwisise kuti nyoka idzi dzauya mumuzinda mangu dzorevei" vakabvunza mambo.

"Mave munhu mukuru mambo wangu monzwisisa munoda ndifukure hapwa here pazere pwere, hapana chitsva pazviri, verengai mazuva matatu kubva nhasi shura racho richaonekwa, ndaenda ini" akadaro Chinembiri achirongedza hakata dzake.

"Chine musoro chawataura hapana, enda zvako ndakutuma nhume dzangu kwa Mapinga ku mhondoro huru" vakadaro mambo vachishora Chinembiri.

Chinembiri haana shoko raakabudisa akabva atobuda mumuzinda ari zii zvake.

Mambo vakabva vatuma dzimwe nhume kwa Mapinga asi kwaive ne mufambo waida zuva rimwe ne husiku umwe vachingofamba chete zvichireva kuti vairara usiku uhwu vachifamba

kusvika rabuda ranonyura futi.  
Kuenda nekudzoka kwaida mazuva maviri.

Vakomana vakapinda munzira sekurairwa  
kwavo na mambo, husiku uhwu vakafamba  
havana kuzorora kana kurara, kuchiedza  
vakashamiswa vachiona vachingotenderera  
mudunhu ravo, vainge vabatwa ne chadzimira.

-----

\*kudunhu ra mambo Mutohodza\*

"Titambire Vamadube ,titambire manjenjenje  
vana chinakisa matondo ndimi madai kufamba  
ne usiku kudai" vakadaro Mbuya Mutohodza  
vachitambira muzukuru wavo Zvikoni.

"Inga zvawave zimhandara mwana we mwana wangu, ndakakuguma uchiri muduku" vakadaro Sekuru vake, vainge vave mukweguru chaiye, chigaro chavo vainge vakapa ku mwanakomana wavo mukuru anotevera na mai va Zvikoni.

"Kutsvene hako kwa matifunga kudai ,ko madzikoma ako asarirei" vakabvunza Mbuya vachiongorora muzukuru wavo, semunhu mukuru vainge vatopedza naye kare vatoona zvaari.

"Kutsvene hako mbuya ndauya kuzobikira murume" akadaro Zvikoni achivanza kusuwa kwaive pa uso hwake.

Vakagadzirirwa chekudya ndokudya zvavo ,vachipedza vakabva varatidzwa pekuzororera, Tichaona se munhu aida kumukira rwendo rwake akarara apira Mbuya va Zvikoni nhau yaakarairwa, Tichaona se munhu aive ne moyo



sviba aiwedzerera mashoko ekuti mbuya vasadzore moyo uye vave ne ushinji hwekuita chinhu ichi.

"Handina kuziva kuti Zvikoni angave musikana akatsveruka kudaro, shuwa kushinga kuremadzwa ne murume aida kuparadza vabereki vake, munhu akanongwa asina rudzi, akatukwa kunyange ne vadzimu, izvezvi vadzimu vakatsamwa kusvika pakumupisira mumba izvezvi akatakura mwana we mhondi, mwana asina rudzi, akarambwa kunyange ne vadzimu vake" vakadaro Mbuya Mutonodza vachipira nhau yavaudzwa na Tichaona kumurume wavo.

"Chete zve vakadzi hazvipindirwe asi ini kubva ndichitonga handitange kuvhiyira nyaya padumbu ,ndinenge ndichitoda kunzwa kubva kwazvakatangira, ndichagutsikana mangwana tanzwa kubva kunaiye mupara zvongo." Vakadaro Sekuru Mutonodza kumukadzi wavo, Samaita vaimuziva hunhu hwake.

"Nyakutumwa atotaura kuti zvanzi musaterere mashoko a Zvikoni nekuti ane nhema dzakakura" vakadaro Mbuya Mutonodza.

"Zvamatodai makura mave ne vazukuru bvi zvino mukada kuita dzawira muchabata pasipo," vadaro Sekuru.

"Evooo mutumwa haana mbonje momuziva mukwasha wenyu kuti kana atsamwa haana mangwana, munokanganwa gore riya raakakukutai ne pfumo maramba kumupa muramu nekuti ainge avimbiswa kuroorwa ne mwanakomana wa Togararepi.' Vakadaro Mbuya vachirangaridza murume wavo mabasa emukwambo wavo.

" itai zvamaona zvakakodzera ini handimo mazviri" vakadaro Sekuru vachifuratira.

Mbuya Mutonodza vaininge vatopindwawo ne

mweya we mwanasikana wavo, havana kuda kuteerera divi re muzukuru wavo, kuchiedza vaininge vatotuma shoko kumachembere anoziva basa.

Tichaona akasara omuka chembere dziya dzavepo, akanyemwerera achiona kubudirira kwe nhau dzake.

"Mbuya ini handichagare regai ndirume nzira ndakananga kwedu, muchangoona ne mutumwa kuzotora mhuri yedu" akadaro Tichaona achirova gusvi.

"Aiwa zvakanaka muzukuru ,chitakura mupakwa we mutetenherwa uyu munofamba muchinguya nguya munzira" vakadaro Mbuya vachisvitsa Tichaona.

"Ndatenda Mbuya" akadaro Tichaona achibva aoneka kudzokera kudunhu ravo.

Zvikoni achimuka mufaro wese wakapera kuti tsvai achiona mbuya vake vatounza machembere kuti aite basa,musodzi yake yakaerera achifunga Mandinzwa wake, shuwa kuzonzwa kuti nhumbu yakabviswa aizonzwa sei, uye aizoorwa nani yave mwana kudaro.

"Usatombocheme muzukuru wangu, zvinhu izvi wakaita uchinatso kuziva kuti munhu uyu haana kururama, chero ukada kuchengeta nhumbu yacho hazvibetsere nekuti haichina baba, uye mwana asina rudzi akatukwa kubva kuna baba vake" vakadaro Mbuya vachida kudzikamisa pfungwa dze muzukuru wavo.

"Mbuya ose manyepo amaudzwa, hongu haana rudzi asi murume wangu ndomuda akadaro, ndipo pakamera moyo wangu, chokwadi akaziva kuti mwana wake abviswa hondo yacho hamungaiwanise" akadaro Zvikoni misodzi ichiti mokoto.

"Handi unoona kuti jinda ra mambo Samaita rareva kuti nhema dzizere mumusoro wako, munhu akasofa kare ndiye waungati angauye kuzounza hondo pano" vakadaro Mbuya Mutonodza.

"Mangwana muchenjere kuzochema ini wangu muromo ndavhara" akadaro Zvikoni.

Mbuya havana kuda kuterera muzukuru wavo. Chembere idzi dzainge dzatouya ne maguchu avo, havana kutambisa nguva vakabva vatora Zvikoni ndokumuvharira muimba yavo ndokutanga basa.

Yakaita hondo kuti Zvikoni anwe guchu vakapedzisira vaita wekubatirana vakavhara mhino kuti anwe nenguva isipi mudunhu wakatanga kumonya,asi vakashamiswa vachiona nguva yekuti vaone ropa richibuda yakadarika.

Mwanasikana akaswera zuva rese

achingoshinyira chete zvino kumeso kwainge kwasicheneruka, rakasvika pakuvira nekunobuda rimwe mwanasikana achingorwadziwa chete pasina chabuda.

Zvikoni ainge atova panhowo yerufu aiona hupenyu hwake hwaguma.

"Apa tatamba ne matope pasina mvura" vakadaro Mbuya Mutonodza voona zvainge zvaita muzukuru wavo vainge vodemba kuti vaitei.

"Mashoko evakuru haapikiswe ndakazama kukuonesa mukadzi wangu asi wakabaira zvitanda munzeve, zvino akafira mumusha mangu ndinoireva ndichiitiko, rumwe rudzi haritambwe naro saizvozvo" vakadaro Sekuru Mutonodza vapererwa naivowo.

Mbuya Mutonodza vainge votya zvino nezvainge zvave muzukuru wavo, vakabva vadana chembere dziya vaidakunzwa kuti hakuna umwe mushonga here ungadzikamise marwadzo asi vakaushaiwa vaingovimba kuti zvichaita.

Kubva zvavakatanga basa ravo vainge vasina kumbosangana ne shura rakadai.

"Mandinzwa murume wangu huya undibvise mudambudziko iri, ndapera basa, nyama dzangu dzaneta, mweya wangu wakupera, Mandinzwa kani ,Mandinzwa ndiye zambuko rangu" akadaidzira Zvikoni ari muhope ,zvainge zvomukurira mwanasikana.

Zvikoni akapepuka ndokusangana ne machembere aye akamurinda.

"Nhaisi muzukuru Mandinzwa wawanga uchidana kuhope aripiko" vakabvunza machembere aye.

"Mukati mechakasara" akadaro Zvikoni.

"Dai watiudza mutupo wake zvimwe tikareverera ungasunungurwe" yakadaro imwe chembere.

"Munongwa hake asina rudzi, huvepo hwake ndiko kusunungurwa kwangu" akadaro Zvikoni

achigomera .

Machembere akasvitsa shoko kuna Mbuya Mutonodza vakakatyamadzwa nazvo nekuti shoko rakasvika richiti Mandinzwa akatsvira muimba.

Vakabva vaenda kumuzukuru wavo kunonzwisisa vainge votofunga kuti muzukuru wavo dzatorasika nekuda kwe marwadzo.

Kupera kwe chitsauko 31

[05/31, 7:15 PM] +263 77 702 6923: \*ON SALE  
DON'T SHARE\*

\*LOST CHILD\*

\*STORY BY\*

\*MADUBE CHISHONGO\*



\*R.MAWANDE\*

0777026923

\*CHITSAUKO 32\*

"Mandinzwa Mandinzwa ndofa here uri mukati me chakasara,muvengi aisa ruoko pa zai rako, ndofawo here uripo, huya undirwire chido chemoyo wangu, zambuko rangu ndiwe , Mandinzwa Mandinzwa ndofa umwe wangu"

"Zvikoni" akamuka achidaidzira zita ra Zvikoni zvinova zvakavhundutsa Matambanepfumo na Mbuya Gora muviri wake wainge wazara dikita aiita kufemera padenga semunhu ane chipembwe. Matambanepfumo na mbuya Gora vakabva vamuka ndokuenda paaive.

"Mandinzwa kwakanaka here muzukuru wangu"  
vakabvunza mbuya Gora.

"Zvikoni mbuya" akadaro Mandinzwa vachiita  
kufemera padenga.

"Mandinzwa dzikamisa hana urondedzere  
zvawasangana nazvo kuhope" akadaro  
Matambanepfumo.

"Ndanzwa inzwi ra Zvikoni ,anga achiratidza  
kurwadziwa, kuchema  
nekushungurudzika,shoko randabata nderekuti  
muvengi aisa ruoko pazai rako uye ndiwe  
zambuko rangu" akadaro Mandinzwa achiratidza  
kushungurudzika.

"Zvine chirevo izvi" vakadaro mbuya Gora.

"Matambanepfumo Zvikoni handifunge kuti kwaari kutsvene, pane chamuwira chete, manje kana paine chakaipa chaitwa pazai rangu ne mukadzi wangu ndopika ne hupenyu hwangu ndinouraya munhu." Akadaro Mandinzwa achirongedza zvombo zvake.

"Apa wafungepiko usiku hwakadai nhai Mandinzwa mira kuchene tione kuti todii" akadaro Matambanepfumo atona kuti umwe wake afunga parefu.

"Matambanepfumo handingarare ndisingazive kuti mhuri yangu irisei ndinenge ndatoita baba benzi" akadaro Mandinzwa.

"Muzukuru ukateerera umwe wako ndofunga zvinokufambira ,unoda kuendepi husiku hwakadai unonoona ani mumuzinda mahusiku, dzikama kuedze zvikada kuchiedza mwanakomana wa mambo anogona kusvika

mukapirwa zviripo" vakadaro mbuya Gora.

"Mbuya ndikati ndingarare ndisina kusvika pamuzinda ndinganyepe kutaura chokwadi kungaedze ndakasvinura" akadaro Mandinzwa akutofamba .

"Mandinzwa tese tinorwadziwa but hatidi kuita zvinhu zvinozotipinza mudambudziko" akadaro Matambanepfumo.

"Risiri dambudziko nderipi ndichisiya mhuri yangu ichitambura" akadaro Mandinzwa achitofamba, Matambanepfumo akatoona kuti Mandinzwa arikurevesa akabva atora zvombo zvake ndokutevera chinyararire, nzira yese hapana aitura ne umwe yaingove fungira mumoyo rwendo rweimbwa.

Musango mainge makati ziii waisanzwa chero chii mhuka zhinji dzainge dzazorora, varume

vaviri ndivovainzwika kufamba mukati me  
chakasara vaiita kunzunuzutira kuitira vakasire  
kusvika sekuti vaingosvika vachipinda  
mumuzinda.

Varume vaviri ava vakati va vakusvika  
pamuzinda ndipo pavakachitanga kuvhunzana  
kuti vodii.

"Ini ndiri kungotevere mushure mako ndiwe  
uchaona kuti todii zvatasvika pano sezvo  
wazviita muzivi we nzira yeparuware" akadaro  
Matambanepfumo achiratidza kushaya hanya.

"Zvinhu ndezvekubatsirana mukuru wangu"  
akadaro Mandinzwa apererwa ne mazano.

"Mandinzwa ndazama kukuonesa tichiri  
kumusasa kuti ngatimukire kuseni deno izvezvi  
tichironga masvikiro" akadaro  
Matambanepfumo achitsvaka pekugara.

"Ruregerero mukuru wangu pfungwa ndidzo dzandishaisa rugare, zvimwe itaiwo moyo murefu" akadaro Mandinzwa achizvinipisa.

"Hapana zvekuita kutorara pano toona zvekuita kuseni" akadaro Matambanepfumo achitsvaka muti wakareruka kurara, akabva asvuura rwodzi ndokukwira ozvisungirira kuti asadonhe. Zvimwe chetezvo na Mandinzwa.

Mandinzwa haana kuzodzirara kwakangoedza achiboirira maziso se zizi ari mumuti. Uhu hupenyu hwainge hwamudhaka hwekugara mumuti seshiri, rugare airionera kune avo vane mhuri dzakakwana ,zvake zvaingove zve hwakumukwaku chete.

"Mandinzwa Mandinzwa munhu arikubuda mumuzinda uyo haasi Tapiwa here?" Akadaro Matambanepfumo achizevezera Mandinzwa ziso rainge rakawetswa.

"Mafambiro ake anenge arikuuya ne kudivi rino uye arikucheuka cheuka kuti hapana arikutevera here" akadaro Matambanepfumo.

"Hakuna chakanaka mukuru wangu Tapiwa haafambire nhando, kuti vachiri vapenyu here ikoko Zvikoni ne mwana wangu" akadaro Mandinzwa.

"Dzikamisa hana rega tinzwe iwe sara uchitarisa kwese kwese hatidi kunyangirwa takarivara" akadaro Matambanepfumo achikwakuka achinomhara pasi ndokunomira munzira ya Tapiwa akamurindira.

Tapiwa aitofamba zvakukanda nhano zvekuda kukasira kusvika, akavhunduka kuita seacha ridza mhere aona munhu mberi kwake runganani rwakadaro akazodzikama aona kuti ndi

Matambanepfumo.

"Matambanepfumo ukatamba uchidaro unondiurayisa ne hana" akadaro Tapiwa achiseka nhando kuvanza kusuwa kwaive mumoyo make.

"Ndizvo zvandakagidzidzisa here izvozvo murume haangoti chati kwatara ovhunduka" akadaro Matambanepfumo achikwazisa Tapiwa.

" Matambanepfumo nguva ino haisi yekuita zvese izvozvo aripi Mandinzwa zvinhu hazvina kumira mushe, uye hatibvei panzvimbo ino tinogona kusvikirwa pano" akadaro Tapiwa achitanga kufamba.

Matambanepfumo akaridzira Mandinzwa kamuridzo kasina kuenda kure achibva a buruka mumuti.

"Ko nhasi magara mujinga memuzinda kwakanaka here kuseni kuno ndanga ndichitoti



ndokuwanai ku musasa wenyu" akabvunza Tapiwa achishamiswa nekuita kwe varume ava.

"Mambo wangu zvinonetsa ndizvo zvonoita tisagare panzvimbo" akadarwo Mandinzwa achitsvaka matangire enyaya.

"Hatina nguva varume kunze kwa sunama ini handichasvike kumusasa wenyu ndinoda kutodzokera kumuzinda izvezvi nekuti ziso ra mambo riripandiri, mazuva maviri aya ndazama mando dzese dzekuti ndibude asi panga pakasungwa ne utare rungwanani runo ndipo pandakwanisa kubuda" akadarwo Tapiwa achitaura achicheuka cheuka.

"Itii gag ga ga mambo wangu" akadarwo Mandinzwa achinonokerwa nekuziva musoro we nyaya.

"Zvikoni akaendeswa sweranezuro mambakwedza kwa Mutonodza kumusha kwa mbuya vake, nhau yekuti akarema yakaziikanwa

mumuzinda ,mambo vakaronga na Tichaona kuti aende naye ikoko anobviswa nhumbu ozodzoka nguva yekukowa yavanoziva kuti mwana anenge abarwa vofambisa shoko rekuti akabara mwana akafa zvino Tichaona akasvika nezuro manheru achiti asiya basa richibatwa zvekuti pari zvino hapana chaka....." Tapiwa haana kuzopedza kutaura abatwa huro na Mandinzwa zvakasimba, maziso ake ainge ashanduka kuita matsvuku, tsinga dzemuviri dzati tande tande, aiita kuhuta akadzvinya Tapiwa huro zvekuti ainge asisakwanise kufema.

Matambanepfumo akapinda basa rekutakanura Mandinzwa pana Tapiwa.

"Mandinzwa Mandinzwa dzikama mhani " akadaro Matambanepfumo neukasha.

"Ndinokuurayai ndikapedza dzinza rose, ndiani ane simba rekubata ropa rangu ,handina ropa nemi handina hukama nemi ,ndikatsamwa munotama muzinda wese handina chinoera mberi kwangu, mune shuwa vanhu vekwa Tembo kuparadza chinhu chandikoshera mupenyu hwangu, zvandiriwo munongwa asina

chaainacho ,muno rwirei neni ,ndakakutadzirei zvangu ini, ndakadyeiko chenyu ini, zvino kana ndisina kuisa museve mumusoro mababa vako nhasi handizorori" akadaro Mandinzwa achiita se munhu asvikirwa misodzi ne dikita zvaierera paari, chero Matambanepfumo akaona kuti zviri pana Mandinzwa zvikuru uye zvakamutyisa.

Tapiwa ainge ongekweva mweya kudzosa mweya wanga waendeswa kunyikadzimu na Mandinzwa dai asiri Matambanepfumo angadai akutowadzana nemadzitateguru ake.

Tapiwa akatyiswa nekuita kwa Mandinzwa asi hazvina kumubata nekuti akabva adzidza chimwe chinhu paari.

Yaive mhare, munhu asingatye asingavhunduke ,munhu wekuti akatsamwa chero ne shumba inotiza.

"Mandinzwa hauna matyira sei unoda kuuraya mambo wako" akadaro Matambanepfumo.

"Zvese izvozvo hazvinei neni izvezvi ndakutovinga vanozviti mambo Samaita ne mukadzi wake kana ndisina kuona ropa handizorore" akadaro Mandinzwa achitora

miseve yake akunanga mumuzinda.

Matambanepfumo na Tapiwa vakapinda basa kumudzora kuzosvika adzikama.

"Mandinzwa ndinoda munhu anonzwisisa hongu zvinorwadza asi yatodeuka, mwana munoita umwe ndizvo zvinoreva kuti anga asiri wako, zvino ukada kuita dzungu unoswera wave nyama yemagora, isu hatidzokera kumusasa tinoronga kuti todii , ini kwa Mutonodza ndinokuziva tikafamba chaiko toviriwa tasvika unonoma mukadzi wako, hope dzako hadzireve nhema hatifanirwe kurara tisina kumaona" akadaro Matambanepfumo zvinova zvakadzikamisa Mandinzwa.

"Mambo wangu ndinodana ruregerero handizive mweyai wanga wandibata, dai maipinda mutsoka dzangu mainzwa shungu dzandiinadzo" akadaro Mandinzwa akazvirereka.

"Umm mukuru wangu wanga wafunga kundiendesa kwa mupfiga nebwe ,ndeimwe mhosva yawapara mukwasha uchandiripa kusvika ndati zvakwana" akadaro Tapiwa achiseka hake.

"Zviri mumurume uyu zvandipedza mate mumukanwa uri mhondoro huru chaiyo Mandinzwa" akadaro Matambanepfumo.

"Varume imi chiendai ini ndichidzokera mumuzinda ndisati ndatsvakwa, ndichapota ndichidongorera kuti madzoka here ndizowana shoko kuti kwakamira sei, isu kuno kwasara mazuva maviri ekuti Nyati auye " akadaro Tapiwa achionekana nevamwe vake ,ivo vakabva vapinda munzira vakananga ku musasa wavo.

Matambanepfumo na Mandinzwa vakasvika kumusasa wavo ndokurondedzera nhau iripo kuna mbuya vake, mbuya Gora vakarwadziwa kusvika pakubudisa musodzi.

"Hazvina kuipa muzukuru zvinoreva kuti vadzimu varamba kuti zai iri ritsotsonywe panyika ,hapana chinoitika chisina chirevo muzukuru wangu" vakadaro mbuya vachiratidza kunetseka.

"Mbuya isu hatichagare regai tigure matunhu takananga kwa Mutonodza tinoona kuti zvakamira sei?" akadaro Mandinzwa achioneka mbuya vake.

Matambanepfumo akaoneka mhuri yake ,akavasimbisa kuti zvinonaka manje manje vogara panzvimbo yakasununguka pasina chekutya.

Mukadzi wake se munhu anoterera haana kupikisa ainge otajira hupenyu hwe musango.

Munzira Matambanepfumo aizama kutaura nyaya kuti nzira irereuke uye Mandinzwa adzikamise moyo.

Zvakamutorera nguva kuti Mandinzwa adzoke kuita Mandinzwa wekare, zuva rogara miti vaine varova matunhu.

"Mukuru wangu munondiudza nefambiro yataita iyi ndiwo mafambire akaita Zvikoni akasenga mwana wangu" akabvunza Mandinzwa aona kuti vafamba mutunhu murefu apa kwavaienda vaiona sango rega risingaratidze kuti kunosvika vanhu.

"Kwa Mutonodza parefu sekufamba kwe munhu kadzi zvinogona zvakavatorera zuva rese vakasvika pakati peusiku, zvino isu nemafambiro ataita ekumhanya tinogona kusvika richangonyura" akadaro Matambanepfumo.

"Asi tave pedyo here" akabvunza Mandinzwa akunonokerwa nekusvika.

"Hongu tikangodarika sango rino takutoyambuka rwizi rinopinda mudunhu ra mambo Mutonodza" akadaro Matambanepfumo.

"Zvino tinosvika sei tichiti tisu vanani" akabvunza Mandinzwa.

"Tichagotyei kusviba magaro isu tateya murutsva, ini mambo Mutonodza vanondiziva sezvo ndirini ndaisitumwa na mambo ne shoko kwavari" akadaro Matambanepfumo.

"Zvino havazotume shoko here kuna mambo Samaita kuvazivisa kuti tiri vapenyu" akabvunza Mandinzwa.

"Mambo Mutonodza baba vacho tiri tsika nditsikewo ndichavarondedzera mamiriro enyaya kana vakada havo kunditengesa hazvina mhosva tinosvika rini tichivanza kuti tiri vapenyu ngatiite mukombe uyu upfuure" akadaro Matambanepfumo achiratidza kurevesa ainge aneta ne hupenyu hwekuita chamuhwande muhwande.

"Deno ndikawana mukadzi wangu ari mupenyu zvimwe zvese hazvo hazvisisina basa pasina Zvikoni handisi munhu, ndiye akatora hujaya hwangu ,ndiye akaita kuti ndive murume" akadaro Mandinzwa vachiyambuka rwizi rwunopinda mudunhu ra mambo Mutonodza.



"Mirai zvenyu ipapo, isai zvombo zvenyu pasi moisa maoko enyu mu musoro" akadaro mumwe murume ,yaive hwitakwi ye rume ,inzwi racho raiita kutinhira zvekuti munzeve maisara maungira, Mandinzwa akatarisa akaona ari mudukwane kune zirume iri, apa rainge rakabata pfumo ne tsvimbo yaive ne zidzoro.

Matambanepfumo na Mandinzwa vakaita sekudaro.

"Muri kuendepi uye mabvepi nekuti ndinoona kuti hamusi vemudunhu rino" rakadaro zirume riya.

"Tabva kwa mambo Samaita tinoda kuona mambo Mutonodza tine shoko ravo" akadaro Matambanepfumo.

"Hamusi vashori here imi manje isu tinogara takarinda muganhu wedu kuitira mhandu dzakaita semi"

"Hatisi vashori mukuru wangu mambo  
Mutonodza vanondiziva" akadaro  
Matambanepfumo.

"Ndonokusiyai mberi kwe dare mambo akatadza  
kukuzivai ndokunyikai miseve mu musoro yenyu  
mese handina chinoera mberi kwangu" rakadaro  
rume riya richitinha Mandinzwa na  
Matambanepfumo vakananga ku muzinda.

Kupera kwe chitsauko 32  
[05/31, 7:15 PM] +263 77 702 6923: \*ON SALE  
DON'T SHARE\*

\*LOST CHILD\*

\*STORY BY\*

\*MADUBE CHISHONGO\*

\*R.MAWANDE\*

0777026923

\*CHITSAUKO 33\*

Tichaona zvaakabva kwa Mutonodza akafamba achikanda nhano zvekuda kukasira kusvika, zuva rakasara ronyura asvika,mambo vakafara vachiona jinda ravo richisvika.

"Ah vemusango madzoka mafamba zvakanaka here" vakadaro mambo vachichingura Tichaona.

"Aiwa vadzimu vafamba neni ndadzoka mambo wangu" akadaro Tichaona achinyemwerera.

"Titure shoko ramauya naro" vakadaro mambo  
Samaita vachigara pachigaro chavo.

"Aiwa zvese zvafamba zvakanaka ndatosiya  
vana mbuya vavepo vakutotanga basa, vangoti  
tomirira nhume yenyu ichazotora mhuri yenyu,  
uye ne chipfuyo chana mbuya chekutenda vana  
mbuya nekuita basa iri" akadaro Tichaona.

"Aiwa chipfuyo chinoendwa nacho vasatye havo  
chikuru basa rafamba"vakadaro mambo  
vachiratidza kusunguka pamoyo.

"Mambo wangu asi ndine chikumbiro hameno  
mukachigamuchira " akadaro Tichaona  
akarereka musoro.

"Kumbira zvaunoda Tichaona mambo

vanokuitira" vakadaro mambo vakateya nzeve.

"Mwanasikana wenyu zvaadai muchaitai naye  
zvayave mvana iri mumuzinda" akadaro  
Tichaona achidzimbira ronda ra mambo.

"Tichagodii nhai Tichaona, ndiani jaya ringade  
gura iwo makombo ariko" vakadaro mambo.

"Mambo wangu hameno kana zvichiita, ini hangu  
ndanga ndazvipira hangu kuita mukadzi wepiri,  
nditendereri hangu ndiwane gotwe renyu"  
akadaro Tichaona achibva ati zii akamirira  
mhinduro ya mambo.

Mambo vakatora nguva vachidzeya shoko ra  
Tichaona, hongu Tichaona anga ari munhu  
asingashoreke asi vaishuvirawo kuti  
mwanasikana wavo awanikwe muimba  
yehumambo asi zvese zvainge zvaenda

mudondo nekuti veumambo havawane asiri musikana akazara.

"Shoko rako ndarinzwa Tichaona ,  
ndichambotaura na mai ve mwana ndinzwewo  
kwavari, asi se munhu anondibatira basa guru  
handina chandinoshora zvangu, uye nezuva  
retatu panouya Nyati handione paine chakanaka  
,ukakwanisa kundifadza zuva iri aiwa  
ndinokutendera zvangu" vakadaro mambo  
vachiratidza kurevesa.

"Mambo wangu hapana pandingakurasisei  
vimbai neni chese chamunoda ndinokuitirai"  
akadaro Tichaona achizvitutumadza.

Mambo vakabva vakarondedzera Tichaona  
shura ravakaona kuseni uye ne shoko rasiwa na  
Chinembiri, Tichaona akatyiswa nazvo akaona  
zviine chirevo asi akatenda mambo nekutuma  
dzimwe nhume kwa Mapinga.

Sekuziva kwedu kuti panoitwa nyaya pakati pa mambo na Tichaona kune munhu anenge akavandira achikwapa mashoko, Tapiwa ainzwa hurukuro yavo yese ndipo paakaziva kuti kwabviwa hakuna kumira mushe.

Tichaona akaoneka oenda kumba kwake uko kwaakawana mukadzi muromo uri mumhino.

"Kwakanaka here vadzimai musingagamuchire murume" akadaro Tichaona achiisa nhava yake pasi.

"Kunonakei kana munhu ongofamba zvisina gwara, iwo mawiriraniro amakuita na mambo handichama nzwisise" akadaro mukadzi wa Tichaona vachipopota.

"Munhu ngaadzikame usada kuziva ziva zvisinei newe dze varume dzinopindirwa here, munhu akaratidzwa kuti anodiwa anonetsa mufunge" akadaro Tichaona

"Saka ndorega kubvunza mafambiro emurume wangu, rwendo rwuno wazvinyanya Tichaona chero nguvawo ne vana hauchina"

"Unoshaye pano mai Dambu ndikagara pano tinodyanana here, unoshusha mukadzi iwe manje zviri kupera manje manje ndakuwanira umwe"

"Hehede huri inini kuparikwa manje" akadaro mukadzi wake.

"Chikoneso, chii chinoshamisira pauri manje pari kuuya munhu wausingafungire, wekuti iwe haukwikwidze paari manyawi ose apere" akadaro Tichaona achibuda mumba.



"Manje ndizvo zvandinoda kuona izvozvo ini chihera" akadaro mukadzi wake akabata chiuno aivewo va chihera vaive chazezesa mudunhu ne nyaya yepamuromo apa usimbe paive pamusha.

-----

Zvakabva Tichaona kumuzinda mambo vakasara vaine mufaro zvekukanganwa shura ravaona kuseni, vakabviswa mundangariro dzavo ne mwanakomana wavo.

"Mambo wangu ndinoona mufaro pachiso chenyu ndofunga jinda renyu rauya ne shoko rinofadza" akadaro Tapiwa achigara pedyo na baba vake pane chigaro chake..

"Ndingagare ndakasuwa nhai Samaita ndinotenda Tichaona afamba ne mwanasikana wangu zvakanaka kusvika asvika" vakadaro mambo vachivanza chokwadi.

"Tembo asi kana muchiita zvinhu zvenyu musingandipire munoreveiko, asi pane umwe mwanakomana wenyu wamunoziva achauya akagara pachigaro chenyu here ichi" akadaro Tapiwa akashatirwa.

"Dzikamisai hana Chivara chete zvimwe zvinhu zvinondiwara ndinobva ndarivara ruregerero Samaita" vakadaro mambo.

"Ndinoona munokoshesa Tichaona kudarika ini ,izvezvi maendesa Zvikoni zvisina tendero yangu mukati munondiona saniko pamuzinda uno" akadaro Tapiwa.

"Ingawani ndati pakanganisika Chivara  
ndichapagadzirisa" vakadaro mambo.

"Ndakuda kuwana, ndakabva kusango rerima ,  
saka chandakamirira handichioni, pamwe  
ndikave ne mhuri ndoita chiremerera pano"  
akadaro Tapiwa achirevesa.

"Unorevesa here jaya rangu kana kuti uri  
kutamba neni" vakadaro mambo  
vachinyemwerera.

"Hongu mambo wangu chiitai zvikaranga  
zvenyu" akadaro Tapiwa achisimuka, mambo  
vakasara vachifara vainge voshuvira kuona  
muzukuru wavo , vaitoshaya kuti voivhiya  
vachiitii asi zvakazoita nyore azvitangira ega.  
Vakabva varonga kuti zvaizorongwa mushure  
mekunge vapedza na Nyati votuma shoko  
kumadzishe akavakomberedza kana ashaya  
waanoda vozounganidza vasikana ve  
munharaunda mavo.

Vanasikana vake vose dzainge dzangova tsikombi dziri mumuzinda hakuna kana umwe ainge avimbiswa kuroorwa zvaitoita sekuti zvine chirevo mukati, nekuti gotwe rakaroorwa vakuru vachingodzembereka mumuzinda zvinova zvakaita vamere godo pana Zvikoni.

Husiku uhwu mambo vakarara dzinouya vaiziva kuti ra mangwana richinyura Mapinga anenge asviko chezivo mambo wangu kuti nhume dzake dzirikungotenderera panzvimbo imwechete.

Ukuwo Tapiwa aikarara achironga nekurongonyora kuti obuda sei anozivisa shoko kuna Matambanepfumo na Mandinzwa shoko rekuenda kwa Zvikoni.

Kuchiedza mambo na Tapiwa vakamukira padare vachidziya moto, vakashamiswa vachiona nhume dzavanga vatuma kwa Mapinga dzichisvika dziine shena muviri wese.

Nhume dziya padzakasvika padare Tapiwa akabva asimuka ndokutonzvenga ainge atowana mukana we kubuda nekuti aiziva kuti vanhu

vange vachida kunzwa kuti chii chaitika ku  
nhume idzi, ndipo paakanosanga na  
Matambanepfumo na Mandinzwa  
kwaakapotswa abviswa gurukuro na Mandinzwa.

Paakadzoka akawana mambo vachitenderera  
padare kuratidza kupererwa chaiko.

"Tapiwa wanga waendepi nguva takutsvaka"  
vakabvunza mambo.

"Ndanga ndambobuda ndichifurwa ne mhupo"  
akadaro Tapiwa.

"Ko ungangobuda uchiona paine nhau inotyisa  
kudai" vakabvunza mambo.

"Ndati kuda muchadana jinda renyu Tichaona  
anokupai mazano" akadaro Tapiwa.

"Samaita ingawani takakurukura nhau iyoyo ikapera, nhau iri pano yakaoma nhume dzandakatuma nezuro manheru hakuna kwadzakaenda dzakabatwa ne chadzimira" vakadaro mambo vachiratidza kupererwa.

"Mambo wangu mungashore Chinembiri munoti vadzimu vangafare here, makashanda na Chinembiri kubva kare, kana paine chaakundikana ndiye anotuma nhume kwa Mapinga asi imi nezuro makaratidza kumushora kukuru mukamiratidza kuti makangwara munoti kunyara kwake kuya kuri kwoga" akadaro Tapiwa.

"Pakaresveka Samaita zvino zvoitwa sei" vakabvunza mambo vapererwa.

"Chitotumai shoko munokumbira ruregerero

adzoke mumuzinda tiratidzwe gwara" akadaro Tapiwa.

"Zvinenenge zvine musoro zvawataura rega nditotuma nhume izvezvi" vakadaro mambo.

Nhume hadzina kunonoka kuenda kwa Chinembiri uko kwavakawama dza Chinembiri dzakasutsa.

"Samaita akandishora, akandidzikisira zvikurusa, handichina chekuita naye ngaaende kwaanoona kune mudzimu unoona kudarika wangu" akadaro Chinembiri.

"Kutadza kuri mu vanhu, mambo wangu atuma shoko rekudana ruregerero ,dzorai moyo wenyu nekuti mukamusiya ega anoparara

,anodzungaira inzwaiwo ngoni"yakadaro imwe nhume.

" chete munhu akaona kuti mudzimu uri pandiri unetsitsi anonditora sekuti ndakapusa, zvino dzokerai ne shoko rekuti kuti ndisimuke pano ndinoda mombe shanu dzinotsika, ina dzinenge dziri tsiru imwe chete rinenge riri bhuru randichauraya ndichideketera mudzimu wangu kuti udzore moyo nekuti izvezvi wakafuratira" akadaro Chinembiri achikweva bute.

"Tokumbirawo mudzimu mukuru tiende nemi kana mombe dzichiuya dzinozouya tiri kumashure kwenguva" yakadaro nhume.

"Hangingasimuke ndisina kupira kuvadzimu vangu mombe ngadziuye tozotangira ipapo ndapedza nemi chiendai henyu" akadaro chinembiri achirevesa.



Nhume dzakabva dzichikwesvaira, mambo vakashamiswa vachiona nhume dzichisvika dzega.

"Kwakanaka here zvandinoona muchiuva mega Chinembiri aripi" vakabvunza mambo vakaringa nzira vachiti pada anga budikire.

"Mambo wangu masango matema Chinembiri anoda kuripwa kuti asimuke"

"Kuripwa" vakakatyamadzwa nazvo mambo.

"Ndizvo chaizvo vanoda mombe shanhu dzinotsika, ina tsiru ne bhuru rimwe chete" yakadaro nhume.

"Hakusi kwave kuda kudya zve vapfupi nekureba here uku" vakadaro mambo.

"Mambo wangu muri kutambisa nguva muchitaura zvisina musoro, makashoropodza mudzimu uri pana Chinembiri paabva pano zvokwadi unoda kuripwa kuti zvifambe ne gwara ,mototenda zvaatobvuma kusimuka umwe unotofuratira zvachose" akadaro Tapiwa achiratidzira baba vake gwara.

"Zvakanaka Samaita mombe dzacho ngadzitinwe dziendwe nadzo, vanotofamba nehusiku nekuti ndinomuda pano mangwana, tarisa kuti kwasara mazuva maviri Nyati anenge aripano." Vakadaro mambo.

Nhume dzakafamba neusiku dzichienda ne mombe dzakatosvika mamba kwedza, Chinembiri zvaakaona vasvika akabva aita chikaranga chake achibva araira kuti aizosvika musi unouya Nyati.

Tichaona nekuda kwekuda kutsvaka kufadza mambo ainge atomukira kumuzinda ,ndokuunganidza varwi vese kusanganisira Tarunzwa na Simbamukaka varume vekuenda na Tapiwa ku sango rerima.

Mumoyo mavo maive nekunyunyuta nekuda kwekutsakatika kwe mukuru wavo Matambanepfumo.

"Varume muchiona ndakuunganidzai kudai hatizive kuti ramangwana redu rakamira sei , Nyati hatizive paamire saka kuti tichengetedze dunhu redu ngatigarei takangwarira uye takagadzirira kuti kunogona kuita hondo , varwi va mambo Samaita ndinovimba nemi " akadaro Tichaona zvinova zvakafadza mambo zvinova izvo zvaaida.

Tichaona akaronga varwi mumwe ne umwe achimuisa panzvimbo yake yaanenge akachengetedza aisada kuti muvengi awane pekupinda napo.

"Ndizvo zvandokudira Tichaona wakangwarira izvezvi nzvimbo ino yachengetedzeka zvekuti chero Nyati akauya anowana pakasungwa neutare pasina pane zinyekenyeke." Vakadaro mambo.

"Kana munhu aine chaanoda haashaye mazano ekuda kufadza munhu ,asi anogona kushandira pasina futi" akadaro Tapiwa.

"Uchirevei nhai Chivara" vakabvunza mambo.

"Nyoka i nyoka mambo wangu inozosimudza musoro kana ichinge yawana, uye chisi hachieri musi wacharimwa, tichaona kuchawira tsvimbo ne dohwe " akadaro Tapiwa.

Tichaona haana kuda kupindura akaziva pane rake na Tapiwa, akashivira kuti dai asiri mwana wa mambo aidei akamupfuudza kare nekuti ainge ave kungwarisa.

Kupera kwe chitauko 33  
[05/31, 7:15 PM] +263 77 702 6923: \*ON SALE  
DON'T SHARE\*

\*LOST CHILD\*

\*STORY BY\*

\*MADUBE CHISHONGO\*

\*R.MAWANDE\*

0777026923

\*CHITSAUKO 34\*

\*kudunhu ra mambo Mutonodza\*

Matambanepfumo na Mandinzwa vanosvikwa navo kumuzinda ra mambo Mutonodza, mambo ne machinda avo anodanwa vogara dare vaida kuziva chinangwa chevarume ava kana dzaive tsori vaida kudzigura musoro.

"Varume masvika pa dare ra mambo Mutonodza chinangwa chenyu ndecheyi" rakadaro rimwe zirume raive nendebvu dzaiita sedzichasvika paditi.

"Pamusoroi mambo Mutonodza, ini ndinoitwa Matambanepfumo uyu ndi Mandinzwa tabva kudunhu ra mambo Samaita tatumwa ne shoko guru kuna mambo Mutonodza vanova ivo Sekuru Mutonodza" akadaro Matambanepfumo akazvininipisa.

"Hero shoko mambo wangu" rakadaro jinda riya

richipira kuna mambo Mutonodza.

"Kudunhu ra mambo Samaita ndiko kwakawanikwa hanzvadzi yangu, kana matumwa ne shoko kuna Sekuru Mutonodza vanova baba vangu zvakanaka sunungukai henyu, ndokupai machinda angu maviri aya akuperekedzei munovaona " vakadaro mambo.

Matambanepfumo na Mandinzwa vakaperekedzwa kuna Sekuru Mutonodza vakagamuchirwa ne mufaro, Sekuru Mutonodza vakasununguka moyo vachiona nhumwa dzabva kwa Samaita nekuti vainge votyiswa ne kuita kwe mwanasikana wa Samaita.

Varume vakakwazisana ndokubvunzana mufaro,ziso ra Mandinzwa raingoringa ringa achiti angasangane ne chiponda moyo chake asi rakamushaya.

Vakapiwa chekudya asi hachina kudzika zvakanaka moyo wake wainge uri kuna Zvikoni, Matambanepfumo aitsika gumbo ra Mandinzwa kuti a dzikame.

Kusvika kwa Tichaona na Zvikoni uye kubviswa kwe nhumbu ya Zvikoni zvese izvi hazvina kunge zvasvika munzeve dza mambo Mutonodza anova mwana wa Sekuru Mutonodza.

Sekuru Mutonodza vaona zvasvika vakabva vatumira shoko rekuti mwanakomana wavo auye aone shura rainge rapinda mumusha mavo, nguva dzakasvika Matambanepfumo na Mandinzwa shoko ainge atorinzwa zvekuti pakaendeswa Matambanepfumo na Mandinzwa kuna Sekuru Mutonodza akabva atevera.

"Maita Mukanya mauya varume ava varikuti vatumwa kuti vazodongorera mwanasikana wa Samaita" vakadaro Sekuru.

"Sekuru mukati Samaita haasi akunyanya kuenderera here ,muno mumusha mava Tezvara vake asi anoda kutiira makunakuna muno ,mwanasikana wake akafira muno haisi ngozi here iyi" akadaro mambo Mutonodza.

"Zvakanaka nhume dzauya dzichaenda ne shoko" vakadaro Sekuru.



"Mungatitenderawo here kumuonawo here mambo wangu" akadaro Matambanepfumo akazvityora.

"Hongu hapana chakaipa hapo" vakadaro Sekuru.

Matambanepfumo na Mandinzwa vakatungamirirwa kuimba yaive na Zvikoni na mambo Mutonodza, vave pasuwo Mandinzwa akanzwa kugomera kwa Zvikoni moyo wake wakenda kure.

Varume vakapinda muimba iyi ndokupiwa pakugara, Mandinzwa achinoti baa pana Zvikoni akashamiswa kuti ndiye Zvikoni waanoziva here, ganda re miviri wake rainge racheneruka miromo yaparuka chiso chichita semunhu azora dota, akanzwa misodzi inopisa ichierera pamaziso ake.

Mandinzwa akabva asimuka ndokunopfugama paive na Zvikoni ndokumubata ruoko rwake.

"Zvikoni Zvikoni" akadaro Mandinzwa achiita kugura manzwi.

"Mandinzwa ndiwe here, wauya chido chemoyo wangu , ndofawo here ne zai rako riri mudunhu mangu" akadaro Zvikoni achigura manzwi.

"Zvikoni mudiwa we moyo wangu shinga zvinoita " akadaro Mandinzwa.

"Ndarwadziwa Mandinzwa ,ndakufa hangu" akadaro Zvikoni.

Mandinzwa akanzwa kubaiwa pamoyo misodzi yake yaierera ichiwira pa dumbu ra Zvikoni, akabva abata dumbu ra Zvikoni ndokusimudza chiso ndokutarisa mudenga.

"Vadzimu vangu ndoziva muriko kunyange ndisingazive rudzi rwangu uye kuti ndodeketera ndichiti kudii asi ndinoziva kuti muri kundinzwa henyu, Munoregereiko muvengi achibudirira mukubata kwake, mati ropa rangu rofira

muchibereko cha mai vake here, kana maona  
kuti hazvina kukodzera kuti ndibate chipo ichi  
chisunungurai henyu chibude mai vacho  
vararame, tarisai marwadzo ari panyama dzake,  
inzwawo tsitsi kwamuri ikoko, pukutaiwo  
misodzi yangu vadzimi vangu, nemi musiki muri  
kumusoro kwatisingakwanise kukuonai  
ndiyamurei padambudziko iri, ndiri nherera  
,munongwa asina chaainacho ndikundiseiwo  
varinyika dzimu, ndinovimba manzwa kuchema  
kwangu, mapukuta misodzi yangu" akadaro  
Mandinzwa achibva asimuka.

Mandinzwa akanzwa chinhu chakamurova  
mumusoro wake achibva adonha, akuda  
kusimuka akabva agarirwa ne tsvimbo  
kumusana achibva awira pasi  
,Matambanepfumo ndiye akazosimuka aona  
zvaipa ndokubata mambo Mutonodza.

"Ndirege ndiuraye mhondi iyi, heya ndiwe hako  
wakaremadza mwana we hanzvadzi yangu,  
ndiwe hako waida kupfuudza hanzvadzi yangu  
ne mukawasha wangu, ndiwe hako munongwa  
anetsa mudunhu ra Samaita" vakapenga mambo  
Mutonodza vakabva vadana machinda avo kuti

vasunge Mandinzwa vamuisse muimba  
yehusungwa.

Sekuru Mutonodza vakashamiswa ne mhere  
mhere yaiitwa muimba yaive ne murwere  
vakabva vaendako kwavakasangana na  
Mandinzwa achibudwa naye akasungwa.

"Nhai Mukanya ko zviri kufamba sei muno"  
vakabvunza Sekuru.

"Ko nguva yese iyi ko ndazivei kuti uyu anonzi  
Mandinzwa ndiye honzeri ye zvese izvi  
vachinyepera kuti vatumwa ne shoko" vakadaro  
mambo.

Mbuya Mutonodza vachinzwa izvi vakanzwa  
hasha waitoda kuti Mandinzwa apfuudzwe asi  
Sekuru Mutonodza vakaramba.

"Nhai Mukanya ndizvo zvandakakudzidzisa here

haufanire kutongera munhu usina kunzwa divi rake ko mangwana ukazoziva kuti haana mhosva unonyarirepi, handidi munhu anotonga ne demo, kukusiira chigaro kureva kuti ndakura imi vechidiki ndimi muchiri ne simba uye mune dzinopinza zvino kana wotonga ichidai zvinorevei" Sekuru Mutonodza vakapenga, vaiziikanwa kuti kana vatsamwa hapana anoti bufu.

"Mambo wangu ndipeiwo mukana wekuti ndirondedzere mamiriro enyaya iyi" akadaro Matambanepfumo akazvininipisa akaona kuti hapasisina chekuvanza.

Matambanepfumo akarondedzera nyaya yese kubva pekutanga kusvikira pari nhasi, zvese nezvekuda kuurayiwa kwake hapana chaakasiya chero zvekuroodzwa kwa Zvikoni kuna mambo Nyati, Matambanepfumo akapedza kurondedzera vose vasivhura muromo semuchapinda nhunzi, Sekuru Mutonodza vakashamiswa nekuita kwe mukwasha wavo.

"Handi unozviona kuti usamhanyire kumedza

kutsenga uchada, ini Samaita handimurambire ndinomuziva mukwasha wangu, gore riya haana kundikuta ne pfumo ndaramba na Sarudzai achida kumuita mukadzi wepiri" vakadaro Sekuru Muto nodza.

"Ndainge ndakangobata shoko rakauya ne jinda ra Samaita sekutsanangura kwake, handin kuziva kuti ndiwo mamiriro enyaya iyi" vakadaro mambo Muto nodza.

Nguva iyoyo vakavhundutswa na Zvikoni akatanga kupinduka pinduka achichema ne mudunhu nguva iyoyo akabva akanzwa kuda kubudisa kumusoro ne zasi ,akaudza mbuya vake vachibva vamuperekedza panze uko kwaakanoita mashura ekubudisa mushonga uya wese umwe waibuda nekumuromo umwe ne zasi chinova zvakashamisa mbuya vake.

Zvikoni achipedza kubudisa akanzwa moyo wake uchivhurika ndokukumbira mbuya vake vabike bota rezviyo mbuya havana kunonoka vange vatokurunga vachibva vaita zvekukumwisa apedza achibva arara hope.

Varume vachiona izvi vakashamiswa nazvo, chero mambo Mutonodza vakapererwa vakaona kuti Mandinzwa aive munhu asingaziikanwe hake asi rudzi rwake rwaive rukuru ,vakatya nazvo zvavakaona zuva iri.

Mambo vakaraira Mandinzwa kuti asunungurwe muuranda achibva auyiswa kwavaiveri.

"Ruregerero Mandinzwa handina kunge ndaziva zviripo asi ndinotenda nekuuya kwako kunova kwasunungura muzukuru wangu tainge tangotarisira nguva nekuti vanga vazama zvese zvikaramba chiri mauri chikuru neniwo ndachityawo" vakadaro mambo vakazvityora.

"Aiwa hazvina kuipa chete ndini ndine mhosva ndakaremadza mwanasikana wa mambo Samaita, asi chinhu chinonzi rudo chakanditonga mumoyo mangu asi ndinovimba kuti ndicharwira rudo urwu kusvika murufu, muzukuru wenyu ndinomuda iye anondidawo" akadaro Mandinzwa akasuwa pachiso.

"Muzukuru wangu rudo rwuri mauri ndarutya ramba wakashinga zvinoita ndinoona sekuti umwe wako anenge asunungurwa padenda iri ,kubva kuhope aingoti ndiwe zambuko rangu zvino zvazadziswa" vakadaro Sekuru.

"Mambo wangu parizvino hatina pekugara pakati tasa asi ndinokumbirawo mutichengeterewo mhuri yedu kusvika tawana pakasununguka pekugara uye kusvika tave ne hukama hwakanaka na mambo Samaita" akadaro Matambanepfumo.

"Aiwa mhuri tinochengeta asi sekuziva kwenyu kuti Samaita haasi kutenderana ne wanano iyi moita zvinhu zvenyu nekukasira nekuti handidi zvinozondipinzawo mudambudziko nekuti mukwasha wangu ndomuziva" vakadaro mambo Mutonodza.

"Aiwa tichazama kukasira zvekuti hazvidi chero mwedzi muviri" akadaro Mandinzwa zvakashamisa Matambanepfumo.



"Unoona sekuti zviri nyore nhai Mandinzwa" akabvunza Matambanepfumo.

"Kwandiri zvinhu zvidukwane" akadaro Mandinzwa.

"Heya" akadaro Matambanepfumo.

Varume vakatandara vachitaura nyaya dzakasiyana ,nguva dzekurara vakapiwa imba yavo vachibva vazorora havo.

Kuseni vakashamiswa vachiona Zvikoni amuka achifamba paruvanze, nezvavakawana ari Havana kufunga kuti angamuka achifamba chero mbuya Mutonodza vakashamiswa nazvo.

Mandinzwa akaenda paive na Zvikoni ndokumubata ruoko.

"Wakunzwa sei nhai mai Mandinzwa" akabvunza Mandinzwa.

"Nyama chete ndidzo dzichiri kurwadza asi mudunhu wanyarara ndiri kutonzwa kuda matamba" akadaro Zvikoni achiyemera Mandinzwa.

Mandinzwa akafara achiona kuti mai ne mwana wake vachiri vapenyu.

Zvikoni na Mandinzwa vakakumbira kubuda vachinotsvaka matamba ndokupiwa mwana wavanofamba naye, vaifamba vachiyemerana zvavo zvinova zvakaita moyo wa Mandinzwa afare kukanganwa nhamo dzeupenyu hwake.

Mwanasikana ainzwa kuti dai Mandinzwa agara pedyo naye.

Nguva yavakabva kumatamba Mandinzwa akashamisika achiona Matambanepfumo abata zvombo zvake kuratidza kuda kudzokera.

"Asi rwatosungwa nhai Matambanepfumo" akabvunza Mandinzwa.

"Mandinzwa nguva na Zvikoni haisati yakwana izvezvi tinofanira kudzokera usakanganwe kuti

mangwana ndiro zuva riri kuuya mambo Nyati"  
akadaro Matambanepfumo zvinova  
zvakarwadza Mandinzwa kusiya chido chemoyo  
wake asi chekuita panga pasina aifanira  
kuzadzisa chitsidzo chavakaitirana na Tapiwa.

Matambanepfumo na Mandinzwa vakabva  
vaoneka havo ,Zvikoni ainzwa moyo kupisa  
achiona Mandinzwa wake akudzokera.

"Zvikoni mudiwa wangu inguva chete asi  
zvinonaka ziva kuti ndinokuda uye rudo rwangi  
rwunoramba ruchiwedzera zuva ne zuva, sara  
zvakanaka mai Mandinzwa muchengete chipo  
chedu" akadaro Mandinzwa achioneka umwe  
wake.

"Ndichakumirira Mandinzwa, ndiwe wakaiswa  
pakati pe moyo wangu, ndiwe baba ve mwana  
wangu kunyange zvikatora nguva yakarebasei  
ndichamirira handineti" akadaro Zvikoni maziso  
ajenga musodzi.

Vaviri vakambundirana ndokunzwa hana dzavo dzichiroverana.

Mandinzwa na Matambanepfumo vakabva vapinda munzira vakananga kwavo.

Kupera kwe chitsauko 34

[05/31, 7:15 PM] +263 77 702 6923: \*ON SALE  
DON'T SHARE\*

\*LOST CHILD\*

\*STORY BY\*

\*MADUBE CHISHONGO\*

\*R.MAWANDE\*

0777026923

\*CHITSAUKO 36\*

Mambo Nyati zvavakasvika mudunhu ra mambo Samaita vakabva vavesa moto ndokugara zvavo vakamirira kuti kuedze ne rima raiveko vakaona kuti havanga rwise usiku.

"Kuti tirwise husiku hwakadai hazviite nekuti kune rima tingazobayana pachedu" vakadaro mambo Nyati.

"Zvakanaka mambo wangu" vakapindura varwi vachibva varongana muzvikwata vanorara vakachengetedza mambo nekuti vaitya kurwisa varere, asi nekuneta nekufamba sezvo vakabva vachimhanyiswa vakabva vati rashu vese kusanganisira mambo wavo.

"Handisati ndamboona madununu akadai shuwa vanhu vangauye kuzorara mudunhu redu apa varivo vauya kuzotirwisa" akadaro Matambanepfumo achizevezera Mandinzwa vari mumuti.

"Vanhu vakadai ndivo vanoda kutekeshurwa varere kudai , angosimudza musoro uchigarira ne gano" akadaro Mandinzwa.

"Unovapedza vese ava kuita kufira kuhope ,tarisa na mambo wacho kuita semufi kudaro" akadaro Matambanepfumo vaiona zvese zvaitika nekuda kwe chaedza che moto chainge chaveswa ne varwi va mambo Nyati.

"Chete ndini muparazvongo ndakatora mwana wa Samaita dai zvisizvo ndaimborega vambotekeshurwa na Nyati zvino handidi kuti mweya isina mhaka ifire mhosva dzangu" akadaro Mandinzwa achigadzira zvombo zvake

ainzwa kuda kuparadza hondo ya mambo Nyati yose.

"Mandinzwa hauna kumbobvira warwa hondo uye kuuraya munhu asi nechivindi chako ndinovimba kuti urinyanzvi chaiyo hongu mambo vakatitadzira asi hatingaregi dunhu redu richiparadzwa" akadaro Matambanepfumo.

"Asi mbiti inonzi Tichaona nhasi toda kumboitambisa chamutengure" akadaro Mandinzwa vachibva vaseka vese.

"Unoziva Tichaona kubva tichikura aive ne hurevi, chese chaitika kumafuro ainoudza mai vake aiziva kuti ishasha pakupenga" akadaro Matambanepfumo.

"Ndiyo mombe inoda kunzi yakanaka ichitunga dzimwe kuti dzipaze danga iyo yosara irimo" akadaro Mandinzwa achifa nekuseka.

"Hazvina kutanga nhasi izvi manje paakabata  
rwendo runo panopisa" akadaro  
Matambanepfumo.

Varume ava havana kudzirara vakangorarire  
nyaya chete kusvika kwati hwee vakuchinatso  
kuona.

Mambo Nyati vakarara musango ne varwi vavo  
kuchingotanga kuchena vakabva vamuka  
vakashamiswa vachiona varwi vavo vakaita  
murakatira, akatora pfumo rake ndokutanga  
kuvarova ne shure kwaro.

"Mukai mbwende dzevanhu munoda kufira  
kuhope" vakadaro mambo Nyati  
vachivhurumutsa varwi vavo.

Mambo Nyati vakabva vatuma nhume kuna  
mambo Samaita ne shoko.



Mambo Samaita havana kurara hana yavo ichingovhunduka vaitya kupindirwa mumuzinda vari kutsi kwe hope.

Kuchiedza mambo vakanzwa hana kurova vachiona nhume ya mambo Nyati ichisvika vakanzwa kupindwa ne chando vakaziva kuti kunze kwa sunama.

"Mambo Samaita ndatumwa ne shoko iri na mambo wangu ,kwanzi kana mukasandipa mukadzi wangu nguva ino zuva richibuda ndinenge ndapinda mumuzinda menyu ne pfumo rangu" yakadaro nhume iya ichibva yadzokera haina kuda kumirira mhinduro.

Mambo Samaita vakatuma yavowo nhume ne shoko kuna mambo Nyati ,vainge vatoziva kuti hondo ya mambo Nyati yainge yatopinda mudunhu.

"Mambo Nyati ndatumwa ne shoko iri na

mambo wangu, kwanzi shoko randakatumira nhume ne zuro nderezvokwadi Mukunda wangu haachipo akaenda kumativi nekuda kwe denda guru zvino vati huyai titaaurirane kana zvichigona mosararudza umwe pakati pe vakunda vangu vasara" yakadaro nhume ya mambo Samaita zvinova zvakasimudza hasha dza mambo Nyati.

Mambo Nyati ne hasha vakavhomora bakatwa ravo ndokugura musoro we nhume ya mambo Samaita ndokuuisa munhava ndokutuma nhume yake nawo.

Nhume ya mambo Nyati yakasvika ndokusvitsa jinda ra mambo Samaita nhava iya ndokutendeuka kudzoka.

"Muneiko nhai Gurajena" vakabvunza mambo Samaita.

"Regai ndivhure mambo wangu asi chinhu chacho chiri kudziya" akadaro Gurajena

achivhura nhava iya, akavhunduka achiona uri musoro wa Togarepi akabva aupotsera pasi, mambo vakashamiswa nazvo.

"Nyati anechokwadi nezvaaita izvi, ane chokwadi chekutora mweya we jinda rangu manje nhasi abata pasipo hukama tatogura" vakadaro mambo vachibva vatora hwamanda yavo ndokuridza.

Tichaona achinzwa kurira kwe hwamanda akabva aziva kuti hondo yatanga zvino akabva ayambira varwi vake kuti vagare vakachengera ,akatora chikwata chevarwi vane hunyanzvi ndokuvatungamidza mberi vakunosangana ne hondo ya mambo Nyati.

Zvese zvaitika zvaive mumaziso a Matambanepfumo na Mandinzwa, nguva yakadzokera nhume ya mambo Nyati payakabva kunosiya musoro wa Togarepi Mandinzwa akabva atora museve ndokuisa pa uta hwake.

"Nhasi ndinoda kutanga nowe" akadaro Mandinzwa achitatamura museve uchinovika uchiti zete pa huro ye nhume ya mambo Nyati iyo yainge issati yasvika pamusasa wavo.

"Yaaa wakagona mupfana haupotsi" akadaro Matambanepfumo achibhabhadzira musana wa Mandinzwa.

Mambo Nyati pavakanzwa kurira kwe hwamanda vakabva vaziva kuti hondo iya yatanga, akaisa varwi vake muzvikwata vamwe vachienda ne divi ravo vaida kukomba muzinda wese.

Vakaenda ne divi raive na Mandinzwa na Matambanepfumo vainge vawira mumuromo meshumba ,vakaomana vaingoregedzera miseve ichinobaya parufiro chaipo. Varwi vakaita murakatira vachibaiwa ne miseve yavasingaoni kuti irikubvepi.

Matambanepfumo na Mandinzwa vaona kuti

vanhu vauya kudivi ravo vave vashoma vakabva vaburuka mumuti, varwi vaye vachiona varume vainge vakapfeka mashizha vakabva vaziva kuti ndivo vapfura vamwe vavo ne museve.

Shavi ra Mandinzwa zvino rainge ragara ,ainzwa simba richizara maari aiti akaregedzera tsvimbo mu musoro munhu owira pasi otevera achipedzisa ne gano rake.

Gomana raiita kupotsera pfumo zvakashamisa Matambanepfumo varume vakaita murakatira pasina nguva Matambanepfumo na Mandinzwa vachibva vadzokera mumuti.

"Mandinzwa une shavi here iwe, ini zuva rangu rekutanga kurwa handina kumbouraya vanhu vakawanda se zvawaita nhasi izvi " akadaro Matambanepfumo achishamiswa nekuita kwa Mandinzwa ,zvokwadi ne nguva diki diki Mandinzwa ainge auraya varume vanodarika makumi maviri.

"Harisi shavi hameno mweyai wakandigara ndiri kutoda kunzwa kuda kuenda pana Nyati wacho Sekuru vanorwarira mukadzi wangu kusvika

pakuurayisa vanhu kudai" akadarwo Mandinzwa.

"Aiwa pfavira ngoma Mandinzwa usiku hurefu izvezvi rega tione divi ririkupisa" akadarwo Matambanepfumo atona kuti umwe wake anenge agarwa Matambanepfumo akava ne chokwadi chekuti Mandinzwa munhu mukuru chaiye.

Tichaona paakaona hondo yatanga shavi rake rekurwa rakati tugu, aiita kushereketa murume, vanhu vaaiita kutekeshurwa ne pfumo, aiti akafunga Zvikoni ne simba raiiuya ,varwi vamambo Nyati vakatanga kushomeka kudivi ra Tichaona zvinova zvakashungurudza mambo Nyati zvino vange vokwamatata kukurudzira varwi vavo.

Varwi va mambo Nyati zvavakaona kuti vakushomeka zvakabva zvakwidza hashu dzvavo vakabva vatanga kurwa zvavo chaizvo. Vakatanga kurwisa vaive kusuwo rokupinda mumuzinda, varume va Samaita vakaita kudashurwa chaiko ndiro divi raive na Tarunzwa

murume aiita kutamba ne pfumo zvekuti varwi va mambo Nyati vakaona kuti vakaita zvekutamba vanotadza kupinda mumuzinda.

Tarunzwa akatanga kuona varwi vekudivi rake vachishomeka zvishoma ne zvishoma akaona kuti zvakumukirirwa asi senyanzvi pakurwa aizama ne paaigona napo.

Varwi va mambo Nyati zvavakaona kuti Tarunzwa agarira pasuwo vakabva vaiita kumukomba umwe we varwi akabva aumuregedzera pfumo parutivi rwe mbabvu achibva awira pasi ,akabva avhomora pfumo riya achida kumupedzisa akabva abaiwa ne museve waasina kuona kuti wabva nepi achibva awira pasi.

Tarunzwa ainge ongogomera ari pasi parutivi rwake pachibuda ropa risingaiti, akabva aona murume akamira mberi kwake akapfeka mashizha achibva amutakura akananga naye musango.

Varwi va mambo Nyati zvavakaona pasuwo pave ne mukana wekupinda vakabva vamhanyidzana vachipinda mukati munova maive na Tapiwa na

Simbamukaka vaigarira wese apinda mukati vachitekeshura.

Varwi va mambo Nyati zvavakaona vakukurwira vakabva vatanga kutungidza dzimba ndokutanga kubvira , mambo Samaita vachiona izvi vakapererwa kushaya nezano.

Zvino varwi va mambo Nyati vainge voita shura, mumuzinda makateuka ropa vainge vasangana zvikara zvoga zvoga ,Tapiwa shavi rekurwa zvaakadzidziswa na Matambanepfumo rainge rasvika.

Zvese izvi zvaitika zvaive mumaziso a Matambanepfumo na Mandinzwa.

"Zvino toitasei mukuru wangu mutambo uyu unenge watsvuka ropa " akadaro Mandinzwa.

"Iwe isa ziso pana Tapiwa na Tichaona, Tichaona handidi afire muhondo ndinoda kupedza naye ini, ikezvino rega ndimbotsvakira Tarunzwa gwenzi rinovhara ropa ririkubuda iri" akadaro Matambanepfumo mushure mekunge abva kunotora Tarunzwa pavakaona abaiwa ne muvengi.



Mandinzwa akaona murume ainyangira nekumashure kwa Tapiwa iye aisazviona sezvo airwisana ne hofori ye rume, Mandinzwa akatatamura museve wake uchisvika uchiti zvete kumusasa kwe murume uya uchinobudikira kuchifuva, Tapiwa achiona izvi akabva aziva kuti kune rimwe ziso rakamutarisa.

Madzimambo maviri aya akaona kuti hondo iya yatsvuka ropa,mudunhu makave nekuchema kukuru, varwi ziya ne ropa zvakayerera asi paishaikwa anomisa hondo iya vese vaingoti haivhiyiwe, zuva rakasvika pakurereka vanhu vachingorwa chete zvino vese vange vasineta vati rukutu.

"Nyati mukwasha wangu buda titaaurirane kurwa hakugadzirise zvinhu, tarisa ropa rayerera, inzwa kuungudza kurikuita vanhu ,nyamadzaneta ziya raerera huya titaaurirane" vakakwamatata mambo Samaita vakamira pakakwirira zvinova zvakasvika munzeve dza mambo Nyati.

"Misa varwi vako kana uchida kuti titairirane ndiwe muparazvongo dai wakangondipa mukadzi wangu pasina zvese izvi" akadaro mambo Nyati.

Mambo Samaita vakaridza hwamanda yekuti varwi vamire kurwa vachibva vamira, mambo Nyati vakabva vafamba vakananga kudare kwa Samaita.

Zvapakamiswa kurwa Tichaona akabva azembera muti kuri kuzorara maneto ,akanzwa museve wakasvika uchimubaya pachidya paakambopiswa na Matambanepfumo.

Tichaona akakuma se mombe vanhu vakashaya kuti museve wabvepi ,iye achiona museve mutsvuku wakamubaya akabva aziva kuti munhu uya aisimuteverera ndiye amubaya, akatuma varwi kuti vatarise miti yakakomberedza pavaive asi vakadzoka achingove machira chete.

"Uyu munhu pandichamubata achafa rufu runorwadza chaiko" akadaro Tichaona

paaitekaidzwa kuendwa naye kumuzinda.

"Mukati haasi umwe we varwi va mambo Nyati here" akabvunza umwe murume ainge achimusedza.

"Handioni sekudaro munhu wekuziva nekuti akabvira kare kunditeverera uye munhu uyu haadi zvekundiuraya anoda kungondirwadzisa nekundivhunditsira chete" akadaro Tichaona ,pfungwa dzake dzaimuudza kuti ndi Tapiwa asi akashamisika achisvika mumuzinda Tapiwa aripo akagara padare na mambo Nyati ne machinda avo.

Kupera kwe chitsauko 36

[05/31, 7:15 PM] +263 77 702 6923: \*ON SALE  
DON'T SHARE\*

\*LOST CHILD\*

\*STORY BY\*

\*MADUBE CHISHONGO\*

\*R.MAWANDE\*

0777026923

\*CHITSAUKO 35\*

\*Kudunhu ra mambo Nyati\*

Chakava chipata pata kugadzirira mwenga  
aiiuya mumusha muzuva ramangwana.  
Hapana pasina kushongedzwa zuva iri mambo  
Nyati vaidha kuti svovi yavo isvike muzinda

wakachena.

Kana chiri sechikafu haiwa yaive saruruadye, mombe yakabaiwa ,mbudzi ne hwai ,kana ririse doro rainge richituma kuratidza kuti raibva manje.

Mupunga ,sadza re zviyo, remhunga,nere chibage rese raivepo waisarura chaunoda.

Mambo vainge vatuma nhume kuti dzikokorodze vanhu vararire pamuzinda vachidya zvavo nekumwa vakamirira mwenga.

"Uyu wakosheswa ini vahosi zvandakauya pano hapana kuitwa mabiko anotora mazuva maviri kudai" vakadaro vahosi vagarwa ne godo.

"Vakadzi magara mune godo pane wandisina kuitira mabiko here pano achiuya" vakabvunza mambo.

"Iiii izvi zvanyanya izvi chero kushongedzwa kwe imba yake yakatokurira yangu ini hosi yepano" vakadaro vahosi.

"Zvenyu vakadzi ndingazvigone rega ndigadzirire svovi yangu iri kuuya iyi " vakadaro mambo vachibva pane mukadzi wavo ndokuenda muimba yavo ,vakasvika ndokutsvaga mudzi wavo wemusana vaida kusimbisa musana wavo sezvo vaizosangana nedzichiri kutemwa dzichibuda ropa, kwete chembere dzavainge vanadzo.

Mumuzinda makaswera muine mufaro maisadanwa anonzwa.

Mambo vakadanha varume vashanu vanova vachanotora mukunda wa Samaita ndokuvaraira.

"Machinda angu rwendo rwenyu runotanga mangwana rungwanani, munofanira kubudirwa nezuva mave pakati pekusvika kwa Samaita, ndinoda mukasire kudzoka kuno nekuti kuchingoti hunderere mukadzi wangu anofanira kupinda mumusha" vakadaro mambo.

"Zvakanaka mambo wangu" rakadaira jinda guru.

"Muchatora imwe mbongoro moishongedza moenda nayo ndiyo ichauya yakagarwa ne mukadzi wangu haafanire kufamba netsoka tanzwisisana here" vakadaro mambo.

"Hongu mambo" vakadaira vese.

Kuchingosviba chigoma chakatanga kudandaurwa kuri kufarira kuuya kwe mwenga. Musi uyu hakuna kurarwa, kwaiti runoshauro, runodzana mande,runonwa doro haiwa panga pakaipa zvekuti asina kuuya ainzwa moyo kumira.

Hweva ichibuda varume vakabva vapinda munzira sekurairwa kwavakaitwa, vaiita kufamba vachikanda nhano kuitira kukasira kudzoka nekuti paive ne mufambo kusvika Kudunhu ra mambo Samaita.

Vanhu vakararapo vakamuka ndokutanga kugadzira vachibvisa tsvina yainge yazara ruvanze rwese pakatozoswera pachena vachimirira kuuya kwe mwenga.

Semutemo wavo kuti kana pamuzinda pachisvika mwenga svikiro rinofanira kunge riripo richikumikidza mutorwa uyu kuvadzimu vavo, mambo akatuma nhume dzakanodana svikiro rikasvika zuva rogara miti.

"Mambo wangu mambo wangu chiiko chandiri kuona ichi" rakadaro svikiro richitenderera panzvimbo imwe chete nguva dzarakasvika.

"Ndimi munoona zvatisingaoni kwakanaka here" vakabvunza mambo.

"Misodzi ,dikita ne ropa, ndati misodzi dikita ne



ropa" rakadaro svikiro.

"Handisi kunzwisisa nyatsoiti dyo mudzimu mukuru" vakadaro mambo Nyati.

"Hayi hayi hayi zvoitwa seiko nhai vari nyika dzimu" rakadaro svikiro rakatarisa mudenga.

"Dzora hasha Nyati, dzora moyo Nyati ukadaro wakunda" rakadaro svikiro zvinova zvakashamisa mambo kuti i hasha dzei ivo vaive mukufara.

"Ngatimirire nhume dzako dzisvike vakutoyambuka rwizi kupinda muno" rakadaro svikiro richigara pasi ndokufunya rusero richibva ratarisa kumadokero.

Sezvineiwo nhume hadzina kunonoka kusvika

asi mambo Nyati vakashamiswa vachiona mbongoro ichiuya isina munhu vangodzoka vakadaro asi vakazofunga kuti pamwe asiiwa kunze kwe musha nemadzitete ake sezvo achipinda mumusha kwakasviba.

"Mambo wangu masango matema kwatabva hakuna kumira mushe" rakadaro rimwe jinda zvinova zvakarovesa mambo Nyati ne hana.

"Kwaitikei futi" vakabvunza mambo.

Svikiro rakabva rasimuka paraive rigere ndokumira mberi kwa mambo Nyati.

"Zvandamboreva paye kuti dzorai hashu mambo wangu mukadaro mokunda" rakadaro svikiro.

"Imi itiyi dyo nyaya yenyu, imi mukadzi wangu aripi" vakabvunza mambo Nyati.

"Mambo wangu ndarairwa shoko iri na mambo Samaita kwanzu ,mukadzi wamainge masarudza haachisipo akabatwa ne denda guru akaendeswa kumativi kunorapwa havana tarisiko yekuti anodzoka rini, saka vati kana makasununguka huyai henyu musarudze umwe wamunoda kana kuti modzorerwa pfuma" rakadaro jinda,mambo vakasimuka ne hashu ndokutarisa svikiro.

"Ichokwadi here ichi" vakabvunza mambo.

"Hongu ichokwadi mambo wangu,asi ndinoti itai sekureva kwa mambo Samaita zvakaenda mosiyana nazvo" rakadaro svikiro.

"Babangu Nyati iwe mashura rudzii andinoitirwa na Samaita uyu ,handizive mushe Samaita nhasi ndinoda kumuratidza kuti handiitirwe izvozvo mukadzi wangu ndiye wandiri kuda nhasi chaiye kana akamuviga achamubudisa hake ndakagara ndazviona kuti haadi naye" vakadaro mambo vachipunyaira ne hashu.

"Mambo wangu makatodya manonoko nekuti mukunda wake kutaura kudai arema" rakadaro svikiro.

"Hoo hoo saka Samaita akaroodza mwana ruviri manje anondiona nhasi, Tigere ungamidza varwi vangu vese izvezvi nhasi musha wa Samaita unosara wave dota" vakadaro mambo vachitutuma ne hasha zvekuti Tigere akabva achimhanya.

"Nyati ukazama kuterera kutaura kwangu unokunda zvamada kutanga izvi hameno ini pangu ndapedza" rakadaro svikiro ndokutakura hutowo hwake ndokuenda.

Mambo Nyati vaiita kututuma ne hasha, zvino vahosi vaingokwenya kamhino nekasiyanwa

vaitofarira chiitiko ichi.

Ne nguva isipi varwi va mambo Nyati vainge vaungana umwe ne umwe ane zvombo zvake kugadzirira kunorwa.

"Zvamunoona ndakuunganidzai kudai zvinhu hazvina kumira mushe, ndofunga mese munoziva kuti tanga takamirira kuuya kwe mukunda wa mambo Samaita zvinova zvisina kuzoita sekudaro.

Mambo Samaita vanondiona sekuti ndakapusa nguva yesei ndichigadzirira kuuya kwe mukadzi wangu iye achiziva kuti akamuroodza kare, tadzikisirwa, tarerutswa vanhu vedunhu rino Samaita anotona seiko, zvino tinoda kunomuratidza kuti pfumo ra mambo Nyati rinopisa ndizvo here!" Vakadaidzira mambo.

"Hongu mambo ,pfumo ra Nyati haripotse, pfumo ra Nyati rinopisa, pfumo ra Nyati harina mugoni" vakadaro varwi vachidaidzira zvinova zvakapa mambo Nyati simba.

Mambo Nyati ne varwi vavo vakabva vapinda munzira usiku ihwohwo vakananga kwa mambo Samaita.

-----

\*Kudunhu ra mambo Samaita\*

Mambo Samaita vainge vakabatira hana mumaoko, ziso ravo raingove munzira nekuti vaiziva kuti ndiro zuva rinosvika mambo Nyati kuzotora mhuri yavo.

Sezvineiwo ndipo pakasvika Chinembiri ,mambo vakanzwa kusununguka pamoyo.

"Mambo wangu handina nguva ndiri pano asi ndinoti kutaurirana kunokunda zvese asi mese mukada kuti haivhiyiwe ndaona misodzi ,dikita ne ropa zvaerera asi ndinoona kuti hamusi mega muhondo iyi pane ruoko rwuchakubetserai asi shoko rangu rinoramba riripamuromo wangu haribve ,mambo wangu hondo yamakatanga ihombe makarova shumba ne mbama zvakuda muchifundunyura zviri muhana menyu pachiri pedyo zvisati zvasata nekuti ndinoona mhupo inobva kurwizi yakakura makabata ropa risina mhaka zvino kutsamwa kukuru kwasimuka" rakadaro svikiro uye raiziva kuti nhau iyoyo inobata mambo, kwanzu chiri mumoyo chiri munina.

"Ngatimboitai zviripo zvimwe zvese tichazviona nekufamba kwenguva" vakadaro mambo vachisiya nyaya.

Chinembiri akabva amira akatarisa kumabvazuva.

"Zvaonekwa varinyika dzimu ndinotenda nekudzora mweya wenyu, ndinotenda nekuponesa mweya uyu mweya usina mhaka, chirambai makachengeta kusvika chipenyu chazvarwa panyika chokwadi chibude" akadaro Chinembiri ndokunokora ivhu ndokufuridzira kuchamhembe kunova kune dunhu ra mambo Mutonodza.

Chinembiri akabva aenda pana Tapiwa ndokumubata ruoko ,

"Zvaitwa mambo wangu musatye zvenyu" akadaro Chinembiri achizevezera Tapiwa.

Mambo vakashamiswa nekuita kwa Chinembiri vakazama kubatanidza mashoko ake asi airamba kubatana mu musoro wake akabva asiyana nazvo.

Tapiwa achinzwa mashoko a Chinembiri uye



kudeketera kwake akabva aziva zvazvaireva  
akanzwa kugadzikana mukati me moyo wake.

Chinembiri achangobva nhume dza mambo  
Nyati dzakabva dzasvika mambo Samaita  
vainge vapererwa mashoko asi semunhu  
mukuru havana kushaya zvekutaura.

Machinda a mambo Nyati vaona kuti vafambira  
pasina havana kugara chero nechikafu  
chavainge vagadzirirwa havana kubata vakabva  
vapinda munzira kuti vanozivisa mambo wavo  
nguva dzichiripo nekuti vaiziva kuti i hondo  
yavatarisana nayo.

Tichaona ne varwi vake vainge vatogadzirira  
kuuya kwa mambo Nyati ne hondo yavo ,vaiziva  
kuti haaizombonyarara akasiya zvakadaro ,usiku  
havana kurara vaitya kusvikirwa ne muvengi  
varere sezvineiwo pakati peusiku  
vakavhundutswa ne....

-----

Mandinzwa na Matambanepfumo zvavakabva  
kwa mambo Mutonodza vakasvika pamusasa  
wavo zuva ravira hwatove usiku vaidira kurara  
varonga mafambiro avaizaita zuva ramangwana  
sezvo ririro zuva raisvika mambo Nyati.

Mbuya Gora vachiona muzukuru wavo achisvika  
vakasimuka kunomugamuchira moyo wavo  
wakabva wasununguka.

"Makafamba zvakanaka here nhai vazukuru"  
vakabvunza Mbuya Gora asi mhinduro vainge  
vatova nayo kare nekuona chiso che muzukuru  
wavo chichipenya.

"Aiwa kutsvene mbuya vadzimu vanesu" akadaro Matambanepfumo achigara pasi.

"Makawana arisei hake muzukuru wangu" vakabvunza Mbuya.

"Tasiya hedu ave nani asi nguva yatakasvika denda rainge rakamubata zvikuru sezvo ainge apiwa mushonga wekubvisa nhumbu asi wakaramba kushanda" akadaro Mandinzwa.

"Vadzimu vanesu Samaita arikuzama zvese kuda kukuwisira pasi asi zvese zvirikuenda mudondo" akadaro Matambanepfumo.

Mandinzwa akatsanangurira mbuya vake mafambiro avakaita, mbuya vakanzwa kufara vakatenda vadzimu nekuchengeta chipo ichi.

Kuchiedza Matambanepfumo na Mandinzwa vakabva vagadzira zvombo zvavo vaida kuenda kumuzinda zuva ravira pasina anondiona.

"Nhasi ndinoda kusiya ndapa Tichaona vanga rechirangaridzo" akadaro Matambanepfumo achiisa miseve yake munhava.

"Mune moyo murefu ndirini ndakamupfuudza kare" akadaro Mandinzwa.

"Hatingadzingirire tsuro mbiri nguva imwe chete tikapedza yatakatarisana nayo iyi ndozopedzerana nedinga rangu iri" akadaro Matambanepfumo.

"But murume akuenderera makadzinzwa nhema dzaakasiya kwa Mutonodza" akadaro Mandinzwa.

"Ndichazvipedza hangu ,munhu akadai anoda rufu runorwadza uye kufa zvishoma ne zvishoma achinatso kunzwa marwadzo" akadaro Matambanepfumo ainzw kurwadziwa nekuita kwa Tichaona, dai vasiri vadzimu vake vakamuyamura iye ne mhuri yake vakaendeswa nyika dzimu.

Varume vakaswera vagadzira zvishongo zvavo, kuchivira vakabva vapinda munzira vakananga kumuzinda ,vakusvika vakabva vatsvaka muti wekukwira kuitira vaone zvese zvinenge zvichiitika zvekuti kusvika kwa Nyati ne varwi vake vainge vatozviona kare.

Kupera kwe chitsauko 35

[05/31, 7:15 PM] +263 77 702 6923: \*ON SALE  
DON'T SHARE\*

\*LOST CHILD\*

\*STORY BY\*

\*MADUBE CHISHONGO\*

\*R.MAWANDE\*

0777026923

\*CHITSAUKO 37\*

"Samaita handina nguva parura nyaya yako tinzwe" akadaro Nyati akaita kuvhurira Samaita ziso aionekwa kuti achiri ne hukasha kunyanya kurasikirwa ne varwi vake vakawanda.

"Ngatitaurirane sevanhu vakuru izvi zvatiri kuita

hazvibetseri tarira varwi vedu vaporara nekuda kwe zvinhu zvinongoda tinzwisisane" akadaro Samaita achiratidza kurwadziwa ne kuparara kwe musha wake.

"Ini chandinoda mukadzi wangu Samaita zvimwe zvese handinei nazvo" akadaro Nyati.

"Tingaswerera chinhu chimwe chete chokwadi ndicho chekuti mwanasikana wangu haachipo asi pane vamwe unokwanisa hako kusharudza waungada pane kuti tirambe tichinetserana chinhu chimwe chete" akadaro Samaita.

"Samaita unoziva kuti ndakashanda newe kubva kare takabetserana mune zvakawanda zvaunoziva, ndakachengeta pfimbi yeupenyu hwako asi nhasi wakundidai une chokwadi nazvo here Samaita chokwadi ndechekuti wakaroodza mukadzi wangu asi chokwadi chiri kunetsa kubuda mauri" akadaro Nyati.

"Kwaisave kuda kwangu asi chokwadi ndechekuti vana vanotiparira handina kunge ndaziva kuti mwana ainge ashereketa kare" akadaro Samaita akazvinipisa.

"Makatamba ne pfungwa dzangu Samaita ,makanditora sendisingafunge asi yatodeuka hayo chiunganidza vanasikana vako pamwe ndingawane anganditora moyo" akadaro mambo Nyati.

Mambo Samaita vakanzwa kusununguka pamoyo vachinzwa Nyati abvuma kutora umwe mukadzi asi hazvaibetsera nekuti vainge varasikirwa ne varwi vakawanda.

Mambo Samaita vakatuma mamwe machinda avo kuti vanatora vanasikana vavo kubako kwavainge vaisa mhuri yavo.

Vanasikana va mambo Samaita vakaunganidzwa, mambo Nyati vakasarudza



Manyara anova musikana mukuru.

"Samaita kutaure chokwadi ndangosarudza mwana wako asi hapasipo pane moyo wangu, hazvichinei hazvo asi mukadzi wangu ndinoenda naye nhasi chaiye nekuti hatidi kuzonetsana zvekare" akadaro mambo Nyati.

"Aiwa mhuri yenyu takuranai nayo" akadaro Samaita

"Chimwezve ndinokumbira nzvimbo yekuradzika varwi vangu hatingakwanise kutakura murakatira wese uyu kuenda nawo kudunhu redu" akadaro mambo Nyati.

"Aiwa pekuradzika ndinokupai musatye zvenyu" akadaro Samaita akabva araira kuti varwi va mambo Nyati varadziwe mubindu ra mbuya Gora. Kwakasara kwosviba zvidumbu zvese zvaunganidzwa mubindu ra mbuya Gora raive pedyo ne musha wavo.

"Zvaitwa Samaita asi vachachengetwa mangwana kuseni" akadaro mambo Nyati.

"Zvakanaka ndinovimba kuti hakuna chinowana mitumbi iyi" vakadaro mambo Samaita.

Husiku uhwu hwakarariwa se vanhu vakafa nekuda kwe maneto kuchiedza madzimambo akaraira varwi vavo kuti vanochengeta vamwe vavo, vachisvika kubindu riya vakashamiswa vachiona mitumbi yaka....

-----

Matambanepfumo zvaakabva na Tarunzwa

akasvika ndokumuradzika pasi ndokutsvaka  
mushonga ndokunamira paronda ra Tarunzwa  
ainge arasa ropa rakawanda.

"Murume uyu haachina simba todii nhai  
Matambanepfumo" akabvunza Mandinzwa  
apererwa ne mazano.

"Gara wakamurinda ndinodzoka" akadaro  
Matambanepfumo achipinda mukati musango,  
akanotsvaka gwenzi rinowedzera ropa  
ndokusvika ndokukacha kacha achibva a svinira  
muto wacho mu muromo ma Tarunzwa, zvino  
murume ainge ati rukutu achinzwa marwadzo,  
Matambanepfumo akatsvaka muvenga honye  
ndokuukacha zvekare ndokunama ronda riya  
ndokusunga ne rwodzi.

Tarunzwa zvaakapiwa mushonga akatanga  
kunzwa simba richidzoka mumuviri wake,  
akabva asvinura maziso achida kuona kuti  
ndivanani vange vamubetsera.

Tarunzwa akasanganidzana maziso na Matambanepfumo na Mandinzwa simba rekusimuka hameno akariwanepi ndokutanga kutiza akabva apingwa ndokupunzikira pasi achizvidzimbira.

"Yowee kani handisini ndakakuurayai kani ,endai kune akakurayai ,maiwee zvipoko kani dunhu rino rinezvipoko " akadaidzira Tarunzwa achivhara kumeso nemaoko ese apa hana ichiita kubika manhanga.

"Usaite se mbwende Tarunzwa wakamboona zvipoko zvinotakura munhu here nekumupa mushonga" akadaro Mandinzwa asvotwa nekuita kwa Tarunzwa kanganywe kuti iye akambotiza asangana na Matambanepfumo.

"Chipoko hachinei nekuti wakasimba moyo, ini rimwe gore ndakavhunika gumbo ndatiza goritoto rainetsa pasango rinoenda kwa Mapinga ,gumbo rakanetsa kupora iroro kusvika

Chinembiri azondirapa" akadaro  
Matambanepfumo.

Tarunzwa akanan'anidza ndokuona zve shuwa  
kuti vanhu ava vaive vapenyu akabata maoko  
avo ndokugutsikana.

"Varume imi muri vapenyu, makapunyuka sei,  
saka ndimi mandirwira nguva yandanga  
ndadongorera suwo rerufu" akabvunza  
Tarunzwa.

"Mubvunzo umwe chete panguva imwe  
Tarunzwa" akadaro Mandinzwa.

"Ndinokutendai varume mandiyamura nhasi  
ndingadai ndakuwadzana ne vadzimu vangu"  
akadaro Tarunzwa.

"Hatina chivi newe Tarunzwa tine vatiri kuvhima kutaura kudai" akadaro Matambanepfumo.

Tarunzwa akafara nekusangana nevarume ava, vakabva vagara pasi ndokutanga kukurukura havo vachizorora mumaneto .

"Matambanepfumo mambo Samaita vamisa hondo zvino pano toita sei" Akabvunza Mandinzwa akazembera hunde ye muti.

"Kumusasa tichachaenda mangwana nhasi ndine basa ra ndinoda kuita " akadaro Matambanepfumo achiunganidza miseve yavo yainge yasara.

"Ko Tarunzwa uyu todii naye" akabvunza Mandinzwa.

"Tarunzwa zvirinane udzokera kumba hupenyu

hwatinorarama haungaukwanise wakuvara kudai  
uyezve mambo havafanire kukushaya  
panzvimbo tine zvakawanda zvatinoda  
uzotibatsira nazvo asi zvawaona hazviudzwe  
munhu kunze kwa Nevanji chete tanzwisisana"  
akadaro Matambanepfumo.

Mandinzwa akatora nhava yake ndokubudisa  
mupakwa wavaive nawo ndokudya ndokumwa  
mvura vakabva vananaidza Tarunzwa  
ndokumusiya pedyo ne muzinda ivo ndokukwira  
mumuti vachiongorora zviri kuitika, pavakaona  
mitumbi ichiiswa kubindu ra mbuya e vakabva  
vaziva zvazvaireva, Mandinzwa akarwadziwa  
achiona vatorwa vachida kuvigwa mubindu ra  
mbuya vake.

Zuva roda kupinda muna mai varo Mandinzwa  
na Matambanepfumo vakaona Tichaona  
achikamhinha achienda kumba kwavo vakafara  
vachiona izvi vaininge voda kuchipedza naye.

"Mandinzwa ikezvino kwakusviba hatichanatso  
kuona iwe uchanditevera mushure mangu

ndinoda kumbonotambisa murume uyo chamutangure, ukaona otiza unonomira mberi kwake" akadaro Matambanepfumo achiburuka mumuti vakabva vadungamidzana vakananga divi raienda na Tichaona.

Matambanepfumo akamhanya ndokunomira nechemberi kwa Tichaona ndokubaira museve pasi.

Shasha yaitofamba zvayo ichikamhinira haina kuziva kuti mberi kunei.

-----

Tichaona achisvika kumuzinda akashamiswa achiona Tapiwa aripo pamuzinda akashamisika kuti angave ani chaizvo ainge amupfura ne museve, akatsvaka angave muvengi wake asi akamushaya.



"Warwa se mvumba Tichaona chero hazvo musha wedu waparara" vakadaro mambo vachichingura Tichaona.

"Asi muno mudunhu mune ane daka neni chete ndoshaya kuti ndiani andipfura ne museve iyo hondo yanga yapera" akadaro Tichaona.

"Hapana mushonga unobatira pasina ronda"akadaro Tapiwa.

" iyi haisi nhau yekutamba nayo hakasi kekutanga munhu uyu achindivhima manje pandichamubatira hapameri bvudzi" akadaro Tichaona.

"Kuti angave ani varwi vose vaungana pano" vakadaro mambo Samaita.

"Tarunzwa haapo pano, chero pane zvitunha haapo" akadaro umwe wevarwi.

"Uyo arikubva neuko" akadaro Tapiwa achinomuchingura.

Mambo vakashamisika vachiona achikonewa kufamba vakabva varaira kuti aiswe muimba yekurapira apiwe mushonga,Tapiwa akabva atevera aida kuziva kuti chii chaitika ,Tarunzwa akatsanungura zvese zvaitika paari ,Tapiwa akanzwa kudada nevarume ava vaininge varwa vamire.

Tichaona haana kuzomira pamuzinda akabva atora nzira ye kumba kwake mukadzi wake aiziva makwenzi ekurapa saka aiziva kuti aizonorapwa ronda rake.

Tichaona akavhunduka achiona museve wakabairwa munzira inoenda kumba kwake akabva aziva kuti muvenge wake aripedyo.

Akabva a nyenyeredza museve uya ndokutanga kufamba akashamiswa achiona kumberi kwake kwakamira munhu, Tichaona akavhura muromo achishamiswa ne munhu waakaona mberi kwake, akatanga kudududza zvishoma ne shoma angoona kuti akukwanisa kutendeuka akabva ati chitsoka ndibereke achidzokera kumuzinda zvekuti gumbo rinorwadza akambozviisa padivi , asina kure kwaaenda akarohwa ne hana achiona mberi kwake futi kwa mira Mandinzwa.

Murume akatanga kubuda dikita achiona zvipoko mberi kwake, akabva asiya nzira inoenda kumuzinda ndokutanga kumhanya nedivi rekudzima, ainzwa miseve ichitambira mumakumbo ake, achinoti pote kuti asvike pamusha wa Togarepi akasangana na Matambanepfumo futi achibva achinja nzira ndokutora inoenda kumba kwa Matambanepfumo .

Tichaona akamhanya zvekuti akashaya kuti asvika sei pamusha wa Matambanepfumo zvino ainge ongorotomoka.

"Ndisiyei kani, hakusi kuda kwangu

ndakangotumwawo, ndisiyei kani ndapfidza hangu" akadaro achingomhanya chete zvekuti akatanga kunzwa kupera mweya zvishoma ne zvishoma ndiye zii.

Tichaona akazopepuka akarara pamusoro peguva rainge rakaradzikwa mutumbi wa Matambanepfumo, akasimuka achida kutiza ndokuona akasungwa mbiradzakondo , murume akatanga kudaidzira asi hapana akamunzwa, murume akarara husiku hwese achingoshanyarika aripo paguva iri ,akatanga achachema dzamara ongovhunduka chati pfoko , kwakaedza murume atambura akapfidza kuti kuuraya munhu haisi nyore.

Kwakati kuchiedza Tichaona ndokuona murume aienda kunotarisa musungo yake akabva amudaidzira zvekuti murume uyu akazodzoka amborova nhanho mbiri kuri kutiza.

"Ko Tichaona uri kutsvakei kumarinda kuseni kuno" akabvunza murume uya.

"Ndakavhiringwa ne zvipoko manheru zvekuti kumuka ndiri mupenyu kuchengetwa" akadaro Tichaona achizvitwasanudza maoko ainge akurwadza nekusungwa kwaainge akaitwa.

"Aya mashura zvakamboitikepi mudunhu rino ,asi unoziva nezvekutsakatika kwa Matambanepfumo ne mhuri yake" akabvunza murume uya achishamiswa ne chiitiko ichi.

"Handina chandinoziva ini ,unoti dai ndaive chandinoziva ndamuka ndiri mupenyu here" akadaro Tichaona achizvizunza mavhu.

Tichaona akatenda murume uya nekumusunungura kwaakaita achibva ananga kumuzinda ne shena yake aida kunozivisa mambo Samaita zvaakasangana nazvo, Tapiwa achiona Tichaona achisvika akatadza kuvhara

setsa achibva adambuka nekuseka zvinova  
zvakagumbura Tichaona.

Kupera kwe chitsauko 37  
[05/31, 7:15 PM] +263 77 702 6923: \*ON SALE  
DON'T SHARE\*

\*LOST CHILD\*

\*STORY BY\*

\*MADUBE CHISHONGO\*

\*R.MAWANDE\*

0777026923

\*CHITSAUKO 38\*

Mambo Nyati na mambo Samaita  
vakashamiswa vachiona zvidumbu zve varwi va  
mambo Nyati zvakapiswa kusara dota ,zvino  
mambo Nyati vainge vohuta ne hashu.

"Samaita une chokwadi here nezvandiri kuona  
izvi" vakadaro mambo Nyati.

"Ndiri kutoshayawo kuti zvirikufamba sei ini  
zvatakangosiya zvakanaka wani" vakadaro  
mambo Samaita vachishamiswa ne chiitiko ichi.

"Ndoziva sei kana wakatuma vanhu vako  
kuzopisa, une chokwadi nazvo here dai waisada

kuti ndichengetere varwi vangu kuno wakataura takarara tichitakura usiku hwese" akadaro mambo Nyati.

"Na baba vangu varipachuru Nyati ndinorevesa handizive kuti ndiani aita izvi" vakadaro mambo Samaita.

"Ko tiri mudunhu maniko ndiani angaite chinhu chakadai asina kupiwa shoko rinobva kwauri ,zvino ndinopika ne vadzimu vangu iyi mweya yeverwi vangu ichakudzokera" akadaro Nyati.

"Zvimwe zvinoda kunzwisisana munoti ndingaite chinhu chakadai here?" Akadaro Samaita.

"Ini ndakuenda kumusha kwangu ndichagarirei pano ,asi ndinokuudza kuti Samaita uchanditevera chete wamutsa hondo yanga yazvirarira hayo" akadaro Nyati akabva araira



varwi vake kuti vaunganidze dota rese vachibva varitakura.

"Ndizvo zvawanga uchida Samaita izvezvi ndakunoviga varwi vangu vave dota" vakadaro mambo Nyati vachifamba kuenda kumuzinda vainge vatofunga kwavo.

Mambo Samaita vakazama kuonesa Nyati kuti havana kuisa ruoko pazvidumbu izvi asi zvakashaya basa mambo Nyati vainge vapakira zvitanda munzeve.

Kunyange zvazvo mambo Nyati vainge vagumbuka ne zvainge zvaitwa na mambo Samaita asi havana kusiya mhuri yavo ,havana kuda kumirira kupiwa chekusvusvura kuseni vakabva vatopinda munzira.

Mambo Samaita vakasara ndokugara pa dare ne mwanakomana wavo pfungwa ne dangariro zvainge zvavabaya ,vakazama kufunga kuti

ndiani angaita zvakadaro zvavasina kuraira kuti  
zviitwe mambo vakaita sevachaputsika musoro.

"Mambo wangu mune chokwadi chekuti hamuna  
kuisa ruoko pamusoro pe zvidumbu izvi"  
akadaro Tapiwa aona kuti baba vake  
vashungurudzika zvakapedzisira  
zvakumunzwisa ngoni.

"Chivara ndinopika na baba vangu Dube handina  
chandinoziva pazviri ndatoshamiswa nazvo"  
vakadaro mambo.

"Zvino angava ani aita zvinhu zvakadaro, pamwe  
vadzimu ndivo vatumira moto pamwe  
vagumbuka nekuisa mitumbi mumunda  
mambuya Gora mushakabvu" akadaro Tapiwa.

"Kubva ndichizvarwa hakuna mashura akadaro  
akaitika zvatotanga nhasi, zvirinani nditume  
munhu kuna Chinembiri auye tinzwe kuti chii  
vadzimu vagumbukei" vakadaro mambo Nyati.

"Zvikada pamwe....." Tapiwa akagurisirwa na Tichaona akasvika padare ,achiona shena yaaive nayo ungati munhu aiumburuka mudota, chiso chake chaita semunhu anoda kuchema, Tapiwa akabva abvaruka nekuseka.

"Mambo wangu mungatoseka henyu zvinhu hazvina kumira mushe" akadaro Tichaona achitura befu semunhu anga achimhanya.

"Tichaona zviiko zvandiri kuona mberi kwangu " vakabvunza mambo.

"Mambo hakuna kumira mushe zvipoko" akadaro Tichaona.

"Taura nyaya yako Tichaona wati zvipoko zvadii" vakadaro mambo vateya nzeve panyaya yainge yauya na Tichaona.

"Mambo wangu handina kurara usiku hwese ndichitambiswa chamutengure ne zvipoko" akadaro Tichaona.

"Kutanga rini mudunhu rino muchionekwa zvipoko nhai Tichaona asi njere dzako dzakurasika" akadaro Tapiwa.

"Mungati ndingapenge kuti ndakaona zvipoko manheru, ndinorevesa kuona chipoko cha Matambanepfumo na Mandinzwa zvigoti dza kundidzingirira kusvika parinda ratakaradzika Matambanepfumo" akadaro Tichaona achiita kuhuta.

"Ukurevesa here Tichaona zvipoko chaizvo here kana kuti urikutura zvawakarota madeko" vakadaro mambo Samaita.

"Mambo wangu moti ndingapenge zvekuuya kuzotaura chiroto pamberi penyu, zvamunoona shena kudai ndakarara ndichiumburuka parinda ra Matambanepfumo ndakasungwa mbiradzakondo" akadaro Tichaona.

Mambo vakaona kuti Tichaona anenge aitura chokwadi ne zvaakasvika ari , zvino mutoro uya wainge womuremera, zvoti zvidumbu zva mambo Nyati zvakamuka zvakapiswa tevere Tichaona ouya achiti akaona zvipoko mambo Samaita vakaona kuti kunze kwasunama zvinhu hazvisisisina kumira mushe.

"Asi une chaunoziva nekufa kwa Matambanepfumo na Mandinzwa here nhai Tichaona nekuti hapana chipoko chinoteerera munhu asina mhaka" akadaro Tapiwa akasiti ndee maziso pana Tichaona.

"Mambo wangu handina chandinoziva ini munoti ndingavaitei unongori munyama kutererwa ndisina mhaka " akadaro Tichaona.

"Usanetseke Tichaona rega nditume munhu kunodana Chinembiri nekuti zvakuituka mudunhu rino handichazvinzwisise ,izvezvi madeko apfuura zvidumbu zve varwi va mambo Nyati zvamuka zvakaita dota." Vakadaro mambo Samaita.

"Zvipoko chete hakuna chimwe pamwe Mandinzwa na mbuya Gora vakatsamwa nekuda kuisa zvitunha mumunda mavo manje ini handichazvikwanise mambo wangu ndozvikepi ndichinzwai chasara kumuka ndakabairwa kuhope mambo wangu gadzirisai zvinhu izvi pachiri pedyo" akadaro Tichaona apererwa ne zano.

"Dzikamisa hana Tichaona zvinhu zvidiki izvi

zvekuti Chinembiri akangosvika zvinopera" vakadaro mambo vatoona kuti Tichaona angapedzesera arotomoka zvisizvo.

"Mambo wangu muno mudunhu mune chakavanzika chirimo chete iri harisiri shura chete rataona nekunzwa ,nezuro ndakaona shura moziva divi rekumaodzanyemba varwi va mambo Nyati waingoona vave murakatira waitoshaya kuziva kuti ndiani arikurwa navo, ndakambozama kuongorora asi ndakazvishaya ini waingoona miseve chete ichibva nemumiti" akadaro Gurajena anova muchengeti wa mambo nguva yesei ainge akanyarara achida kunzwa kunoenda nyaya.

"Hadzisi nhema nekuti divi rekumaodzanyemba ndainge ndisina kuisa varwi ini saka vaiurayiwa nani" akadaro Tichaona achiratidza kufunga zvakadzama.

"Zvedunhu rino zvandikandisa mapfumo pasi dai Matambanepfumo aive mupenyu ndaiti ndiye

nekuti pfumo ne miseve anoziva basa rayo, asi  
zvizhinji tichazvinzwa kana Chinembiri auya"  
vakadaro mambo Samaita.

"Zvakanaka mambo wangu regai ndisvike  
parwizi ndibvise shena iyi ndikasvika ndakadai  
chero vana vanotiza" akadaro Tichaona  
achioneka mambo.

Zvino gumbo riya rainge rochirwadza  
raakapfurwa ne museve, murume mukuru  
akatanga kuyaura kuenda kurwizi kwakamuitira  
gore.

"Kuti chingave chipoko chaindiviringa ne museve  
kudai, asi kana chipoko chingakwanise kubata  
museve here iwo uri mweya unenge  
uchizvifambira, kuti angave ani ,yaaa nhasi  
ndadzidza munhu haaurawe saizvozvo dai  
Chinembiri akasira kusvika atsipika mweya iyi  
chero mombe ndomupa hangu nekuti haisi  
nyore kuvhiringwa ne zvipoko " aitura ega  
Tichaona nguva yaaigeza shena yaaive nayo.



"Mambo wangu mukati Tichaona haana chaanoziva here nekufa kwa Matambanepfumo na Mandinzwa nekuti zvaitika nhasi handina kuzvinzwisisa" akadaro Tapiwa achida kunzwa kuti baba vake vangamuudze chokwadi here.

"Tapiwa, Tichaona ndinomuziva kubva kare haangaite izvozvo ndiri kutofunga kuti zvikada pane munhu akazviita ndiye ari kumusundira mweya wevafi" vakadaro mambo.

"Ah kana zviripo zvichabuda hazvo hapana chinogara chisi kwacho" akadaro Tapiwa.

Mambo Samaita vakadana nhume dzavo ndokudzituma kwa Chinembiri vaida kuvhunzira chiitiko chakaitika madeko apfuura.

-----

"Rume rinomhanya iri waona maurukiro aanga achiita makwenzi here" akadaro Mandinzwa achifa ne kuseka.

"Yaaa chipoko chinotywa ndapa kutenda hangu,Tichaona angatye kusvika apera mweya kudaro" akadaro Matambanepfumo.

"Asi nhasi tamugona paari haasi kufema nekutya" akadaro Mandinzwa.

"Manje handisati ndatanga naye achapfidza matadzo ese" akadaro Matambanepfumo.

"Asi nhai mukuru wangu munoti zvaitwa na mambo zvekuda kuviga vatorwa mumunda mambuya vangu zvakanaka here" akadaro Mandinzwa achiratidza kurwadziwa ne chiitiko ichi.

"Mandinzwa ateya mariva muritsva haachatyi kusviba magaro, isu handei tinopisa zvidumbu izvi ndoziva Nyati akaona rave dota haasiye hatingaregi mudunhu redu muchizadzwa vatorwa vese ava chinangwa cha Nyati ndechei vadii kunovaviga musango" akadaro Matambanepfumo.

"Hazvisi zvinotiisa panjodzi here tikabatwa" akadaro Mandinzwa.

"Kusiri kufa ndekupi Mandinzwa izvezvi tirikutambisa nguva hande tinopisa tigowanawo

nguva ye kuzorora mangwana tine basa rakawanda" akadaro Matambanepfumo na Mandinzwa vachibva vaenda kumunda kuya,vakatanga kuunganidza varwi vese panzvimbo imwe chete,vakabva vaenda pamusha wa mbuya Gora ndokutora huni dzese dzive pabakwa ndokudziisa pamusoro pe zvidumbu zviya vachibva vatungidza moto, varume ava vakasiya vanatsokuona kuti hapana chasara kunze kwe dota ndokuenda kunotsvaka pekuzororera zvavo.

Kuchiedza varume vakamuka ndokuenda kurwizi kunogeza dikita zvese ne ropa ravainge vazara nguva yavaisenga zvidumbu, zvino nzara yainge yovabvunza mutupo vakashaya kana nekai kekuisa mu muromo.

Varume vaviri ava vakavhundutswa ne chinhu chakati pfokocho vese vakasimudza musoro ndokusangana ne umwe we machinda a mambo Samaita, murume uyu achiti baa kuona Matambanepfumo na Mandinzwa akabva ati chitsoka ndibereke akananga kumuzinda.

"Maiweeee zvipoko, dunhu rino rine zvipoko, maiwe ndisiyei handisini ndakakuurayai hangudzokerai akaisa ruoko pamuri" rakadaro rume guru ndokusvika richiti zii pa dare.

Mandinzwa akazama kumudzingirira asi zvakashaya basa rume raiita ushamwari ne mhupo.

"Manje murume uyu wekutiza ko kana akanotirevera hedu kuna mambo zvikaziikanwa kuti tiri vapenyu" akadaro Mandinzwa.

"Hapana chatichatya Mandinzwa ndoziva nguva yedu yekuziikanwa have pedyo" akadaro Matambanepfumo.

"Zvakanaka ko tadii hedu tambodzokera kumusasa kunotsvaka chekuisa mumuromo mudumbu makuchema nzara" akadaro Mandinzwa achibata dumbu rake .

"Totokanda tsoka nekuti nhasi ndinoda kuona Chinembiri asati adzokera sezvo taona nhume dzanga dzichiendako" akadaro Matambanepfumo.

"Ko kuna Chinembiri munenge modei futi"akabvunza Mandinzwa achishamiswa nazvo.

" Mandinzwa ndine hope dzandinosangana nadzo nguva ne nguva dzine chirevo chete dzandinetsa hope idzodzo " akadaro Matambanepfumo.

"Titurireiwo tinzwe pamwe ndingadudzire" akadaro Mandinzwa achiseka hake.

"Idzi dzinoda vane maziso ne pfungwa dze mweya Mandinzwa, dzine upenyu ne rufu mukati" akadaro Matambanepfumo Mandinzwa achibva asiyana nazvo.

Vakabva vananga kumusasa wavo uko kwavaida kutsvaka chekuisa mu muromo.

Kupera kwe chitsauko 38[05/31, 7:15 PM] +263 77 702 6923: \*ON SALE DON'T SHARE\*

\*LOST CHILD\*

\*STORY BY\*

\*MADUBE CHISHONGO\*

\*R.MAWANDE\*

0777026923

\*CHITSAUKO 39\*

\*Kudunhu ra mambo Mutonodza\*

"Nhai muzukuru kugara wakabata shaya  
kwakanaka here" vakabvunza mbuya Mutonodza.

"Kungagoipei hako mbuya kufunga hangu kuti  
hupenyu hwangu hwakanangepi  
chaizvo"akadaro Zvikoni.

" Chanyanya kukushungurudza chii nhai



muzukuru " vakabvunza mbuya.

"Mbuya hongu murume e ndinomuda asi dambudziko riri pavabereki vangu havadi kana kunzwa ne zva Mandinzwa kana kuda kuona mubvuri wake, zvino tichawanepiko pekugara pakasununguka kana kuri sekudunhu kwedu vari kutofunga kuti Mandinzwa akafa" akadaro Zvikoni achiratidza kusuwa pachiso.

"Chandinodira murume wako Zvikoni anokuda ndinovimba kuti achazama kuti uwane pekugara pakasununguka paari iyezvino ndinoziva kuti arikutoshushikana ne nhau iyoyo" vakadaro mbuya.

"Ndizvo hazvo mbuya asi hazvina chiedza tinonogarepi kusingaziikanwe na baba vangu kuno hakutoiti nekuti vakazviziva tinenge takuparirai mbuya" akadaro Zvikoni.

"Usanyanya kufunga muzukuru wangu hazvina kunaka Ku mwana wawakatakura hazvizode titambure kana nguva yako yasvika" vakadaro mbuya Mutonodza.

"Mbuya ndingatadze kufunga here ne mamiriro enyaya iyi"akadaro Zvikoni.

" Chete mai vako havaziikanwe pavamire ndaizama kutaura navo tionesane panyaya iyi, asi iwe Zvikoni unonatso kuziva hunhu hwa baba vako chakakutadzisa kuti unowanikwa kwa Nyati chii handi unoona zvimwe unozviparira wega" vakadaro mbuya.

"Mbuya ndinokumbira kubvunza kuti imi zvamakawanikwa na Sekuru makaita zvekumanikidzwa here kana kuti makada mega, uye mukatarisa zera rangu na mambo Nyati munoona zvichienderana here" akabvunza Zvikoni.

"Nzira dzekuwanikwa nadzo dzakasiyana Zvikoni hongu vamwe vanoita zvekutanga vawirirana asi vamwe ndivo vanoita zvekitsvakirwa varume se zvawakaitwa vamwe ndivo vanoita zvekutema ugariri ,asi iwe ne kuziva kwaunoita vabereki vako ungadai wakangoita zva vanoda tarisa ikezvino wakutambura kuti tizive kuti Nyati achafungirei baba vako hatizive" vakadaro mbuya.

"Zvimwe ndingaite mbuya kwete kuti ndotowanikwa ndichiti murume wangu kuna sekuru vakaita sa mambo Nyati , aiwa zviri nani nditambure ndiri pamunhu wandinoda " akadaro Zvikoni zvekuti mbuya vakanatso kuona kuti rudo rurwi pavaviri ava rwakakomba.

Zvikoni zvaakasara dangariro ne pfungwa zvaingove kuna Mandinzwa, ainzwa kusurukirwa kana asiri pedyo neumwe wake.

Zuva rekuti mambo Nyati vaiuuya Kudunhu ra mambo Samaita hana aya Zvikoni yakaswera ichirova achifunga kuti chingave chii chingaitike

ikoko.

Waainyaya kufunga ndi Mandinzwa na Tapiwa sezvo vaininge vasati vamborwa kana kusangana ne hondo,Zvikoni aive ne chokwadi chekuti mambo Nyati vaizorwisa vabereki vake nekuda kwake akatanga kuzvipa mhosva kuti dai akangoterera zvaidiwa ne vabereki vake.

"Mbuya zviri nani ndidzokere Kudunhu redu ndinochenura vabereki vangu kuti ndakaita misikanzwa ndega zvisina vabereki vangu mukati nekuti mambo Nyati vachafunga kuti baba vangu vakanditizisa kuti ndisawanikwe naye" akadaro Zvikoni achiratidza kushungurudzika.

"Hongu zvauri kutaura zvine musoro asi chero ukadaro zvigogadzirisei, tarisa hausisiri musikana akazara warema pamusoro pazvo zvino chinangwa chako chekuendako ndechei nekuti hakuna mambo anowana musikana asina kuzara" vakadaro mbuya.

Zvikoni akaona kuti mbuya vake vaitaura

chokwadi kuenda kwake hakwaibetsera nekuti mambo Nyati havazomuwana ne zvaanga ari. Akabva asiyana nazvo ainge ari mazvokuda mavanga e nyora.

"Mandinzwa chido chemoyo wangu ndoziva uri pakutambudzika uri kurwira rudo rwedu, tarisa watarisana ne hondo ya Nyati nekuda kwe rudo urwu asi ndinovimba uchakunda, ndinovimba kuti uchazoonawo mwana wako wandakatakura, ndinovimba tichave ne rugare" akadaro Zvikoni akarara zvake nemanhede achipurizira kadumbu kake kainge kasati hako koratidza kuti arema.

Musi uyu aimufunga zvakanyanya nekuti ndiro zuva raiuya Nyati asi haana zvaaikwanisa kuita. Musi uyu haana kurara dzakati twasa aingovhunduka usiku hwese kusvika kwaedza.

Kuchiedza Zvikoni akamuka ndokuenda ku matamba aida kuvaraidza nguva nekurerutsa pfungwa pakufunga umwe wake.

"Mwanasikana wa Samaita wakanaka" akadaro umwe murume.

Zvikoni akavhunduka achiona umwe we machinda a mambo Nyati ari mushure make.

"Kwakanaka hako" akabvunza Zvikoni.

"Kuyemura zvangu mwanasikana wa Samaita akaumbwa kudaro" akadaro Ticharwa.

"Zvakanaka" akadaro Zvikoni achitora matamba ake akuda kudzokera kumba kwa mbuya vake murume uya achibva amubata ruoko.

"Nditendere ndiise moyo wangu pauri, ndatorwa moyo newe mwanasikana chese chaunoda ndokuitira chero mambo Samaita vakati vanoda nyanga ye nzou ndinosva ndatsvaka hangu" akadaro Ticharwa.

"Ndisiye mhani nekuti ndichasvika ndichitaura kuna mambo Mutonodza zvauri kuita" akadaro Zvikoni achihwirwisa ruoko rwake.

"Zvawave munhu mukuru nhai mwanasikana uchaeswera uchanoreva kuti ndapfimbwa here" akadaro Ticharwa.

"Imi ndisiyei mhani munooni sekuti ndichiri musikana here ini ,makadya manonoka nekuti manje manje ndinenge ndave mai" akadaro Zvikoni atooni kuti baba ava vangamushingurudze aisave hake murume anoshoreka.

"Mwanasikana wa Samaita usade kundisetsa iwe nezvauri ne mashoko ako hazvipindirane wanzwa ,unoti ndingakone kukuchengeta here" akadaro Ticharwa.

"Chindisiyai ndiende kumba kana muchida ne zvangu muchazoonza mbuya vangu kwete kuita zvekunditevera musango" akadaro Zvikoni zvinova zvakasunungura moyo wa Ticharwa achibva amuregedza.

Zvikoni akaona kuti akasadaro aiswedzwa musango na Ticharwa akadamba chaakaendera oga kumatamba.

Ticharwa zvaakatenderwa kunoonza mbuya Mutonodza na Zvikoni, akabva aenda unovhima ndokubata mhembwe ndokuenda nayo kwa mbuya Mutonodza aida kutsvaka kudiwa na mbuya kuitira kuti vamubetsera pakuwana moyo wa Zvikoni.

"Ah Tigamuchire Ticharwa nhasi watifungawo" vakadaro mbuya vachitambira Ticharwa, uyu Zvikoni ainge akazembera zvake pa ibwe raive pachivanze atobatirwa ne hope nekuzvimbirwa ne matamba, akavhunduka achinzwa inzwi ra Ticharwa akaziva zvaafambira.



"Ndati ndivigirewo mbuya muto uyu mumbochinjawo nekuti muno manzwa nedze mombe ne mbudzi" akadaro Ticharwa achinyemwerera.

"Aiwa chokwadi magona ye mhembwe inozipa nhasi tozviruma rurimi ne ura hwe mhembwe" vakadaro mbuya.

"Chitondipai chekuvedzengesa ndisiyei ndakugadzirirai" akadaro Ticharwa achibva apiwa ndokuvedzenga mhembwe iya zvese nekusuka matumbu acho zvese zvaive mumeso a Zvikoni.

"Waita hako muzukuru rega nditogadza hadyana pamoto" vakadaro mbuya .

"Mbuya muchiona ndasvika kudai ndine kanyaya kadiki kandiinako asi kanoda imi mbuya ve munhu" akadaro Ticharwa achitsvaka pekutangira nyaya yake.

"Kwakanaka hako here nhai Ticharwa" vakabvunza mbuya asi se munhu mukuru vange vatoiona nyaya yese.

"Mbuya ndatorwa moyo ne muzukuru wenyu uyu Zvikoni mwanasikana wa mambo Samaita" akadaro Ticharwa akatarisa pasi. Mbuya vakaseka havo ndokudana Zvikoni kuti apinde mumba.

"Ticharwa uchireva muzukuru wangu uyu here" vakabvunza mbuya.

"Hongu mbuya ndambosangana naye rungwanani akandipa mvumo yekuti ndikuonei sa mbuya vake" akadarwa Ticharwa.

"Ah zvakanaka ini handina chandinopindira pazviri kutaurirana kwenyu chete" vakadarwa mbuya vachida kuti Zvikoni azvitaure nhau yake pachake.

"Mbuya Ticharwa ndasangana naye hongu asi chokwadi che zva ndiri ndamuudza asi atadza kunzwisisa zvino ndati kuda mukamutsanangurira murimi angakwanise kunzwisisa" akadarwa Zvikoni.

"Ticharwa muzukuru wangu Zvikoni anga akuudza hake chimiro chiripo, ichokwadi ndizvo zvaari murume wake akatobva marimwe zuro pano akasiya ati ndichengetedze mukadzi wake" vakadarwa mbuya.

"Nemiwo mbuya manga matosana kuudzwa nhema ne muzukuru wenyu, kana asingadide ngaataure chokwadi chete kuvanda ne nhema" akadaro Ticharwa.

"Nezera rangu nderekuti ndingaswera ndichitaura nhema ndowanei pazviri asi ndicho chokwadi kutaura kudai Zvikoni akarema angomirira zuva rekuzotorwa ne murume wake" vakadaro mbuya Mutonodza.

Ticharwa akaona kuti mbuya vanenge vanotaurwa chokwadi akanzwa kubitirirwa ne kubaiwa pamoyo nekudya manonoko, haana kuzogara akabva aoneka asi mufaro pachiso panga pasisina.

"Nhai Sahwira ukazenge wakasuruvara chii ,ndiudze pamwe ndingabatsira" akadaro Sahwira wa Ticharwa.

"Haripotse unoziva kuti kana une chinhu chaunoda ne moyo wese chotorwa neumwe munhu unonzwa sei" akadarwa Ticharwa.

"Apa ukuzama kurei nhai Ticharwa" akabvunza Haripotse.

"Unoona mwanasikana wa mambo Samaita akauya mudunhu rino moyo wangu ndipo pawagara asi ndipo pondoudzwa kuti ndakadya manonoko" akadarwa Ticharwa.

"Nhawe Ticharwa swedera pedyo neni ndikuzevezere zvisanzwika madziro ane nzeve" akadarwa Haripotse achikwevera Ticharwa pedyo naye.

"Unondiudza kuti runyerekupe ririkufamba mudunhu rino hauna kurinzwa here" akabvunza Haripotse.

"Handina chandinoziva ini" akadarwa Ticharwa.

"Iwe zvazara dunhu rese kuti mwanasikana wa mambo Samaita akaunzwa kuno ne nhau yekuti akazvitakura uye nhumbu inoda kubviswa, zvinonzi murume akamuremadza munongwa zvake asina rudzi kana hama zvayo, asi zvinonzi nhumbu yacho yakaramba kubva zvinova zvakaita kuti abatwe ne denda guru kusvika madzimbuya azvikonewa murume wacho akatevera ndiko kurarama kwakaita Zvikoni" akadarwa Haripotse aiita achicheuka kuti hapana ari kumunzwa here.

"Ichokwadi here ichi kana kuti ndiri kurota, aiwa Haripotse musikana uyu ndomuda hangu kwete nhema dzauri kundiudza" akadarwa Ticharwa aisagutsikana ne mashoko a Haripotse. Asi pane chimwe chinhu chakapinda mupfungwa dzake.

"Haripotse wati iwe murume akaremadza Zvikoni haadiwe na mambo Samaita, zvichireva kuti kuuya kwake kuno zvaitove kunze kwe murairo wa mambo" akadarwa Ticharwa.

"Hongu Ticharwa asi usafunge kuita zvakaipa chiso chako hachisi chako " akadarwa Haripotse.

"Waita basa Haripotse" akadarwa Ticharwa achibva aoneka umwe wake.

Kupera kwe chitsauko 39

[05/31, 7:15 PM] +263 77 702 6923: \*ON SALE  
DON'T SHARE\*

\*LOST CHILD\*

\*STORY BY\*

\*MADUBE CHISHONGO\*

\*R.MAWANDE\*

0777026923

\*CHITSAUKO 40\*

\*Kudunhu ra mambo Samaita\*

Pakabva Tichaona achinogeza tsvina yaakarara  
achoumburuka mambo vakasara vachipishana  
ne pfungwa kuti chii chaizvo chakuitika  
mudunhu ravo, murume mukuru akakwenya  
mhanza a kwenyazve.



Murume wekusangana na Matambanepfumo na Mandinzwa kurwizi akasvika padare achimhanya chifuva chirimudenga mweya wekufema wainge wave mu shoma.

"Ma ma mbo zvi zvi po ko ku rwi zi"  
akadaro murume uya achiita kugura mazwi.

"Zvino ukataura uchiita seunodzingirirwa ndingazive kuti chii chaitika here" vakabvunza mambo kumurume uya.

"Nda nda nda sangan ne zvipoko masikati machena akadai kurwizi uko" akadaro murume uya.

"Zvipoko" vakakatyamara mambo.

"Hongu mambo wangu ndaona chipoko cha Mandinzwa na Matambanepfumo kurwizi uko zvichigeza" akadaro murume uya.

"Chinzwai kuhumana koita murume uyu chipoko chakambogeza sarini" akabvunza Tapiwa asi ainge abata nyaya yese.

"Ichokwadi chandiri kunzwa here ichi chiiko chirikuitika mudunhu rangu nhai" vakadaro mambo vachiratidza kupererwa.

"Mambo wangu ndinorevesa pazvandiona zvikati zvatanga kundidzingirira ndapona nekutiza dai zvisizvo hameno ndiripai" akadaro murume uya.

"Zvipoko zvakambofamba masikati akadai here usade kutinzwa matama edu zvimwe waresva kuona ukaita dzungu rekutiza" akadaro Tapiwa.

"Hadzingave nhema Tichaona abva pano achiti akazviona madeko, zvinhu hazvisisisna kumira mushe Mbizi" vakadaro mambo.

"Kubva chibariro changu handina kumbonzwa kuti chipoko chaonekwa masikati uye chichigeza zvinotoshura chete izvi mambo wonai zvekuita dunhu rashata iri " akadaro murume uya.

"Chienda zvako kumba kwako ndichazvigadzirisa zvikada vanhu ava vakagurisirwa hupenyu hwavo panziravzvino mweya yavo inenge ichingotenderera mudunhu isina kwekuenda" vakadaro mambo murume uya achibva aenda zvake asi aingofamba achicheuka cheuka achiti kuda angasangana nazvo zvekare.

"Mambo wangu dunhu harisisina kumira mushe ndinoshuvira kuti wese akaisa ruoko pamusoro pa Mandinzwa na Matambanepfumo aoneswe chitsvuku chaicho zvekuti chokwadi chibude pachena nekuti firo yevanhu ava haina kujeka zvachose" akadaro Tapiwa.

"Zvine kaviri Chivara umwe anenge akazviita anogona kusundira mweya wemufi kune vasina mhaka"Vakadaro mambo .

"Hakuna mushonga unobatira pasina ronda mambo wangu zvine chirevo izvi "akadaro Tapiwa.

"Zvizhinji tichazvinzwa kana Chinembiri auya" vakadaro mambo asi hana yavo yaiita kuvhundukira.

Mambo vainge voshamiswa ne zvaitika mudunhu ravo ,hongu se munhu mukuru vainge vakabata zvakawanda zvichingorova asi apa zvainge zvoda kuvakurira.

Chinangwa chavaidira Chinembiri kutsipika mweya wainge wanetsa mudunhu ravo, uye kuda kuziva kuti mitumbi ye varwi va mambo Nyati yakaonei madeko apfuura, mambo vakaswera vachitenderera vachiti vakakwidza vakadzika.

Zuva rorova nhongonya mambo vakashamiswa vachiona....

-----

Mandinzwa na Matambanepfumo zvavakabva kumusasa wavo vainge vadya vazadza matumbu avo havana kuda kutambisa nguva vakabva vapinda munzira vakananga kunzira inobva kwa Chinembiri.

Varume vakasvika ndokugara vari kure ne nzira vakamirira munhu wavo.

"Wafungeiko nhai Mandinzwa zvawabata shaya kudaro" akabvunza Matambanepfumo aona umwe wake ati zii akagere padombo.

"Mukuru wangu mukati ndichavewo ne rugare wo here, ndichagara wo zvakasununguka here ndisingatye kuurawa,ndichagarawo pedyo ne mhuri yanguwo here, mwana wangu achabarirwa pedyo neniwo here, ndichave ne hugaro hwakati tasa here" akadaro Mandinzwa achiratidza kushungurudzika kukuru.

"Usazvidye moyo Mandinzwa mumoyo mangu ndikunzwa kuti chokwadi chave pedyo kubuda pachena mufaro wave pedyo" akadaro Matambanepfumo.

"Chero chikabuda pachena asi hazvichinje kuti ndiri munongwa ,handina kana gwara rekuti ndingatsvake hama dzangu ivowo vabereki vangu mukati vapenyu here vasingafunge kuzotsvakawo zai ravo ravakarasa makore makumi maviri ne masere apfuura" akadaro Mandinzwa.

"Usazvidye moyo Mandinzwa hapana chinogara chisi kwacho ,rimwe zuva uchawana hama dzako,uchaziva rudzi rwako ini mweya wangu urikundiudza izvozvo" akadaro Matambanepfumo achizama kusimbisa umwe wake

"Angove hawo mashoko eshingiso hawo ko

ndingatii nhai mukuru wangu" akadaro Mandinzwa.

"Rimwe zuva ndichakurangaridza mashoko angu ,ikezvino hauzvitendi hako nekuti uri kuona sekuti hakuna kuchaenda hupenyu hwako asi ziva kuti ,hupenyu i mhindu pindu zvikada mangwana ndichakupfugamira"akadaro Matambanepfumo.

"Mashura angu iniwo zvangu munongwa asi chinenge chiri chiroto" akadaro Mandinzwa.

"Teerera hana yako zvainokuudza Mandinzwa usapikisane nayo ukadaro uchaona gwara reupenyu hwako" akadaro Matambanepfumo

Vaviri ava vakagurisirwa hurukuro yavo vanzwa munhu aifamba achiuya ne nzira ye kwa Chinembiri, Matambanepfumo akadongorera



ndokuona ari Chinembiri asi akashaya kuti varume vainge vatumwa kuzomudana vaenda nepi.

Matambanepfumo na Mandinzwa vakabva vamira munzira vakamirira munhu wavo.

"Zuva iri ndainge ndakarimirira kubva kare nhasi zvadziswa maita basa mudzimu mukuru" akadaro Chinembiri achisvika paive na Matambanepfumo na Mandinzwa aisatombotaridza kuvhunduka achiona vaviri ava, zvinova zvakashamisa Mandinzwa.

"Neniwo zuva iri ndairushuvira kuti ndimbosangana nemi zvino nhasi zvanaka" akadaro Matambanepfumo achikwazisa Chinembiri.

"Tiise maoko mhondoro huru Hohodza" akadaro Chinembiri achikotamisa chiso chake pana Mandinzwa.

Mandinzwa akabva acheuka achiti kuda pane arikurehwa asi akashaya munhu.

"Uchazvinzwisisa hako ndinoona nguva yave pedyo, uye zita rinonzi Hohodza ucharinzwa nekufamba kwemazuva uye uchaziva chirevo charo" akadaro Chinembiri asi zvese zvaisiya Mandinzwa asi kunzwisisa.

"Mudzimu unoera muri kuzama kuti kudii ndatovhiringika" akadaro Mandinzwa.

"Basa randainge ndamirira rakwana zvino mudzimu unoyera nditungamire" akadaro Chinembiri achifunya chisero padivi pe nzira achibva abudisa bute ndokurimwaya pasi.

"Ndine nhau yandinoda kuti ndikupirei zvikada imi munoona zvatisingaoni mungandibetsera, ndosaka maona ndakumirirai munzira yenyu" akadaro Matambanepfumo.

"Nzira yose ndanga ndakuratidzwai nechekare, ndosaka ndati nhumwa dza mambo Samaita dzisano tungamira mberi ndichitevera , handina nguva iparure tinzwe" akadaro Chinembiri.

"Ndine hope dzandave ne mazuva dzichindishungurudz ndakaona kuti dzine chirevo ndosaka maona ndasvika pano" akadaro Matambanepfumo.

"Turai tinzwe" akadaro Chinembiri.

"Ndinoona ndichifamba musango asi ndiine munhu wandinenge ndichifambanaye asi chiso chake hachioneki, ndinoona ndasvika pedyo ne gomo rizere mapako ,ndinonzwa inzwi richiti kwirai gomo iri, tavemo mugomo ndinoona mabonzo evashakabvu achimuka ndokumira mberi kwedu, ndinoona maoko e umwe mushakabvu akabata chinopenya mu ruoko

rwake asi chinhu chacho changa chichita se  
pfumo ndazama kuda kuritambira asi ndazoona  
rave mumaoko e murume wandanga ndiinaye  
asi nanhasi ndavanzirwa chiso chake ,asi shoko  
randakanzwa nderekuti Hohodza enda  
unosunungura mweya yedu" ndizvo  
zvandakasanga nazvo " akadaro  
Matambanepfumo achirondedzera hope dzake.

"Hope dzako dzazvidudzira nechekare chasara  
kuti muende kugomo rinonzi mapako mune  
bako guru ririneche kumusoro muchapinda  
mukati muchaona mabonzo evashakabvu asi  
muchaona pfumo rinenge rakabatwa asi pfumo  
iri richabatwa na Mandinzwa kubva ipapo  
muchaziva zvekuita" akadaro Chinembiri zvinova  
zvakashamisa vaviri ava, gomo rinonzi Mapako  
raisakwirwa ne vane hana nhete nekuti  
rakapedza vakawanda uye raisakwira ne  
munhu anoziva kuti ane zvisakarurama  
zvaakabata waigona kunyangarika  
zvekushaikwa zvachose.

"Ini hangu handikwanise kuenda ku gomo iroro

ndichiri kuda kurarama ndione mwana wangu"  
akadaro Mandinzwa.

"Ukasaita zvandareva ramangwana rako harina  
kujeka, ndiwe uchapukuta misodzi yandaona,  
pfumo iri richadzoserazvakawanda,  
zvawakasangana nazvo zvishoma pane  
zvawakusangana nazvo hondo iya yachizotanga  
zvakuda kushinga kukwinya chaiko nekuti  
ndaona misodzi ichierera inoda kupukutwa newe,  
wave murume Mandinzwa zvakuda kushinga  
kana iri se mhuri yako usatye ndaka  
chengetedza" akadaro Chinembiri zvakasiya  
Mandinzwa na Matambanepfumo vasina mate  
mukanwa.

"Ndichazorora kana ndapedza basa  
randakapiwa kuhope iri ndichamira newe  
sechivimbiso changu kubva zvandavimbisa"  
akadaro Matambanepfumo.

"Ndapedza nemi asi zivai kuti muchibva kugomo

gadzirirai kusangana ne ruzhinji zvakavanzika zvichibuda nekuti nhau iyi haichadi chamuwande muwhande" akadarro Chinembiri.

"Zvakanaka Chinembiri mudzimu mukuru tichaita sekureva kwenyu ndinovimba vadzimu vangu vachanditunga mira" Akadarro Mandinzwa.

"Ndave shure kwenguva ndinoda kusvika kumuzinda ku nhau dzenyu dzamakapara asi ndinoda kuti zvose izvi kana zvapera muchandibayirawo mombe mbiri dzisati dzabereka panzvimbo pamakapisira zvitunha zve varwi va mambo Nyati, ropa racho rinofanira kuerera panzvimbo iyi ndokuti mweya iyi isakuteverai inounza jambwa rakaipa mupenyu hwenyu, uye chimwe chandanga ndasiirira kana makubuda mugomo iri musacheuka chero mukanzwa chakaitasei nekuti mukangocheuka ndaona pashaya aburuka gomo iri" akadarro Chinembiri akabva abudisa mudzi munhava yake ndokusvitsa Mandinzwa.

"Nditsengerwo mudzi uyu unofanira kumedza muto wavo kusvikira asara masvisvinwa, zvese wakadzidziswa na Matambanepfumo asi chaaaisina kuita kusimbisa hana yako" akadaro Chinembiri.

"Matambanepfumo usavhunduke hako ne hashu dziri pamurume uyu ndizvo zvaari acharamba akadaro mukangokwanisa kuteedzera zvaanoda haapinde munzira yenyu, i mhondoro huru inoti ikatsamwa pasi rinodengenyeka" akadaro Chinembiri ndokutanga kufamba achisiya varume vakapererwa ne mashoko.

"Matambanepfumo i nhau iyi ndeye rufu ne hupenyu ini hangu handidi kuzviisa parumana nzombe" akadaro Mandinzwa achinzwa hana kurova.

"Unoona kuti hope dzangu hadzirevi nhema ndosaka ndaita chidokwa chekuda kuona Chinembiri zvakuda kuti tiite zvinhu izvi sekurairwa kwataitwa hatidi kusimudza hasha dzevashakabvu" akadarro Matambanepfumo.

"Ini hangu gomo riya ndoritya chero mambo Samaita havadi kunzwa nezvaro kozoti iniwo hangu munongwa" akadarro Mandinzwa.

"Chakakosha kuzadzisa zvataurwa tisati tawirwa ne dambudziko" akadarro Matambanepfumo.

"Saka tingazviite zvarini" akabvunza Mandinzwa.

"Chinono chine ingwe bere rakadya richifamba, tikaswera mangwana rinotevera tototanga rwendo rwedu hatidi kunonokera zvinhu" akadarro Matambanepfumo.



"Ndisina kumbonoona mhuri yangu here ko kana ndikasadzoka vangazive kuti ndadyiwa neiko" akadaro Mandinzwa.

"Zve mhuri tozozviona tapedza iri mudariro nekuti ndipo pakabata hupenyu hwako" akadaro Matambanepfumo.

Vaviri ava vakabva panzvimbo iyi misoro yavo ichipishana vakabva vadzokera ku musasa wavo vaida kunotanga kugadzirira rwendo rwavo rwekumaziva ndadzoka.

-----

Mambo Samaita vakakatyamadzwa vachiona  
nhume dzavo dzichidzoka dziri dzega Chinembiri  
asipo vakaita zvekuvabvunza vasati  
vamboswedzana.

"Asi manomushaiwa here zvamadzoka muri  
mega" vakabvunza mambo.

"Aiwa vari mushure medu vati tisanotungamira"  
yakadaro umwe nhume.

"Ah bva zvakanaka tinomumirira chakakosha  
huvepo hwake pano" vakadaro mambo zvino  
vainge vongokwidza nekudzika kusvika  
Chinembiri asvika.

"Mambo wangu matambudzwa neiko"akabvunza Chinembiri.

" Zviri kuitika mumuzinda muno handicha zvinzwisise" vakadaro mambo.

"Musatye mambo wangu zvakusvika pakupera mazuva anotevera ayo, zvese zvinokutambudzai zvichapera" akadaro Chinembiri.

"Ko zvitunha zve varwi va mambo Nyati zvakaoneiko kumuka angove madota " vakabvunza mambo.

"Izvo musatye hamuna kana chakaipa chichakuteverai akaita izvi acharipa hake" akadaro Chinembiri.

"Kozoti nyaya ye varume vakafa ne mhuri dzavo vachiita zvekutsvira mumba zvino vanhu vanouya pano vachiti vaona zvipoko izvi zvino mudunhu mangu matove ne dambudziko vanhu vakutya kufamba nekuti chero rakacheka nyika zvakuonekwa" vakadaro mambo.

"Mambo wangu, zvakaoma zvimwe hazvidi kunetsa mudzimu iye munhu achiziva paakabata hake asi ndinoti pakupera kwe svondo rino zvese zvichapera" akadaro Chinembiri.

"Zvichapera seiko izvo zvichishungurudza vanhu mudunhu ndinoda kuti mweya iyi itsipikwe isatambudza vanhu" vakadaro mambo.

"Zvakanaka mambo wangu ndinokumbira kuti nezuva rechishanu kubva nhasi, mubike mabiko

mounganidza vanhu ndiro zuva randichapfidigira mweya iyi hakuna kana umwe achazosangana nazvo, ndichazviita pachena pasina anozosara aine mubvunzo" akadaro Chinembiri ndokutora hutowo hwake ndokuenda mambo Samaita vakasara vakati kanha nazvo.

Kupera kwe chitsauko 40[05/31, 7:15 PM] +263 77 702 6923: \*ON SALE DON'T SHARE\*

\*LOST CHILD\*

\*STORY BY\*

\*MADUBE CHISHONGO\*

\*R.MAWANDE\*

0777026923

\*CHITSAUKO 41\*

\*Kudunhu ra mambo Nyati\*

Zvakabuda mambo Nyati ne varwi vavo vakadzi vavo vakasara vakabatira hura mumaoko, vainge vasati vamboona kudiwa kwakadai kwekusvika murume kuunganidza varwi vavo kunorwira rudo.

Mukadzi mukuru godo rakaramba richikura kuita serichamuvhara mweya wekufema chaiwo.

Ainge atowona kudiwa kwaitwa mukadzi uyu ndokuona sekuti iye chave chinhu chisina basa, mukadzi mukuru akatambura kusvika adana chatopota chinoziikanwa mudunhu nekusabvarura machira.

"Mbuya Chari imi munoonza zvichiita here kuti mukadzi muduku mwana ane zera ne mwana wangu onditorera kukudzwa kwangu" vakadaro vahosi vachiratidza kurwadziwa.

"Pane angauya akatora huhosi hwenyu here nhai mai vedunhu rino musatye zvenyu" vakadaro mbuya Chari.

"Uyu mukadzi adiwa uyu zvekuti vakabudirira kuuya naye ndaona tisisachaonekwi se chinhu, mambo Nyati kana vakada munhu vano kanganwa vamwe" vakadaro vahosi.

"Zvino zvoitwa sei nhai hosi ye dunhu" vakadaro mbuya Chari vainge votorodzera meno sezvo vainge vaona kuri kuenda nyaya.

"Mbuya Chari zvevaviri ndezvevaviri handidi hangu kuzozvinzwa zvobuda nekuti ndikanzwa kuti mati bufu ndinoudza mambo Nyati kuti vakudzingei mudunhu rino nekuda kwe mabasa enyu" vakadaro vahosi vakaita kuvhurira mbuya chari ziso.

"Ndichazama kuchengetedza hana yangu" vakadaro mbuya Chari.

"Zvakanaka, chandinoda ndechekuti uyu mukadzi ari kuuya na mambo Nyati chinangwa chikuru ndechekubarirwa mwanakomana zvino ndinoda mupfige chibereko chake chisagamuchira mbeu zvachose" vakadaro va hosi.

"Zvishoma izvo vahosi mukangokwanisa kundipa chishongo chake ndozvigadzirisa"vakadaro mbuya Chari.



"Zvakanaka mbuya ndichazama" vakadaro vahosi.

"Musanonoke nekuti hatidi kutangirwa kuzobvisa iri nhumbu kunozogona kuti netsa" vakadaro mbuya Chari.

"Zvino kana ndikanonoka zvinozodii hamuna zvimwe zvamungaita here" vakabvunza vahosi.

"Hakuna kunze kwekutopfuudza mweya" vakadaro mbuya Chari.

"Aiwa izvo kana hatidi zvinhu zvinozotibatisa ne svikiro" vakadaro vahosi.  
Vaviri vakazotenderana kuzopanana chishongo chemwenga.

Mambokadzi vakaona kuti havana matorero avangazochiita sezvo mwenga uyu aizove neimba imba yavaisatenderwa kupinda vakabva vadana umwe we vasikana vainge vatsvakwa kuzochengetedza mwenga.

"Nhau iripano ine rufu mukati kana ukasaita zvandinenge ndakuraira uri kuzvinzwisisa here" vakadaro vahosi vakaita chiso chiya chekuvhundutsira

"Ndichaita sekudaro mai ve dunhu rino" akadaro Yeukai.

"Ndinoda kuti pachauya mwenga mutsva pa zvipfeko zvake unditorerewo chimwe chete undipe ukangodaro tawirirana" vakadaro vahosi.

"Hazvingandiise mudambudziko here"

akabvunza Yeukai.

"Dambudziko ndini kana ukasaita sekureva kwangu, ukangodaro chete aiwa ndichamira newe haufe wakawirwa ne dambudziko" vakadaro vahosi.

"Zvakanaka ndichaita sekudaro" akadaro Yeukai asi hana yake yaibika manhanga.

"Ndicho chinhu chekutanga achisvika pano sezvo murimi muchagamuchira nhava yake" vakadaro vahosi.

"Zvakanaka " akadaro Yeukai vaviri vachibva vaparadzana.

Kana uchinge wakagumbuka uine ukasha nzira inokuitira pfupi , mambo Nyati ne varwi vavo

vakafamba zvekuti zuva rakasara ropisa varova mitunhu.

Manyara nana Vatete vake zvino vainge vaneta sezvo vaiita kufambisa asi mambo Nyati havana kuda kunzwa tsitsi nekuti vainge vachine hukasha.

Zuva rogara miti vainge vasvika zvino Manyara nana Vatete vake vaviri vasigara kunze kwe musha, Svikiro rainge ratosano garira pamuzinda.

Yeukai ne vamwe vasikana vaviri vakabva varairwa kuti vatungamirire vamwenga vapinde mumusha vachiita chimwenga chavo sezvo zuva rainge rapinda muna mai varo.

Mwenga akapinda mumusha ndokupembererwa asi mufaro wevanhu wainge uri mushoma nekuda kwe kurasikirwa ne vamwe vavo, vamwe nde vainge vasiwa vari shirikadzi nekuda kwe munhu umwe chete, dzimwe dzinge dzave nherera asi ne nhau yekuti vaive pasi pa

mambo Nyati vaisamboti bufu.

Sekurairwa kwakaitwa Yeukai ndiye nyakutakura nhava dzevaenzi ava, asi dambudziko raive pakuti ainge asingazive nhava ye mwenga sezvo dzinge dziri nhatu.

Yeukai akangozotora maaifungira kuti ndimo mungave ne zvishongo zve mwenga ndokuenda nacho kuna mambokadzi.

Mambokadzi vachiona izvi vakanzwa kufara havana kunonoka kutumira shoko kuna mbuya Chari chishongo chiya chikaitwa chekuziva.

-----

\*Kudunhu ra mambo Mutonodza\*

Ticharwa zvaakabva kuna Sahwira wake pfungwa ne moyo zvaive kumwanasikana ainge amutora moyo wake.

Ticharwa airwadziwa ne nhau yekuti Zvikoni ainge arema.

Ticharwa ainge azvipira kuti akadiwa ne mwanasikana uyu aitakura sanzu ne marara aro.

Nzira ye kuenda kwa mbuya Mutonodza yainge yapfumba, Ticharwa aingonzwa kuda kuvepedyo na Zvikoni, aida kuita madana ese ekuti adiwe ne mwanasikana zvimwe zvese zvaizotevera mushure.

"Ticharwa ungasapera tsoka zvaunoti makuseni masikati manheru uchingofamba" vakabvunza mbuya Mutonodza vaona kuti Ticharwa ainge anyanya mafambiro ake.

"Mbuya kana ndichiti muzukuru wenyu ndomuda

ndinorevesa hangu ndingaite chese chaanoda kuti ndidiwe" akadaro Ticharwa achirevesa.

"Hausi uri kuzvitambisira nguva yako nhai Ticharwa nekuti kutaura kuno ndakatomirira kuuya kwe murume wangu" akadaro Zvikoni.

"Zvikoni hapana chaungandiudze ne zve murume wako nekuti ndinoziva munongwa zvake asina chaainacho chero pekugara chaipo zvino ungarambe zvako ini asi handina chandisina chese chaunoda ndokuitira" akadaro Ticharwa.

"Kubva ndichibarwa ndaiziva kuti Mandinzwa munongwa haana chaainacho uye haana pekugara haazive rudzi rwake asi ndakangomuda akadaro saka usazvinetse hako Ticharwa' akadaro Zvikoni.

"Zvino mambo Samaita zvavasingatenderi wanano yenyu uchadii, ini havangamborambi kuti ndiite mukwasha wavo" akadaro Ticharwa.

"Chakakosha kudiwa ne munhu wawakada kwete kuti hama dzichatii nekuti havasiwo vanenge vapinda muwanano yacho ,ndichatebedzera zvinoda moyo wangu" akadaro Zvikoni.

"Zvakanaka tichaona kuchawira tsvimbo ne dohwe" akadaro Ticharwa achisimuka kuti aende.

"Usazvidye moyo Ticharwa muzukuru wangu nekuti rimwe zuva uchawana akakodzerana newe" vakadaro mbuya.



"Mbuya mukati pane wandingade asiri Zvikoni here mbuya, pamuzukuru wenyu ndipo pamera moyo wangu" akadarwa Ticharwa.

"Chingo zvigamuchira kuti wakatangirwa Ticharwa hapana chichachinja" vakadarwa mbuya.

"Zvakanaka mbuya asi ndicharwira chinofanira kunge chiri changu" akadarwa Ticharwa.

"Asi kungonzwa mashoko angu woteerera ungakwanise kuchengetedza hupenyu hwako" vakadarwa mbuya Mutonodza.

"Ndizvo hazvo asi ndichazama zvese kuti ndibudirire" akadarwa Ticharwa ndokubva aenda kumba kwake.

Ticharwa ainge azviudza kuti acharwira rudo urwu, pfungwa dzake dzaimuudza kuti Zvikoni ndiye wako murwire asi moyo waimuudza kuti asiyane nazvo wakadya manonoka.

Moyo wakakurirwa ne pfungwa Ticharwa akazvipira kuti achazama ne pese paanogona kudiwa.

Ticharwa akabva afunga zano rekushanyira mambo Samaita, Ticharwa aida kunyatso kunzwa hupenyu hwa Mandinzwa kubva kudunhu ravo ainge afunga kuwisira Mandinzwa pasi akwanise kuwana Zvikoni ainge aba moyo wake, murume ainge azvipira hake kusenga sanzu ne marara aro.

Ticharwa akatanga kugadzirira rwendo rwake rwekuenda kwa mambo Samaita, rwendo urwu aisada kuudza chero ani zvake , rwaingove fungira mumoyo rwendo rweimbwa.

Ticharwa akaita mazuva matatu achigadziria rwendo rwake nekuti kwa mambo Samaita

kwaive ne mufambo uye waisangosvika  
zvekungokaruka wasvika wainowira mune  
zvakarongwa.

Zuva rekuti Ticharwa aende kudunhu ra  
mambo Samaita rakasvika, murume akabva  
atora nhava yake ndokubereka ndokupinda  
panzira, achangoti budei muruvanze rwake ndiye  
dhuma dhuma na Sahwira wake.

"Ko Ticharwa wafungepiko ini ndichiuya kumba  
kwako" akadaro Sahwira wake.

"Kumbopinda hangu mumasango ndichitavaka  
chekusvuvurisa" akadaro Ticharwa.

"Munhu anogara ega wainge wapedza nguvai isu  
takabva mumasango nezuro uno uyu" akadaro  
Sahwira wake.

"Unoziva wani kuti ini ndofarira zve mukati ndizvo zvandiri kunzwa kuda nhasi" akadarwo Ticharwa.

"Ko kungotaura chokwadi kuti wapedzera mhuka kwa mbuya Mutonodza, unotozvinetsa zvako Ticharwa unoti paye ungadiwa here" akadarwo Sahwira.

"Zviro zviedzwa mbuya yakabika mabwe vakanwe muto ndichazama ne pese pandinogona" akadarwo Ticharwa.

"Ndinokumbira usazoite zvinhu zvinozokupinza mudambudziko umwe wangu kana zvafamba tsvaka zvimwe" akadarwo Sahwira wake.

"Ndichaona kana zvarambisisa ndichasiyana

nazvo" akadaro Ticharwa.

"Zvakanaka dai wandiudza tapinda tese mumasango" akadaro Sahwira.

"Handina kuzvifunga tichaenda tese rimwe zuva ikezvino ndave shure kwe nguva" akadaro Ticharwa achiparadzana na sahwire wake achibva apinda munzira.

Ticharwa akati asvika panoperera dunhu ravo akagara pasi ndokuchitanga kufunga kuti zvaaida kuita zvaizobudirira here.

Moyo wake waipikisana ne pfungwa asi pfungwa ndidzo dzaitonga panguva iyi.

Ticharwa akabva asimuka ndoku .....

[05/31, 7:15 PM] +263 77 702 6923: \*ON SALE  
DON'T SHARE\*

\*LOST CHILD\*

\*STORY BY\*

\*MADUBE CHISHONGO\*

\*R.MAWANDE\*

0777026923

\*CHITSAUKO 43\*

\*Kudunhu ra mambo Samaita\*

Zvakabva Tichaona kumuzinda mambo vakasara vakasuruwara.

Zvainge zvoitika mudunhu ravo zvainge zvavakandisa mapfumo pasi, rwendo rwuno vainge vakabata panopisa.

Mambo Samaita vaizviinzwa masimba uye vane kahunhu kekuti handinzwaro uye vaive ne hutsinye hunorwadza, zvino parizvino vainge vadzikamiswa nekuda kwe nhau dzavo dzainge dzovadzokera.

Kuona baba vake vachiratidza kushungurudzika kwakaita kuti Tapiwa anzwe tsitsi.

Akamboda kuvabudira pachena pane zviripo asi akaona kuti ainge oda kukasira kumedza kutsenga achada saka akasiyana nazvo ndokutanga kutamba inorira.

"Mambo wangu ichiri nyaya ya Nyati ichiri kukushungurudzai here, handifarire kuona murume wangu achiratidza kutambudzika kudai" vakadaro vahosi mu nguva ye kurara.

"Ko ukadarikwa ne zvimwe zvinhu unofa here?"  
Vakabvunza mambo vaisada kuvhiringwa  
mafungire avo, ndosaka vaifarira kuna mai  
Tapiwa vaiziva kuti mukadzi asinei ne  
zvakawanda zvisinei naye haabvunze.

"Aiwa mambo wangu asi I basa rangu sa mai  
kuona nekudzoreredza mufaro kana usisimo  
mumba" vakadaro vahosi.

"Mai Manyara handidi kunetswa ndoda kuzorara  
kana paine chandishungurudza ndichakuzivisa"  
vakadaro mambo vachitarisa divi, zvinova  
zvasiya vahosi vaine kakunyunyuta.

Kuchiedza mambo vakamuka ndokuenda padare  
pavo semazuva ese ndokuwana Tapiwa  
atokuhwidza moto zvake achidziya.

"Nhai Dube yangu manga matomuka ne nguvai  
ne chando cherungwanani urwu" vakabvunza



mambo vachigara pachigaro chavo.

"Isu tichiri pwere tingaedzerwe mugudza here, imi vakweguru ndimi mungadai muchizorodza henyu nyama nekuti kwamakabva kure" akadararo Tapiwa achikuchidzira moto zvekuti dare rese rainge rodziya.

"Ndizvo hazvo asi kana uchinge uchiri mambo kudai une ,zvakanwanda zvaunofanira kuita nekugadzirisa mudunhu rako, zvino zvingaitwe uchiri mugudza here?" Vakadararo mambo.

"Matondifungisa imwe nyaya makazoti kudii ne nhau yangu yekuroora hamuoni ndabve zera here, ndave ne makore makumi maviri nemanomwe kubva zvandabarwa ,ndakudawo kuita mhuri ndivewo ne chiremerera" akadararo Tapiwa kutaura kudai aitorevesa.

"Wauya ne nyaya kwayo Chivara, nhasi ndiro

basa re nhume kuenda kumatunhu akati komberedza , vachanosiya shoko rekuti vakunda vamambo umwe ne umwe auye musi waticharonga kuti usarure waunoda panenge parovera hana ndiye wako chaiye" vakadaro mambo.

"Ko kana kuri kuti ndashaya wa ndinoda pakati pe vana ve madzimambo ndinodii" akabvunza Tapiwa.

"Ndipo patinounganidza vasikana ve dunhu rino wosharudza hako waunoda asi asiri weumbo, iwe kana wagara uine pari kurovera hana unokwanisa kugara wadudza" vakadaro mambo.

"Handitorina kana umwe, ndingavawanepi imi muchindiswedza mumuzinda kudai" akadaro Tapiwa.

"Kubuda haurambidzwe asi unobuda ne

machinda ako" vakadaro mambo.

"Ndizvo zvandisingade kufamba  
ndakaunganirwa" akadaro Tapiwa.

"Chinhu chausinganzwisise ndechekuti iwe uri  
mwana we humambo haufanire kufamba  
uriwega kunyanya iwe zvako mwanakomana  
wangu umwechete.

Munzvimbo mune vavengi vatisingazive vanoda  
hushe uhu" vakadaro mambo.

Ndiyo nguva yakapinda Tichaona pasuwo re  
muzinda aine mudonzvo achikamhina.

"Uyu murume achambogona kugara kumba  
kwake here, kuseni masikati manheru anenge  
achingori pano chaanoda chikuru chaicho"  
akadaro Tapiwa achitaurira pasi.

"Ko munhu anorambidzwa kuuya pamuzinda  
nguva yaanoda here?"vakapindura mambo.

"Aiwa izvi zvinozonyanya chero nguva ne mhuri yake handifunge anoiwana, angave ini handichina nguva nemi wamakutokoshesa ndiye Tichaona uyu" akadaro Tapiwa.

"Tisvikewo Samaita" akadaro Tichaona achisvika pa dare.

"Aiwa svika zvako ,kwakanaka here kwawapumha dova kuseni kwakadai" vakabvunza mambo.

"Kwakanaka hako ndichiti mararaseiwo pano" akadaro Tichaona.

"Aiwa kutsvene zvako" vakapindura mambo.

"Mamukasei Chivara" akadaro Tichaona achireva Tapiwa.

"Ndamuka Tichaona kurisei kwabviwa kuseni kuno" akabvunza Tapiwa.

"Zvinhu hazvina kumira mushe mambo wangu madeko apfuura ndakabaiwa panodzimba chaipo" akadaro Tichaona achiratidza kusuwa pachiso.

"Ko zvadii zve Tichaona" vakabvunza mambo hana yavo isisina kugadzikana.

"Mambo wangu muvengi kupinda mumusha wangu, kusiya avhiya mombe yangu kusiya musoro, makumbo ,dehwe ne matumbu chete, pedzezvo asiya apisa danga rangu, ndichibuda kuti ndinodzimura danga imba yangu yekurara ndokutanga kubvira, ndashaya pekubata mambo wangu, asi chandishamisa pasuwo reimba yekubikira ndawana paine museve mutsvuku unova wakafanana newandaka wana munzira nezuro" akapedza kurondedzera Tichaona

achiratidza kurwadziwa.

"Zvichiri zve zvipoko here izvi nhai Tichaona, asi pane ane daka newe akudzorera nekuti mudunhu muno hamuna kuzombobvira maita mbavha kubva zvagurwa Tagirwei maoko aba mbudzi ya Mazvinzwawo" akadaro Tapiwa.

"Mambo wangu chokwadi chizere handina munhu wandine daka naye, handitozive ari kurwa neni" akadaro Tichaona.

"Ko sei zvangonanga iwe wega ,nezuro uno waiti wakarara uchidzingirirwa ne zvipoko nhasi wakubirwa ne kupisirwa imba zvese izvi nei zvichingoitika kwauri chete" akadaro Tapiwa zvakasiya Tichaona asina remuromo.

"Vanhu vanorwadziwa ne kurarama kwangu havadi kuona chakanaka chandinoita" akadaro

Tichaona.

"Zvese ne zvipoko zvinorwadziwa newe here nhai Tichaona" akadaro Tapiwa.

"Ndoziva sei kana ndichisundirwa mweya yevafi" akadaro Tichaona.

"Heya tichaona kuchawira tsvimbo ne dohwe asi chandinoziva ndechekuti hakuna mushonga unobatira pasina ronda" akadaro Tapiwa.

"Muchireva kuti pane chandinoziva here pazvinhu zviri kuitika" akabvunza Tichaona.

"Hamenno asi ndoziva kuti hakuna chinogara chisi kwacho, chokwadi chichabuda chete rimwe zuva chero chikanonoka" akadaro Tapiwa.

"Chivara umuchiona Tichaona auya kudai anenge achida anochema naye nekuda kubatsirwa pa dambudziko rumuwira zvino mukada kumubvunza mubvunzo sekuti pane chamosiva chakaitika hamuoni hazviite here ngatitsvakei zano ratingamubatsire naro" vakadaro mambo ,vainge vashungurudzwa ne chiitiko ichi vaishaya kuti mudunhu mavo mapinda gonye rudzwai.

Mambo vainge votyira kuti Tichaona akaramba achishungurudzwa angasvike pakudura chokwadi, vainge vomutyira kuti aizovanyadzisa. Mambo vakapindwa ne mweya wekupfuudza Tichaona asati adura chokwadi asiwo ndiye umwe wavaiverenga pavarwi sezvo Matambanepfumo ainge asisipo.

Apa ndipo pavakaona hukoshwa hwa Matambanepfumo, apa ainge ashanda ne gwara chairo.

"Mambo wangu zvinhu hazvisisina kumira mushe ndotoshaya kuti ndoita zvekudii ndatambura mambo wangu chasara



kuparadzirwa mhuri yangu" akadaro Tichaona.

"Usatye zvako nhasi ndichaona kuti ndozvigadzirisa sei" vakadaro mambo.

"Chero pandinofamba ndakutotya handichazive akandivenga" akadaro Tichaona.

"Bva chingoitai achigara muno muzinda nekuti mangwana muchamuona ouya ne imwe nyaya" akadaro Tapiwa.

"Chivara nyaya iyi haisi yekutamba nayo, asi ndichazama kuisa tsori dzangu mukati imomu ndoziva anoita izvi achabatwa chete, uyo ndiye achanzwa kuti pfumo ra Samaita harina kumira mushe, ndiye achave chidzidzo kune vamwe" vakadaro mambo.

"Mukadaro mambo wangu munenge magona chaizvo,munhu iyeye akabatwa achafira dze vamwe" akadaro Tichaona.

"Tichaona uri jinda guru ramambo, uri murwi mukuru dzimwe nyaya ungadai uchizvitsvakira wega ndipo patinoona hunyanzvi hwako, kwete kuti chese chaitika wotomhanya kuzoreva sepwere zvimwe zvimiririre se murume, zvino iwe ukadaro ko kuzoti vaduku kwauri vachadii" akadaro Tapiwa, mashoko ake akafadza mambo ndokusuwisa Tichaona.

Mambo vakaona kuti Tapiwa aive ne muono kwawo zva Tichaona zvekungoti chati kwatara otomhanya kuzoreva zvainge zvakashungurudza mambo.

Tapiwa akaona akasagurisira muswe pachiri pedyo babaT vake vainzwa nekuzopirwa nyaya dzisingaperi dzinosiya vakushungurudzika .

Tichaona akaona kuti Tapiwa ainge amungwarisira akabva atooneka ,pfungwa yekuvhima munhu arikuita izvi yakabva yamubata ndokubva afunga kutanga kuita tsvakurudzo dzake.

Tichaona akabva afunga kutanga na Simbamukaka anova aive Sahwira wa Matambanepfumo apedza naye aizoda kuongorora mafambiro a Tarunzwa anova umwe wavo.

"Wakura mwanangu wakukodzera kuti ndichikusiira chigaro changu mapinduriro awaita Tichaona andiratidza chimwe chinhu pauri" vakadaro mambo.

"Zvimwe zvinozonyanya mambo wangu ne zvimwe zvinhu zvinoda iye pachake, ndiani murume angada kurara akasvinura akachengeta rume rakaita sa Tichaona ngaaratidze hurume hwake" akadaro Tapiwa ainge asvotwa ne hunhu hwa Tichaona.

"Ichokwadi izvo ngaazvimirire ega atsvake munhu arikuita izvi ini nditori ne dzakawanda dziri kundishungurudza" vakadaro mambo.

Mambo Samaita vakabva varaira kuti nhume

dzavo dziuye padare vaida kuti shoko rifambe rekuti mwanakomana wavo akuda kuchiroora kune mamwe madzimambo akavakomberedza.

Shoko iri richisvika munzeve dza mai Tapiwa vakafara vachiziva kuti mwanakomana wavo akuvazovatsvagira muroora, vainge votoshaya kuti zvaakabva kusango rerima haana kumbotaura zvekuroora vezera rake vainge vatova ne mhuri.

Mandinzwa ndiye wezera rake asi ainge atozvimirisa kare.

Chavainge voshuvira ndechekuti dai vawanirwa muroora kwaye anowirirana navo nekuti zvepaguru zvinonetsa vaisada kuzoiswa ruvengo pakati pavo ne mukadzi we mwana wavo.

Kupera kwe chitsauko 43

[05/31, 7:15 PM] +263 77 702 6923: \*ON SALE  
DON'T SHARE\*

\*LOST CHILD\*

\*STORY BY\*

\*MADUBE CHISHONGO\*

\*R.MAWANDE\*

0777026923

\*CHITSAUKO 43\*

\*Kudunhu ra mambo Samaita\*

Zvakabva Tichaona kumuzinda mambo  
vakasara vakasuruwara.

Zvainge zvoitika mudunhu ravo zvainge

zvavakandisa mapfumo pasi, rwendo rwuno vainge vakabata panopisa.

Mambo Samaita vaizviinzwa masimba uye vane kahunhu kekuti handinzwaro uye vaive ne hutsinye hunorwadza, zvino parizvino vainge vadzikamiswa nekuda kwe nhau dzavo dzainge dzovadzokera.

Kuona baba vake vachiratidza kushungurudzika kwakaita kuti Tapiwa anzwe tsitsi.

Akamboda kuvabudira pachena pane zviripo asi akaona kuti ainge oda kukasira kumedza kutsenga achada saka akasiyana nazvo ndokutanga kutamba inorira.

"Mambo wangu ichiri nyaya ya Nyati ichiri kukushungurudzai here, handifarire kuona murume wangu achiratidza kutambudzika kudai" vakadaro vahosi mu nguva ye kurara.

"Ko ukadarikwa ne zvimwe zvinhu unofa here?" Vakabvunza mambo vaisada kuvhiringwa mafungire avo, ndosaka vaifarira kuna mai Tapiwa vaiziva kuti mukadzi asinei ne zvakawanda zvisinei naye haabvunze.

"Aiwa mambo wangu asi I basa rangu sa mai kuona nekudzoreredza mufaro kana usisimo mumba" vakadaro vahosi.

"Mai Manyara handidi kunetswa ndoda kuzorara kana paine chandishungurudza ndichakuzivisa" vakadaro mambo vachitarisa divi, zvinova zvasiya vahosi vaine kakunyunyuta.

Kuchiedza mambo vakamuka ndokuenda padare pavo semazuva ese ndokuwana Tapiwa atokuhwidza moto zvake achidziya.

"Nhai Dube yangu manga matomuka ne nguvai ne chando cherungwanani urwu" vakabvunza mambo vachigara pachigaro chavo.

"Isu tichiri pwere tingaedzerwe mugudza here,

imi vakweguru ndimi mungadai muchizorodza henyu nyama nekuti kwamakabva kure" akadaro Tapiwa achikuchidzira moto zvekuti dare rese rainge rodziya.

"Ndizvo hazvo asi kana uchinge uchiri mambo kudai une ,zvakanwanda zvaunofanira kuita nekugadzirisa mudunhu rako, zvino zvingaitwe uchiri mugudza here?" Vakadaro mambo.

"Matondifungisa imwe nyaya makazoti kudii ne nhau yangu yekuroora hamuoni ndabve zera here, ndave ne makore makumi maviri nemanomwe kubva zvandabarwa ,ndakudawo kuita mhuri ndivewo ne chiremerera" akadaro Tapiwa kutaura kudai aitorevesa.

"Wauya ne nyaya kwayo Chivara, nhasi ndiro basa re nhume kuenda kumatunhu akati komberedza , vachanosiya shoko rekuti vakunda vamambo umwe ne umwe auye musi waticharonga kuti usarure waunoda panenge parovera hana ndiye wako chaiye" vakadaro



mambo.

"Ko kana kuri kuti ndashaya wa ndinoda pakati pe vana ve madzimambo ndinodii" akabvunza Tapiwa.

"Ndipo patinounganidza vasikana ve dunhu rino wosharudza hako waunoda asi asiri weumbo, iwe kana wagara uine pari kurovera hana unokwanisa kugara wadudza" vakadaro mambo.

"Handitorina kana umwe, ndingavawanepi imi muchindiswedza mumuzinda kudai" akadaro Tapiwa.

"Kubuda haurambidzwe asi unobuda ne machinda ako" vakadaro mambo.

"Ndizvo

zvandisingade

kufamba

ndakaunganirwa" akadaro Tapiwa.

"Chinhu chausinganzwisise ndechekuti iwe uri mwana we humambo haufanire kufamba uriwega kunyanya iwe zvako mwanakomana wangu umwechete.

Munzvimbo mune vavengi vatisingazive vanoda hushe uhu" vakadaro mambo.

Ndiyo nguva yakapinda Tichaona pasuwo re muzinda aine mudonzvo achikamhina.

"Uyu murume achambogona kugara kumba kwake here, kuseni masikati manheru anenge achingori pano chaanoda chikuru chaicho" akadaro Tapiwa achitaurira pasi.

"Ko munhu anorambidzwa kuuya pamuzinda nguva yaanoda here?"vakapindura mambo.

" Aiwa izvi zvinozonyanya chero nguva ne mhuri yake handifunge anoiwana, angave ini handichina nguva nemi wamakutokoshesa ndiye Tichaona uyu" akadaro Tapiwa.

"Tisvikewo Samaita" akadaro Tichaona achisvika pa dare.

"Aiwa svika zvako ,kwakanaka here kwawapumha dova kuseni kwakadai" vakabvunza mambo.

"Kwakanaka hako ndichiti mararaseiwo pano" akadaro Tichaona.

"Aiwa kutsvene zvako" vakapindura mambo.

"Mamukasei Chivara" akadaro Tichaona achireva Tapiwa.

"Ndamuka Tichaona kurisei kwabviwa kuseni kuno" akabvunza Tapiwa.

"Zvinhu hazvina kumira mushe mambo wangu madeko apfuura ndakabaiwa panodzimba chaipo" akadaro Tichaona achiratidza kusuwa pachiso.

"Ko zvadii zve Tichaona" vakabvunza mambo hana yavo isisina kugadzikana.

"Mambo wangu muvengi kupinda mumusha wangu, kusiya avhiya mombe yangu kusiya musoro, makumbo ,dehwe ne matumbu chete, pedzezvo asiya apisa danga rangu, ndichibuda kuti ndinodzimura danga imba yangu yekurara ndokutanga kubvira, ndashaya pekubata mambo wangu, asi chandishamisa pasuwo reimba yekubikira ndawana paine museve mutsvuku unova wakafanana newandaka wana munzira nezuro" akapedza kurondedzera Tichaona achiratidza kurwadziwa.

"Zvichiri zve zvipoko here izvi nhai Tichaona, asi

pane ane daka newe akudzorera nekuti mudunhu muno hamuna kuzombobvira maita mbavha kubva zvagurwa Tagirwei maoko aba mbudzi ya Mazvinzwawo" akadaro Tapiwa.

"Mambo wangu chokwadi chizere handina munhu wandine daka naye, handitozive ari kurwa neni" akadaro Tichaona.

"Ko sei zvangonanga iwe wega ,nezuro uno waiti wakarara uchidzingirirwa ne zvipoko nhasi wakubirwa ne kupisirwa imba zvese izvi nei zvichingoitika kwauri chete" akadaro Tapiwa zvakasiya Tichaona asina remuromo.

"Vanhu vanorwadziwa ne kurarama kwangu havadi kuona chakanaka chandinoita" akadaro Tichaona.

"Zvese ne zvipoko zvinorwadziwa newe here

nhai Tichaona" akadaro Tapiwa.

"Ndoziva sei kana ndichisundirwa mweya yevafi"  
akadaro Tichaona.

"Heya tichaona kuchawira tsvimbo ne dohwe asi  
chandinoziva ndechekuti hakuna mushonga  
unobatira pasina ronda" akadaro Tapiwa.

"Muchireva kuti pane chandinoziva here  
pazvinhu zviri kuitika" akabvunza Tichaona.

"Hamenos asi ndoziva kuti hakuna chinogara  
chisi kwacho, chokwadi chichabuda chete rimwe  
zuva chero chikanonoka" akadaro Tapiwa.

"Chivara umuchiona Tichaona auya kudai  
anenge achida anochema naye nekuda  
kubatsirwa pa dambudziko rumuwira zvino

mukada kumubvunza mubvunzo sekuti pane chamoziwa chakaitika hamuoni hazviite here ngatitsvakei zano ratingamubatsire naro" vakadaro mambo ,vainge vashungurudzwa ne chiitiko ichi vaishaya kuti mudunhu mavo mapinda gonye rudzwai.

Mambo vainge votyira kuti Tichaona akaramba achishungurudzwa angasvike pakudura chokwadi, vainge vomutyira kuti aizovanyadzisa. Mambo vakapindwa ne mweya wekupfuudza Tichaona asati adura chokwadi asiwo ndiye umwe wavaiverenga pavarwi sezvo Matambanepfumo ainge asisipo. Apa ndipo pavakaona hukoshwa hwa Matambanepfumo, apa ainge ashanda ne gwara chairo.

"Mambo wangu zvinhu hazvisisina kumira mushe ndotoshaya kuti ndoita zvekudii ndatambura mambo wangu chasara kuparadzirwa mhuri yangu" akadaro Tichaona.

"Usatye zvako nhasi ndichaona kuti ndozvigadzirisa sei" vakadaro mambo.

"Chero pandinofamba ndakutotya handichazive akandivenga" akadarro Tichaona.

"Bva chingoitai achigara muno muzinda nekuti mangwana muchamuona ouya ne imwe nyaya" akadarro Tapiwa.

"Chivara nyaya iyi haisi yekutamba nayo, asi ndichazama kuisa tsori dzangu mukati imomu ndoziva anoita izvi achabatwa chete, uyo ndiye achanzwa kuti pfumo ra Samaita harina kumira mushe, ndiye achave chidzidzo kune vamwe" vakadarro mambo.

"Mukadarro mambo wangu munenge magona chaizvo,munhu iyeye akabatwa achafira dze vamwe" akadarro Tichaona.



"Tichaona uri jinda guru ramambo, uri murwi mukuru dzimwe nyaya ungadai uchizvitsvakira wega ndipo patinoona hunyanzvi hwako, kwete kuti chese chaitika wotomhanya kuzoreva sepwere zvimwe zvimiririre se murume, zvino iwe ukadaro ko kuzoti vaduku kwauri vachadii" akadaro Tapiwa, mashoko ake akafadza mambo ndokusuwisa Tichaona.

Mambo vakaona kuti Tapiwa aive ne muono kwawo zva Tichaona zvekungoti chati kwatara otomhanya kuzoreva zvainge zvakashungurudza mambo.

Tapiwa akaona akasagurisirira muswe pachiri pedyo babaT vake vainzwa nekuzopirwa nyaya dzisingaperi dzinosiya vakushungurudzika .

Tichaona akaona kuti Tapiwa ainge amungwarisira akabva atooneka ,pfungwa yekuvhima munhu arikuita izvi yakabva yamubata ndokubva afunga kutanga kuita tsvakurudzo dzake.

Tichaona akabva afunga kutanga na Simbamukaka anova aive Sahwira wa Matambanepfumo apedza naye aizoda kuongorora mafambiro a Tarunzwa anova umwe wavo.

"Wakura mwanangu wakukodzera kuti ndichikusiira chigaro changu mapinduriro awaita Tichaona andiraratidza chimwe chinhu pauri" vakadaro mambo.

"Zvimwe zvinozonyanya mambo wangu ne zvimwe zvinhu zvinoda iye pachake, ndiani murume angada kurara akasvinura akachengeta rume rakaita sa Tichaona ngaaratidze hurume hwake" akadaro Tapiwa ainge asvotwa ne hunhu hwa Tichaona.

"Ichokwadi izvo ngaazvimirire ega atsvake munhu arikuita izvi ini nditori ne dzakawanda dziri kundishungurudza" vakadaro mambo.

Mambo Samaita vakabva varaira kuti nhume dzavo dziuye padare vaida kuti shoko rifambe rekuti mwanakomana wavo akuda kuchiroora kune mamwe madzimambo akavakomberedza.

Shoko iri richisvika munzeve dza mai Tapiwa

vakafara vachiziva kuti mwanakomana wavo akuvazovatsvagira muroora, vainge votoshaya kuti zvaakabva kusango rerima haana kumbotaura zvekuroora vezera rake vainge vatova ne mhuri.

Mandinzwa ndiye wezera rake asi ainge atozvimirisa kare.

Chavainge voshuvira ndechekuti dai vawanirwa muroora kwaye anowirirana navo nekuti zvepaguru zvinonetsa vaisada kuzoiswa ruvengo pakati pavo ne mukadzi we mwana wavo.

Kupera kwe chitsauko 43

[05/31, 7:34 PM] +263 77 702 6923: \*ON SALE  
DON'T SHARE\*

\*LOST CHILD\*

\*STORY BY\*

\*R.MAWANDE\*

\*MADUBE CHISHONGO\*

0777026923.

\*CHITSAUKO 44\*

\*KUDUNHU RA MAMBO MUTONODZA\*

"Wafungeiko muzukuru wangu  
zvawangosekerera uri wega ipapo" vakabvunza  
mbuya Mutonodza.

"Mbuya zvinoita hupenyu so ka,ndikakuudzai kuti  
na Mandinzwa takatanga kusangana kurwizi  
ndiine makore matanhatu munoramba" akadaro  
Zvikoni achiseka zvake.

"Haurevesi mwana we mwana wangu saka chii chakazoitika kuti mufambidzane" vakabvunza mbuya.

"Muchiona vanga riripahuma iri ndakadhumwa na Mandinzwa kurwizi achitiza mago apa ndaigeza zvenyu ndiri chibarirwo, akabva apiwa mutongo wekundicherera mvura kusvika ndabve zera, kuwirirana kwedu kwakabva ndichiri svava zvekuti hana dziroverana tisati tambofambidzana" akadaro Zvikoni.

"Rudo rwenyu rwune chirevo handisati ndamboona zvakadaro kureva kuti makatobatanidzwa kubva muchiri svava kuparadzana kwenyu kuchanetsa" vakadaro mbuya.

"Hamurevi nhema mbuya vanhu vakazama zvese asi vakakundikana, kusvika pakuda kuuraya Mandinzwa ne mwana wake wandakatakura asi zvakakundikana" akadaro Zvikoni ne chiso chakasuruwara.

"Muzukuru kana ndiri seni ndodana ruregerero, handizive kuti ndainge ndabatwa ne mweyai, asi ndinoona kuti izvi zvine vadzimu mukati ukabata unofira shanga yenzungu se mbeva" vakadaro mbuya.

"Ko muzukuru wenyu wekutivigira nyama kubva zuro haana kuuya kwakanaka" akabvunza Zvikoni.

"Uyo here pamwe akatoora moyo" vakadaro mbuya.

"Uya dzakatamba ne pwere ndokuresva kudzoserwa , anoti ndingaita dzaindirana kungoteverera vanhu here ini mumoyo mangu muna Mandinzwa chete zve vamwe ndinenge ndichitoona se hanzvadzi dzangu" akadaro Zvikoni.

"Wakamuda ne moyo wese muzukuru urambe wakadaro" vakadaro mbuya.

"Mbuya ndine chimwe chinhu chandinoda kukuratidzai asi ndimi vekutanga nguva yesei ndainge ndakachiviga nekuti handizive kuti chinorevei" akadaro Zvikoni.

"Chiiko muzukuru wangu chinenge chakakosha chinhu ichocho" vakadaro mbuya.

Zvikoni akasimuka ndokuenda muimba yake ye kurara, ndokunotora chuma chaakapiwa na mbuya Gora.

Kubva zvaakachipiwa haana kubvira achiisa muhuro ,hana yake yairova kana oda kuchiisa obva aregedza.

Zvikoni aive ne chokwadi chekuti chuma ichi chine zvachinoreva nekuti chainge chakafanana ne chaipfekwa na mai vake, asi ichi chainge chakagadzirwa zvakaivonaka, chine ruvara runoyevedza, chaive chakanaka uye chiine uremu.

Zvikoni akachitora ndokuenda nacho kuna mbuya vake.

"Mbuya mungandiudza kuti chuma ichi chinorevei" akabvunza Zvikoni.

Mbuya Mutonodza vakatora chuma chiya ndokuchinan'anidz, mbuya vakatanga kuvhura meso, tevere muromo tevere maoko kubvunda vakachibata zvinova zvakashamisa Zvikoni.

"Mbuya kwakanaka here" akabvunza Zvikoni atoona kuti chero nhunzi ingauye ikapinda mu muromo.

"Zviko ,Zvikoni muzukuru wangu chuma , chuma ichi wakachiwanepi" vakabvunza mambo vachiita kugura manzwi.



"Mbuya kwakanaka here" Zvikoni ainge oshamiswa nekuita kwa mbuya vake , zvino ainge ozvidemba dzungu raaita kuchibudisa.

"Zvikoni ndati chuma ichi wakachiwanepi" vakabvunza zvakare mbuya.

"Mbuya chuma ichi ndakachipiwa na mbuya Gora ,mbuya va Mandinzwa vanova vakamunonga vakamurere, mbuya Gora vanoti chuma ichi vakachiwana pavakanhonga Mandinzwa mujinga me rwizi paaive akaradzikwa" akadaro Zvikoni.

"Iwe vachikupa vaiti ndechei" vakabvunza mbuya Mutonodza.

"Ivo vakati vaigaro ona mukadzi kuhope achiti chuma ichi vachipe munhu we kutanga kufambidzana na Mandinzwa" akadaro Zvikoni,

zvino mbuya vake vaininge vowedzera kubvunda.

"Babangu Dziva iwe ndoiripa neiko , ndoireva ndichitiiko ko ndainge ndafuririka seiko kuda kuitiswa chinhu chakaipa ichi" vakadaro mbuya Mutonodza vachidemba zvino Zvikoni ainge avhiringidzika kuti varikurevei.

"Mbuya mukadaro makundityisa asi chaitasei chuma ichi" akabvunza Zvikoni.

"Chuma ichi Zvikoni tarisa chakasiyana ne changu nekure, ichi chakagadzirwa ne mabwe anowanika pasi pasi pemvura pasinga svikike uye chii....." Mbuya Mutonodza vakabva vaita se vabatwa manzwi vachibva vanyarara.

"Mbuya pedzisai nyaya yenyu" akadaro Zvikoni achida kunzwa nyaya ye chuma ichi.

"Zvikoni zvimwe uchaziva nekufamba kwenguva asi ndinoti chengetedza chipo chawakatakura, vadzimu vakatsamwa tinopedzwa dzinza rese, wakatakura chinhu chinokosha" vakadaro mbuya vachitosimuka vaisada kuramba vachitaura nezvazvo, vaive ne nhoroondo yavanoziva.

"Mbuya kani mukadaro makoniwa handina chandanzwisisa" akadaro Zvikoni.

"Chuma ichi wakambochiisa muhuro here muzukuru wangu" vakabvunza mbuya Mutonodza.

"Handisati mbuya" akadaro Zvikoni.

"Ndinokumbira usachiise muhuro chero zvodii,

uchamirira nguva yauchachipfeka ,chero  
wafarisa sei usaise muhuro muzukuru wangu"  
vakadaro mbuya.

"Asi pane chirevo" akabvunza Zvikoni.

"Ukachipfeka zvinhu zvakamira kudai unogona  
kuzvikuvadzisa iwe ne chikoshwa  
chawakatakura, zvine chirevo muzukuru wangu,  
mwana wawakatakura akagara ataurwa ne  
madzitateguru ekare asina mupenyu  
akambovaona zvino kune vari kuvhima chinhu  
ichi nekuti mune remangwana chine basa guru,  
zvino mukufamba umu kune mhiko yekuti  
hachifanirwe kubarwa panyika" vakadaro mbuya  
zvinova zvakasiya Zvikoni anyanyisa  
kuvhiringika.

"Zva nhasi zvatataura zvakwana ndinovimba  
nekufamba kwenguva uchanzwisisa hako"

vakadaro mbuya Mutionodza.

"Mbuya matauriro enyu zvoita sekuti munoziva rudzi rwa Mandinzwa sei, nei matateguru acho akataura nezve mwana wa Mandinzwa" akabvunza Zvikoni.

"Ndaita mutete pazviri asi ziva kuti chokwadi chave pedyo kubuda,zvichati kurwadza , zvoti kusuwisa, zvoti kunzwisa ngoni" vakadaro mbuya Mutionodza.

"Tataura hedu mbuya asi hapana kana chandanzwisisa " akadaro Zvikoni.

"Nekufamba kwe nguva uchanzwisisa uye uchabatanidza mashoko angu nezviitiko zvichatevera ndipo pauchaona zvandinoreva"

vakadaro mbuya.

Zvikoni akawona kuti angaswerera pasina nyaya svinu vakabva vachinja nyaya votaura zvekupisa kwezuva se nguva yechirimo.

-----

Ticharwa zvaakaronga rwendo rwake haana kuda kudzokera kumashure, ainzwa kuti anoda kurwira rudo rwainge rwapinda mumoyo.

Zvikoni ainge adiwa na Ticharwa ne zvake zvese ainzwa kamoyo kachitakuta kana amufunga.

Chinangwa cha Ticharwa chekuenda kwa mambo Samaita chaive che kuda kuwisira Mandinzwa pasi awane kudiwa na Zvikoni.

Ticharwa ainge ave ne chokwadi chese chekuti Mandinzwa aisadiwa na mambo uye ainyepera

kunge akafa iye arimupenyu.

Kana uine chaunoda unochishingirira kusvika zvaita.

Ticharwa aifamba zvekuti akasire kusvika kudunhu ra Samaita.

Ticharwa akafamba kusvika zuva ravira, ne husiku haana kuda kuzorora chinangwa chake chaive chekuda kukasira kusvika.

Ndakasvika apakuedza Ticharwa achingofamba chete ,zvino makumbo ainge orema kusimudza asi haana kuda kuzviteerera.

Chakashamisa Ticharwa ndechekuti rwendo rwake rwaisaguma, aingofamba mukati mesango asina panoratidza kuti akusvika kunogara vanhu.

Zuva rakasvika pakugara miti Ticharwa achifamba zvino nzara nekuneta zvainge zvamubata, akabva ambozorora achidya chimukuyu chainge atakura ndokumwa mvura ndokusimudzira rwendo rwake.

Kuenda kwa Mutonodza kune vanofamba kunongoda zuva rimwe zvino Ticharwa akaita

anenge mazuva maviri achingofamba chete.

Ticharwa akazosununguka moyo awona kuti akusvika mumusha,asi chakamushamisa kwa Samaita kwaaiziva kwainge kwasiyana ne kwaainge asvika.

Akangozvipa mashoko eshingiso ekuti ainge ave ne makore abva Kudunhu ra mambo Samaita zvikada vaine vachinja mavakiro.

"Makadii henyu" akadaro Tichaona asangana ne umwe murume aikokorodza mombe dzake kuti anovharira sezvo kwainge kwavira.

"Tiripo makadii wo kwakadii kwabviwa nekuti ndinoona kuti hamusi ve dunhu rino" akabvunza murume uya.

"Hongu handisi wedunhu rino ,rino ndiro dunhu ra mambo Samaita here randasvika" vakabvunza Ticharwa achiratidza kivhiringika.



"Babangu shumba iwe kwa Samaita unokuziva nhai chikomana" akabvunza murume uya achiratidza kushamisika.

"Ndinokuziva asi ndarasika kani" akadaro Ticharwa achiratidza kupererwa.

"Kuno Kudunhu ra mambo Mapinga kubva pano kuenda kwa mambo Samaita kunoda mazuva maviri chaiwo asi imi mabvepi" akabvunza murume uya.

"Ndabva kwa mambo Mutonodza ndanga ndichienda kwa mambo Samaita" akadaro Ticharwa achiratidza kupererwa.

"Yowe zvangu masiya nzira inoenda kwa mambo Samaita kubva kwenyu kusvika kuno kunotoda mazuva matatu chaiwo mafamba sei chaizvo" akabvunza murume uya.

Ticharwa achinzw izvi akagara pasi zvekupererwa chaiko, akafunga mafambiro aakaita siku ne sikati hezvo ainge arasika nzira.

"Zvakaoma mukuru wangu kwandabva kure makumbo angu arwadza nzara yandiruma chindipaiwo pekurara kwa nhasi ndomukira zvangu mangwana" akadaro Ticharwa.

"Ndinoziva sei kana uri tsori yauya kuzoshora mudunhu redu " akadaro murume uya asi ainge atooka kuti Ticharwa ari kurevesa.

"Munorara henyu makandisunga mbiradzakondo chandinongoda kuwana pekuisa musoro chete"

akadaro Ticharwa.

"Zvakanaka asi kungozama kuita zvakaipa ndokugura musoro" akadaro murume uya.

Ticharwa akatenda ne kunzwisisa kwainge kwaita murume uya ainzwa moyo kurwadza nekutenderera kwaakaita ,kuenda kwa mambo Samaita kwaida mamwe mazuva maviri apa makumbo ake ainge akurwadza hameno aizobudirira here kusvika.

Kupera kwe chitsauko 44  
[05/31, 7:34 PM] +263 77 702 6923: \*ON SALE\*

\*LOST CHILD\*

\*STORY BY\*

\*R.MAWANDE\*

\*MADUBE CHISHONGO\*

0777026923

\*CHITSAUKO 45\*

\*Kudunhu ra mambo Samaita\*

Tichaona zvaakabva kumuzinda akabva chifuva  
chiita kuzara ne hashu.

Baba Dambu vaikonewa kufema nezvavainge  
vaitwa na Tapiwa pa dare, vaiona vanyadziswa  
ne mwana anobuda mukaka pamhino.

Chakanyaya kumurwadza ndechekuti mambo  
vainge vateerera zvataurwa ne mwanakomana  
wavo, iye ndiye aida kuiswa muhapwa na  
mambo Samaita.

Chezivo kuti munhu anongokuda muchiita mabasa erima kana zvaipa unosiiwa pachena. Tichaona ndiye ainge otambiswa chamutengure ne zvipoko ivo mambo vachirara dzinouya.

Tichaona akabva ananga kumba kwake gumbo ndiro raimushungurudza ,mukadzi wake achiona murume achisvika akabva amuchingura.

"Mafamba zvakanaka here baba Dambu, mambo vatii" akabvunza achiita kunonokerwa nekuda kunzwa mamiriro enyaya.

"Ndafamba zvakanaka gumbo ndiro randirwadza" akadaro achigara pachituro ndokutwasanudza gumbo rake.

Mukadzi wake akabva atora mvura ne mushonga ndokugezesa ronda riya achibva anamira mushonga.

"Hamuna chamati mataura mawana variko mambo here?"

"Ndawana variko asi havana chisvinu chavataura"

"Ko nei ndivo mambo vanofanira kuchengetedza dunhu ravo"

"Asiri mwana wake anoita sekuti ndiye ave mambo kundiudza here kuti wave murume zvimiririre mungava dzako kunditi ndiri pwere inongouya ichireva ndichitadza kuzvimiririra"

"Ko ivo mambo vakati chii?"

"Ndashamiswa ndichiona mambo vachibvumirana na Tapiwa kukanganwa zvandakavaitira ini"

"Hehehe huuurrii seka nhamo serugare mwana wa Maidei, zvamurimi zve tsika nditsikewo nhasi zvashata papi zve, chavanoda vanotuma imi, imi renyuwo gumbo haribve kumuzinda nhasi ngavakubatsire kutsvaka ka aita izvi pamusha wako zvaipa nekuti zvave kwamuri ndoziva masahwira abobatsirana pa dambudziko" vakadaro mai Dambu vachisekera svoto.

"Vakadzi munonetsa kuda kubatira zvamusingazive mhani, ikezvino ndikauya ne nyaya hadikuudze chaunoseka ipapo chii?"

"Kungotaura hangu asi chokwadi chinorwadza" akadarwo mukadzi wake.

Tichaona akarwadziwa ne mashoko e mukadzi wake, hongu airwadza asi ainge ataura chokwadi.

Tichaona akabva asumuka ndokutora miseve yake ndokubereka ainge afunga kutsvaka munhu akaita izvi akabva atanga kufamba achibuda muruvanze akatora nzira ye kwa Simbamukaka.

"Mafungepiko musina kana kuisa bota zvaro mu muromo" akadaidzira mukadzi wake atoona munhu akuenda.

"Ndichadya ndadzoka ndine zvakawanda zvandinoda kuita" akadarwo achitofamba.

"Aiwaka hamuitire hasha tese huyai mudye mufambe zvakanaka"

Tichaona haana kudaira akaramba achifamba kudzamara asvika kumba kwa Simbamukaka ,akabva akwira mumuti waive pedyo ne pamba pake.

Tichaona aive ne chokwadi chekuti kana ariye achaona pachivhiyiwa nyama asi akatoona zvana zvepo zvichidzingirira jongwe ndokubatwa richibva ratoitwa usavi sezvo painge pane machongwe maviri ainge anzwa nekudamburana musoro

Tichaona akabva afunga kusvika pamba apa kuti anatso kuongorora kuti pakamira sei uye kuona kuti Simbamukaka achadii nekuti munhu kana achinge aita chinhu anoonekwa.

"Tisvikewo pano"

"Ah ndiwe Tichaona titgamuchire" akadaro Simbamukaka achichingura Tichaona.



"Iwo maoko here kubva ndisina kubatira vana chero chakata zvadzo"

"Chakosha hupenyu tichionana kudai " akadaro Simbamukaka pese apa Tichaona ziso rake raingotenderera ruvanze rwese achitsvaka umbowo.

"Ko ndanzwa kuti makarozvewa madeko apfuura"

"Zvakaoma muvengi ari pabasa chaipo ndoshaya kuti munhu uyu ndakamutadzirei"

"Dai ndirini ndaisazorora kusvika ndabata nhubub uyi ndiye munhu aizoudza vamwe kuti apa panopisa"

"Ndizvo hazvo asi ndichamubata hangu pandinomubatira chero pfumo ndonyika"

"Baba, baba ndaona yopa ,ndaona yopa"  
kakadaro kamwana ka Simbamukaka ,kakauya  
kachimhanya kachibva musango mavange  
vaenda kunotsvaka shumha.

Tichaona na Simbamukaka vakabva vaenda  
kunoratidzwa, vakashamisika vachiona paine  
ropa nyoro rakawanda.

"Simbamukaka chidzokera rega nditevere  
munhu aita izvi"

"Aiwa mangwana ndiniwo ndinowirwa ne  
dambudziko ngatifambei tese" akadaro  
Simbamukaka.

"Aiwa uazvinetse ndave munhu mukuru  
ndo zvimirira"

"Ah zvakakananaka" akadaro Simbamukaka  
ndakudzokera asi haana kure kwaakaenda

akatanga kutevera mushure ma Tichaona.

Tichaona aingotevedza madonhwe eropa riya, ainge atozviudza kuti kubata munhu ndiye acharipa matadzo evamwe vese, uye ainge ane chokwadi chekuti ndiye munh umwe chete we miseve.

-----

"Mambo wangu ndine chinhu chiri kunditambudza" vakadaro mai Tapiwa zvavaisasana ne murume wavo.

"Matambudzwa neiko nhai mai ve vana vangu" vakabvunza mambo.

"Hope dzandarota madeko apfuura hadzina kundijekere" vakadaro mai Tapiwa.

Mambo vachinzwa zve hope vakabva vatoziva kuti zvatanga zvekare.

"Chiiko chakushayisai mufaro" vakabvunza mambo asi hana yavo yainge isisina kugadzikana.

"Ndakarota takaungana pano pamuzinda kuita sepane mabiko, kwabva kwasimuka mhupo zhinji tevere makore matema ndokutanga kuungana achiratidza kuronga mvura inotyisa, asi chandishamisa mvura yatanga kufashaira ichibuda mugomo ichiita kuyerere, imwe ndiyo yanga ichiita sekuti irikubva kurwizi asi ichisundwa ne mhupo, pakarepo ndaona muzinda uno wese wakukurwa ne mvura iyi" vakadaro mai Tapiwa zvino murume ainge asi vhura ziso.

"Handioni sepana chakaipa dai chiripo Chinembiri akasiya ataura"

"Kuti kudaro asi hana yangu haina kugadzikana nhanasi"

"Usazvidye moyo mukadzi wangu ndosaka  
ndiripo ndozvigadzirisa"

"Ndinodzoka ndotyeka nekuti ini ka zhinji hope  
dzandinorota dzine chirevo"

"Ko wanzwa here kuti mwana ati ndakura"  
vakadaro mambo vachishandura nyaya vainge  
vasisade kuramba vachinzwa nyaya  
dzinovatemesa musoro.

"Kana musina kundipira moti ndingaudzwe nani  
zvangu"

"Kutaura kudai ndatotuma nhume kwa  
Mapinga, Maturure na mambo Karigoga kunoti  
vakunda vavo vauye panofa mwedzi uno mwana  
asharudze waanonzwa hana kurovera"

"Maita mambo wangu muzinda ukaita muroora  
unenge wave ne chiremera"

"Iro jaya rangu rakura ndakudawo kuona muzukuru wangu wandichasiira zita"

"Ichokwadi munofawo maisa ziso pazvibereko zvenyu"

Vaviri ava vaifara asi kune umwe ainge agarwa ne godo pahuro kuti dzii.

Nhau yekusaita kwavo mwana mukomana vahosi kwaivadya moyo ,vaisaziva kuti vange vakazvidyira mazai avo kare.

Kana uchiita chinhu tanga wafunga kuti hazvina zvazvinozokonzera here mukufamba kwenguva ndizvo zvisina kucherechedzwa na vahosi.

Mai Tapiwa kungowanikwa nekutotakura mambo vedunhu ivo vachingobara macheka nhembe.

Va Muchaneta vangu zvazvakaramba pana Mandinzwa vakabva vatanga kuda kuonekwa na Tapiwa asi Tapiwa wacho aiita seakavharwa meso.

Muchaneta aive musikana akaumbwa zvaiyevedza, aive ne makomba pamatama aiti akasekerera saka raibuda asi zvese izvozvo zvaisaonekwa na Mandinzwa na Tapiwa zvekuti

akafunga kuti ane munyama chaiwo chezivo kuti mirira nguva.

Muchaneta haana kunge aziva kuti ziso re mwanakomana raive paari asi nekahunhu kaaita kekuda kuonekwa achimisa chifuva mberi zvakaaita kuti Tapiwa asiyane nazvo, ainge ongomirira musi unouya vakunda ve madzimambo.

Tapiwa zvaakanzwa nhau yekupiswa nekuvhiiyirwa mombe kwa Tichaona akabva aziva kuti hakuna vamwe I mhuka dzake dzinogara musango.

Pakarepo pfungwa dzekushanyira Tarunzwa dzakabva dzamubata aida kuziva kuti chii chakaitika kusango zvaakabva akanamirwa mushonga paronda rake.

"Mafungepiko nhai Chivara" vakabvunza mambo vaona mwanakomana wavo ananga kusuwo remuzinda.

"Ndati ndimboona kuti Tarunzwa avesei neronda"

"Asizve ndakati haufambe wega tarisa nzvimbo  
yashata Tichaona aoneswa nhamo  
newatisingazive"

"Chisi hachieri musi wacharimwa regai amboona  
chitsvuku akanga nyimo avangarara uye adenha  
rovambira anovimba ne makumbo ake "

"Asi une cha unoziva nhai Chivara"

"Aiwa chinosiva ivhu kuti we mbeva anorwara"

"Heya" vakadaro mambo asi naivowo vainge  
votya mwana wavo anenge aine zva anoziva  
chete.

Vakatanga kubatanidza mashoko ake kubva  
zvatanga nyonga nyonga iyi uye mashoko  
avakamboudzwa na Tichaona pamusoro pake  
na Mandinzwa.

Mambo vakave ne chokwadi chekuti Tapiwa ane  
chaanoziva chete.



Tapiwa akabva abuda ne muchengeti wake sezvo baba vake vainge varamba kuti afambe ega, ikezvino ainge asina zvipande saka aisatya zvake.

Tapiwa akasvika kwa Tarunzwa akagara zvake pamumvuri achinwa maheu, murume ainge apona ne buri retsono ainge atarisana ne rufu.

"Titambire mambo wangu nhasi matsika rutsoka rwenyu paruvanze rwangu"

"Uchitambireiko Tarunzwa tichingori maoko kudai"

"Aiwa chakakosha rutsoka rwenyu pano"

"Ndati ndizodongorera kuti mavesei kubva zvamakabva kumuzinda handina kuzotevera ndione kuti mave sei?"

"Ndave nani zvangu rakuuita richioma haro

ririkudaira mushonga"

"Aiwa kana zvakadaro zvakanaka uye munhu ukagara panzvimbo uchirapwa unokasira kupora"

"Ndizvo chaizvo paye ndanga ndaenda varume va Nyati vanoziwa kurwa chaiko"

"Ichokwadi nekuti paye neniwo ndanga ndaenda hameno akandirwira nekuti ndakangozoona munhu odonha kumashure kwangu ainge andinyangira" akadaro Tapiwa, iye aiziva hake munhu akamuyamura asi aida kunzw matama a Tarunzwa kuti ndivo vamwe chete vakamuyamura here.

Tarunzwa akabva atarisa Tapiwa ndokusanganidzan maziso achibva atarisa jinda ra Tapiwa ,Tapiwa akabva abata nhau yacho.

"Tarunzwa musha wako wakanaka unokwanisa here kutenderera uchindiratidza hako kunyanya kune rusvingo rwe muti wemuruva wakanatso

chekererew zvakanakisa" akadaro Tapiwa achisimuka.

Tarunzwa akabva atora mudonzvo wake ndokusimuka.

"Gurajena sara pano ndinodzoka "akadaro Tapiwa Gurajena haana kupikisa zvake, varume vakabva vatenderera ndokunomira seri kwedzimba.

" mambo wangu ndakaona chishamiso nguva yesei moyo wangu wairwadza kuti vanhu vataive navo kusango rerima vongotsakatika saizvozvo" akadaro Tarunzwa.

"Neniwo zvaindida moyo asi ndakazosununguka ndasangana navo"akadaro Tapiwa

"Ini moyo wangu wairamba kuti Matambanepfumo murwi mukuru nyanzvi ,mhare igofa ichigochwa kudaro, mugoona munzira mese aingotaura kuti pane chandiri kunzwa kuti chichaitika pandiri" akadaro

Tarunzwa.

"Nhau yandafambira ndiyo imwe chete munhu anonzi Tichaona hanimuchenese hangu" akadaro Tapiwa haana kuda kutaura zvekuti baba vake vaive ne chekuita nazvo aisada kufukura hapwa.

"Ndinoona sekudaro neniwo mambo wangu nekuti zvatakabva kusango rerima musii iwoyo ndakasvika ndikapfuurira kwa Moyondizvo ndakubva kwa Moyondizvo ndiri kure ndakanzwa hurukuro ya Tichaona na Murozvi kuita sekuti Tichaona pane chaaida kuti Murozvi amubetsere husiki ihwohwo asi akaramba fume ndonzwa mashura ekupiswa kwa Matambanepfumo ne mhuri yake" akadaro Tarunzwa.

"Saka ndivo vanhu vakakuyamura?"

"Hongu munhu anonzi Mandinzwa haana kumira mushe dai vaisavapo vanhu vaye yangove nhoroondo mudunhu redu nekuti hondo ya Nyati rinopisa, varume vakarwa se mvumba" akadaro Tarunzwa zvinova zvakafadza Tapiwa.

"Zvino varikupedza vega vakomana Tichaona aoneswa chitsvuku ndinovimba kuti achadura ega ne muromo wake" akadaro Tapiwa vachifamba kudzokera kwavainge vasiya Gurajena.

Tapiwa haana kuzogara akabva aoneka ndakudzokera hake.

Kupera kwe chitsauko 44  
[05/31, 7:34 PM] +263 77 702 6923: \*ONSALE\*

\*LOST CHILD\*

\*STORY BY R.MAWANDE\*

\*MADUBE CHISHONGO\*

0777026923

\*CHITSAUKO 46\*

\*Kudunhu ra mambo Nyati\*

Zvakapinda Manyara mumuzinda wekwa Nyati, vanhu vakapemberera nekupururudza kunyange hazvo vamwe vairwadziwa ne kurasikirwa ne hama dzavo.

Manyara akagamuchirwa zvakanaka ndokuratidzwa imba yake yainge yakagadzirirwa Zvikoni.

Manheru e musu uyu ndimo makarara mambo kumukadzi wavo mutsva ,vaishuvira kuti dai avabarira mwana mukomana achazogara ushe hwavo.

Nyangwe hazvo mambo Nyati vainge vasina kuzowana mukadzi wavaida asi moyo wavo waifara kuti musana wavo uchiripo zvavakakwanisa kutsidigura mudzi wainge

wakomba.

Makuseni ezuva rakatevera vana vatete vaifara nekudadisa kwainge kwaita muzukuru wavo kuzvichengeta kusvika akombodza.

Mombe yechi manda yakabva yabviswa se murau wavo yaizofanira kuenda ne madzitete ake kumusha kwavo.

Mambokadzi vaikwenya kamhuno nekasiyanwa kuti kufara hako asi paachatadza kusiya budzi panyika ndipo pavazoonesa zvavo.

Chero hazvo vainge vaita zvikaranga zvavo asi moyo waingorwadza kuti mambo Nyati vatora umwe mukadzi ane zera ne mwana wavo.

Mbuya Chari shoko zvarakasvika kuti varikudiwa kumuzinda vakabva vaziva nhau yavo, se munhu aida zven'ome ne nyama vakabva vatoti dzawira mutswanda hadzichanetsi kudyorera, vainge vatowana maendero ekumuzinda kunohudzasa.

Mbuya Chari vakasvika ndokuwana Yeukai akavagarira ne chipfeko chiya vachibva vachitora ndokunochisiya mugwenzi riri munzira inoenda kumba kwavo.

Mbuya Chari vakabva vadzokera kumuzinda

kunohudzasa zvishoma vodzokera havo sezvo kwaive ne mhemberero.

Mbuya Chari vakati mukombe mumwe pamuromo ndokuti kutu wese, vakanzwa kuti hurikunaka zvekuti vakabva vapamha umwe mukombe, zvino doro riya rainge rasipinda mu pfungwa vainge vongodaidzira kuti ngauuye humwe, shavi ravo rekumwa rikati ravagara, vakazobva kumuzinda vasisaone nzira zvekuti chipfeko chavainge vapiwa vakakanganwa kuchitora.

Mbuya Chari vakasvika ndokurara zvavo ndokumuka zuva ratokwira, pfungwa dzavo kana kurangarira kuti pane basa ravasina kuita.

Mbuya vakati zvino zuva rogara miti vakuenda kurwizi kunogeza ndipo pavakarangarira kuti pane zvavakasiya vaisa mugwenzi.

Vakabva vatochinja nzira ndokutora inoenda kumuzinda, vakati vakusvika pedyo ne gwenzi riya vakabva vasangana ne machinda a mambo .

"Mbuya Chari munoendepi kwavira kudai



hamuzive kuti kumuzinda hakutendererwi kuendwa nguva dzino" rakadaro rimwe jinda ra mambo Nyati.

"Madeko apfuura ndakasiya chuma changu ndarakwa ne hwahwa ndicho chandiri kunotsvaka" vakadaro mbuya Chari.

"Handina kuramba kuti pane chamunoda kunotsvaka asi ndati munoziva here kuti hakutenderwe vanhu kwavira kudai" rakadaro jinda riya.

"Hongu ndozviziva asi moyo wangu haungagadzikane kana ndisina chuma ichi" vakadaro mbuya Chari.

"Mbuya musade kutinetsa kana manga muchida chuma chenyu madii kuuya mangwanani pane kuuya kwadoka kudai, kana muine chamunoda kuita hameno henyu na mambo Nyati movaziva

moswera musoro wenyu waiswa muna Runde wadyiwa ne makarwe" rakadaro jinda riya.

Mbuya Gora vakaona kuti hapana chavo mambo Nyati vaive ne moyo wakasindimara kutyora mutemo waiswera musoro wave pa danda.

Mumoyo ne muhana mavo mainyunyuta, vaitya kuti mambokadzi vakazviziva kuti hapana chafamba vaidyiwa vari mupenyu.

Vakazozviudza kuti mangwana mangwanani vaizo zama kunotora chipfeko chiya, vakazvipa mashoko e shingiso ekuti nhumbu haingabate ne zuva rimwe chete.

Mbuya Gora vakabva vadzokera kunzira inoenda kurwizi pfungwa ne moyo zvaingove ku chipfeko chiya, vaitya kuti mambokadzi vakaziva kuti hapana chakaitwa vaiziva kuti vange vazvigochera pahutsi.

Mbuya vakasvika kurwizi ndokugeza ndokubva vatakura chirongo chavo voenda kumba kwavo.

Mbuya Chari vaigara vega hapana muzukuru aida kugara navo nekuda kwe mabasa avo erima ,kumba kwavo kwaisagarika kunyanya mahusiku, mumba mavo maiita semune vanhu

vakawanda izvo zviri zvinhu zvavo ivo vaitonzwa  
zvakarisingana.

Kwakasara kwoedza mbuya Gora vamuka kare,  
vainge vamirira kuti zuva rikwire vaone kufamba  
nekuti vaisada kuonekwa rungwanani vachienda  
kumuzinda sezvo runyerekupe rwekuti  
havadambure machira rwainge rwasvika  
munzeve dzevakawanda vaisada kuita zvinhu  
zvinozovapa chipomerwa kunyanya pamhuri ya  
mambo Nyati nekuti vaiziva kuti vaizodzingwa  
mudunhu.

Zuva richingoti kwirevakabva vapinda munzira  
havana wavakasangana naye kusvika vanotora  
chipfeko chiya, vakangosvika voita chikaranga  
chavo ndokusunga mbereko zvachose vakaisa  
mafundo ekuti pasina asunungura Manyara  
aizofa ari ngomwa.

\*Kudunhu ra mambo Samaita\*

Mandinzwa na Matambanepfumo zvavakabva mukusangana na Chinembiri vakabva vapinda zvavo musango vachidya michero sezvo matumbu avo ainge aserera.

"Mukuru wangu zvamuri kuti swera mangwana tinofanira kuenda kugomo remapako ko vanosara ava vanodyei zvatisina kuenda kunovhima, uye isu tinodyei munzira nekuti kuenda kugomo kunotoda zuva rese pane mufambo mukuru" akadarwo Mandinzwa.

"Wauya ne nyaya kwayo pane pfungwa yandibata" akadarwo Matambanepfumo.

"Ndine chokwadi chekuti mafungawo zvandafunga" akadarwo Mandinzwa achisekerera.

"Tichaona" vese vakataurirana pamwe chete.

"Ndizvo chaizvo mombe dza mbuya Gora dzavaidya vachiti vafa vanoti dzinoenda dzega" akadarro Mandinzwa.

"Ungadarro ini dzimwe dzangu dzakaiswa mudanga na mambo dzimwe mbiri dzikapiwa Tichaona pane shanu dziya dzaakapiwa imwe chete akauraya zvake" akadarro Matambanepfumo.

"Asi hutsinye huna mambo Samaita hauuite ini hangu dai zvainzi ndinoita mambo ndaisatonga mutongerro wavo, nhubu dzakaita saivo ndizvo dzandaitongerro zvinorwadza" akadarro Mandinzwa achiratidza kurwadziwa.

"Chete umambo hunowanikwa zvakasiiyana kana uri weumambo chaiye hautonge zvaunoda asi vadzimu vako vanokuratidzira gwara" akadarro Matambanepfumo.

"Muchireva kuti Samaita haasi weumambo here?"

"Aiwa nehunhu hwake vadzimu vanenge vakasotama kare paari"

"Ndinoshuvira kuti Tapiwa dai akasatora matsimba a baba vake"akadaro Mandinzwa.

"Ndipo pamwe pachaita ne nyaya nekuti haazofarire kuona baba vake vachiwisisirwa pasi, pachada kuitwa kuongororwa kwakakwana nekuti munhu haavimbwe naye nekuti mangwana hatizive rinenge rakamira sei" akadaro Matambanepfumo

"Asi kuti angashanduke here?"

"Hazvina chiedza chakati tsvikiti " akadaro Matambanepfumo achisika moto ainge atove ne zano kare.

"Teerera Mandinzwa, zvinoda kunoita nhasi zvinoda kutsunga moyo nekuita zvinhu nekukasira, hatingakwanise kutinha mombe tikafamba nayo husiku hwese, chatichaita kutoivhiya totora zvinoda tosiya tapisa danga ,ndinoziva kuti achabuda chete ndobva ndasiya ndapisa imba yake ye kurara, ndinoda kusiya asina kana chinhu ave rombe chairo risina chariinacho sezvaakasiya aita kumba kwangu" akadaro Matambanepfumo aive ne shungu pamoyo.

"Ini handina tsitsi ne vanhu vakaita sana Tichaona zvangu ,dai tisina kunonoka kusvika takawana mbuya tsvira mumba."akadaro Mandinzwa.

"Handisati ndatanga naye ndiye achafira matadzo ake ese, ndinoda areurure ega pasina amuvhundutsira " akadaro Matambanepfumo achiisa huni mumoto wainge wabvira.

Varume vakavirirwa vachironga mafambiro avaizoita manheru aya.

Kwakasara kwosviba vatove pedyo ne musha wa Tichaona, zvekuti kupinda kwake muimba yekurara zvaingove mu maziso avo.

Vakazoti vaona kuti yave nguva inotapira hope, varume vaviri ava vakananga kudanga ra Tichaona ndokupinda mukati, havana kunonoka kutema mombe yavaida, vakanatso sharudza bhuru redanga rakakora .

Matambanepfumo akangoritema parufiri zvekuti mombe haina kana kubudisa inzwi ichibva yati pfau pfau ndiye zii yakadaro, varume havana kutambisa nguva vakabva vabvisa dehwe, makumbo hura ne musoro , vakabva vasunga mombe yavo ne rwodzi rwakasimba vaiitira kukwanisa kubatirana nekuti vaiziva kuti vaisvika vonzwa musana nayo.

Varume vaona kuti vabudirira vakabva vanosiya mombe musango, Mandinzwa ndokusara akaichengetedza Matambanepfumo achinopisa



danga neimba ndokusiya abaira museve wake  
mucherechedzo sekuti ndadarika ne pano.

Matambanepfumo akabva adzokera  
ndokunobatsirana kusenga mombe iya, vakati  
fambe ndokuona kuti hakuna kwavaisvika,  
vakabva vaitema ne pakati divi re bandauko  
ndokusiya varisungirira mumuti ndokuenda  
kumusasa kwavo ne rimwe divi.

Mandinzwa na Matambanepfumo vakasvika  
ndokuzorora zvavo, vaida kumukira kuseni  
kunotora bandauko ravainge vasiya.

"Mukuru wangu takanganisa chinhu chimwe  
,patanga tichifamba ropa re mombe rafamba  
richidonha nzira yese ndine chokwadi chekuti  
Tichaona achatironda chete" akadaro  
Mandinzwa rungwanani vari munzira  
yekudzokera kwavakasiya nyama iya.

"Mandinzwa nditori mberi kwako nechekare,  
ndizvo zvandanga ndichida kuti zviitike, ndoziva  
kutichatevera, ndoda kusiya ndamupa umwe

mucherechedzo" akadaro Matambanepfumo.

"Nhasi mandipedza simba munenge mazvifunga nguvai?"

"Mandinzwa kuti unzi murwi ane hungwaru, chinofanira kunyanya kushanda pauri kufunga zve mberi kwete zviri panguva iyoyo" akadaro Matambanepfumo.

Varume vakati vakusvika vakabva vakwira mumuti ndokumirira kuuya kwe munhu wavo, Tichaona aiita kukamhinira achiteedza madonwe e ropa, Simbamukaka aive mushure make asi haana kunge azviziva.

"Muri kuona zvandiri kuona here?" Akabvunza Mandinzwa.

"Ndi Simbamukaka uyo. Pachaita dambudziko

pano ndikada kuvhiringa Tichaona handidi kuti ruzhinji ruzive kuti tirivapenyu vamwe hana dzavo dzakareruka" akadaro Matambanepfumo.

"Asi hatingaregi mhuka yedu ichidzokera yakadaro" akadaro Mandinzwa.

"Ndafunga zano iwe sara pano uchiongorora Tichaona ukaona akusvika panyama yedu regedzera museva pane rimwe gumbo" akadaro Matambanepfumo.

"Zvakanaka" akadaro Mandinzwa, Matambanepfumo akabva aburuka akananga divi raibva na Simbamukaka.

Matambanepfumo zvaakaona Simbamukaka achinyangira kumashure kwa Tichaona akabva aenda padivi pe nzira.

Akabva atatamura museve wake uchinobaya pakati pe makumbo a Simbamukaka.

Simbamukaka se nyanzvi ne munhu ane hungwaru haana kutirimuka ,akabva avanda ne

muti achicherechedza kwabva ne museve,  
umwe zve museve wakabva wabaya padivi pake,  
ndokubva abva pamuti uya ndokutanga  
kuhwanda ne imwe miti achienda kudivi rabva  
ne museve, aive ne chokwadi chekuti munhu  
apotsera museve uyu yaive nyanzvi aisada  
kumuuraya asi kumutyisidzira, Simbamukaka  
kubva zvaatanga kuve murwi mukuru  
akazviudza kuti haatize muvengi asi anofa  
aedza.

Matambanepfumo zvavakaona kuti anyangira  
yaona akashaya rimwe zano ringaite kuti  
Simbamukaka abve panzvimbo, akabva afunga  
kuzviratidza kwaari.

Simbamukaka achiti dhuma dhuma na  
Mandinzwa murume mukuru akashaya mweya  
wekufema ndiye pasi zii akadaro.

Simbamukaka zvimwe zvese aisatya asi  
chinonzi chipoko zvainge zvachose zvekuti  
paakaona Matambanepfumo akaona hupenyu  
hwake hwaparara.

Kupera kwe chitsauko 46

[05/31, 7:35 PM] +263 77 702 6923: \*ONSALE\*

\*LOST CHILD\*

\*STORY BY R.MAWANDE\*

\*MADUBE CHISHONGO\*

0777026923

\*CHITSAUKO 47\*

\*Kudunhu ra mambo Samaita\*

Ziso ra Mandinzwa raingove pana Tichaona,

Tichaona wacho ungati ainyumwa kuti ave pedyo ne vavengi vake,ainge ofamba akachenjerera, ainge apakatira uta ne museve wake kuitira kuti pakangoitika chimwe chinhu anobva akasira kuuregedzera.

Tichaona akakaruka asvika painge pakazara ropa pasi, paakada kusimudza musoro kuti atarise kunobva ropa riya akabva anzwa museve wakasvika uchipferenyura gumbo rake rerudyi, akabva a mhanya ndokuvanda ne muti ,akatanga kudongorera kwabva ne museve achibva aregedzera wake wakananga ikoko, asi se munhu airwisana ne munhu waasingaone hazvina kushanda.

Mandinzwa akasvotwa achiona kuti ainge atadza kunanga gumbo ra Tichaona, zvaakaona museve womudzokera abva anzvenga ne bazi re muti.

Mandinzwa akaona kuti akaita zvekutamba havabudirire akabva aburuka mumuti ndokutanga kuenda ne divi raive na Tichaona, pfungwa dzake dzakabva dzadzokera paakarowa musoro na Tichaona kusango re rima, hashu dzake dzakabva dzasimuka akabva anzwa kuda kutekeshura musoro wa Tichaona kutsiva zvainge akaitwa.

Mandinzwa akabva anonga dombo ndokuribata zvakasimba, ndokutanga kunyahwaira akananga kuna Tichaona.

Tichaona zvainge akavanda ne muti aida kunatso kuongorora paive ne muvengi wake, haana kunge aziva kuti muvengi arikufemera mugotsi make.

Tichaona paakanzwa kuti mushure make mune munhu paakada kutendeuka akabva agarirwa nebwe mu musoro ndiye pasi dhii ropa roita kutsatika.

"Mandinzwa waitei ndizvo zvatatenderana here?"  
Akabvunza Matambanepfumo.

"Aiwa tosvikepi tichitenderedzwa ne munhu umwe chete ngaaripe matadzo ake" akadaro Mandinzwa.

"Kumhanya handiko kusvika umwe wangu, asi ndinoona anomuka hauna kumurova parufiro"

akadaro Matambanepfumo.

"Ko Simbamukaka adii ?" Akabvunza Mandinzwa.

"Uyo gwara rani izvezvi arikunyika dzimu, hatina nguva hatibve panzvimbo, asi iwe tevera mushure mangu ufambe uchivhara ropa iri hatidi kuti vazoramba vachironda kusvika kumusasa tingawane mhuri dzedu pasisina" akadaro Matambanepfumo.

"Zvino Simbamukaka zvaakuziva haazosweri here afukura hapwa" akabvunza Mandinzwa.

"Hatichina nguva ,unoti tinosvikepi tichivanda ,nguva yedu yave pedyo yekuziikanwa saka chandakutyira i mhuri dzedu dzatichasiya tichienda kugomo" akadaro Matambanepfumo.



"Ini hangu moyo wangu hausi kugatsikana ndine chokwadi chekuti Simbamukaka kana Tichaona vachasara vachida kuongorora kuti musango umu munei nekuti chivindi chandaona pa meso a Tichaona chakaoma ,rwendo rwuno tabata panodzimba" akadar Mandinzwa.

"Zvino toita zvekudiniko, kuti uyende uri umwe chete hazviite nekuti gomo riya kumaziva ndadzoka unonopererako, kuti ndiende ini aiwa vadzimu havana kundisanangura kuti ndibate pfumo iri saka chandinenge ndafambira ndipo pasina"

"Aiwa kana zvakadaro ngatisiyane nazvo zvinotipei zvedu, seni zvangu munongwa ndonopinda mumapfupa evatorwa kuti ndaitei zvangu" akadar Mandinzwa.

"Hatidi kuronga zvinhu tichidzokera kumashure

Mandinzwa, unoda here kuramba uchigara musango se mhuka, unoda here kuswera uchivhimwa sekuti uri nyama, unoda kugara usingazive vedzinza rako here, unoda madzitateguru azorore rini iwe uri donhodzo ravo" akadaro Matambanepfumo.

"Mukuru wangu munenge mune chamoziwa pahupenyu hwangu asi mukundivanzira henyu" akadaro Mandinzwa.

"Kutaura idi handina chandoziwa asi kubva zvandasangana ne hope ndinonzwa kuti pane chikuru chichaitika musi watinobva kugomo , ndinonzwa kuti zvakavanzika zvichabuda pachena, patave pakuda kushinga, pakuda simba, pakuda hungwaru uye kubatana nekuti ndinoona hondo huru yamarudzi ichasimuka" akadaro Matambanepfumo aitura se munhu agarwa chaiko.

Varume ava vaikurukura vari munzira yekuenda kumusasa wavo, Mandinzwa aifamba achi tarisa kuti hapana here pasarira ropa, vakasvika kumuzinda ndokuwana mhuri yavo yamuka.

"Nhai vazukuru vangu kuona kwangu nyama iyi haisi ye mhuka ,hamuna kunoba chipfuyo chevanhu here nokuti Mandinzwa handina kumbokudzidzisa kuita ruoko" vakadaro mbuya Gora.

"Mbuya hatina kuba che munhu asi tanotora zvinova zvedu, vanhu vaye vakapamba mombe dzedu ndidzo dzatatevera" akadaro Matambanepfumo.

"Asi zve hamusi makutiisa parumana nzombe here moti mambo vanosvikepi vasina kuzvitsvaka" vakadaro mbuya Gora.

"Mbuya musatye makachengeteka" taona kuti

hamungasare musina chekudya pano." Akadaro Mandinzwa.

"Asi mafungepiko nhai muzukuru" vakabvunza mbuya Gora.

"Mumasango mbuya asi pasina mazuva maviri tinenge tadzoka" akadaro Matambanepfumo. Rwendo rwavo rwaifanira kuziikanwa naivo vari vaviri chete na Mandinzwa sekurairwa kwavakaitwa na Chinembiri.

"Asi hakitaurwe nhai Shewe" akabvunza mukadzi wa Matambanepfumo.

"Tirikuda kuenda kunovhima asi zvichatitorera mazuva maviri chaiwo" akadaro Mandinzwa. Mbuya Gora vakabva vanyarara vakaziva kuti dzaive nhema zvadzo asi se munhu mukuru vaiziva kuti kune dzimwe nzvimbo dzinoendwa usina kuoneka dzinoera, Mbuya Gora vainge

votyira havo muzukuru wavo asina chaanoziva.

Varume vakaswera vachivhiya mombe vakadzi vachishashika.

Zuva rakasara rogara miti nyama zhinji yatosvava sezvo paive ne moto muzhinji,usiku uhwu vakarara vakasvinura vachingoshandura yavo nyama yavo,zvekuti yavo yekuenda nayo yainge yaoma.

Varume vakarongedza zvinhu zvavo zvekuenda nazvo, mupakwa wavo, zvombo zvavo uye mvura yekufamba vachinwa munzira nekuti kwavaiienda kwaive ne rwizi rwaiyera rwaisamwiwa ne munhu wese wese.

---

Simbamukaka zvaakamuka kubva kumadziki dziki e hope, akashamisika achiona paaive akarara painge pakawaridzwa mashizha pakagadzirwa zvakanaka ,akatanga kufunga zvaiitika akapererwa, akatanga kutarisa mativi

ese achiti achaona Matambanepfumo asi akamushaya, akatarisa paainge akarara akaona kuti hachingave chipoko chasiya chamugadzirira kudai, pakarepo akabva afunga kuti ainge achitevera Tichaona.

Simbamukaka akabva atanga kufamba achitsvaka Tichaona, akashamisika achiona Tichaona arere mudziva reropa, haana kuda kutambisa nguva akabva apukuta Tichaona ropa riya achibva amutakura ndokuenda naye kumba kwake.

Murume akasvika anzwa mabayo ekutakura hofori ye rume ,asi aive ne mibvunzo yakawanda yaida mhinduro.

Chekutanga kubiwa kwe mombe ya Tichaona nekupisirwa imba, chepiri kusangana ne chipoko cha Matambanepfumo, chetatu kuwana Tichaona akarohwa mumusoro .

Simbamukaka akazama kuita tsvakurudzo panyaya iyi asi zvakaramba kubatana, asi aive ne chokwadi chekuti nyaponda Tichaona ndiye nyakumubira, asiko chipoko ichi chaakaona masikati machena zvisina kumbobvira zvaitika chibariro chake.

Simbamukaka akave ne chokwadi chekuti Matambanepfumo mupenyu chete, uye pese apa zvaimurambira kuti Matambanepfumo agofa achigochwa ichokwadi ichocho.

"Ndauya sei kuno ndakuvadzwa nani?" Akabvunza Tichaona achibva kumadzikidziki e hope.

"Ndawana wakafa mukati mesango dzisiri nharo dzako dai ndakuperekedza" akadaro Simbamukaka.

"Ndine chokwadi chekuti munhu arikuita izvi anofanira achigara musango chete, manje nhasi ndomutsvaka ndomuwana chete" akadaro Tichaona.

"Ronda riri musoro mako ranga richida kumbosvava richiri nyoro rikapinda mhupo rinokukanganisa" akadaro Simbamukaka.

"Ndingangozorora zva nhasi chete asi mangwana ndoswera ndabata mhandu yangu chete" akadaro Tichaona.

"Mangwana acho tinoenda tese ,tinofanira kubata nhubu iri kuita izvi ,munhu iyeye anokangwana kutonga kwa mambo Samaita, anokangamwa pfumo ra mambo" akadaro Simbamukaka.

"Ndinotenda nekuda kundibatsira kwauri kuita ndiri ndega handingazvigone" akadaro Tichaona .

Simbamukaka akageza ronda ra Tichaona ndokumunamira mushonga.

"Chiregai ndiende kumba ndinozorora musoro wangu uri kundibanda zvisingaiti" akadaro Tichaona achisimuka.



"Zvakanaka Tichaona toonana mangwana kana wamuka zvirinani " akadaro Simbamukaka achionekana na Tichaona.

Tichaona ainzwa musoro wake kurwadza zvinova zvakamupa hashu dzekuda kubata munhu aita izvi, akave ne chokwadi chekuti munhu uyu munhu umwe chete aimushugurudza zvino aida kuzvipedza zvese izvi.

Musi uyu haana kuda kunetswa chero kudya zvaitove zvemitsutsururu pfungwa dzake dzaive musango aive ne chokwadi kuti ndimo mune mhandu yake.

Kuchiedza Tichaona haana kuda kuteerera musoro wake kunyange zvawo wairwadza, akabva a muka ndokurongedza zvombo zvake, zuva rakasara robuda atove kwa Simbamukaka.

"Tichaona wamukira kuseni kudai wave sei

musoro" akabvunza Simbamukaka.

"Aiwa nhasi uri nane zvawo asi uchiri kurwadza" akadaro Tichaona.

"Ko wadii wambozorora tazozviona umwe musi, ne zvauro izvi ungakwanise kurwisana ne munhu" akabvunza Simbamukaka.

"Kufa kwe murume kubuda ura Simba, nguva haisi yedu nekuti mangwana handizive kuti muvengi anondirongerei" akadaro Tichaona.

"Aiwa kana uchinzwa uchikwanisa ngatiendei zvedu" akadaro Simbamukaka achitora zvombo zvake ndokubva vapinda musango. Varume vakakwanisa kusvika pakaroverwa Tichaona asi kuti vachiziva kuti vodii vakapererwa.

"Simbamukaka ini handichina ruzivo rwekuti

totsvaka mhandu yedu sei" akadaro Tichaona apererwa.

"Ndiwe wakati kufa kwe murume kubuda hura, chatichaita kufamba tichienda kumabuda zuva nedivi rekurwizi, tichidzoka, todzoka nekumbavirira nekudivi rekugomo " akadaro Simbamukaka achitanga kufamba pese paaifamba aitsvaka chingavaratidz pangadai pakafamba ne muvengi uyu.

Sezvineiwo pavakasvika panzira inoenda ku rwizi vakaona yakapfumba uye paine tsoka dzevanhu.

"Tichaona, Tichaona huya uone" akadaro Simbamukaka nekazeve zeve, Tichaona abva afamba achienda kwaive na Simbamukaka.

Tichaona akanyemwerera achiona izvi akabva aziva kuti ave pedyo ne muvengi wake, zvino vainge vofamba vakangwarira nekuti vaisaziva kuti mberi kwavo kwakadii.

Kupera kwe chitsauko 47

[05/31, 7:35 PM] +263 77 702 6923: \*ONSALE\*

\*LOST CHILD\*

\*STORY BY R.MAWANDE\*

\*MADUBE CHISHONGO\*

0777026923

\*CHITSAUKO 48\*

\*Kudunhu ra mambo Mapinga\*

Ticharwa zvaakarara kwa Mapinga ,pfungwa ne moyo zvaingove kudunhu ra mambo Samaita, ainzwa seari kunonokerwa kusvitsa shoko

raainge akatakura.

Aitoona kuparadzwa kwa Mandinzwa iye achisara ne mukadzi achiva wake.

Husiku uhwu Ticharwa akangoti achiisa matama pasi ne hope dzakati huya tiende.

Maneto ose akabva auya paari, makumbo akatanga kurwadza ,musana ne musoro zvikati zvodairana, hope dziya dzainge dzambotakura vatenzi dzakabva dzataramuka, murume ainge ongogomera ne marwadzo dzamara nyakumubatsira amuka nekushaiswa hope na Ticharwa.

"Kwakanaka here zvowongogomera se mukadzi akuda kubara mwana" akabvunza murume uya.

"Marwadzo, makumbo, musana ne musoro zviri kudzimba" akadaro Ticharwa achizama kushanduka.

"Ko zvaunenge watobatwa ne denda guru uri mumba mangu mambo Mapinga ndinovaudza ndichiti kana mweya wako ukaperera pano pamusha, ingozi chaiyo yaunenge watitsvakira" akadarwo murume uya.

"Kungorwadziwa zvangu asi nyama ne mweya zvichiri pamwe chete" akadarwo Ticharwa achisvishingisa

"Chandisingade kifizwa ne munhu mumusha mangu, uye inenge yave ngozi nekuti handizorori dzidza rako mangwana kuchiedza wopinda munzira wakananga kwako" akadarwo murume uya.

"Zvakanaka ndinotenda nekundigamuchira kwamaita chandinongokumbira kuratidzwa nzira inoenda kwa Samaita" akadarwo Ticharwa

"Wotomuka runyanhiriri hapana anofanira kuziva kuti ndachengeta mutorwa usiku hwese" akadaro murume uya achibva arara.

Ticharwa aizvishingisa asi marwadzo aimu shungurudza, nguva dzekuti hope dzainge dzamubata dzakunaka ndipo paakanzwa kumutswa dai. aive kumba kwavo akapopota kukanganiswa kwaakaitwa hope.

Ticharwa akamuka ndokuwana murume uya amugadzirira mupakwa achibva amupa ne dende re mvura, Ticharwa akabudiswa munzvimbo umu kusati kwachena kusina anoona ,murume uya akasiya aratidza Ticharwa nzira inoenda kwa mambo Samaita achibva adzokera zvake.

Ticharwa akatenda basa guru raakaita achibva apinda munzira achangoti fambe ndiye dhuma ne nhume dza mambo Samaita dzaiuyisa shoko rekuda kuroora kwa Tapiwa.

"Makadii henyu?" Akadaro Ticharwa achiratidza kutya kuti vanhu ava varikubvepi rungwanani rwakadai.

"Tiripo zvedu mafungepiko kuseneni kuno ne ka chando aka" yakabvunza imwe nhume.

"Ndine mutunhu murefu ndiri kuenda kwa mambo Samaita" akadaro Ticharwa.

"Ndiko kwatiri kubva asi muri nhume ya mambo Mapinga"

"Aiwa ndakabva kwa mambo Mutonodzazvinopisa ndichienda kwa mambo Samaita zvino kubudikira kuno kurasika" akadaro Ticharwa atona kuti hakuchina kuvanza chokwadi sezvo ainge oda rubatsiro.



"Yowee inga mafamba mutunhu murefu ,isu  
hedu tiri nhumwa dza mambo Samaita,  
tikangosvitsa shoko todzokera hedu kana  
uchinge wakasununguka tinogona  
kufambidzana"

"Ndinotenda zvikuru nekuti ndainge ndoty  
kurasika zvekare, kuti ndirege kusvika hazviite  
ndine shoko guru kwazvo"

"Aiwa zvakanaka saka ngatibatanei zvedu"

Ticharwa akabva adzokera kwa Mapinga ne  
nhume dza mambo Samaita, naiyewo ainge  
atozvikwanisira pa nhume idzodzo.

Mambo Mapinga zvavakasvika vachipirwa nhau  
yainge yafambira nhume idzi vakanzwa moyo  
kufara chaizvo, vaive ne mhandara dzavo shanu  
dzainge dzisati dzaroorwa.

Mambo Mapinga vakabva vatuma shoko rekuti kubva nhasi vanasikana vavo vashambidzwe nekupiwa mafuta anonakisa ganda.

Mambo Mapinga vakaraira kuti nhume idzi dzigadzirirwe chekudya sezvo vaininge vabva mitunhu murefu, zvese izvi hazvina kufadza Ticharwa nekuti ainonokerwa ne kusvika kwa mambo Samaita, asi se munhu aisatoziva nzira akabva ati shoyoyo achitsvira mukati, varume vakagadzirirwa chekudya ndokudya zvavo, vapedza vakabva vakumbira kunogeza ziya parwizi se vanhu vaida kudzinga maneto, varume vakaenda ndokunogeza vachipedza ndokutanga havo kushambira mumvura yitonhorera zvavo, ivo chinangwa chavo vaida kusimuka zuva rorereka kotonhorera sezvo yaive nguva ye chirimo kuchipisa, zvese izvi zvairwadza Ticharwa asi chekuita pange pasina.

Varume vakazooneka zuva rogara miti, zvichireva kuti kusvika kwa mambo Samaita vaizosvika mangwana usiku chaiwo.

Varume vakapinda munzira vonanga kwavo, moziva kana usingazive nzira uye usingazive kuti mutunhu wauri kufamba wakareba sei

zvinorwadza.

Ticharwa aifunga kuti vachakasira kusvika asi akaona kuti kwaive kuzvinyepera.

Vakarara vachifamba, ndokumuka, ndokuswera vachifamba ndokuzosvika kwa Samaita usiku uhwu.

---

\*Kudunhu ra mambo Samaita\*

Tapiwa zvaainge ane nguva asina kuona madzisahwira ake, akabva afunga rwendo rwekuno vaona.

Ainge afunga kunovapira shoko rake rekuda kuwana uye achitsvaka mazano nekuti pamusoro pezve rudo hapana chaaiziva.

Mukomana akamuka rungwanani vanhu vachirere ndokutora zvombo zvake opinda munzira.

Musi uyu aida zvake kuswera na Mandinzwa vachidzidziswa na Matambanepfumo sezvo vese vainge vari vatsa vetsambo.

Tapiwa aingofamba nzira yese achisekerera se mhunhu akutanga hupenyu hutsva.

Akazovhundutswa ne shiri dzakabhururuka mberi kwake kuratidza kuti pane chadzivhundutsa, Tapiwa akatanga kufamba achinyahwaira achida kuona kuti chii, akashamisika achiona Tichaona na Simbamukaka vatove pedyo ne kusvika kumusasa wana Mandinzwa, Tapiwa akave ne chokwadi chekuti Matambanepfumo na Mandinzwa havapo nekuti dai varume ava vaonekwa kare vasati vasvika kumusasa.

Tapiwa akashaya zano kuti odii ariega pavarume vaviri vanova mhare dzekurwa , asi akaona kuti kutanga Tichaona kwaive nani Simbamukaka haana zvaazoita paari.

Tapiwa akatora uta hwake ndokuisa museve

,akabva anangisa pagumbo ra Tichaona  
rekupferenyurwa na Mandinzwa  
ndokutepfenyura museve uchisvika uchiti zete  
pachidya chake.

Murume akabowa achiwira pasi, zvino  
Simbamukaka ainge onangisa miseve ne divi  
raive na Tapiwa, Tapiwa akaona kuti  
akasazviratidza aitiwa kanyama kanyama na  
Simbamukaka.

"Simbamukaka isa zvombo pasi ndini Tapiwa"  
akadaidzira atoona kuti zvaipa.

"Ndimi mambo wangu"akadaro Simbamukaka  
achiisa uta hwake pasi.

" Tapiwa une chokwadi ne zvawandiita, saka  
ndainyumwa pese apa kuti ndiwe mhandu yangu  
yandishungurudza" akadaro Tichaona.

"Tichaona ndiri kutozvifambirawo ini ndanga ndisina kutoona kuti ndimi" akadaro Tapiwa achiseka zvakashamisa Simbamukaka.

"Tichaona ziva kuti urikutaura na mambo vedunhu rino" akadaro Simbamukaka.

"Simbamukaka hauzive kutambudzwa kwandinoitwa ne murume uyu" akadaro Tichaona.

"Nhai Simbamukaka pane munhu angatambudzwe pasina mhosva here zvino nguva yako yekuchireurura matadzo ako yakwana" akadaro Tapiwa.

Tichaona achinzwa izvi akada kusimuka kuti atize achibva anzi ndare na Tapiwa achiwira pasi. Simbamukaka zvese izvi zvaimuvhiringa pfungwa.

Sezvineiwo vanhu ava zvavainge vari pedyo ne

musasa, mbuya Gora ne mukadzi wa Matambanepfumo vakashamiswa kuti chii, sezvo vana vainge vamukira kunotarisa mariva avo vakafunga kuti vari kurwa, vakabva vatanga kufamba vakananga ikoko vakakaruka vabudikira paive nana Tichaona.

Tichaona na Simbamukaka vachiona vanhu ava vakaita sevachatiza ,hana dzichiita kubika manhanga dai asiri Tapiwa akavadzikamisa aivabatira kumuzinda chaiko.

"Musatye henyu hazvisi zvipoko vanhu chaivo vapenyu, Simbamukaka bata nhubu iyi tiendese kumusasa" akadaro Tapiwa.

Simbamukaka se munhu anedzinodhonzwa aiita achibata nyaya zvishoma ne zvishoma, asi kunatso gutsikana kuti vanhu ava vapenyu kwaimunetsa.

Tichaona akatakurwa ndokuendwa naye kumusana achibva asungirirwa pamuti zvakasimba.

Simbamukaka akavhomora museve ndonama ronda riya ne mushonga ,zvino Tichaona ainge ochema ne marwadzo makumbo ese ainge

angove maronda ekubaiwa ne museve.

"Nhai mambo wangu mungandi tsanangurira kuti chii chiri kuitika nekuti ini sekuziva kwangu vanhu avo vakatsvira mumba" akadaro Simbamukaka.

"Hakuna murwi mukuru anofira kuhope, anofa azama ,Mandinzwa na Matambanepfumo vapenyu zvavo muchavaona" akadaro Tapiwa zvinova zvakaita va Tichaona vashame muromo se gatwa, zvino mudunhu makabva matanga kumonya sezvineiwo kumashure kwake kwakabva kwaregedza se munhu asorodza ndokuregedzera mudumbu nekuda kwe kuvhunduka ne kutya zvese.

"Ma ma matamba ,Mandi va va penyu asi asi kwaisave kuda kuda kwangu ndai da kutsiva zva nda kai twa na Matambanepfumo" akakakama Tichaona , chero Simbamukaka zvakamurovesa ne hana.



"Tichaona ndaizviziva kuti zuva iri richasvika chete usakanganwe mashoko angu andaigara ndichitaura nhasi gava radambura musungo."  
Akadaro Tapiwa

Mhuri ya Matambanepfumo na Mbuya Gora vakapunyaira ne shungu vachinzwa kuti Tichaona ndiye nyakuvashaisa mufaro vakanonga matombo vachida kumutaka asi vakamiswa na Tapiwa.

"Aiwa tichiripo rwendo rurefu iyi nhubu inofanira kunoreurura pachita che vanhu , imi zvamati Matambanepfumo na Mandinzwa vafamba rwendo ndichasiya Simbamukaka akarinda nhubu iyi kusvika vadzoka , kana vachinge vasvika Simbamukaka uchauya ne shoko kwandiri ndini ndichaunganidza vanhu nhubu iyi ipiwe mutongo wayo" akadaro Tapiwa

Tapiwa akatora Simbamukaka padivi ndokumupira nhau yese yaivepo, Simbamukaka

akave ne chokwadi chekuti chaakaona chaisave chipoko asi munhu mupenyu akazviseka nehugwara hwaakaita.

Zvimwe chetezvo na Tichaona akatanga kurangarira tsekwende dzaakasangana nadzo akave ne chokwadi chekuti Matambanepfumo na Mandinzwa ndivo vaimuonesha chitsvuku ,chakanyanya kumurwadza i mombe yake yaakatowana yakashashikwa apa.

Tichaona akademba chaainge aitira mabasa akaipa aifunga kuti ainge agona asi hapana ,ndiye aingove munhu wekuoneswa chitsvuku, makumbo ainge angove maronda, zvimwe chete ne mumusoro , zvino makumbo ne musoro zvainge zvodairana apa ainge akasungwa mbira dzakondo murume akavovora akadzikamiswa ne mbama na Tapiwa.

Tapiwa haana kuzogara panzvimbo akabva aoneka ndakudzokera kumuzinda akaenda mufaro wakazara pachiso chake nekubata kwaakaita Tichaona akasvika ne kumba kwa Simbamukaka nekwa Tichaona achivaudza kuti vasavatsvake ainge avatuma rwendo rurefu .

"Unechokwadi chekuti wanga uchida kundishandisa uchiziva hako mangava ako" akadaro Simbamukaka achiita kututuma ne hasha.

"Ndiregerere Simbamukaka tarisa ndiri mumarwadzo uye kureurura kwangu kuchabata chero mambo ve dunhu rino nekuti naivowo vakaisa ruoko pavanhu ava" akadaro Tichaona.

"Ko ini ndinokuregerera ndini wawakatadzira here uchamirira Matambanepfumo na Mandinzwa ndivo vachapedza nowe" akadaro Simbamukaka.

"Ndozviziva asi varume vaye ndinovaziva vane moyo mukukutu ndinoswera musoro wangu waturikwa pa danda" akadaro Tichaona achinzwisa tsitsi.

"Hwako upenyu ndiwo waunokoshesa ko upenyu hwe mhuri mbiri idzi dzawaida kupfuudza nhai Tichaona, uye nhau yako na mambo handiipinde mese mune moyo mukukutu hamukodzeri kuve munzvimbo inogara vanhu kutotungamirirwa na Tapiwa kuri nane"akadaro Simbamukaka.

"Heya asi ziva kuti mangwana uchadembamba zuva rinonzi nhasi ndoziva mambo havangaregi ndichitambudzwa kudai vanenge vasati vazviziva havo teerera mashoko a Tapiwa asati ave mambo" akadaro Tichaona achizama kutyisa Simbamukaka asi ainge asangana ne ngongongo.

Simbamukaka haana kuda kutevedzera kutaura kwa Tichaona akasara akarinda Tichaona akamirira kudzoka kwa na Matambanepfumo.

Kupera kwe chitsauko 48

[05/31, 7:35 PM] +263 77 702 6923: \*ONSALE\*

\*LOST CHILD\*

\*STORY BY R.MAWANDE\*

\*MADUBE CHISHONGO\*

0777026923

\*CHITSAUKO 49\*

\*Kudunhu ra mambo Samaita\*

Yaive mhezi yavavira mumoyo isina  
makwenyero.

Mambo Samaita vainge vari munyika yavo vega,  
moyo wavo waivaudza kuti chavakadya chainge

chopfuka.

Zvichiwerwa ne hope dzainge dzarotwa na mai Tapiwa, chainetsa mambo Samaita ndechekuti vainge vakavhara mwezha wese wavakafamba nawo saka chaivai vhunduka vaichishaya asi vainzwa kuti kune chikuru chinoda kuitika ,kuti vadane Chinembiri zvaisaita nekuti ainge amirira kuuya kwake kumabiko muzuva ramangwana.

Hwahwa hwakabikwa, vakaisa mbiriso yakawanda kuitira kuti hukasire kuvira zvekuti zuva re musi uyu zuva rakasara rogara miti hwakututuma hwahwa kuratidza kuti wainge hwaibva hwamirira kumwiwa.

Mombe musi uyu dza

akavata dzabaiwa, mbudzi ,hwayi ne huku zvakarara zvabaiwa ,vane makaro vakarara vatove mumuzinda vainge vimirira zuva ramangwana. Kwaingove kufara nekugadzirira mabiko asi hapana aive ne chokwadi chekuti aive mabiko eyi.

Mambo Samaita vaingoita havo sekurairwa kwavakaitwa na Chinembiri asi moyo wavo wainge usina kufara uye kugadzikana.

Nhume dza mambo Samaita na Ticharwa vakasvika mumuzinda husiku chaiwo vakawana mambo vazorora zvavo ,vakawana mumuzinda musingadanwe anonzwa zvekuti vakambofunga kuti asi mabiko acho atanga husiku huno. Zvese izvi zvaingoitwa asi zvainyangadza mambo sezvo vaive ne dzavo dzaivashungurudza musi uyu asi kuti vadzivise vanhu zvaisaita nekuti ndiwo waive muitiro wavo wekuti kana paine chiitiko chikuru chinoda kuitwa mumuzinda vanhu vairarirako.

Nhume dza mambo zvadzakasvika dzakatuma Gurajena jinda ra mambo Samaita kuti risvitse shoko rekuti vauya ne nhumwa yakabva kwa Mutonhodza ine shoko guru raanoda kusvitsa.

"Gurajena rega ndizorore svitsa shoko rekuti ndinozomuona mangwana kwakachena mupei pe kuzorora" vakadaro mambo.

"Zvakanaka mambo wangu ndichasvitsa shoko sezvariri" akadaro Gurajena.

"Nhai mambo wangu ko kana riri shoko rakakosha rinofanira kurara rasvika munzeve dzenyu" vakadaro vahosi.

"Mai Manyara imbondirega ndine zvakawanda zvirikundinetsa handidi kuwedzerwa mutoro" vakadaro mambo.

"Nhasi zvadii mambo wangu maremerwa ne mutoro here zvakukukundai here?"



"Handidi kutongeswa zvisina basa kana uchida kuziva nhau yacho buda unozvinzwira"

"Ruregerero mambo wangu ndangoti kuda zvinenge zvakakosha"

"Kutofamba ne husiku ndizvo zvinoreva kuti zvakakosha nhume haingatumwe kubva kwa Mutonodza uko pasina chakakosha"

"Chete ndiko kune hama dzangu zvikada pamwe pane chikuru chaitika zvavatuma munhu ,moyo wangu hausisina kugadzikana"

"Chero ndikazviziva ndinoitei pakati pe husiku hwuno rega ndirare tozviona mangwana" vakadaro mambo vachibva vatarisa divi ndokurara.

Ticharwa zvakasvika mudunhu ra mambo Samaita akanzwa kufara kuti zvaaida zvekuita. Asi chakamurwadza kurara asina kusvitsa shoko kuna mambo Samaita ,asi akangozozvishingisa achiti kumhanya handiko kusvika chikuru asvika panzvimbo.

Hapana zuva risingasvike zuva guru rainge rakamirirwa ne vakawanda zvino rainge rasvika. Mudunhu hapana akasara vazhinji vaifambira kunodya zvakawanda vainge vasinei nazvo, chembere, harahwa, mhandara,ne pwere hapana akasara zvino muzinda wainge wazara hakwaidanwa anonzwa.

Mambo musi uyu vakamuka ndokugeza vachibva vazvishongedza sezvo raive zuva guru. Mambo vakati vapedza vakabva varaire kuti vasangane na Ticharwa vanzwe shoko raakabva naro sezvineiwo vakabva vakakanganiswa ne kunzwa kwavakaita hosho dzichiridzwa Chinembiri achipinda pasuwo re muzinda. Mambo vakabva varaira kuti Ticharwa

vachazotaura naye kana vapedza na Chinembiri.

---

\*Kudunhu ra mambo Nyati\*

Mambo Nyati zvavakapedza zvekugamuchira mwenga mumusha mavo vakabva vaunganidza hama dzevakarasikirwa ne hama dzavo muhondo yapfuura.

"Ndine hurombo ne kurasikirwa kwamakaitwa ne hama dzenyu , uye takazokwanisa kutakura dota rehama dzenyu sezvo takawanawo rave dota, saka tichakwanisa kuvachengeta panzvimbo

imwe chete, vese vakarasikirwa ne hama dzavo ndinoti kana tapedza kuchengeta hama dzedu mhuri imwe ne imwe ichawana mombe nhatu mugowana chinokuraramisai" vakadaro mambo Nyati asi vanhu vainge vasina mufaro zvachose. Vanhu vedunhu iri vakabva vavenga Manyara sezvo yaive honzeri yekufa kwe hama dzavo chezivo kuti iye arikufira ye munin'ina wake. Mambo Nyati vakaona kuti vanhu havana kufara vakabva vatsinira mashoko.

"Kana munhu apikira kuve murwi anorwa kusvika abudisa mweya wake wekupedzisira, hazvinei nekuti chinangwa chaarwira chakakosha sei asi anofanira kuzadzisa zvaanenge akapikira" vakadaro mambo vanhu vachibva vangobvumira havo sezvo vainge vasina chekuita.

Mambo Nyati vakachengeta varwi vavo kunyange rainge rave dota, vakabva vasundirwa mweya yavo kuti akaisa ruoko apa zvimudzokere.

Vapedza vanhu vakaparara zvavo umwe ne umwe achigoverwa dzake mombe.

Mambo Nyati zvavakabva kunochengeta varwi vavo vakabva vadzokera kumuzinda ndokuwana Manyara akagara zvake akabata shaya.

"Kwakanaka here nhai mai Nyati zvamaratidza kusuwa kudai" vakabvunza mambo.

"Mambo wangu moyo wangu hauna kugadzikana moti vanhu vangafare here vachiziva kuti kuuya kwangu ndiko kwakonzera kuti hama dzavo dziparare" akadaro Manyara.

"Zvisinei newe mukadzi wangu siyana nazvo ,ndini mambo mudunhu rino hapana anonditonga kana pane akushungurudza unosvitsa shoko hapana asingazive mutongo wangu" vakadaro mambo.

"Zvakanaka mambo wangu chete kuti moyo unenge usina kugadzikana"akadaro Manyara achiyemera dhara rake.

" Sunungukai mai Nyati musatye ndimo mumusha menyu muno chamunoda kwandiri tumai shoko musatye " vakadaro mambo.

"Zvakanaka mambo wangu"akadaro Manyara.

Manyara ainge akapiwa Yeukai na Netsai vasikana vaimuchengetedza uye kumuitira chese chaanoda, chavasina kuziva kuti Yeukai aive mukwapa manzwi se basa raakapiwa na vahosi.

Hongu va hosi vaine vakaroorerwa vakadzi vaviri mushure mavo asi hazvina kunyanya kuvarwadza sezvavainge vaita pana Manyara.

Vaine vapikira kuti vachamushungurudza

kusvika zvanaka, asi shoko rakauya na Yeukai rakavapedza simba ,mambo Nyati vaidamanyara zvisina makare akamboona vainge vavhiringwa pfungwa na Manyara ,ainge achiri kutemwa dzinobuda ropa, uye madzitete vainge vakaraira zvakakwana pa mwana we hanzvadzi yavo.

Nhamo yainge iri kuna mbuya Chari, vainge voshungurudzika kuti zvavainge varonga zvainge zvabudirira here sezvo vainge vanonoka kuita chikararanga chavo,pavakagadzira chipfeko chiya Manyara ainge ave ne mazuva maviri agara na mambo.

Zvino mbuya Chari vainge vongogaro rohwa ne hana vaingodemba kuti dai zvaita nekuti vaiziva kuti mambokadzi vaizogona kuvadzingisa mudunhu kana zvikasabudirira.

---

\*Kudunhu ra mambo Mutonodza\*

Zvikoni kwaingove kugara asi pfungwa ne moyo zvaive kuna Mandinzwa.

Aiona zvichimutorera nguva kuti vagare pamwe chete, aiona kunge Mandinzwa achakona kudzoka kuzomutora, nguva zhinji aingofunga murume wake zvekuti mbuya Mutonodza vakazama kumuonesha asi vaiita se vaitaura zvinhu zvisingaiti.

Chero muviri wa Zvikoni wainge waderera ,kudya chaiko kwainge kwakumunetsa nekuda kwe pfungwa.

"Zvauchasara musoro chete nekuda kwe pfungwa wati murume wako angarega kudzoka here" vakabvunza mbuya.

"Mbuya ini hangu moyo wangu hausisina kugadzikana ini kugara hako kuno kushinga chaiko" akadaro Zvikoni.



"Saka wanga wafungei nhai muzukuru wangu nekuti ndatoona kuti ndiri kurwa ne chinokurira" vakadaro mbuya.

"Mbuya ini hangu moyo wangu unoda kugara pedyo ne murume wangu, zvirinane tigare musango tiri pamwe chete kana tichiona nhamo toionera pamwe chete" akadaro Zvikoni.

"Ndinenge ndakitoputsa chitsidzo changu na Mandinzwa ainge asiya akumbira kuti ndikuchengete kusvika adzoka" vakadaro mbuya Mutonodza.

"Mbuya ndosvikepi ndakaitwa gara ndichauya ndoziva kuti achadzoka rini imi ndimi mungatopiwa basa chairo mbuya regai ndiende kumurume wangu" akadaro Zvikoni achichema.

"Zvino ndikati udzokere unononangepi ,kusvika kwako kumuzinda inyaya hombe nekuti mambo vainge varaira kuti vachatuma munhu kuzokutora" vakadaro mbuya.

"Mbuya ndave munhu mukuru musandityire ndichanoona ndasvika" akadaro Zvikoni.

"Heya rega ndinzwe kuti sekuru vako vanotichii" vakadaro mbuya ndokusimuka kunopira murume wavo nhau yanga iripo,Sekuru Mutonodza vakamboramba asi vakaona kuti mwanasikana ainge ashinga.

Sekuru Mutonodza vakabva vasvitsa shoko ku mwana wavo ainge ave mambo achibva apa Zvikoni jinda raimuperekedza ,jinda iri rakakohomedzwa kuti risiye Zvikoni ave mumaoko a Mandinzwa.

Kupera kwe chitsauko 49

[05/31, 7:35 PM] +263 77 702 6923: \*ONSALE\*

\*LOST CHILD\*

\*STORY BY R.MAWANDE\*

\*MADUBE CHISHONGO\*

0777026923

\*CHITSAUKO 50\*

\*Final chapter season 1\*

Matambanepfumo na Mandinzwa vakamuka  
rungwanani vachigadzirira rwendo rwavo nguva  
iyoyo mbuya Gora vakabva vamuka.

"Vazukuru vangu chikaranga ndinochiziva uye kuchena musoro kudai kwa ndabva kure, ndinoziva kuti kwamuri kuenda hakuna kumira mushe asi musati mabuda ndinoda kukukumikidzai kuvadzimu vangu, vafambe nemi vakuchengetei ,vakurwirei kubva kuzvipuka zvepasi rino" vakadaro mbuya Gora vachibudisa bute ravo.

"Ndizvo mbuya tifambe takachengetedzwa nekuti kwatiri kuenda kumaziva ndadzoka" akadaro Matambanepfumo.

"Matambanepfumo ndinovimba nowe, uchengetedze muzukuru wangu ndipo pega pane ziso rangu ,upenyu hwangu huri mumaoko ake ndosaka ndichiramba ndichiwedzerwa mazuva ekurarama" vakadaro mbuya Gora.

"Mbuya musandityire munoona sekuti ndichiri mwana mudiki here ndatove baba vakuru

vatomirira kubata chavo chipo mumaoko angu, uye ndini ndingatochengeta Matambanepfumo uyu pane kuti iye andichengete" akadaro Mandinzwa achifara hake.

"Mbuya ndichazama nepese pandinogona napo kuti tese tidzoke tiri vapenyu, musare zvakanaka ne mhuri iyi mbuya, musatendere vana vafambe kure nemi nekuti sango iri ndere munhu wese tinowana mabatwa" akadaro Matambanepfumo.

"Aiwa ndichaita sekudaro" vakadaro mbuya Gora vachibva vaonekana ne vazukuru vavo.

Mandinzwa na Matambanepfumo vakapinda munzira vakananga ku Gomo re Mapako, paive ne mufambo murefu chaiwo asi mafambiro e vanhu ava vaivavarira kusvika zuva risati ranyura, chinangwa chavo chaive chekuda kupinda mu bako zuva iri uye zuva risati ranyura.

"Ini hangu hana yangu iri kurova zvimwe zvese ndingaita asi izvi zvanditambudza" akadarro Mandinzwa achiratidza kutya.

"Mandinzwa hapana chinhu chinouya nyore umwe wangu unototi ubude,ziya dikita ne ropa, chinouya nyore chinenge chisiri chako" akadarro Matambanepfumo.

"Iniwo changu chandiri kufira handichioni mukati Chinembiri haasi kuda kundishandisa iyeyu kuti awane zvaanoda" akadarro Mandinzwa.

"Chinembiri nesu tiri vanhu vakasiyana, kushora Chinembiri washora mudzimu uri paari, hapana chaangaite chisina chinangwa mupenyu hwemunhu ,ukateedzera shoko rake ne kufamba mumatsimba ake unobatsirika uye zvakavanzika zvako zvinobuda pachena" akadarro Matambanepfumo.

"Ini ndinozvira mbamba ini ndave ne makore mangani ekubarwa asi nanhasi ndiri kungodzungaira se zieretsi ndisingazive we dzinza rangu"

"Chimwe ne chimwe chinoshanda ne nguva yacho Mandinzwa, uye ukaziva kuti kumhanya hakuusiko kusvika unobatsirika"

"Bva kumirira nguva yacho inosvika ndachembera"

"Mandinzwa dambudziko riripauri unoda kuona zvipedyo newe ,ukazama kuona zviri mberi kwako unokwanisa kubatsirika" akadaro Matambanepfumo.

"Ndichamirira handineti"

"Mandinzwa hupenyu chaiwo hausati wauona

uku kutanga, ini kana ari sa Chinembiri ndinomukudza nekuti mudzimu uri paari mukuru, kwaakabva neni murume uya kure chaiko, pamwe ndingadai ndakaita sewe , imbizvitarisa kuti kuuya kuzogara musango huda here, kushaya hama ingandichengeta here ne mhuri yangu, zvatakagara wakambobvunzawo zve dzinza rangu here, wakambonzwa ndichitaura nezveve hukama hwangu here, kunyarara hazvirevi kuti handina asi pane zvakawanda zvinenge zvichiitika, hakusi kuda kwangu kunozvipereka mu muromo me shumba kudai ndichisiya mhuri yangu, asi chiri mberi ndicho chandinokoshesa kudarika chiripedyo neni sezvaunoita, upenyu i nhava ye benzi inotakura zvese" akadaro Matambanepfumo.

"Hupenyu hwakaoma kana tigere tinenge tichingoti zvakaomera isu vana Mandinzwa chete"

"Ndizvo zvandinoreva kuti hakuna chinouya nyore, hakuna ane hupenyu huri mutserendende



tese tinobva kure zvekuti ramangwana tinokurukura"

"Ndinotenda ne mashoko enyu, andipa simba ne dzidziso nguva yekuswera kuchema ne kudemba yapfuura ,kubva nhasi ndakuda kuzvimiririra, ndakuda kuziva chinangwa chekuraramira, handichinei nekutsvaka zvakawanda chakakosha kurarama ini ne mhuri yangu, uye kugadzira ramangwana rangu ne mhuri yangu" akadaro Mandinzwa.

"Ndizvo chaizvo asi gara wazviudza kuti une basa guru rakakumirira" akadaro Matambanepfumo .

Varume vakabva vashandura nyaya pavakaona mhanza ye gomo Zimhanza riripedyo ne gomo Mapako robudisa mhanza yaro vabva vaziva kuti vavepedyo.

Chero hazvo Mandinzwa ainge apiwa mashoko e simbiso asi hana yake yakawedzera kurova paakaona kuti vave pedyo zvinova zvakaonekwa na Matambanepfumo.

"Mandinzwa ngatimbogara tichidya mupakwa uyu, tarira kubva chifumiro tanga tichingofamba chete izvezvi zuva rorova nhongonya tisina chataisa mu muromo" akadararo Matambanepfumo achitsvaka pekugara.

"Chokwadi magona ndizvo ndichidzikamisa hana ,kuenda kusango rerima hakuna kundityisa pane zvandaita zuva ranhasi" akadararo Mandinzwa.

"Ndizvo zvinoratidza kuti chikamu chawave kuda kutanga chakakosha, asi ndine kurudziro yekuti usavimbe ne munhu kubva nhasi, kunyange ini ndigere pano nekuti munhu anoshanduka" akadararo Matambanepfumo.

"Mukadararo makundityisa manje"

"Ndiyo nguva yandatowana zvimwe ukasaterera

zvave kwauri munhu haarairwe kaviri" akadaro Matambanepfumo achibva azendama akamirira Mandinzwa kuti apedze kudya vasimudzire rwendo rwavo.

Mandinzwa achipedza kudya vakabva vapinda munzira ,vaiita kukanda tsoka kuitira kuti vakasire kusvika ,chavaisada kumirira zuva ramangwana kukwira gomo iri, vaida kurara vakwira voita zvikaranga zvacho vorara havo vachifamba kudzokera kwavo, vaida kusvika kuseni vanhu vachirere.

"Mandinzwa takusvika manje, uri kuona mupata uyo ndipo patichanopinda napo tobudikira mugomo re Mapako, usakanganwe zvawakarairwa ne Chinembiri zvese nekudetemba kwawakarairwa, usaposhana kana chimwe nekuti tinotsakatikiramo ,uye chekupedzisira pfumo rinobatwa ne ruoko rwekurudyi uye kana toburuka hatifanire kucheuka" akadaro Matambanepfumo kwanzi kuudza mwana hupedzisira, Matambanepfumo akanatso kohomedza Mandinzwa kuti aite zvinhu ne mazvo asaterera kurova kwe hana

yake.

Mandinzwa nekuziva zvaakarairwa na Chinembiri haana kuda kuzotaurisa zvekare uye chero kurasa mu muromo nekuti waigona kubatwa nechadzimira worara uchingombeya panzvimbo imwechete kana kusariramo mugomo.

Varume vakati vasvika mujinga megomo, vakabva vatora bute ndokumwaya pasi ndokuchonjomara.

"Tisvikewo varidzi ve nzvimbo, takutsikaiwo isu vana venyu,aiwa chititendererai tipinde munzvimbo yenyu titsvake zvatinoda sekurairwa kwedu, aiwa musatityise nekuti tinoziva kuti munotyisa,titungamirirei kusvika tawana icho chatafambira" akadaro Mandinzwa achiita sekurairwa kwake, uyuwo Matambanepfumo aingotevera mushure ma Mandinzwa.

Varume vakabva vasimuka ndokutanga

kuteedza mupata waikwidza, vachipedza mupata vakaona kanenge kanzira kaikwidza gomo ndokutanga kukatevera.

Gomo iri regai richinzi mapako, rainge rizere mapako ,waiti ukacheuka waisangana ne bako rimwe risina kuvharwa zvekuti waiona mabhonzvo evanhu.

Varume havana kukanuka zvavaiona vaisiya zvakadaro vopfuurira mberi ne rwendo rwavo.

Kushinyira kwe nyoka iya inonzi Nyamafungu vaikunzwa zvese nekunhuwa kwayo yaaita se iri pedyo navo, kuchema kwe makava kwainzwa asi zuva rainge risati ranyura, kana dziri serovambira dzaita chitambiro mumiti yaive pamusoro pavo asi vaingoita sevasingazvioni.

Mandinzwa na Matambanepfumo vakatanga kunzwa kuchema kwe mukadzi ne mwana mucheche, Mandinzwa akada kutsvaka kuti inzwi rabvepi asi akakurumidza kufunga kurairwa kwavakaitwa.

Varume vakafamba kusvika vaona kuti vasvika pamusoro chaipo pe gomo,vakabva vatarisana ne zibako ziguru rainge rine zidombo rainge

rakavhara vakabva vaziva kuti vasvika.

Mandinzwa akatora bute riya zvekare ndokuchonjomara pasuwo re bako iri vachirova gusvi kusvika vanzwa kuti zvaita vachibva vasimuka ndokusundidzira dombo raive pabako iri padivi ndokupinda mukati.

Mukati macho maiita sekuti varikudzika pasi, paive ne matombo ainge akarongerwa ndiwo avaitsika .

Sezvo maive murima vaisanatso kuona mafambiro kusvika maziso avo adavirana ne rima ndipo pavakachitanga kuona.

Vadzika kusvika panoperera bako,vakaona mapfupa evanhu vaiita sevakagariswa pazvituro, pane aive pakati ndipo pavakaona chinhu chaipenya, vakafamba vachisvika po ndokuona pfumo rainge rakabatwa muruko asi dambudziko mberi kwe mapfupa aya kwainge kune shato yakazvimoneredza iri pasi.

"Vari nyika dzimu ndakutsikaiwo, ndauya kuzozadzisa chivimbiso chenyu sekureva kwenyu, chisunungurai moyo wenyu, ndauya ini Hohodza dohodzo renyu wamakapikira,

ndabvuma kuve mudziyo wenyu chishandisai se  
zvamunoda asi mondiratidza gwara  
rekufambanaro, ndiri pwere isati yave ne mano  
ndinokumbira kutungamirwa nemi ,chiitai  
sekuda kwenyu" akadaro Mandinzwa sekurairwa  
kwake achibva aisa bute pasi.

Pakarepo mubako umu makatanga  
kudengenyeka, makatanga kunzwika kushinyira  
kwe mvura, makatanga kunzwika kudzova kwe  
Shumba pakarepo shato iya ndokutanga  
kufamba ichibva payaiveri, pfumo raive mu  
ruoko rwe mapfupa aya rakabva radonha pasi,  
Mandinzwa haana kutambisa nguva akabva  
anonga pfumo riya ne ruoko rwe rudyi achibva  
arisimudza mudenga, akatanga kunzwa simba  
richipinda maari, akatanga kunzwa chivindi  
chaasina kuziva chabva nepi.

"Musatye ,musanyunyute ndinozvipedza ini  
kubva nhasi zita rangu ndinonzi HOHODZA"  
akadaro Mandinzwa mashoko aya hameno  
akabuda sei mumuromo make.

Varume ava vakabva vatanga kufamba vachibuda mubako ndokusiya vavhara, vachipedza kuvhara vakatanga kunzwa kudzvova kwe shumba mushure mavo, vakatanga kunzwa sekuti mvura irikuerera zvine simba ichiuya nekudivi ra vaive,zvino hana ya Mandinzwa yainge yotamba mbakumba, ainzwa sekuti shumba iri kumufemera mugotsi make, ainzwa sekuti akuzokukurwa ne mvura zhinji, asi hapana akada kucheuka vakaona zvirinane kudyiwa ne shumba pane kuputsa mhiko dzavo.

Varume vakati vaburuka ndokutora gomo ndokutura befu, shumba iya ne kushinyira kwe mvura kwakabva kwamira. Matambanepfumo akafadzwa ne hushingi hwa Mandinzwa.

Vachitanga kuteedza mupata uya ,Mandinzwa akanzwa kufemerwa mugotsi sezvo vainge vaburuka gomo kucheuka kwainge kuisina basa, paakacheuka akasangana ne mbada ichibva yamumaranzura musana nemazinzara ayo zvinova zvakapa Mandinzwa hashu, akabva atendeuka ndokutarisana ne mbada iya.

Mbada yakabva yamukwakukira ichimaranzura zvekare ruoko ndokutanga kubuda ropa, Mandinzwa pfumo rake raive mu ruoko, akabva arova mbada iya ne kumashure kwe pfumo



achinoti kwakadaro, payasimuka yakasvika ichisangana ne pfumo ra Mandinzwa ichibaiwa pedyo ne nzeve, zvese zvikaita gumi rakadya vaviri, zvino zvainge zvoti mbada pamusoro Mandinzwa pazazi, pidigu Mandinzwa pamusoro mbada pazazi, Mandinzwa paakawana mukana wekuenda pamusoro pe mbada akabva atora pfumo rake ndokubaya mbada iya nechepadumbu ndiye pfau pfau zii yakadaro.

Nguva yesei Matambanepfumo ainge akayeva hake aiziva kuti raive basa ra Mandinzwa iroro chake kwaingove kumuperekedza.

Mandinzwa akasenga mbada iya ndokuburuka mupata achibva a vhiya ndokubvisa dehwe achibva aenda naro, ainge afunga kugadzirira mukadzi wake chishongo cheganda re mbada.

Varume havana kuzotambisa nguva zvakwainge kwasviba vakabva vapinda munzira vakananga kwavo, kwakasara kochena vasvika.

Vachisvika vakashamiswa vachiona mhandu yavo irimumusungo ndipo pavakaona Simbamukaka ndokuvarondedzera nhai yese zvino Tichaona ainge asiti shoyoyo.

"Tichaona chisi hachieri musii wacharimwa nhasi gava radambura musungo, nhasi wave nyama yemagora.

Waiti wagona kupfuudza mweya isina mhaka manje ndiwe wave mugango rako manje" akadaro Mandinzwa ,chiso chake kubva paakaburuka gomo chainge chashanduka, chakapa Tichaona kuti amutye, iye ainge asisiri Mandinzwa wekare chero mbuya vake vakatanga kumutya nekumupa rukudzo.

"Varume hatina nguva sekurairwa kwedu na Chinembiri tinofanira kusvika mumuzinda kuseni kuno asi nhubu yedu tichaenda nayo hapana arikusara nhasi chokwadi chinofanira kubuda pachena ndinovimba kuti Chinembiri akatotimirira kutaura kudai" akadaro Matambanepfumo vanhu ndokutanga kurongedza ndokupinda munzira vakananga kumuzinda, vakusvika pasuwo re muzinda vakashamiswa vachiona Zvikoni achisvika ne jinda ra mambo Mutonodza vachisangana pasuwo.

Zvikoni achiona Mandinzwa akabva amhanya achinowira mumapapiro ake ,vaviri vakazadzwa ne mufaro.

Matambanepfumo akashamisika kuti zvainge zvafamba sei kuti vanhu ava vasangane ne nguva yakafanira ,ndipo paakaona kuti vadzimu vanavo.

Vanhu ava vakatanga kufamba vachipinda mumuzinda, Mandinzwa akapakatira pfumo rake,Chinembiri akabva anyararidza vanhu ,maziso avo vese ndokuti abva aenda kusuwo remumuzinda kana vari sa mambo maziso avo ainge asiwetswa enyimo iri mugango, muromo wake wasishamiswa zvekuti nhunzi dzinozara, mambo Samaita vachiona izvi vakabva va....."

Kupera kwe chitsauko 50: season One.

\*Ndinokutendai vadikanwi nekunditsigira pabook redu Lost child\*

\*Tave kupinda mu season two inemusoro wekuti HOHODZA\*

\*Ichange ichitakura zvakawanda Zvino wanga musi ra\*

\*1 Kuziva kwa Hohodza dzinza rake\*

\*2 mambo Samaita vachadii zvavaziva kuti mhuri idzi vapenyu?\*

\*3 Ko zvakavanzika zvavo zvichabuda here?\*

\*Tapiwa acharamba achiwirirana na Hohodza here?\*

\*Tichaona achapiwa mutongo upi?\*

\*Pfumo ra Hohodza rinebasa rei?\*

\*Simbamukaka, Tarunzwa, Matambanepfumo na Tapiwa vacharamba vari kudivi ra Hohodza here?\*

\*Manyara achadii kwa mambo Nyati?\*

\*Vachabudirira here kuwana mwana mukoma na?\*

\*Kwa Mutonodza kuchadii Samaita zvaachaziva chokwadi?\*

\*Ko Mbuya Mutonodza chii cha anoziva pamusoro pe chuma cha Zvikoni?\*

\*Zvakawanda zvatichada kuziva mu season two, ngatibatei pamwe chete ndinovimba tese tichapinda mu season two tichidakadzana zvedu\*

\*Ndinovimba kuti vana likison muchandinzwirawo nekusabudisa book\*

**\*MADUBE CHISHONGO LOVE YOU All\***

**PDF CREATED BY LORITY ARTS 0712487424**